

॥ नमो तस्स भगवतो अरहतो सम्मासम्बुद्धस्स ॥

## दीघनिकाये

### महावग्गटीका

#### १. महापदानसुत्तवण्णना

##### पुब्बेनिवासपटिसंयुत्तकथावण्णना

१. यथाजातानं करेरिरुक्खानं घनपत्तसाखाविटपेहि मण्डपसङ्खेपेहि सञ्चन्तो पदेसो “करेरिमण्डपो”ति अधिप्पेतो । द्वारेति द्वारसमीपे । द्वारे ठितरुक्खवसेन अञ्जत्थापि समञ्जा अत्थीति दस्सेतुं “यथा”तिआदि वुत्तं । कथं पन भगवा महागन्धकुटियं अवसित्वा तदा करेरिकुटिकायं विहासीति? सापि बुद्धस्स भगवतो वसनगन्धकुटि एवाति दस्सेन्तो “अन्तोजेतवने”तिआदिमाह । सलळागारन्ति देवदारुरुक्खेहि कतगेहं । पकतिभत्तस्स पच्छतोति भिक्खूनां पाकतिकभत्तकालतो पच्छा, ठितमज्झन्धिकतो उपरीति अत्थो । पिण्डपाततो पटिक्कन्तानन्ति पिण्डपातभोजनतो अपेतानं । तेनाह “भत्तकिच्च”न्तिआदि ।

मण्डलसण्ठाना माळसङ्खेपेन कता निसीदनसाला “मण्डलमाळ”न्ति अधिप्पेताति आह “निसीदनसालाया”ति । पुब्बेनिवासपटिसंयुत्ताति एत्थ पुब्ब-सद्धो अतीतविसयो, निवास-सद्धो कम्मसाधनो, खन्धविनिमुत्तो च निवसितधम्मो नत्थि, खन्धा च सन्तानवसेनेव पवत्तन्तीति आह “पुब्बेनिवुत्थक्खन्धसन्तानसङ्घातेन पुब्बेनिवासेना”ति । योजेत्वाति विसयभावेन योजेत्वा । पवत्तिताति कथिता । धम्मूपसंहितत्ता धम्मतो अनपेताति धम्मी । तेनाह “धम्मसंयुत्ता”ति ।

उदपादीति पदुद्धारो, तस्स उप्पन्ना जाताति इमिना सम्बन्धो । तं पनस्सा उप्पन्नाकारं पाळियं सङ्खेपतोव दस्सितं, वित्थारतो दस्सेतुं “अहो अच्छरिय”न्तिआदि आरब्धं । तत्थ के अनुस्सरन्ति, के नानुस्सरन्तीति पदद्वये पठमंयेव सप्पपञ्चनं, न इतरन्ति तदेव पुग्गलभेदतो, कालविभागतो, अनुस्सरणाकारतो, ओपम्मतो निद्विसन्तेन “तित्थिया अनुस्सरन्ती”तिआदि वुत्तं । अगगप्पत्तकम्मवादिनोति सिखाप्पत्तकम्मवादिनो “अत्थि कम्मं अत्थि कम्मविपाको”ति (पटि० म० १.२३४) एवं कम्मस्सकताजाणे ठिता तापसपरिव्वाजका । चत्तालीसंयेव कप्पे अनुस्सरन्तीति ब्रह्मजालादीसु (दी० नि० १.३३) भगवता तथा परिच्छिज्ज वुत्तत्ता । ततो परं न अनुस्सरन्तीति तथावचनञ्च दिट्ठिगतोपट्टकस्स तेसं जाणस्स परिदुब्बलभावतो ।

सावकाति महासावका तेसज्हि कप्पसतसहस्सं पुब्बाभिनीहारो । पकतिसावका पन ततो ऊनकमेव अनुस्सरन्ति । यस्मा “कप्पानं लक्खाधिकं एकं, द्वे च असङ्ख्येय्यानी”ति कालवसेन एवं परिमाणो यथाक्कमं अगगसावकपच्चेकबुद्धानं पुज्जजाणाभिनीहारो, सावकबोधिपच्चेकबोधिपारमितासम्भरणञ्च, तस्मा वुत्तं “द्वे अगगसावका...पे०... कप्पसतसहस्सञ्चा”ति । यदि बोधिसम्भारसम्भरणकालपरिच्छिन्नो तेसं तेसं अरियानं अभिज्जाजाणविभवो, एवं सन्ते बुद्धानम्पिस्स सपरिच्छेदता आपन्नाति चोदनं सन्धायाह “बुद्धानं पन एत्तकन्ति परिच्छेदो नत्थि, यावतकं आकङ्कन्ति, तावतकं अनुस्सरन्ती”ति “यावतकं नेय्यं, तावतकं जाण”न्ति (महानि० १५६; चूळनि० ८५; पटि० म० ३,

५) वचनतो । सब्बज्जुतज्जाणस्स विय हि बुद्धानं अभिज्जाजाणानम्पि सविसये परिच्छेदो नाम नत्थि, तस्मा यं यं जातुं इच्छन्ति, ते तं तं जानन्ति एव । अथ वा सतिपि कालपरिच्छेदे करुणूपायकोसल्लपरिग्गहादिना सातिसयत्ता महाबोधिसम्भारानं पज्जापारमिताय पवत्तिआनुभावस्स परिच्छेदो नाम नत्थि, कुतो तन्निमित्तकानं अभिज्जाजाणानन्ति वुत्तं “बुद्धानं... पे०... नत्थी”ति ।

**खन्धपटिपाटिया**ति यथापच्चयं अनुपुब्बपवत्तमानानं खन्धानं अनुपुब्बिया । **खन्धप्पवत्तिन्ति** वेदनादिक्खन्धप्पवत्ति । तेसज्हि अनुभवनादिआकारग्गहणमस्स सातिसयं, तं सज्जाभवे तत्थ तत्थ अनुस्सरणवसेन गहेत्वा गच्छन्ता एकवोकारभवे अलभन्ता “न पस्सन्ती”ति वुत्ता, जाले पतिता विय सकुणा, मच्छा विय चाति अधिप्पायो । **कुण्ठा विया**ति दन्धा विय । **पङ्गुळा विया**ति पीठसप्पिनो विय । **दिट्ठिं गणहन्ती**ति अधिच्चसमुप्पन्निकदिट्ठिं गणहन्ति । यट्ठिकोटिहेतुकं गमनं **यट्ठिकोटिगमनं** खन्धपटिपाटिया अमुञ्चनतो ।

**एवं सन्तेपी**ति कामं बुद्धसावकापि असज्जभवे खन्धप्पवत्ति न पस्सन्ति, एवं सन्तेपि ते बुद्धसावका असज्जभवं लङ्घित्वा परतो अनुस्सरन्ति । “**वट्ठे**”तिआदि तथा तेसं अनुस्सरणाकारदस्सनं । **बुद्धेहि दिन्ननये ठत्वा**ति “यत्थ पञ्चकप्पसतानि रूपप्पवत्तियेव, न अरूपप्पवत्ति, सो असज्जभवो”ति एवं सम्मासम्बुद्धेहि देसितायं धम्मनेत्तियं ठत्वा । एवज्हि अन्तरा चुतिपटिसन्धियो अपस्सन्ता **परतो अनुस्सरन्ति सेय्यथापि आयस्मा सोभितो**ति (थेरगा० अट्ठ० १.२.१६४ सोभितत्थेरगाथावण्णना) । सो किर पुब्बेनिवासे चिण्णवसी हुत्वा अनुपटिपाटिया अत्तनो निब्बत्तट्ठानं अनुस्सरन्तो याव असज्जभवे अत्तनो अचित्तकपटिसन्धि ताव अदस्स, ततो परं पञ्चकप्पसतपरिमाणे काले चुतिपटिसन्धियो अदिस्वा अवसाने चुतिं दिस्वा “किं नामेत”न्ति आवज्जयमानो नयवसेन “असज्जभवो भविस्सती”ति निट्ठं अगमासि । अथ नं भगवा तं कारणं अट्ठुप्पत्तिं कत्वा पुब्बेनिवासं अनुस्सरन्तानं अग्गट्ठाने ठपेसि । “**चुतिपटिसन्धि ओलोकेत्वा**”ति इदं चुतिपटिसन्धिवसेन तेसं जाणस्स सङ्कमनदस्सनं, तेन सब्बसो भवे अनामसित्वा गन्तुं न सक्कोन्तीति दस्सेति ।

**तं तदेव पस्सन्ती**ति यथा नाम सरदसमये ठितमज्झन्धिकवेलाय चतुरतनिके गेहे चक्खुमतो पुरिसस्स रूपगतं सुपाकटमेव होतीति लोकसिद्धमेतं, सिया पन तस्स सुखुमतरतिरोहितादिभेदस्स रूपगतस्स अगोचरता । न त्वेव बुद्धानं जातुं इच्छितस्स जेय्यस्स अगोचरता, अथ खो तं जाणालोकेन ओभासितं हत्थतले आमलकं विय सुपाकटं सुविभूतमेव होति तथा जेय्यावरणस्स सुप्पहीनत्ता । तेनाह “बुद्धा पन अत्तना वा परेहि वा दिट्ठकतसुतं, सूरियमण्डलोभाससदिस”न्ति च आदि ।

**तथा सावका च पच्चेकबुद्धा चाति** । एत्थ **तथा**-सद्देन “अत्तना दिट्ठकतसुतमेव अनुस्सरन्ती”ति इदं उपसंहरति, तेन सप्पदेसमेव नेसं अनुस्सरणं, न निष्पदेसन्ति निदस्सेति ।

**खज्जोपनकओभाससदिसं** जाणस्स अतिविय अप्पानुभावताय । **सावकानन्ति** एत्थ पकतिसावकानं पाकतिकपदीपोभाससदिसं । महासावकानं (थेरगा० अट्ठ० २.२१ वङ्गीसेत्थरगाथावण्णनाय वित्थारो) महापदीपोभाससदिसं । तेनाह **विसुद्धिमग्गे** (विसुद्धि० २.४०२) “उक्कापभासदिस”न्ति ।

**ओसधितारकोभाससदिसन्ति** उस्सन्ना पभा एताय धीयति, ओसधीनं वा अनुबलप्पदायकत्ता “ओसधी”ति एवं लद्धनामाय तारकाय पभासदिसं । **सरदसूरियमण्डलोभाससदिसं** सब्बसो अन्धकारविधमनतो । अपटुभावहेतुको विसयग्गहणे चञ्चलभावो **खलितं**, कुण्ठिभावहेतुको विसयस्स अनभिसमयो **पटिघातो** । **आवज्जनपटिबद्धमेवाति**

आवज्जनमत्ताधीनं, आवज्जितमत्ते एव यथिच्छितस्स पटिविज्जनकन्ति अत्थो । सेसपदद्वयेपि एसेव नयो ।

असङ्गअप्पटिहतं पवत्तमानं भगवतो जाणं लहुतरेपि विसये, गरुतरे च एकसदिसमेवाति दस्सेतुं “**दुब्बलपत्तपुटे**”तिआदिना उपमाद्वयं वुत्तं । धम्मकायत्ता भगवतो गुणं आरब्भ पवत्ता “**भगवन्तयेव आरब्भ उप्पन्ना**”ति वुत्तं । तं **सब्बम्पी**ति तं यथावुत्तं सब्बम्पि पुब्बेनिवासपटिसंयुत्तं कथं । तित्थियानं, सावकानञ्च पुब्बेनिवासानुस्सरणं भगवतो पुब्बेनिवासानुस्सरणस्स हीनुदाहरणदस्सनवसेनेत्थ कथितं । एवञ्चि भगवतो महन्तभावो विसेसतो पकासितो होतीति । **सङ्केपतो**ति समासतो । यत्तकोपि पुब्बेनिवासानुस्सतिजाणस्स पवत्तिभेदो अत्तनो जाणस्स विसयभूतो, तं सब्बं तदा यथाकथितं ते भिक्खू सङ्घिपित्वा “**इतिपी**”ति आहंसु । तस्स च अनेकाकारताय आमोडितवचनं, **पि-**सद्दो सम्पिण्डनत्थो, “इति खो भिक्खवे सप्पटिभयो बालो”तिआदीसु (म० नि० ३.१२४; अ० नि० ३.१) विय आकारत्थो **इति-**सद्दोति दस्सेन्तो “**एवम्पी**”ति तदत्थमाह ।

**२-३. वुत्तमेवाति** एत्थ च इध पाठे यं वत्तब्बं तेन पाठेन साधारणं, तं वुत्तमेवाति अधिप्पेतं, न असाधारणं अपुब्बपदवण्णनाय अधिकतत्ताति तं दस्सेन्तो “**अयमेव हि विसेसो**”तिआदिमाह । “**अस्सोसी**”ति इदं सवनकिच्चनिष्फत्तिया वुत्तं सद्दग्गहणमुखेन तदत्थावबोधस्स सिद्धत्ता । तत्थ पन पाळियं “इमं संखियधम्मं विदित्वा” इच्चेव (दी० नि० १.२) वुत्तं । इमे भिक्खू मम गुणे थोमेन्ति, कथं? मम पुब्बेनिवासजाणं आरब्भाति योजना । **निष्फत्तिन्ति** किच्चनिष्फत्तिं, तेन कातब्बकिच्चसिद्धन्ति अत्थो । **नोति** पुच्छावाची **नु-**इति इमिना समानत्थो निपातोति वुत्तं “**इच्छेय्याथ नू**”ति । **नन्ति** भगवन्तं । “यं भगवा”ति एत्थ यं-सद्देन किरियापरामसनभूतेन “धम्मिं कथं कथेय्या”ति एवं वुत्तं । धम्मिकथाकरणं परामट्टं “एतस्सा”ति पदस्स अत्थोति आह “**एतस्स धम्मिकथाकरणस्सा**”ति, आदरवसेन पन तं द्विक्खत्तुं वुत्तं ।

**४. सुणाथाति** एत्थ **इति-**सद्दो आदिअत्थो, पकारत्थो वा, एतेन “मनसि करोथा”ति पदं सङ्गण्हाति । **सोतावधानं** सोतस्स ओदहनं, सुस्सूसाति अत्थो । छिन्नं उपच्छिन्नं वटुमं संसारवट्टं एतेसन्ति **छिन्नवट्टमका**, सम्मासम्बुद्धा, अञ्जे च खीणासवा, इध पन सम्मासम्बुद्धा अधिप्पेता । तेसञ्चि सब्बसो अनुस्सरणं इतरेसं अविसयो । तेनाह “**अञ्जेसं असाधारण**”न्ति । **पच्चत्तवचने दिस्सति यं-सद्दो** कम्मत्थदीपनतो । **उपयोगवचने** दिस्सति यं-सद्दो पुच्छनकिरियाय कम्मत्थदीपनतो । तन्ति च उपयोगवचनमेव पुच्छति-सद्दस्स द्विकम्मकभावतो । यन्ति येन कारणेनाति अयमेत्थ अत्थोति आह “**करणवचने दिस्सती**”ति । **भुम्मेति दट्टब्बो**ति यथा यं-सद्दो न केवलं पच्चत्तउपयोगेसु एव, अथ खो करणेपि दिस्सति, एवं इध भुम्मेति दट्टब्बो । **दससहस्सिलोकधातुन्ति** जातिक्खेत्तभूतं दससहस्सचक्कवाळं । **उन्नादेन्तो उप्पज्जि** अनेकच्छरियपातुभावपटिमण्डितत्ता बुद्धुप्पादस्स ।

कालस्स भदता नाम तत्थ सत्तानं गुणविभूतिया, बुद्धुप्पादपरमा च गुणविभूतीति तब्बहुलता यस्स कप्पस्स भदताति आह “**पञ्चबुद्धुप्पादपटिमण्डितत्ता सुन्दरकप्पे**”ति, तथा सारभूतगुणवसेन “**सारकप्पे**”ति । “इमं कप्पं थोमेन्तो एवमाहा”ति वत्त्वा इमस्स कप्पस्स तथा थोमेतब्बता अनञ्जसाधारणाति दस्सेतुं “**यतो पट्टाया**”तिआदि वुत्तं । तत्थ **यतो पट्टाया**ति यतो पभुति **अभिनीहारो कतो**ति मनुस्सत्तादिअट्टङ्गसमन्नागतो अभिनीहारो पवत्तितो । संसारस्स अनादिभावतो इमस्स भगवतो अभिनीहारतो पुरेतरं उप्पन्ना सम्मासम्बुद्धा अनन्ता अपरिमेय्याति तेहि उप्पन्नकप्पे निवत्तेन्तो “**एतस्मिं अन्तरे**”ति आह । कामं दीपङ्करबुद्धुप्पादे अयं भगवा अभिनीहारमकासि, तस्स पन भगवतो निब्बत्ति इमस्स अभिनीहारतो पुरिमतराति वुत्तं “**अम्हाकं...पे०... निब्बत्तिसू**”ति ।

असङ्ख्येय्यकप्पपरियोसानेति महाकप्पानं असङ्ख्येय्यपरियोसाने । एस नयो इतो परेसुपि । “इतो तिसकप्पसहस्सानं उपरी”ति एतेन पदमुत्तरस्स भगवतो, सुमेधस्स च भगवतो अन्तरे एकूनसत्ततिकप्पसहस्सानि बुद्धसुज्जानि अहेसुन्ति दस्सेति । “इतो अट्टारसन्नं कप्पसहस्सानं उपरी”ति इमिना सुजातस्स भगवतो, अत्थदस्सिस्स च भगवतो अन्तरे एकेनूनानि द्वादसकप्पसहस्सानि बुद्धसुज्जानि अहेसुन्ति दस्सेति । “इतो चतुनवुते कप्पे”ति इमिना धम्मदस्सिस्स भगवतो, सिद्धत्थस्स च भगवतो अन्तरे छाधिकनवसतुत्तरानि सत्तरसकप्पसहस्सानि बुद्धसुज्जानि अहेसुन्ति दस्सेति । “एकतिसे कप्पे”ति इमिना विपस्सिस्स भगवतो, सिखिस्स च भगवतो अन्तरे सट्ठि कप्पानि बुद्धसुज्जानि अहेसुन्ति दस्सेति । ते सब्बेपि पदमुत्तरस्स भगवतो ओरं सुमेधादीहि उप्पन्नकप्पेहि सद्धिं समोधानियमाना सतसहस्सा कप्पा होन्ति, यत्थ महासावकादयो (थेरगा० अट्ठ० २.२१ वङ्गीसत्थेरगाथावण्णना) विवट्टू पनिस्सयानि कुसलानि सम्भरिंसु । बुद्धसुज्जेपि लोके पच्चेकबुद्धा उप्पज्जित्वा तेसं पुरिसविसेसानं पुज्जाभिसन्दाभिबुद्धिया पच्चया होन्ति । “एवमय”न्तिआदि वुत्तमेवत्थं निगमनवसेन वदति ।

“किं पनेत”न्तिआदि पुब्बनिमित्तविभावनत्थाय आरब्धं । तत्थ एतन्ति बुद्धानं उप्पज्जनं । कप्पसण्ठानकालस्मिन्ति विवट्टकप्पस्स सण्ठहनकाले । एकमसङ्ख्येय्यन्ति संवट्टुट्ठाणि सन्धायाह । एकङ्गणं हुत्वा ठितेति पब्बतरुक्खगच्छादीनं, मेघादीनञ्च अभावेन विवट्टंअङ्गणं हुत्वा ठिते । लोकसन्निवासेति भाजनलोकेन सन्निविसितब्बट्टाने । वीसति यट्ठियो उसभं । “उसभमत्ता, द्वे उसभमत्ता”तिआदिना पच्चेकं मत्ता-सट्ठो योजेतब्बो । योजनसहस्समत्ता हुत्वाति पतमानाव उदकधारा योजनसहस्समत्तं आकासट्टानं फरित्वा पवत्तिया योजनसहस्समत्ता हुत्वा । याव अविनट्टुब्रह्मलोकाति याव आभस्सरब्रह्मलोका, याव सुभकिण्हब्रह्मलोका, याव वेहप्फलब्रह्मलोकाति अत्थो ।

वातवसेनाति सट्ठिसहस्साधिकनवयोजनसतसहस्सुब्बेधस्स सन्धारकवातमण्डलस्स वसेन । महाबोधिपल्लङ्कोति महाबोधिपल्लङ्कप्पदेसमाह । तस्स पच्छा विनासो, पठमं सण्ठहनञ्च धम्मतावसेन वेदितब्बं । तत्थाति तस्मिं पदेसे । पुब्बनिमित्तं हुत्वाति बुद्धप्पादस्स पुब्बनिमित्तं हुत्वा । पुब्बनिमित्तसन्निस्सयो हि गच्छो निस्सितवोहारेन तथा वुत्तो । तेनाह “तस्सा”तिआदि । कण्णिकाबद्धानि हुत्वाति आबद्धकण्णिका विय हुत्वा । सुद्धावासब्रह्मानो अत्तमना...पे०... गच्छन्तीति योजना । वेहप्फलेपि सुभकिण्हे सङ्गहेत्वा “नव ब्रह्मलोका”ति वुत्तं । तथा हि ते चतुत्थियेव विज्जाणट्ठितिं भजन्ति । निक्खमन्तेसूति महाभिनिक्खमनं अभिनिक्खमन्तेसु । अभिजाति पनेत्थ जातिभावसामञ्जेन गम्भोक्कन्तियाव सङ्गहिता । निमीयति अनुमीयति फलं एतेनाति निमित्तं, कारणं । जापकम्पि हि कारणं दिस्वा तस्स अब्यभिचारीभावेन फलं सिद्धमेव कत्वा गण्हि, यथा तं असितो इसि अभिजातियं महापुरिसस्स लक्खणानि दिस्वा तेसं अब्यभिचारीभावेन बुद्धगुणे सिद्धे एव कत्वा गण्हि, एवं पन गय्हमानं तन्निमित्तकं फलं तदानुभावेन सिद्धं विय वोहरीयति तब्भावे भावतो । तेनाह “तेसं निमित्तानं आनुभावेना”तिआदि । तथा चाह भगवा “सो तेन लक्खणेन समन्नागतो...पे०... राजा समानो किं लभति, बुद्धो समानो किं लभती”ति (दी० नि० ३.२०२, २०४) च एवमादि । इममत्थन्ति पञ्च बुद्धा इमस्मिं कप्पे उप्पज्जिस्सन्तीति इममत्थं याथावतो जानिंसु ।

### जातिपरिच्छेदादिवण्णना

५-७. कप्पपरिच्छेदवसेनाति “इतो सो एकनवुते कप्पे”तिआदिना यत्थ यत्थ कप्पे ते ते बुद्धा उप्पन्ना, तस्स तस्स कप्पस्स परिच्छिन्दनवसेन परिजाननवसेन । “इदं त”न्ति हि नियमेत्वा परिच्छिज्ज जाननं परिच्छिन्दनं परिच्छेदो । परित्तन्ति इत्तरं । लहुकन्ति सल्लहुकं, आयुनो अधिप्पेतत्ता रस्सन्ति वुत्तं होति । तेनाह “उभयमेतं अप्पकस्सेव

वेवचन'न्ति ।

“अप्यं वा भिय्यो”ति अविसेसजोतनं “वीसं वा तिसं वा”ति आदिना अनियमितवसेनेव यथालाभतो ववत्थपेत्वा अयञ्च नयो अपचुरोति दस्सेन्तो “एवं दीघायुको पन अतिदुल्लभो”ति आह । इदं तं विसेसववत्थापनं पुग्गलेसु पक्खिपित्वा दस्सेन्तो “तत्थ विसाखा”ति आदिमाह ।

यदि एवं कस्मा अम्हाकं भगवा तत्तकम्पि कालं न जीवि, ननु महाबोधिसत्ता चरिमभवे अतिवियउळारतमेन पुज्जाभिसङ्घारेन पटिसन्धिं गणहन्तीति? सच्चमेतन्ति । तत्थ कारणं दस्सेतुं “विपस्सीआदयो पना”ति आदि वुत्तं । तत्थ अभिजातिया मेत्ताठानताय अभिसङ्घारविज्जाणस्स मेत्तापुब्बभागता । तदनुगुणज्झि तेसं विसेसतो पटिसन्धिविज्जाणं । तस्स विसेसतो बहुलं खेमवितक्कूपनिस्सयताय सोमनस्ससहगतता, अनज्जसाधारणपरोपदेसरहितजाणविसेसूपनिस्सयताय जाणसम्पयुत्तता, असङ्घारिकता च वेदितब्बा, असङ्ख्येय्यं आयु आधारविसेसतो, निस्सयविसेसतो, पटिपक्खदूरीभावतो, पवत्तिआकारविसेसतो च अपरिमेय्यानुभावताय कारणस्स । तत्थ चिरतरं कालं सन्तानस्स पारमितापरिभावितता आधारविसेसता । अलोभज्झासयादिआसयसम्पदा निस्सयविसेसता । लाभमच्छरियादिपापधम्मविक्खम्भनं पटिपक्खदूरीभावो । सब्बसत्तानं सकलवट्टदुक्खनिस्सरणत्थाय आयूहना पवत्तिआकारविसेसो वेदितब्बो ।

अयञ्च नयो सब्बेसं महाबोधिसत्तानं चरिमभवाभिनिब्बत्तककम्मायूहने साधारणोति तस्स फलेनापि एकसदिसेनेव भवितव्वन्ति आह “इति सब्बे बुद्धा असङ्ख्येय्यायुका”ति, असङ्ख्येय्यकालावत्थानायुकाति अत्थो । असङ्ख्येय्यायुकसंवत्तनसमत्थं परिचितं कम्मं होति, बुद्धा पन तदा मनुस्सानं परमायुप्पमाणानुरूपमेव कालं ठत्वा परिनिब्बायन्ति ततो परं ठत्वा साधेतव्वपयोजनाभावतो, धम्मतावेसाति वा वेदितब्बा । अट्टकथायं पन ततो परं पन अट्टानस्स “उतुभोजनविपत्तिया”ति (दी० नि० अट्ट० २.५) कारणं वुत्तं, “तं लोकसाधारणं लोके जातसंवुद्धानं तथागतानं न होती”ति न सक्का वत्तुं । तथा हि नेसं रोगकिलमथादयो होन्तियेव । उतुभोजनवसेनाति असम्पन्नस्स, सम्पन्नस्स च उतुनो, भोजनस्स च वसेन यथाक्कमं आयु हायतिपि वट्ठतिपि । आयूति च परमायु अधिप्पेतं । तत्थ यं वत्तव्वं, तं ब्रह्मजालादिटीकायं (दी० नि० टी० १.४०) वुत्तमेव ।

इदानीं तमत्थं समुदागमतो पट्टाय दस्सेतुं “तत्थ यदा”ति आदि वुत्तं । धम्मे नियुत्ता धम्मिका, न धम्मिका अधम्मिका, हिंसादिअधम्मपसुता । अधम्मिकमेव होति इस्सरजनानं अनुवत्तनेन, परेसं दिट्ठानुगतिआपज्जनेन च । उण्हवलाहका देवताति उण्हउतुनो पच्चयभूतमेघमालासमुट्ठापका देवपुत्ता । तेसं किर तथा चित्तुप्पादसमकालमेव यथिच्छित्तुत्तानं उण्हं फरमाना वलाहकमाला नातिबहला इतो चित्तो नभं छादेन्ती वितनोति । एस नयो सीतवलाहकवस्सवलाहकासु । अब्भवलाहका पन देवता सीतुण्हवस्सेहि विना केवलं अब्भपटलस्सेव समुट्ठापका वेदितब्बा । तासन्ति एत्थ “मित्ता”ति पदं आनेत्वा योजना । कामं हेट्ठा वुत्ता सत्तविधापि देवता चातुमहाराजिकाव ता पन तेन तेन विसेसेन वत्वा इदानीं तदज्जे पठमभूमिके कामावचरदेवे सामज्जतो गणहन्तो “चातुमहाराजिका”ति आह । तासं अधम्मिकतायाति राजूनं अधम्मिकभावमूलकेन उपराजादिअधम्मिकभावपरम्पराभतेन तासं देवतानं अधम्मिकभावेन । विसमं चन्दिमसूरिया परिहरन्तीति बह्वाबाधतादि अनिट्ठफलूपनिस्सयभूतस्स यथावुत्तअधम्मिकतासज्जितस्स साधारणस्स पापकम्मस्स बलेन विसमं वायन्तेन वायुना पीळियमाना चन्दिमसूरिया सिनेरुं परिक्खिपन्ता विसमं परिवत्तन्ति यथामग्गेन नप्पवत्तन्तीति । अस्सिदं यथा चन्दिमसूरियानं विसमपरिवत्तनं विसमवातसङ्घोभहेतुकं, एवं

उतुवस्सादिविसमप्पवत्तीति दस्सेतुं “वातो यथामग्गेन न वायती”तिआदि वुत्तं । देवतानन्ति सीतवलाहकदेवतादिदेवतानं । तेनाह “सीतुण्हेभेदो उतू”तिआदि । तस्मिं असम्पज्जन्तेति तस्मिं यथावुत्ते वस्सबीजभूते उतुम्हि यथाकालं सम्पत्तिं अनुपगच्छन्ते ।

“न सम्मा देवो वस्सती”ति सङ्खेपतो वुत्तमत्थं विवरन्तो “कदाची”तिआदिमाह । तत्थ कदाचि वस्सतीति कदाचि अवस्सनकाले वस्सति । कदाचि न वस्सतीति कदाचि वस्सितब्बकाले न वस्सति । कत्थचि वस्सति, कत्थचि न वस्सतीति पदेसमाह । “वस्सन्तोपी”तिआदि “कदाचि वस्सति, कदाचि न वस्सती”ति पदद्वयस्सेव अत्थविवरणं । विगतगन्धवण्णरसादीति आदि-सद्देन निरोजतं सङ्गण्हाति । एकस्मिं पदेसेति भत्तपचनभाजनस्स एकपस्से । उत्तण्डुलन्ति पाकतो उक्कन्ततण्डुलं । तीहाकारेहीति सब्बसो अपरिणतं, एकदेसेन परिणतं, दुपरिणतञ्चाति एवं तीहाकारेहि । पच्चति पक्कासयं उपगच्छति । अप्पायुकाति एत्थ “दुब्बण्णा चा”तिपि वत्तब्बं । एवं उतुभोजनवसेन आयु हायति हेतुम्हि अपरिक्खीणेपि पच्चयस्स परिदुब्बलत्ता ।

“यदा पना”तिआदि सुक्कपक्खस्स अत्थो वुत्तविपरियायेन वेदितब्बो ।

वड्ढित्वा वड्ढित्वा परिहीनन्ति वेदितब्बं । कस्मा? न हि एकस्मिं अन्तरकप्पे अनेके बुद्धा उप्पज्जन्ति, एको एव पन उप्पज्जतीति । इदानीं तमत्थं वित्थारतो दस्सेतुं “कथ”न्तिआदि वुत्तं । चत्तारि ठत्वाति अच्चन्तसंयोगे उपयोगवचनं । यंयंआयुपरिमाणेसूति यत्तकयत्तकपरमायुप्पमाणेसु । तेसम्पीति बुद्धानं । तं तदेव आयुपरिमाणं होति, तत्थ कारणं हेट्ठा वुत्तमेव ।

जातिपरिच्छेदादिवण्णना निट्ठिता

### बोधिपरिच्छेदवण्णना

८. मूलेति मूलावयवस्स समीपे । तं पन तस्सा हेट्ठापदेसो होतीति आह “पाटलिरुक्खस्स हेट्ठा”ति । तंदिवसन्ति अत्तना जातदिवसे, तंदिवसन्ति वा तं भगवतो अभिसम्बोधिदिवसे । सो किर बोधिरुक्खो सालकल्याणी विय पथविया अब्भन्तरे एव पुरेतरं वड्ढेन्तो अभिसम्बोधिदिवसे पथविं उब्भिज्जित्वा उड्ढितो रतनसतं उच्चो, तावदेव च वित्थतो हुत्वा नभं पूरेन्तो अट्ठासि । अयम्पि किरेतस्स रुक्खभावेन विय अज्जेहि वेमत्तता । घनसंहतनाळवण्टताय कण्णिकबद्धेहि विय पुप्फेहि । एकसज्जन्नाति पुप्फानं निरन्तरताय एकज्झं सज्जन्ना, तत्थ तत्थ निबद्ध...पे०... समुज्जलन्ति तहं तहं ओलम्बितकुसुमदामेहि चेव तहं तहं खित्तमालापिण्डीहि च इतो चितो विप्पकिण्णविविधवण्टमुत्तपुप्फेहि च सम्मदेव उज्जलं । अज्जमज्जं सिरीसम्पत्तानीति अज्जमज्जस्स सिरिया सोभाय सम्पन्नानि । बुद्धगुणविभवसिरिन्ति सम्मासम्बुद्धेहि अभिगन्तब्बगुणविभूतिसोभं । पटिविज्झमानोति अधिगच्छन्तो ।

सेतम्बरुक्खोति सेतवण्णफलो अम्बरुक्खो । तदेवाति पाटलिया वुत्तप्पमाणमेव । एकतोति एकपस्से । सुरसानीति सुमधुररसानि ।

एकोव पल्लङ्कोति एकोव पल्लङ्कप्पदेसो । सो सो रुक्खो “बोधी”ति वुच्चति बुज्झन्ति एत्थाति कत्वा ।

### सावकयुगपरिच्छेदवण्णना

९. सावकपरिच्छेदेति सावकयुगपरिच्छेदे । “खण्डतिस्स”न्ति द्वेपि एकज्झं गहेत्वा एकत्तवसेन वुत्तन्ति आह “खण्डो च तिस्सो चा”ति, बुद्धानं सहोदरो, वेमातिकोपि वा जेड्ढभाता न होतीति “एकपित्तिको कनिट्ढभाता”ति वुत्तं । अवसेसेहि पुत्तेहि । “पज्जापारमिया मत्थकं पत्तो”ति वत्वा तस्स मत्थकप्पत्तं गुणविसेसं दस्सेतुं “सिखिना भगवता”तिआदि वुत्तं ।

उत्तरोति उत्तमो । पुन उत्तरोति थेरं नामेन वदति । पारन्ति परकोटिमत्थकं । पज्जाविसयेति पज्जाधिकारे । पवत्तिट्ठानवसेन हि पवत्तिं वदति ।

### सावकसन्निपातपरिच्छेदवण्णना

१०. उपोसथन्ति आणापातिमोक्खं । दुतियततियेसूति दुतिये, ततिये च सावकसन्निपाते । एसेव नयोति चतुरङ्गिकतं अतिदिसति । अभिनीहारतो पट्टाय वत्थुं कथेत्वा पब्बज्जा दीपेतब्बा, सा पन यस्मा मनोरथपूरणियं अङ्गुत्तरट्ठकथायं (अ० नि० अट्ठ० १.१.२११) वित्थारतो आगता, तस्मा तत्थ वुत्तनयेनेव वेदितब्बाति ।

### उपट्ठाकपरिच्छेदवण्णना

११. निबद्धपट्ठाकभावन्ति आरम्भतो पट्टाय याव परिनिब्बाना नियतउपट्ठाकभावं । अनियतुपट्ठाका पन भगवतो पठमबोधियं बहू अहेसुं । तेनाह “भगवतो ही”तिआदि । इदानी आनन्दत्थेरो येन कारणेन सत्थु निबद्धपट्ठाकभावं उपगतो, यथा च उपगतो, तं दस्सेतुं “तत्थ एकदा”तिआदि वुत्तं । “अहं इमिना मग्गेन गच्छामी”ति आह अनयव्यसनापादकेन कम्मुना चोदियमानो । अथ नं भगवा तमत्थं अनारोचेत्वाव खेमं मग्गं सन्धाय “एहि भिक्खु इमिना गच्छामा”ति आह । कस्मा पनस्स भगवा तमत्थं नारोचेसीति? आरोचितेपि असद्वहन्तो नादियिस्सति । तज्झि तस्स होति दीघरत्तं अहिताय दुक्खायातिति । तेति ते गमनं, “त”न्ति वा पाठो ।

अन्वासत्तोति अनुबद्धो, उपट्ठतो वा । धम्मगारवनिस्सितो संवेगो धम्मसंवेगो “अम्हेसु नाम तिट्ठन्तेसु भगवतोपि ईदिसं जात”न्ति । “अहं उपट्ठहिस्सामी”ति वदन्तो धम्मसेनापति अत्थतो एवं वदन्तो नाम होतीति “अहं भन्ते तुम्हे”तिआदि वुत्तं । असुज्जायेव मे सा दिसाति असुज्जायेव मम सा दिसा । तत्थ कारणमाह “तव ओवादो बुद्धानं ओवादसदिसो”ति ।

वसितुं न दस्सतीति एकगन्धकुटियं वासं न लभिस्सतीति अधिप्पायो । परम्मुखा देसितस्सापि धम्मस्साति सुत्तन्तदेसनं सन्धाय वुत्तं । अभिधम्मदेसना पनस्स परम्मुखाव पवत्ता पगेव याचनाय । तस्सा वाचनामग्गोपि सारिपुत्तत्थेरप्पभवो । कस्मा? सो निद्वेसपटिसम्भिदा विय थेरस्स भिक्खुतो गहितधम्मक्खन्धपक्खियो । अपरे पन “धम्मभण्डागारिको पटिपाटिया तिकदुकेसु देवसिकं कतोकासो भगवन्तं पज्झं पुच्छि, भगवापिस्स पुच्छितपुच्छितं नयदानवसेन विस्सज्जेसि । एवं अभिधम्मोपि सत्थारा परम्मुखा देसितोपि थेरेन सम्मुखा पटिग्गहितोव अहोसी”ति वदन्ति । सब्बं वीमंसित्वा गहेतब्बं ।

अग्गुपट्ठाकोति उपट्ठाने सक्कच्चकारिताय अग्गभूतो उपट्ठाको । थेरो हि उपट्ठाकट्ठानं लद्धकालतो पट्टाय भगवन्तं दुविधेन उदकेन, तिविधेन दन्तकट्टेन, पादपरिकम्मेन, गन्धकुटिपरिवेणसम्मज्जनेनाति एवमादीहि किच्चेहि उपट्ठहन्तो “इमाय नाम वेलाय सत्थु इदं नाम लद्धं वट्ठति, इदं नाम कातुं वट्ठती”ति चिन्तेत्वा तं तं निप्फादेन्तो महतिं दण्डदीपिकं

गहेत्वा एकरत्तिं गन्धकुटिपरिवेणं नव वारे अनुपरियायति । एवं हिस्स अहोसि “सचे मे थिनमिद्धं ओक्कमेय्य, भगवति पक्कोसन्ते पटिवचनं दातुं नाहं सक्कुणेय्य”न्ति, तस्मा सब्बरत्तिं दण्डदीपिकं हत्थेन न मुञ्चति । तेन वुत्तं “अग्गुपट्टाको”ति ।

१२. पितुमातुजातनगरपरिच्छेदो पितुमुखेन आगतत्ता “पितिपरिच्छेदो”ति वुत्तो ।

विहारं पाविसीति गन्धकुटिं पाविसि । एत्तकं कथेत्वाति कप्पपरिच्छेदादिनववारपटिमण्डितं विपस्सीआदीनं सत्तन्नं बुद्धानं पुब्बेनिवासपटिसंयुत्तं एत्तावता देसनं देसेत्वा । कस्मा पनेत्थ भगवा विपस्सीआदीनं सत्तन्नंयेव बुद्धानं पुब्बेनिवासं कथेसि, न बुद्धवंसदेसनायं (बु० वं० ६४ गाथादयो) विय पञ्चवीसतिया बुद्धानं, ततो वा पन भिय्योति? अनधिकारतो, पयोजनाभावतो च । बुद्धवंसदेसनायहि (बु० वं० ७५) —

“कीदिसो ते महावीर, अभिनीहारो नरुत्तम ।

कम्हि काले तथा वीर, पत्थिता बोधिमुत्तमा”ति ॥ आदिना —

पवत्तं तं पुच्छं अधिकारं अटुप्पत्तिं कत्वा यस्स सम्मासम्बुद्धस्स पादमूले अत्तना महाभिनीहारो कतो, तं दीपङ्करं भगवन्तं आदिं कत्वा येसं चतुवीसतिया बुद्धानं सन्तिका बोधिया लद्धब्बाकरणो हुत्वा तत्थ तत्थ पारमियो पूरेसि, तेसं पटिपत्तिसङ्घातो पुब्बेनिवासो, अत्तनो च पटिपत्तिं कथिता, इध पन तादिसो अधिकारो नत्थि, येन दीपङ्करतो पट्टाय, ततो वा पन पुरतो बुद्धे आरब्ध पुब्बेनिवासं कथेय्य । तस्मा न एत्थ बुद्धवंसदेसनायं विय पुब्बेनिवासो वित्थारितो । यस्मा च बुद्धानं देसना नाम देसनाय भाजनभूतानं पुग्गलानं जाणबलानुरूपा, न अत्तनो जाणबलानुरूपा, तस्मा तत्थ अग्गसावकानं, महासावकानं, (थेरगा० अट्ट० २.२१ वङ्गीसत्थेरगाथावण्णना) तादिसानञ्च देवब्रह्मानं वसेन देसना वित्थारिता । इध पन पकतिसावकानं, तादिसानञ्च देवतानं वसेन पुब्बेनिवासं कथेन्तो सत्तन्नमेव बुद्धानं पुब्बेनिवासं कथेसि । तथा हि ने भगवा पलोभनवसेन समुत्तेजेतुं सप्पपञ्चताय कथाय देसनं मत्थकं अपापेत्वाव गन्धकुटिं पाविसि । तथा च इमिस्सा एव देसनाय अनुसारतो आटानाटियपरित्त- (दी० नि० ३.२७५) देसनादयो पवत्ता ।

अपिचेत्थ भगवा अत्तनो सुद्धावासचारिकाविभाविनया उपरिदेसनाय सङ्गहत्थं विपस्सीआदीनं एव सत्तन्नं सम्मासम्बुद्धानं पुब्बेनिवासं कथेसि । तेसंयेव हि सावका तदा चेव एतरहि च सुद्धावासभूमियं ठिता, न अञ्जेसं परिनिब्बुत्ता । “सिद्धत्थितस्सफुस्सानं किर बुद्धानं सावका सुद्धावासेसु उपपन्ना उपपत्तिसमनन्तरमेव इमस्मिं सासने उपकादयो विय अरहत्तं अधिगन्त्वा नचिरस्सेव परिनिब्बायिंसु, न तत्थ तत्थ यावतायुकं अट्ठसू”ति वदन्ति । तथा येसं सम्मासम्बुद्धानं पटिवेधसासनं एकंसतो निच्छये न अज्जापि धरति, न अन्तरहितं, ते एव कित्तेन्तो विपस्सीआदीनंयेव भगवन्तानं पुब्बेनिवासं इमस्मिं सुत्ते कथेसि वेनेय्यज्झासयवसेन । अपुब्बाचरिमनियमो पन अपरापरं संसरणकसत्तवासवसेन एकिस्सा लोकधातुया इच्छितोति न तेनेतं विरुज्झतीति दट्ठब्बं । निरन्तरं मत्थकं पापेत्वाति अभिजातितो पट्टाय याव पातिमोक्खुद्देसो याव ता बुद्धकिच्चसिद्धि, ताव मत्थकं सिखं पापेत्वा । न ताव कथितोति योजना ।

तन्तिन्ति धम्मतन्तिं, परियत्तिन्ति अत्थो । पुत्तपुत्तमातुयानविहारधनविहारदायकादीनं सम्बहुलानं अत्थानं विभावनवसेन पवत्तवारो सम्बहुलवारो ।

**सम्बहुलवारवण्णना**



कामञ्चायं पाळियं अनागतो, अट्टकथासु आगतत्ता पन आनेत्वा दीपेतब्बोति तं दीपेन्तो  
 “सब्बबोधिसत्तानञ्ही”ति आदिमाह । कुलवंसो कुलानुक्कमो । पवेणीति परम्परा । “कस्मा”ति पुत्तुप्पत्तिया कारणं  
 पुच्छित्वा तं विस्सज्जेन्तो “सब्बञ्जुबोधिसत्तानञ्ही”ति आदिमाह, तेन तेसं जातनगरादि पञ्जायमानं एकंसतो  
 मनुस्सभावसज्जाननत्थं इच्छितब्बं, अज्जथा यथाधिप्पेतबुद्धकिच्चसिद्धि एव न सियाति दस्सेति, यतो महासत्तानं  
 चरिमभवे मनुस्सलोके एव पातुभावो, न अज्जत्थ ।

### सम्बहुलपरिच्छेदवण्णना

चन्दादीनं सोभाविसेसं रहेति चजापेतीति राहु, राहुग्गहो, इध पन राहु वियाति राहु । बन्धनन्ति च अनत्थुप्पत्तिट्ठानतं  
 सन्धाय वुत्तं । तथा महासत्तेन वुत्तवचनमेव गहेत्वा कुमारस्स “राहुलो”ति नामं अकंसु । अथाति निपातमत्तं । रोचिनीति  
 रोचनसीला, उज्जलरूपाति अत्थो । रुचग्गतीति रुचं पभातं आगतिभूता, ग-कारागमं कत्वा वुत्तं । इत्थिरतनभावतो  
 मनुस्सलोके सब्बासं इत्थीनं बिम्बपटिच्छन्नभूताति बिम्बा ।

झाना वुट्ठायाति पादकज्झानतो उट्ठाया ।

अट्टङ्गुलुब्धेधाति अट्टङ्गुलुप्पमाणबहलभावा । चूळंसेन छादेत्वाति तिरियभागेन ठपनवसेन सब्बं विहारट्ठानं छादेत्वा ।  
 सुवण्णयट्ठिफालेहीति फालप्पमाणाहि सुवण्णयट्ठीहि । सुवण्णहत्थिपादानीति पकतिहत्थिपादपरिमाणानि  
 सुवण्णखण्डानि । वुत्तनयेनेवाति चूळंसेनेव । सुवण्णकट्टीहीति सुवण्णखण्डेहि । सलक्खणानन्ति लक्खणसम्पन्नानं  
 सहस्सारानं ।

बोधिपल्लङ्कोति अभिसम्बुज्जनकाले निसज्जट्ठानं । अविजहितोति बुद्धानं तथानिसज्जाय अनज्जत्थभावीभावतो  
 अपरिच्चत्तो । तेनाह “एकस्मिंयेव ठाने होती”ति । पठमपदगण्ठिकाति पच्छिमे सोपानफलके ठत्वा ठपियमानस्स  
 दक्खिणपादस्स पतिट्ठहनट्ठानं । तं पन यस्मा दळ्हं थिरं केनचि अभेज्जं होति, तस्मा “पदगण्ठी”ति वुत्तं । यस्मिं भूमिभागे  
 इदानि जेतवनमहाविहारो, तत्थ यस्मिं ठाने पुरिमानं सब्बबुद्धानं मज्जा पज्जत्ता, तस्मिंयेव पदेसे अम्हाकम्पि भगवतो मज्जो  
 पज्जत्तोति कत्वा “चत्तारि मज्जपादट्ठानानि अविजहितानेव होन्ती”ति वुत्तं । मज्जानं पन महन्तखुद्दकभावेन  
 मज्जपज्जापनपदेसस्स महन्तामहन्तता अप्पमाणं, बुद्धानुभावेन पन सो पदेसो सब्बदा एकप्पमाणोयेव होतीति “चत्तारि  
 मज्जपादट्ठानानि अविजहितानेव होन्ती”ति वुत्तन्ति दट्ठब्बं । विहारोपि न विजहितो येवाति एत्थापि एसेव नयो । पुरिमं  
 विहारट्ठानं न परिच्चजतीति हि अत्थो ।

विसिट्ठा मत्ता विमत्ता, विमत्ताव वेमत्तं, विसदिसताति अत्थो । पमाणं आरोहो । पधानं दुक्करकिरिया । रस्मीति  
 सरीरप्पभा ।

“सत्तानं पाकतिकहत्थेन छहत्थो मज्झिमपुरिसो, ततो तिगुणं भगवतो सरीरप्पमाणन्ति भगवा अट्टारसहत्थो”ति  
 वदन्ति । अपरे पन भणन्ति “मनुस्सानं पाकतिकहत्थेन चतुहत्थो मज्झिमपुरिसो, ततो तिगुणं भगवतो सरीरप्पमाणन्ति  
 भगवा द्वादसहत्थो उपादिन्नकरूपधम्मवसेन, समन्ततो पन ब्याममत्तं ब्यामप्पभा फरतीति उपरि छहत्थं अब्भुग्गतो,  
 बहलतरप्पभा रूपेण सद्धिं अट्टारसहत्थो होती”ति ।

अद्धनियन्ति दीघकालं ।

अज्झासयपटिबद्धन्ति बोधिसम्भारसम्भरणकाले तथापवत्तज्झासयाधीनं, तथापवत्तपत्थनानुरूपं विपुलं, विपुलतरज्ज्व होतीति अत्थो । स्वायमत्थो चरियापिटकवण्णनायं वुत्तनयेनेव वेदितब्बो । एत्थ च यस्मा सरीरप्पमाणं, पधानं, सरीरप्पभा च बुद्धानं विसदिसाति इध पाळियं अनागता, तस्मा तेहि सद्धिं वेमत्ततासामज्जेन आयुकुलानिपि इध आहरित्वा दीपितानि । पटिविद्धगुणेषूति अधिगतसब्बज्जुगुणेषु । ननु च बोधिसम्भारेसु, वेनेय्यपुग्गलपरिमाणे च वेमत्तं नत्थीति? सच्चं नत्थि, तदुभयं पन बुद्धगुणगगहणेन गहितमेव होतीति न उद्धटं । यदग्गेन हि सब्बबुद्धानं बुद्धगुणेषु वेमत्तं नत्थि, तदग्गेन नेसं सम्बोधिसम्भारेसुपि वेमत्तं नत्थीति । कस्मा? हेतुअनुरूपताय फलस्स, एकन्तेनेव वेनेय्यपुग्गलपरिमाणे वेमत्तभावो विभावितो । महाबोधिसत्तानज्झि हेतुअवत्थायं सम्भतूपनिस्सयिन्द्रियपरिपाका वेनेय्यपुग्गला चरिमभवे अरहत्तसम्पत्तिया परिपोसितानि कमलवनानि सूरियरस्मिसम्फस्सेन विय तथागतगुणानुभावसम्फस्सेन विबोधं उपगच्छन्तीति दीपेसुं अट्टकथाचरिया ।

निधिकुम्भोति चत्तारो महानिधयो सन्धाय वदति । जातो चाति । च-सद्देन कतमहाभिनीहारो चाति अयम्पि अत्थो सङ्गहितोति दट्टब्बो । वुत्तं हेतं बुद्धवंसे —

“तारागणा विरोचन्ति, नक्खत्ता गगनमण्डले ।

विसाखा चन्दिमायुत्ता, ध्रुवं बुद्धो भविस्सती”ति ॥ (बु० वं० ६५) ।

“एतेनेव च सब्बबुद्धानं विसाखानक्खत्तेनेव महाभिनीहारो होती”ति च वदन्ति ।

१३. अयं गतीति अयं पवत्ति पवत्तनाकारो, अज्जे पुब्बेनिवासं अनुस्सरन्ता इमिना आकारेन अनुस्सरन्तीति अत्थो, यस्मा चुतितो पट्टाय याव पटिसन्धि, ताव अनुस्सरणं आरोहनं अतीतअतीततरअतीततमादिजातिसङ्घाते पुब्बेनिवासे जाणस्स अभिमुखभावेन पवत्तीति कत्वा । तस्मा पटिसन्धितो पट्टाय याव चुति, ताव अनुस्सरणं ओरोहनं पुब्बेनिवासे पटिमुखभावेन जाणस्स पवत्तीति आह “पच्छामुखं जाणं पेसेत्वा”ति । चुतिगन्तब्बन्ति यं पनिदं चुतिया जाणगतिया गन्तब्बं, तं गमनं बुज्जनन्ति अत्थो । गरुक्कन्ति भारियं दुक्करं । तेनाह “आकासे पदं दस्सेन्तो विया”ति । अपरम्पि कारणन्ति छिन्नवटुमानुस्सरणं पच्छामुखं जाणं पेसनतो अपरं अच्छरियभ्भुतकारणं । यत्राति पच्चत्तत्थे, नामाति अच्छरियत्थे निपातो, हि-सद्दो अनत्थको । तेनाह “यो नाम तथागतो”ति । एवज्ज कत्वा “यत्रा”ति निपातवसेन विसुं यत्र-सद्दगगहणं समत्थितं होति । पपज्जेन्ति सत्तसन्तानं संसारे वित्थारेन्तीति पपज्जं । कम्मवट्टं वुच्चतीति किलेसवट्टस्स पपज्जगगहणेन, विपाकवट्टस्स दुक्खगगहणेन गहितत्ता । परियादिन्नवट्टेति सब्बसो खेपितवट्टे । “मग्गसीलेन फलसीलेना”ति वत्वा तयिदं मग्गफलसीलं लोकियसीलपुब्बकं, बुद्धानज्ज लोकियसीलम्पि लोकुत्तरसीलं विय अनज्जसाधारणं एवाति दस्सेतुं “लोकियलोकुत्तरसीलेना”ति वुत्तं । समाधिपज्जासुपि एसेव नयो । समाधिपक्खाति समाधि च समाधिपक्खा च समाधिपक्खा, एकदेससरूपेकसेसो दट्टब्बो । तेनाह “मग्गसमाधिना”तिआदि, “विहारो गहितो वा”ति च । समाधिपक्खा नाम वीरियसतिआदयो ।

सयन्ति अत्तना । नीवरणादीहीति नीवरणेहि चेव तदेकट्टेहि च पापधम्महेहि, वितक्कविचारादीहि च । “विमुत्तत्ता विमुत्तीति सङ्ख्यं गच्छन्ती”ति इमिना विमुत्ति-सद्दस्स कम्मसाधनतं आह अट्टसमापत्तिआदिविसयत्ता तस्स । विमुत्तत्ताति च “विक्खम्भनवसेन विमुत्तत्ता”तिआदिना योजेतब्बं । तस्स तस्साति अनिच्चानुपस्सनादिकस्स । पच्चनीकङ्गवसेनाति पहातब्बपटिपक्खअङ्गवसेन । पटिप्पस्सद्धन्ते उप्पन्नत्ताति किलेसानं पटिप्पस्सम्भनं पटिप्पस्सद्धं, सो एव अन्तो परियोसानभावतो, तस्मिं साधेतब्बे निब्बत्तत्ता, तंतंमग्गवज्झकिलेसानं पटिप्पस्सम्भनवसेन पवत्तत्ताति

अथो । किलेसेहि निस्सटता, अपगमो च निब्बानस्स तेहि विवित्तता एवाति आह “दूरे ठितत्ता”ति ।

१६. धम्मधातूति धम्मानं सभावो, अत्थतो चत्तारि अरियसच्चाणि । सुप्पटिविद्धाति सुट्टु पटिविद्धा सवासनानं सब्बेसं किलेसानं पजहनतो । एवज्झि सब्बज्जुता, दसबलजाणादयो चाति सब्बे बुद्धगुणा भगवता अधिगता अहेसुं । अरहतं धम्मधातूति केचि । सब्बज्जुतजाणन्ति अपरे । द्वीहि पदेहीति द्वीहि वाक्येहि । आबद्धन्ति पटिबद्धं तंमूलकता उपरिदेसनाय । देवचारिककोलाहलन्ति अत्तनो देवलोके चारिकायं सुद्धावासदेवानं कुतूहलप्पवत्ति दस्सेन्तो सुत्तन्तपरियोसाने (दी० नि० अट्ठ० २.९१) विचारेस्सति, अत्थतो विभावेस्सतीति योजना । अयं देसनाति “इतो सो भिक्खवे”तिआदिना (दी० नि० २.४) वित्थारतो पवत्तितदेसनमाह । निदानकण्डेतिआदितो देसितं उद्देसदेसनमाह । सा हि इमिस्सा देसनाय निदानट्ठानियत्ता तथा वुत्ता ।

### बोधिसत्तधम्मतावण्णना

१७. “विपस्सीति तस्स नाम”न्ति वत्वा तस्स अन्वत्थतं दस्सेतुं “तज्ज खो”तिआदि वुत्तं । विविधे अत्थेति तिरोहितविदूरदेसगतादिके नीलादिवसेन नानाविधे, तदज्जे च इन्द्रियगोचरभूते ते च यथूपगते, वोहारविनिच्छये चाति नानाविधे अत्थे । पस्सनकुसलतायाति दस्सने निपुणभावेन । याथावतो जेय्यं बुज्झतीति बोधि, सो एव सत्तयोगतो बोधिसत्तोति आह “पण्डितसत्तो बुज्झनकसत्तो”ति । सुचिन्तितचिन्तितादिना पन पण्डितभावे वत्तब्बमेव नत्थि । यदा च पनानेन महाभिनीहारो कतो, ततो पट्टाय महाबोधियं एकन्तनिन्नत्ता बोधिम्हि सत्तो बोधिसत्तोति आह “बोधिसङ्गातेसू”तिआदि । मग्गजाणपदट्ठानज्झि सब्बज्जुतजाणं, सब्बज्जुतजाणपदट्ठानज्ज मग्गजाणं “बोधी”ति वुच्चति । “सतो सम्पजानो”ति इमिना चतुत्थाय गम्भावककन्तिया ओक्कमीति दस्सेति । चतस्सो हि गम्भावककन्तियो इधेकच्चो गम्भो मातुकुच्छियं ओक्कमने, ठाने, निक्खमनेति तीसु ठानेसु असम्पजानो होति, एकच्चो पठमे ठाने सम्पजानो, न इतरेसु, एकच्चो पठमे, दुतिये च ठाने सम्पजानो, न ततिये, एकच्चो तीसुपि ठानेसु सम्पजानो होति । तत्थ पठमा गम्भावककन्ति लोकियमहाजनस्स वसेन वुत्ता, दुतिया असीतिमहासावकानं (थेरगा० अट्ठ० २.२१) वङ्गीसत्थेरगाथावण्णनाय वित्थारो) वसेन, ततिया द्विन्नं अग्गसावकानं, पच्चेकबुद्धानज्ज वसेन । ते किर कम्मजवातेहि उद्धंपादा अधोसिरा अनेकसतपोरिसे पपाते विय योनिमुखे खित्ता ताळच्छिगळेन हत्थी विय सम्बाधेन योनिमुखेन निक्खमन्ता महन्तं दुक्खं पापुणन्ति, तेन नेसं “मयं निक्खमामा”ति सम्पजज्जं न होति । चतुत्था सब्बज्जुबोधिसत्तानं वसेन । ते हि मातुकुच्छिम्हि पटिसन्धिं गणहन्तापि पजानन्ति, तत्थ वसन्तापि पजानन्ति, निक्खमनकालेपि पजानन्ति । न हि ते कम्मजवाता उद्धंपादे अधोसिरे कत्वा खिपितुं सक्कोन्ति, द्वे हत्थे पसारित्वा अक्खीनि उम्मीलेत्वा ठितकाव निक्खमन्तीति । जाणेन परिच्छिन्दित्वाति पुब्बभागे पज्जमहाविलोकनजाणेहि चेव “इदानि चवामी”ति चुतिपरिच्छिन्दनजाणेन च अपरभागे “इध मया पटिसन्धि गहिता”ति पटिसन्धिपरिच्छिन्दनजाणेन च परिच्छिज्ज जानित्वा ।

पज्जन्नं महापरिच्चागानं, जातत्थचरियादीनज्ज सतिपि पारमिया परियापन्नभावे सम्भारविसेसभावदस्सनत्थं विसुं गहणं । तत्थ अङ्गपरिच्चागो, नयनपरिच्चागो, अत्तपरिच्चागो, रज्जपरिच्चागो, पुत्तदारपरिच्चागोति इमे पज्ज महापरिच्चागा । तत्थापि कामं अङ्गपरिच्चागादयोपि दानपारमीयेव, तथापि परिच्चागविसेसभावदस्सनत्थज्जेव सुदुक्करभावदस्सनत्थज्ज महापरिच्चागानं विसुं गहणं । ततो एव च अङ्गपरिच्चागतोपि विसुं नयनपरिच्चागगहणं, परिच्चागभावसामज्जेपि रज्जपरिच्चागपुत्तदारपरिच्चागगहणज्ज कतं । जातीनं अत्थचरिया जातत्थचरिया, सा च खो

करुणायनवसेन । तथा सत्तलोकस्स दिट्ठधम्मिकसम्परायिकपरमत्थानं वसेन हितचरिया **लोकत्थचरिया** ।  
 कम्मस्सकताजाणवसेन, अनवज्जकम्मायतनसिप्पायतनविज्जाठानवसेन, खन्धायतनादिवसेन, लक्खणत्तयादितीरणवसेन  
 च अत्तनो, परेसञ्च तत्थ सतिपट्ठानेन जाणचारो **बुद्धचरिया**, सा पनत्थतो पज्जापारमीयेव, जाणसम्भारविसेसतादस्सनत्थं  
 पन विसुं गहणं । **बुद्धचरियानन्ति** बहुवचननिद्देसेन पुब्बयोगपुब्बचरियाधम्मक्खानादीनं सङ्गहो दट्ठब्बो । तत्थ  
 गतपच्चागतवत्तसङ्घाताय पुब्बभागपटिपदाय सद्धिं अभिज्जासमापत्तिनिष्फादनं **पुब्बयोगो** । दानादीसुयेव सातिसयपटिपत्ति  
**पुब्बचरिया** । “याव चरियापिटके सङ्गहिता अभिनीहारो **पुब्बयोगो**, कायादिविवेकवसेन एकचरिया **पुब्बचरिया**”ति  
 केचि । दानादीनञ्चेव अप्पिच्छतादीनञ्च संसारनिब्बानेसु आदीनवानिसंसानञ्च विभावनवसेन, सत्तानं बोधित्तये  
 पतिट्ठापनपरिपाचनवसेन च पवत्तकथा **धम्मक्खानं** । **कोटिं पत्वाति** परं परियन्तं परमुक्कंसं पापुणित्वा ।  
**सत्तमहादानानीति** अट्ठवस्सिककाले “हृदयमंसादीनिपि याचकानं ददेय्य”न्ति अज्झासयं उप्पादेत्वा दिन्नदानं,  
 मङ्गलहत्थिदानं, गमनकाले दिन्नं सत्तसत्तकमहादानं, मग्गं गच्छन्तेन दिन्नं अस्सदानं, रथदानं, पुत्तदानं, भरियादानन्ति  
 इमानि सत्त महादानानि (चरिया० ७९) **दत्त्वा** ।

“इदनेव मे मरणं होतू”ति अधिमुच्चित्वा कालकरणं **अधिमुत्तिकालकिरिया**, तं बोधिसत्तानयेव, न अज्जेसं ।  
 बोधिसत्ता किर दीघायुकदेवलोके ठिता “इध ठितस्स मे बोधिसम्भारसम्भरणं न सम्भवती”ति कत्वा तत्थ वासतो  
 निब्बिन्दमानसा होन्ति, तदा विमानं पविसित्वा अक्खीनि निमीलेत्वा “इतो उद्धं मे जीवितं नप्पवत्ततू”ति चित्तं अधिट्ठाय  
 निसीदन्ति, चित्ताधिट्ठानसमनन्तरमेव मरणं होति । पारमीधम्मानज्झि उक्कंसप्पवत्तिया तस्मिं तस्मिं अत्तभावे  
 अभिज्जासमापत्तीहि सन्तानस्स विसेसितत्ता अत्तसिनेहस्स तनुभावेन, सत्तेसु च महाकरुणाय उळारभावेन अधिट्ठानस्स  
 तिकखविसदभावापत्तिया बोधिसत्तानं अधिप्पाया समिज्जन्ति । चित्ते, विय कम्मेसु च नेसं वसीभावो, तस्मा यत्थ उपपन्नानं  
 पारमियो सम्मदेव परिब्रूहन्ति । वुत्तनयेन कालं कत्वा तत्थ उपपज्जन्ति । तथा हि अम्हाकं महासत्तो इमस्मियेव कप्पे  
 नानाजातीसु अपरिहीनज्झानो कालं कत्वा ब्रह्मलोके निब्बत्तो, अप्पकमेव कालं तत्थ ठत्वा ततो चवित्वा मनुस्सलोके  
 निब्बत्तो, पारमीसम्भरणपसुतो अहोसि । तेन वुत्तं “बोधिसत्तानयेव, न अज्जेस”न्ति । “**एकेनअत्तभावेन अन्तरेन  
 पारमीनं सब्बसो पूरितत्ता**”ति इमिना पयोजनाभावतो तत्थ ठत्वा अधिमुत्तिकालकिरिया नाम नाहोसीति दस्सेति । अपि  
 च तत्थ यावतायुकट्ठानं चरिमभवे अनेकमहानिधिसमुट्ठानपुब्बिकाय दिब्बसम्पत्तिसदिसाय महासम्पत्तिया निब्बत्ति विय,  
 बुद्धभूतस्स असदिसदानादिवसेन अनज्जसाधारणलाभुप्पत्ति विय च “इतो परं महापुरिसस्स दिब्बसम्पत्तिअनुभवनं नाम  
 नत्थी”ति उस्साहजातस्स पुज्जसम्भारस्स वसेनाति दट्ठब्बं । अयज्हेत्थ धम्मता ।

**मनुस्सगणनावसेन**, न देवगणनावसेन । **पुब्बनिमित्तानीति** चुतिया पुब्बनिमित्तानि । **अमिलायित्वाति** एत्थ  
 अमिलातग्गहणेनेव तासं मालानं वण्णसम्पदायपि गन्धसम्पदायपि सोभासम्पदायपि अविनासो दस्सितोति दट्ठब्बं ।  
 बाहिरब्भन्तरानं रजोजल्लानं लेपस्सपि अभावतो देवानं सरीरगतानि वत्थानि सब्बकालं परिसुद्धप्पभस्सरानेव हुत्वा  
 तिट्ठन्तीति आह “**वत्थेसुपि एसेव नयो**”ति । **नेव सीतं न उण्हन्ति** यस्स सीतस्स पटिकारवसेन अधिकं सेवियमानं  
 उण्हं, सयमेव वा खरतरं हुत्वा अभिभवन्तं सरीरे सेदं उप्पादेय्य, तादिसं नेव सीतं, न उण्हं होति । **तस्मिं कालेति**  
 यथावुत्तमरणासन्नकाले । **बिन्दुबिन्दुवसेनाति** छिन्नसुत्ताय आमत्तमुत्तावलिया निपतन्ता मुत्तगुळिका विय बिन्दु बिन्दु  
 हुत्वा । **सेदाति** सेदधारा **मुच्चन्ति** । दन्तानं खण्डितभावो **खण्डिच्चं** । केसानं पलितभावो **पालिच्चं** । **आदि-**सद्देन  
 वलित्तचतं सङ्गण्हाति । **किलन्तरूपो अत्तभावो होति**, न पन खण्डिच्चपालिच्चादीति अधिप्पायो । **उक्कण्ठिताति**  
 अनभिरति । सा नत्थि उपरूपरि उळारउळारानमेव भोगानं विसेसतो दुविजाननानं उपतिट्ठहनतो । **निस्ससन्तीति** उण्हं  
 निस्ससन्ति । **विजम्भन्तीति** अनभिरतिवसेन विजम्भनं करोन्ति ।

**पण्डिता एवाति** बुद्धिसम्पन्ना एव देवता । यथा देवता सम्पतिजाता “कीदृसेन पुञ्जकम्मेन इध निब्बत्ता”ति चिन्तेत्वा “इमिना नाम पुञ्जकम्मेन इध निब्बत्ता”ति जानन्ति, एवं अतीतभवे अत्तना कतं, अज्जदापि वा एकच्चं पुञ्जकम्मे जानन्तियेव महापुञ्जाति आह “**ये महापुञ्जा**”तिआदि ।

**न पञ्जायन्ति** चिरतरकालत्ता परमायुनो । **अनिय्यानिकन्ति** न निय्यानावहं सत्तानं अभाजनभावतो । सत्ता न परमायुनो होन्ति नाम पापुस्सन्नतायाति आह “**तदा हि सत्ता उस्सन्नकिलेसा होन्ती**”ति । एत्थाह — कस्मा सम्मासम्बुद्धा मनुस्सलोके एव उप्पज्जन्ति, न देवब्रह्मलोकेसूति? देवलोके ताव नुप्पज्जन्ति ब्रह्मचरियवासस्स अनोकासभावतो, तथा अनच्छरियभावतो । अच्छरियधम्मा हि बुद्धा भगवन्तो, तेसं सा अच्छरियधम्मता देवत्तभावे ठितानं न पाकटा होति यथा मनुस्सभूतानं, देवभूते हि सम्मासम्बुद्धे दिस्समानं बुद्धानुभावं देवानुभावतो लोको दहति, न बुद्धानुभावतो, तथा सति “सम्मासम्बुद्धो”ति नाधिमुच्चति न सम्पसीदति, इस्सरगुत्तगाहं न विस्सज्जेति, देवत्तभावस्स च चिरकालाधिद्वानतो एकच्चसस्सतवादतो न परिमुच्चति । **ब्रह्मलोके नुप्पज्जन्तीति** एत्थापि एसेव नयो । सत्तानं तादिसग्गाहविनिमोचनत्थज्हि बुद्धा भगवन्तो मनुस्ससुगतियंयेव उप्पज्जन्ति, न देवसुगतियं । मनुस्ससुगतियं उप्पज्जन्तापि ओपपातिका न होन्ति, सति च ओपपातिकूपपत्तियं वुत्तदोसानतिवत्तनतो, धम्मवेनेय्यानं धम्मतन्तिया ठपनस्स विय धातुवेनेय्यानं धातूनं ठपनस्स इच्छितब्बत्ता च । न हि ओपपातिकानं परिनिब्बानतो उद्धं सरीरधातुयो तिद्वन्ति । मनुस्सलोके उप्पज्जन्तापि महाबोधिसत्ता चरिमभवे मनुस्सभावस्स पाकटभावकरणाय पन दारपरिग्गहम्पि करोन्ता याव पुत्तमुखदस्सना अगारमज्जे तिद्वन्ति, परिपाकगतसीलनेक्खम्मपञ्जादिपारमिकापि न अभिनिक्खमन्तीति । किं वा एताय कारणचिन्ताय “सब्बबुद्धेहि आचिण्णसमाचिण्णा, यदिदं मनुस्सभूतानंयेव अभिसम्बुद्धाना, न देवभूतान”न्ति । अयमेत्थ धम्मता । तथा हि तदत्थो महाभिनीहारोपि मनुस्सभूतानंयेव इज्झति, न देवभूतानं ।

कस्मा पन सम्मासम्बुद्धा जम्बुदीपे एव उप्पज्जन्ति, न सेसदीपेसु? केचि ताव आहु “यस्मा पथविया नाभिभूता, बुद्धानुभावसहिता अचलद्वानभूता बोधिमण्डभूमि जम्बुदीपे एव, तस्मा जम्बुदीपे एव उप्पज्जन्ती”ति, तथा “इतरेसम्पि अविजहितद्वानानं तत्थेव लब्धनतो”ति । अयं पनेत्थ अम्हाकं खन्ति — यस्मा पुरिमबुद्धानं, महाबोधिसत्तानं, पच्चेकबुद्धानञ्च निब्बत्तिया सावकबोधिसत्तानं सावकबोधिया अभिनीहारो, सावकपारमिया सम्भरणं, परिपाचनञ्च बुद्धखेत्तभूते इमस्मिं चक्कवाळे जम्बुदीपे एव इज्झति, न अज्जत्थ । वेनेय्यानं विनयनत्थो च बुद्धुप्पादोति अगसावकमहासावकादि वेनेय्यविसेसापेक्खाय एतस्मिं जम्बुदीपे एव बुद्धा निब्बत्तन्ति, न सेसदीपेसु । अयञ्च नयो सब्बबुद्धानं आचिण्णसमाचिण्णोति । तेसं उत्तमपुरिसानं तत्थेव उप्पत्ति सम्पत्तिचक्कानं विय अज्जमज्जूपनिस्सयतो अपरापरं वत्ततीति दट्ठब्बं, एतेनेव इमं चक्कवाळं मज्जे कत्वा इमिना सद्धिं चक्कवाळानं दससहस्सस्सेव खेत्तभावो दीपितो इतो अज्जस्स बुद्धानं उप्पत्तिद्वानस्स तेपिटके बुद्धवचने अनुपलब्धनतो । तेनाह “**तीसु दीपेसु बुद्धा न निब्बत्तन्ति, जम्बुदीपेयेव निब्बत्तन्तीति दीपं पस्सी**”ति । इमिना नयेन देसनियामेपि कारणं नीहरित्वा वत्तब्बं ।

**इदानी च खत्तियकुलं लोकसम्मतं** ब्राह्मणानम्पि पूजनीयभावतो । “**राजा पिता भविस्सती**”ति कुलं पस्सि पितुवसेन कुलस्स निद्विसितब्बतो ।

“**दसन्नं मासानं उपरि सत्त दिवसानी**”ति पस्सि, तेन अत्तनो अन्तरायाभावं अज्जासि, तस्सा च तुसितभवे दिब्बसम्पत्तिपच्चनुभवनं ।

**ता देवताति** दससहस्सिचक्कवाळदेवता । कथं पन ता देवता तदा बोधिसत्तस्स पूरितपारमिभावं, कथं चस्स

बुद्धभावं जानन्तीति? महेसकखानं देवतानं वसेन, येभुय्येन च ता देवता अभिसमयभागिनो। तथा हि भगवतो धम्मदानसंविभागे अनेकवारं दससहस्सचक्कवाळदेवतासन्निपातो अहोसि।

“चवामी”ति जानाति चुतिआसन्नजवनेहि जाणसहितेहि चुतिया उपट्ठितभावस्स पटिसंविदितत्ता। **चुतिचित्तं न जानाति** चुतिचित्तकखणस्स इत्तरभावतो। तथा हि तं चुतूपपातजाणस्सपि अविसयोव। **पटिसन्धिचित्तेपि** एसेव नयो। **आवज्जनपरियायोति** आवज्जनक्कमो। यस्मा एकवारं आवज्जितमत्तेन आरम्मणं निच्छिनितुं न सक्का, तस्मा तं एवारम्मणं दुतियं, ततियञ्च आवज्जित्वा निच्छयति। आवज्जनसीसेन चेत्य जवनवारो गहितो। तेनाह “दुतियततियचित्तवारे एव जानिस्सती”ति। चुतिया पुरेतरं कतिपयचित्तवारतो पट्टाय “मरणं मे आसन्न”न्ति जाननतो “चुतिकखणेपि चवामीति जानाती”ति वुत्तं। पटिसन्धिया पन अपुब्बभावतो **पटिसन्धिचित्तं न जानाति**। निकन्तिया उप्पत्तितो परतो “असुकस्मिं मे ठाने पटिसन्धि गहिता”ति जानाति। तस्मिं कालेति पटिसन्धिगहणकाले। **दससहस्सिलोकधातु कम्पतीति** एत्थ कम्पनकारणं हेट्ठा ब्रह्मजालवण्णनायं (दी० नि० टी० १.१४९) वुत्तमेव। अत्थतो पनेत्थ यं वत्तब्बं, तं परतो **महापरिनिब्बानवण्णनायं** (दी० नि० अट्ठ० २.१७१) आगमिस्सति। महाकारुणिका बुद्धा भगवन्तो सत्तानं हितसुखविधानतप्परताय बहुलं सोमनस्सिकाव होन्तीति तेसं पठममहाविपाकचित्तेन पटिसन्धिगहणं **अट्ठकथायं** (दी० नि० अट्ठ० २.१७; ध० स० अट्ठ० ४९८; म० नि० अट्ठ० ४.२००) वुत्तं। **महासिवत्थेरोपन** यदिपि महाकारुणिका बुद्धा भगवन्तो सत्तानं हितसुखविधानतप्पराव, विवेकज्झासया पन विसङ्खारनिन्ना सब्बसङ्खारेसु अज्झुपेक्खनबहुलाति पञ्चममहाविपाकचित्तेन पटिसन्धिगहणमाह।

**पुरे पुण्णमाय सत्तमदिवसतो पट्टायाति** पुण्णमाय पुरे सत्तमदिवसतो पट्टाय, सुक्कपक्खे नवमितो पट्टायाति अत्थो। **सत्तमे दिवसेति** नवमितो सत्तमे दिवसे आसळ्हपुण्णमायं। **इदं सुपिनन्ति** इदानी वुच्चमानाकारं। **मज्झिमदुक्कथायं** पन “अनोतत्तदहं नेत्वा एकमन्तं अट्ठं सु। अथ नेसं देवियो आगन्त्वा मनुस्समलहरणत्थं न्हापेत्वा”ति (म० नि० अट्ठ० ४.२००) वुत्तं। तत्थ **नेसं देवियोति** महाराजूनं देवियो। **चरित्वाति** गोचरं चरित्वा।

**हरितूपलित्तायाति** हरितेन गोमयेन कतपरिभण्डाय। “सो च खो पुरिसगब्भो, न इत्थिगब्भो, पुत्तो ते भविस्सती”ति एत्तकमेव ते ब्राह्मणा अत्तनो सुपिनसत्थनयेन कथेसुं। “सचे अगारं अज्झावसिस्सती”तिआदि पन देवताविगगहेन तमत्थं याथावतो पवेदेसुं।

**धम्मताति** एत्थ धम्म-सद्वो “जातिधम्मानं भिक्खवे सत्तान”न्तिआदीसु (म० नि० १.१३१; ३.३७३; पटि० म० १.३३) विय पकतिपरियायो, धम्मो एव **धम्मता** यथा देवो एव देवताति आह “अयं सभावो”ति, अयं पकतीति अत्थो। स्वायं सभावो अत्थतो तथा नियतभावोति आह “अयं नियामोति वुत्तं होती”ति। नियामो पन बहुविधोति ते सब्बे अत्थुद्धारनयेन उद्धरित्वा इधाधिप्पेतनियाममेव दस्सेतुं “**नियामो च नामा**”तिआदि वुत्तं। तत्थ कम्मानं नियामो **कम्मनियामो**। एस नयो उतुनियामादीसु तीसु। इतरो पन धम्मो एव नियामो **धम्मनियामो**, धम्मता।

**कुसलस्स कम्मस्स। निसेन्तो** तिखिणं करोन्तो।

अरूपादिभूमिभागविसेसवसेन उतुविसेसदस्सनतो उतुविसेसेन सिज्झमानानं रुक्खादीनं पुप्फफलादिगहणं “**तेसु तेसु जनपदेसू**”ति विसेसेत्वा वुत्तं। **तस्मिं तस्मिं कालेति** तस्मिं तस्मिं वसन्तादिकाले।

मधुरतो बीजतो तित्ततो बीजतोति योजना ।

१८. वत्तमानसमीपे वत्तमाने विय वोहरितब्बन्ति “ओक्कमती”ति वुत्तन्ति आह “ओक्कन्तो होतीति अयमेवत्थो”ति । एवं होतीति एवं वुत्तप्पकारेणस्स सम्पजानना होति । न ओक्कममाने पटिसन्धिक्खणस्स दुविज्जेय्यताय । यथा च वुत्तं “पटिसन्धिचित्तं न जानाती”ति । दससहस्सचक्कवाळपत्थरणेन वा अप्पमाणो । अतिविय समुज्जलनभावेन उळारो । देवानुभावन्ति देवानं पभानुभावं । देवानज्झि पभं सो ओभासो अभिभवति, न तेसं आधिपच्चं । तेनाह “निवत्थवत्थस्सा”तिआदि ।

लोकानं लोकधातूनं अन्तरो विवरो लोकन्तरो, सो एव इत्थिलिङ्गवसेन “लोकन्तरिका”ति वुत्तो । रुक्खगच्छादिना केनचि न हज्जन्तीति अघा, असम्बाधा । तेनाह “निच्चविवटा”ति । असंवुताति हेट्ठा, उपरि च केनचि न पिहिता । तेन वुत्तं “हेट्ठापि अप्पतिट्ठा”ति । तत्थ पि-सद्देन यथा हेट्ठा उदकस्स पिधायिका पथवी नत्थीति असंवुता लोकन्तरिका, एवं उपरिपि चक्कवाळेसु विय देवविमानानं अभावतो असंवुता अप्पतिट्ठाति दस्सेति । अन्धकारो एत्थ अत्थीति अन्धकारा । चक्खुविज्जाणं न जायति आलोकस्स अभावतो, न चक्खुनो । तथा हि “तेन ओभासेन अज्जमज्जं सज्जानन्ती”ति वुत्तं । जम्बुदीपे ठितमज्झन्धिकवेलायं पुब्बविदेहवासीनं अत्थङ्गमनवसेन उपट्ठं सूरियमण्डलं पज्जायति, अपरगोयानवासीनं उगमनवसेन, एवं सेसदीपेसु पीति आह “एकप्पहारेनेव तीसु दीपेसु पज्जायन्ती”ति । इतो अज्जथा पन द्वीसु एव दीपेसु एकप्पहारेन पज्जायन्तीति । एकेकाय दिसाय नव नव योजनसतसहस्सानि अन्धकारविधमनम्पि इमिनाव नयेन दट्ठब्बं । पभाय नप्पहोन्तीति अत्तनो पभाय ओभासितुं अनभिसम्भुनन्ति । युगन्धरपब्बतप्पमाणे आकासे विचरणतो “चक्कवाळपब्बतस्स वेमज्झेन विचरन्ती”ति वुत्तं ।

वावटाति खादनत्थं गण्हितुं उपक्कमन्ता । विपरिवत्तित्वाति विवत्तित्वा । छिज्जित्वाति मुच्छापत्तिया ठितट्ठानतो मुच्चित्वा, अङ्गपच्चङ्गछेदनेन वा छिज्जित्वा । अच्चन्तखारेति आतपसन्तापाभावेन अतिसीतभावमेव सन्धाय अच्चन्तखारता वुत्ता सिया । न हि तं कप्पसण्ठहनउदकं सम्पत्तिकरमहामेघवुट्ठं पथविसन्धारकं कप्पविनासकं उदकं विय खारं भवितुं अरहति । तथा हि सति पथवीपि विलीयेय्य, तेसं वा पापकम्मबलेन पेतानं उदकस्स पुब्बखेळभावापत्ति विय तस्स उदकस्स तदा खारभावापत्ति होतीति वुत्तं “अच्चन्तखारे उदके”ति ।

एकयागुपानमत्तम्पीति पत्तादिभाजनगतं यागुं गळोचिआदिउद्धरणिया गहेत्वा पिवनमत्तम्पि कालं । समन्ततोति सब्बभागतो छप्पकारम्पि ।

१९. चतुन्नं महाराजानं वसेनाति वेस्सवणादिचतुमहाराजभावसामज्जेन ।

यथाविहारन्ति यथासकं विहारं ।

२०. पकतियाति अत्तनो पकतिया एव । तेनाह “सभावेनेवा”ति । परस्स सन्तिके गहणेन विना अत्तनो सभावेनेव सयमेव अधिट्ठित्वा सीलसम्पन्ना । बोधिसत्तमातापीति अम्हाकं बोधिसत्तमातापि । कालदेविलस्साति यथा कालदेविलस्स सन्तिके अज्जदा गण्हाति, बोधिसत्ते पन...पे०... सयमेव सीलं अगगहेसि, तथा विपस्सीबोधिसत्तमातापीति अधिप्पायो ।

२१. “मनुस्सेसू”ति इदं पकतिचारित्तवसेन वुत्तं, “मनुस्सित्थिया नाम मनुस्सपुरिसेसु पुरिसाधिप्पायचित्तं उप्पज्जेय्या”ति । बोधिसत्तस्स मातुया पन देवेसुपि तादिसं चित्तं नुप्पज्जतेव । यथा बोधिसत्तस्स आनुभावेन बोधिसत्तमातु पुरिसाधिप्पायचित्तं नुप्पज्जति, एवं तस्स आनुभावेनेव सा केनचि पुरिसेन अनभिभवनीयाति आह “पादा न वहन्ति दिब्बसङ्गलिका विय बज्झन्ती”ति ।

२२. पुब्बे “कामगुणूपसंहितं चित्तं नुप्पज्जती”ति वुत्तं, पुन “पञ्चहि कामगुणेहि समप्पिता समङ्गीभूता परिचारेती”ति च वुत्तं । कथमिदं अज्जमज्जं न विरुज्झतीति आह “पुब्बे”तिआदि । वत्थुपटिक्खेपोति अब्रह्मचरियवत्थुपटिसेधो । तेनाह “पुरिसाधिप्पायवसेना”ति । आरम्मणपटिलाभोति रूपादिपञ्चकामगुणारम्मणस्सेव पटिलाभो ।

२३. किलमथोति खेदो, कायस्स गरुभावकथिनभावादयोपि तस्सा तदा न होन्ति एव । “तिरोकुच्छिगतं पस्सती”ति वुत्तं । कदा पट्टाय पस्सतीति आह “कललादिकालं अतिक्कमित्वा”तिआदि । दस्सने पयोजनं सयमेव वदति । तस्स अभावतो कललादिकाले न पस्सति । पुत्तेन दहरेन मन्देन उत्तानसेय्यकेन सद्धिं । “यं तं मातू”तिआदि पकतिचारित्तवसेन वुत्तं । चक्कवत्तिगब्भतोपि हि सविसेसं बोधिसत्तगब्भो परिहारं लभति पुज्जसम्भारस्स सातिसयत्ता, तस्मा बोधिसत्तमाता अतिविय सप्पायाहाराचारा च हुत्वा सक्कच्चं परिहरति । सुखवासत्थन्ति बोधिसत्तस्स सुखवासत्थं । पुरत्थाभिमुखोति मातु पुरिमभागाभिमुखो । इदानि तिरोकुच्छिगतस्स दिस्समानताय अब्भन्तरं, बाहिरञ्च कारणं दस्सेतुं “पुब्बे कतकम्म”न्तिआदि वुत्तं । अस्साति देविया । वत्थुन्ति कुच्छिं । फलिकअब्भपटलादिनो विय बोधिसत्तमातुकुच्छित्तचस्स पतनुभावेन आलोकस्स विबन्धाभावतो यथा बोधिसत्तमाता कुच्छिगतं बोधिसत्तं पस्सति, किं एवं बोधिसत्तोपि मातरं, अज्जञ्च पुरतो ठितं रूपगतं पस्सति, नोति आह “बोधिसत्तो पना”तिआदि । कस्मा पन सति चक्खुम्हि, आलोके च न पस्सतीति आह “न हि अन्तोकुच्छियं चक्खुविज्जाणं उप्पज्जती”ति । अस्सासपस्सासा विय हि तत्थ चक्खुविज्जाणम्पि न उप्पज्जति तज्जस्स समन्नाहारस्स अभावतो ।

२४. यथा अज्जा इत्थियो विजातप्पच्चया तादिसेन रोगेन अभिभूतापि हुत्वा मरन्ति, बोधिसत्तमातु पन बोधिसत्ते कुच्छिगते तस्स विजायननिमित्तं, न कोचि रोगो उप्पज्जति, केवलं आयुपरिक्खयेनेव कालं करोति, स्वायमत्थो हेट्ठा वुत्तो एव । “बोधिसत्तेन वसितट्टानज्ही”तिआदि तस्स कारणवचनं । अज्जेसं अपरिभोगन्ति अज्जेहि न परिभुज्जितब्बं, न परिभोगयोग्यन्ति अत्थो । तथा सति बोधिसत्तपितु अज्जाय अगमहेसिया भवितब्बं, तथापि बोधिसत्तमातरि धरन्तिया अयुज्जमानकन्ति आह “न च सक्का”तिआदि । अपनेत्वाति अगमहेसिठानतो नीहरित्वा । अत्तनि छन्दरागवसेनेव बहिद्धा आरम्मणपरियेसनाति विसयिनिसारागो सत्तानं विसयेसु सारागस्स बलवकारणन्ति दस्सेन्तो आह “सत्तानं अत्तभावे छन्दरागो बलवा होती”ति । अनुरक्खितुं न सक्कोतीति सम्मा गब्भपरिहारं नानुयुज्जति । तेन गब्भो बह्वाबाधो होति । वत्थु विसदं होतीति गब्भासयो विसुद्धो होति । मातु मज्झिमवयस्स ततियकोट्टासे बोधिसत्तगब्भोक्कमनम्पि तस्सा आयुपरिमाणविलोकनेनेव सङ्गहितं वयोवसेन उप्पज्जनकविकारस्स परिवज्जनतो । इत्थिसभावेन उप्पज्जनकविकारो पन बोधिसत्तस्स आनुभावेनेव वूपसमति ।

२५. सत्तमासजातोति पटिसन्धिगगहणतो सत्तमे मासे जातो । सो सीतुण्हक्खमो न होति अतिविय सुखुमालताय । अट्टमासजातो कामं सत्तमासजाततो बुद्धिवयवा, एकच्चे पन चम्मपदेसा वुद्धिं पापुणन्ता घट्टनं न सहन्ति, तेन सो न जीवति । “सत्तमासजातस्स पन न ताव ते जाता”ति वदन्ति ।

२७. देवा पठमं पटिगणहन्तीति “लोकनाथं महापुरिसं सयमेव पठमं पटिगणहामा”ति सज्जातगारवबहुमाना



अत्तनो पीतिं पवेदेन्ता **खीणासवा सुद्धावासब्रह्मानो आदितो पटिग्गहन्ति**। सूतिवेसन्ति सूतिजग्गनधातिवेसं। एकेति अभयगिरिवासिनो। **मच्छक्खिसदिसं** छविवसेन। **अट्टासि** न निसीदि, न निपज्जि वा। तेन वुत्तं “ठिताव बोधिसत्तं बोधिसत्तमाता विजायती”ति। निहुक्खताय **ठिता** एव हुत्वा **विजायति**। दुक्खस्स हि बलवभावतो तं दुक्खं असहमाना अज्जा इत्थियो निसिन्ना वा निपन्ना वा विजायन्ति।

**२८. अजिनप्पवेणियाति** अजिनचम्मोहि सिब्बित्वा कतपवेणिया। **महातेजोति** महानुभावो। **महायसोति** महापरिवारो, विपुलकित्तिघोसो च।

**२९. भग्गविभग्गाति** सम्बाधट्टानतो निक्खमनेन विभावितत्ता भग्गा, विभग्गा विय च हुत्वा, तेन नेसं अविसदभावमेव दस्सेति। **अलग्गो** हुत्वाति गब्भासये, योनिपदेसे च कत्थचि अलग्गो असत्तो हुत्वा, यतो “धमकरणतो उदकनिक्खमनसदिस”न्ति वुत्तं। **उदकेनाति** गब्भासयगतेन उदकेन। **अमक्खितोव निक्खमति** सम्मक्खितस्स तादिसस्स उदकसेम्हादिकस्सेव तत्थ अभावतो। बोधिसत्तस्स हि पुज्जानुभावतो पटिसन्धिग्गहणतो पट्टाय तं ठानं पुब्बेपि विसुद्धं विसेसतो परमसुगन्धगन्धकुटि विय चन्दनगन्धं वायन्तं तिष्ठति।

**उदकवट्टियोति** उदकक्खन्धा।

**३१. मुहुत्तजातोति** मुहुत्तेन जातो हुत्वा मुहुत्तमत्तोव। **अनुधारियमानेति** अनुकूलवसेन नीयमाने। **आगतानेवाति** तं ठानं उपगतानि एव। **अनेकसाखन्ति** रतनमयानेकसतपटिट्टानहीरकं। **सहस्समण्डलन्ति** तेसं उपरिट्ठितं अनेकसहस्समण्डलहीरकं। **मरूति** देवा। **न खो पन एवं दट्टब्बं** पदवीतिहारतो पगेव दिसाविलोकनस्स कतत्ता। तेनाह “**महासत्तो ही**”तिआदि। **एकङ्गणानीति** विवटभावेन विहारङ्गणपरिवेणङ्गणानि विय एकङ्गणसदिसानि **अहेसुं**। **सदिसोपि नत्थीति** तुम्हाकं इदं विलोकनं विसिट्ठे पस्सितुं “**इध तुम्हेहि सदिसोपि नत्थि, कुतो उत्तरितरो**”ति आहंसु। **अग्गोति** पधानो, केन पनस्स पधानताति आह “**गुणेही**”ति। **पठम-**सद्वो चेत्थ पधानपरियायो। बोधिसत्तस्स पन पधानता अनज्जसाधारणाति आह “**सब्बपठमो**”ति, सब्बपधानोति अत्थो। **एतस्सेवाति** अगसदस्सेव। एत्थ च महेसक्खा ताव देवा तथा च वदन्ति, इतरे पन कथन्ति? महासत्तस्स आनुभावदस्सनादिना। महेसक्खानज्झि देवानं महासत्तस्स आनुभावो विय तेन सदिसानम्पि आनुभावो पच्चक्खो अहोसीति, इतरे पन तेसं वचनं सुत्वा सद्वहन्ता अनुमिनन्ता तथा आहंसु। परिपाकगतपुब्बहेतुसंसिद्धाय धम्मताय चोदियमानो **इमस्मिं...पे०... व्याकासि**।

जातमत्तस्सेव बोधिसत्तस्स ठानादीनि येसं विसेसाधिगमानं पुब्बनिमित्तभूतानीति ते निद्धारेत्वा दस्सेन्तो “**एत्थ चा**”तिआदिमाह। तत्थ **पटिट्टानं चतुरिद्धिपादपटिलाभस्स पुब्बनिमित्तं** इद्धिपादवसेन लोकुत्तरधम्मेषु सुप्पतिट्ठितभावसमिज्जनतो। **उत्तराभिमुखभावो** लोकस्स उत्तरणवसेन गमनस्स पुब्बनिमित्तं। तेन हि भगवा सदेवकस्स लोकस्स अभिभूतो, केनचि अनभिभूतो अहोसि। तेनाह “**महाजनं अज्झोत्थरित्वा अभिभवित्वा गमनस्स पुब्बनिमित्तं**”न्ति। तथा सत्तपदगमनं सत्तपदबोज्झङ्गसम्पन्नअरियमग्गगमनस्स। सुविसुद्धसेतच्छत्तधारणं सुविसुद्धविमुत्तिछत्तधारणस्स। पञ्चराजककुधभण्डसमायोगो पञ्चविधविमुत्तिगुणसमायोगस्स। अनावटदिसानुविलोकनं अनावटजाणताय। “**अग्गोहमस्मी**”तिआदिना अछम्भितवाचाभासनं केनचि अविबन्धनीयताय अप्पवत्तियस्स सद्धम्मचक्कप्पवत्तनस्स। “**अयमन्तिमा जाती**”ति आर्यतिं जातिया अभावकित्तना अनुपादि...पे०... पुब्बनिमित्तन्ति वेदितब्बं तस्स तस्स अनागते लद्धब्बविसेसस्स तं तं निमित्तं अब्यभिचारीति कत्वा। **न आगतोति** इमस्मिं सुत्ते, अज्जत्थ च वक्खमानाय अनुपुब्बिया न आगतो। **आहरित्वाति** तस्मिं तस्मिं सुत्ते, अट्टकथासु च आगतनयेन आहरित्वा दीपेतब्बो।

“दससहस्रिलोकधातु कम्पी”ति इदं सतिपि इध पाळियं आगतत्ते वक्खमानानं अच्छरियानं मूलभूतं दस्सेतुं वुत्तं, एवं अज्जम्पि एवरूपं दट्ठब्बं। तन्तिबद्धा वीणा चम्मबद्धा भेरियोति पञ्चङ्गिकतूरियस्स निदस्सनमत्तं, च-सद्देन वा इतरेसम्पि सङ्गहो दट्ठब्बो। “अन्दुबन्धनादीनि तङ्घणे एव छज्जित्वा पुन पाकतिकानेव होन्ति, तथा जच्चन्धादीनं चक्खुसोतादीनि तथारूपकम्मपच्चया तस्मिंयेव खणे उप्पज्जित्वा तावदेव विगच्छन्ती”ति वदन्ति। छिज्जिसूति च पादेसु बन्धट्टानेसु छिज्जिसु। विगच्छिसूति वूपसमिसु। आकासट्टकरतनानि नाम तंतंविमानगतमणिरतनादीनि। सकतेजोभासितानीति अतिविय समुज्जलाय अत्तनो पभाय ओभासितानि अहेसुं। नप्पवत्तीति न सन्निपातो। न वायीति खरो वातो न वायि। मुदुसुखो पन सत्तानं सुखावहो वायि। पथविगता अहेसुं उच्चट्टाने ठातुं अविसहन्ता। उतुसम्पन्नोति अनुण्हासीततासङ्घातेन उतुना सम्पन्नो। अप्फोटनं वुच्चति भुजहत्थसङ्घट्टनसद्दो, अत्थतो पन वामहत्थं उरे ठपेत्वा दक्खिणेन पुथुपाणिना हत्थताळनेन सद्दकरणं। मुखेन उस्सेळनं सद्दस्स मुच्चनं सेळनं। एकद्धजमाला अहोसि निरन्तरं धजमालासमोधानगताय। न केवलज्च एतानि एव, अथ खो अज्जानिपि “विचित्तपुप्फसुगन्धपुप्फवस्सदेवोपवस्सि सूरिये दिस्समाने एव तारका ओभासिसु, अच्छं विप्पसन्नं उदकं पथवितो उब्भिज्जि, बिलासया च तिरच्छाना आसयतो निक्खमिसु, रागदोसमोहापि तनु भविसु, पथवियं रजो वूपसमि, अनिदुगन्धो विगच्छि, दिब्बगन्धो वायि, रूपिनो देवा सरूपेनेव मनुस्सानं आपाथं अगमंसु, सत्तानं चुतूपपाता नाहेसु”न्ति एवमादीनि यानि महाभिनीहारसमये उप्पन्नानि द्रत्तिसुपुब्बनिमित्तानि, तानि अनवसेसतो तदा अहेसुन्ति।

तत्रापीति तेसुपि पथविकम्पादीसु एवं पुब्बनिमित्तभावो वेदितब्बो। न केवलं सम्पतिजातस्स ठानादीसु एवाति अधिप्पायो। सब्बज्जुतज्जाणपटिलाभस्स पुब्बनिमित्तं सब्बस्स जेय्यस्स, तित्थकरमतस्स च चालनतो। केनचि अनुस्साहितानंयेव इमस्मिंयेव एकचक्कवाळे सन्निपातो केनचि अनुस्साहितानंयेव एकप्पहारेनेव सन्निपतित्वा धम्मपटिगगहनस्स पुब्बनिमित्तं। पठमं देवतानं पटिगगहणं दिब्बविहारपटिलाभस्स, पच्छा मनुस्सानं पटिगगहणं तत्थेव ठानस्स निच्चलसभावतो आनेज्जविहारपटिलाभस्स पुब्बनिमित्तं। वीणानं सयं वज्जनं परूपदेसेन विना सयमेव अनुपुब्बविहारपटिलाभस्स पुब्बनिमित्तं। भेरीनं वज्जनं चक्कवाळपरियन्ताय परिसाय पवेदनसमत्थस्स धम्मभेरिया अनुसावनस्स अमतदुन्दुभिघोसनस्स पुब्बनिमित्तं। अन्दुबन्धनादीनं छेदो मानविनिबन्धभेदनस्स पुब्बनिमित्तं। महाजनस्स रोगविगमो तस्सेव सकलवट्टदुक्खरोगविगमभूतस्स सच्चपटिलाभस्स पुब्बनिमित्तं। “महाजनस्सा”ति पदं “महाजनस्स दिब्बचक्खुपटिलाभस्स, महाजनस्स दिब्बसोतधातुपटिलाभस्सा”तिआदिना तत्थ तत्थ आनेत्वा सम्बन्धितब्बं। इद्धिपादभावनावसेन सातिसयजाणजवसम्पत्तिसिद्धीति आह “पीठसप्पीनं जवसम्पदा चतुरिद्धिपादपटिलाभस्स पुब्बनिमित्तं”न्ति। सुपट्टनसम्पापुणनं चतुपटिसम्भिदाधिगमस्स पुब्बनिमित्तं। अत्थादिअनुरूपं अत्थादीसु सम्पटिपत्तिभावतो। रतनानं सकतेजोभासितत्तं यं लोकस्स धम्मोभासं दस्सेस्सति, तेन तस्स सकतेजोभासितत्तस्स पुब्बनिमित्तं।

चतुब्रह्मविहारपटिलाभस्स पुब्बनिमित्तं तस्स सब्बसो वेरवूपसमनतो। एकादसअग्निनिब्बापनस्स पुब्बनिमित्तं दुन्निब्बापननिब्बानभावतो। जाणालोकादस्सनस्स पुब्बनिमित्तं अनालोके आलोकदस्सनभावतो। निब्बानरसेनाति किलेसानं निब्बायनरसेन। एकरसभावस्साति सासनस्स सब्बत्थ एकरसभावस्स, तज्ज खो अमधुरस्स लोकस्स सब्बसो मधुरभावापादनेन। द्वासट्ठिदिट्ठिगतभिन्दनस्स पुब्बनिमित्तं सब्बसो दिट्ठिगतवातापनयनवसेन। आकासादिअप्पतिट्ठविसमचज्जलट्टानं पहाय सकुणानं पथविगमनं तादिसं मिच्छागाहं पहाय सत्तानं पाणेहि रतनत्तयसरणगमनस्स पुब्बनिमित्तं। बहुजनकन्ततायाति चन्दस्स विय बहुजनस्स कन्तताय। सूरियस्स उण्हासीतविवज्जितउतुसुखता परिळाहविवज्जितकायिकचेतसिकसुखप्पत्तिया पुब्बनिमित्तं। देवतानं अप्फोटनादीहि

**कीलनं** पमोदुप्पत्ति भवन्तगमनेन, धम्मसभावबोधनेन च उदानवसेन पमोदविभावनस्स **पुब्बनिमित्तं** ।  
**धम्मवेगवस्सनस्सा**ति देसनाजाणवेगेन धम्मामतस्स वस्सनस्स **पुब्बनिमित्तं** । कायगतासतिवसेन लब्धं ज्ञानं पादकं कत्वा  
उप्पादितमग्गफलसुखानुभवो **कायगतासतिअमतपटिलाभो**, तस्स पन कायस्सापि अतप्पकसुखावहत्ता  
खुदापिपासापीलनाभावो पुब्बनिमित्तं वुत्तो । **अट्टकथायं**पन खुदं, पिपासञ्च भिन्दित्वा वुत्तं । तत्थ पुब्बनिमित्तानं भेदो  
विसेससामञ्जविभागेन, गोबलीबद्धजायेन च गहेतब्बो । “सयमेवा”ति पदं “अट्टङ्गिकमग्गद्वारविवरणस्सा”ति एत्थापि  
आनेत्वा सम्बन्धितब्बं । **भरितभावस्सा**ति परिपुण्णभावस्स । “**अरियद्धजमालामालिताया**ति  
कासायद्धजमालावन्तताया”ति केचि, सदेवकस्स लोकस्स पन अरियमग्गबोज्झङ्गद्धजमालाहि मालिभावस्स  
**पुब्बनिमित्तं** । यं पनेत्थ अनुद्धटं, तं सुविज्जेय्यमेव ।

**एत्था**ति “सम्पतिजातो”तिआदिना आगते इमस्मिं वारे । **विस्सज्जितोव**, तस्मा अम्हेहि इध अपुब्बं वत्तब्बं नत्थीति  
अधिप्पायो । तदा पथवियं गच्छन्तोपि महासत्तो आकासेन गच्छन्तो विय महाजनस्स तथा उपट्ठासीति अयमेत्थ नियति  
धम्मनियामो बोधिसत्तानं धम्मता ति इदं नियतिवादवसेन कथनं । पुब्बे पुरिमजातीसु तादिसस्स पुञ्जसम्भारकम्मस्स  
कतत्ता उपचितत्ता महाजनस्स तथा उपट्ठासीति इदं पुब्बेकतकम्मवादवसेन कथनं । इमेसं सत्तानं उपरि ईसनसीलताय  
यथासकं कम्ममेव इस्सरो नाम, तस्स निम्मानं अत्तनो फलस्स निब्बत्तनं महापुरिसोपि सदेवकं लोकं अभिभवितुं समत्थेन  
उळारेन पुञ्जकम्मेन निब्बत्तितो, तेन इस्सरेन निम्मितो नाम, तस्स चायं निम्मानविसेसो, यदिदं महानुभावता, याय  
महाजनस्स तथा उपट्ठासीति इदं इस्सरनिम्मानवसेन कथनं । एवं तं तं बहुलं वत्त्वा किं इमाय परियायकथायाति अवसाने  
उजुकमेव ब्याकरि । सम्पतिजातो पथवियं कथं पदसा गच्छति, एवं महानुभावो आकासेन मज्जे गच्छतीति परिकप्पनवसेन  
आकासेन गच्छन्तो विय अहोसि । सीघतरं पन सत्तपदवीतिहारेन गतत्ता दिस्समानरूपोपि महाजनस्स अदिस्समानो विय  
अहोसि । अचेलकभावो, खुदकसरीरता च तादिसस्स इरियापथस्स न अनुच्छविकाति  
कम्मानुभावसज्जनितपाटिहारियवसेन अलङ्कृतपटियत्तो विय, सोळसवस्सुदेसिको विय च महाजनस्स उपट्ठासीति  
वेदितब्बं । महासत्तस्स पुञ्जानुभावेन तदा तथा उपट्ठानमत्तमेवेतन्ति । **पच्छा बालदारकोव अहोसि, न तादिसोति** ।  
बुद्धभावानुच्छविकस्स बोधिसत्तानुभावस्स याथावतो पवेदितत्ता **परिसा चस्स** ब्याकरणेन बुद्धेन विय...पे०... अत्तमना  
**अहोसि** ।

**सब्बधम्मता**ति सब्बा सोळसविधापि यथावुत्ता धम्मता **सब्बबोधिसत्तानं होन्तीति वेदितब्बा**  
पुञ्जजाणसम्भारदस्सनेन नेसं एकसदिसत्ता ।

### द्वत्तिसमहापुरिसलक्खणवण्णना

**३३. दुकूलचुम्बटके**ति दहरस्स निपज्जनयोग्यतावसेन पटिसंहटदुकूलसुखुमे । “खत्तियो ब्राह्मणो”ति एवमादि  
**जाति** । “कोण्डञ्जो गोतमो”ति एवमादि **गोत्तं** । “पोणिका चिक्खल्लिका साकिया कोळिया”ति एवमादि **कुलपदेसो** ।  
**आदि**-सद्देन रूपिस्सरियपरिवारादिसब्बसम्पत्तियो सङ्गणहाति । **महन्तस्सा**ति विपुलस्स, उळारस्साति अत्थो ।  
**निष्फत्तियो**ति सिद्धियो । **गन्तब्बगति**याति गति-सद्दस्स कम्मसाधनतमाह । उपपज्जनवसेन हि सुचरितदुच्चरितेहि  
गन्तब्बाति **गतियो**, उपपत्तिभवविसेसो । गच्छति यथारुचि पवत्ततीति **गति**, अज्झासयो । **पटिसरणे**ति परायणे अवस्सये ।  
सब्बसङ्खतविसंयुत्तस्स हि अरहतो निब्बानमेव तंपटिसरणं । **त्याहन्ति** ते अहं ।

दसविधे कुसलधम्मे, अगरहिते च राजधम्मे (जा० २ महामंसजातके वित्थारो) नियुत्तोति **धम्मिको** । तेन च धम्मेन

सकलं लोकं रज्जेतीति धम्मराजा। यस्मा चक्कवत्ती धम्मेन जायेन रज्जं अधिगच्छति, न अधम्मेन, तस्मा वुत्तं “धम्मेन लद्धरज्जत्ता धम्मराजा”ति। चतूसु दिसासु समुदपरियोसानताय चतुरन्ता नाम तत्थ तत्थ दीपे महापथवीति आह “पुरत्थिम...पे०... इस्सरो”ति। विजितावीति विजेतब्बस्स विजितवा, कामकोधादिकस्स अब्भन्तरस्स, पटिराजभूतस्स बाहिरस्स च अरिगणस्स विजयि, विजेत्वा ठितोति अत्थो। कामं चक्कवत्तिनो केनचि युद्धं नाम नत्थि, युद्धेन पन साधेतब्बस्स विजयस्स सिद्धिया “विजितसङ्गामो”ति वुत्तं। जनपदोव चतुब्बिधअच्छरियधम्मादिसमन्नागते अस्मिं राजिनि थावरियं केनचि असंहारियं दळ्हं भत्तभावं पत्तो, जनपदे वा अत्तनो धम्मिकाय पटिपत्तिया थावरियं थिरभावं पत्तोति जनपदत्थावरियप्पत्तो। मनुस्सानं उरे सत्थं ठपेत्वा इच्छितधनहरणादिना परसाहसकारिताय साहसिका।

रतिजननट्टेनाति अतप्पकपीतिसोमनस्सुप्पादनेन। सदत्थतो पन रमेतीति रत्तनं। “अहो मनोहर”न्ति चित्ते कत्तब्बताय चित्तीकत्तं। “स्वायं चित्तीकारो तस्स पूजनीयताया”ति चित्तीकतन्ति पूजनीयन्ति अत्थं वदन्ति। महन्तं विपुलं अपरिमितं मूलं अगघतीति महगघं। नत्थि एतस्स तुला उपमाति अतुलं, असदिसं। कदाचि एव उप्पज्जनतो दुक्खेन लद्धब्बत्ता दुल्लभदस्सनं। अनोमेहि उळारगुणेहेव सत्तेहि परिभुज्जितब्बतो अनोमसत्तपरिभोगं। इदानी नेसं चित्तीकतादिअत्थानं सविसेसं चक्करतने लब्भमानतं दस्सेत्वा इतरेसुपि ते अतिदिसितुं “चक्करतनस्स चा”तिआदि आरद्धं। अज्जं देवट्टानं नाम न होति रज्जो अनज्जसाधारणस्सरियादिसम्पत्तिपटिलाभहेतुतो, सत्तानज्ज यथिच्छितत्थपटिलाभहेतुतो। अगघो नत्थि अतिविय उळारसमुज्जलसत्तरतनमयत्ता, अच्छरियभूतमहानुभावताय च। यदगगेन महगघं, तदगगेन अतुलं। सत्तानं पापजिगुच्छनेन विगतकाळको पुज्जपसुतताय मण्डभूतो यादिसो कालो बुद्धुप्पादारहो, तादिसे एव चक्कवत्तीनम्पि सम्भवोति आह “यस्मा च पना”तिआदि। उपमावसेन चेतं वुत्तं, उपमोपमेय्यानज्ज न अच्चन्तमेव सदिसता। तस्मा यथा बुद्धा कदाचि करहचि उप्पज्जन्ति, न तथा चक्कवत्तिनो, एवं सन्तोपि चक्कवत्तिवत्तपरिपूरणस्सापि दुक्करभावतोपि दुल्लभुप्पादायेवाति, इमिना दुल्लभुप्पादतासामज्जेन तेसं दुल्लभदस्सनता वुत्ताति वेदितब्बं। कामं चक्करतनानुभावेन सिज्झमानो गुणो चक्कवत्तिपरिवारसाधारणो, तथापि “चक्कवत्ती एव नं सामिभावेन विसविताय परिभुज्जती”ति वत्तब्बतं अरहति तदत्थं उप्पज्जनतोति दस्सेन्तो “तदेत”न्तिआदिमाह। यथावुत्तानं पज्जन्नं, छन्नम्पि वा अत्थानं इतररतनेसुपि लब्भनतो “एवं सेसानिपी”ति वुत्तं। हत्थिअस्स-परिणायकरतनेहि अजितविजयतो, चक्करतनेन च परिवारभावेन, सेसेहि परिभोगूपकरणभावेन समन्नागतो। हत्थिअस्समणिइत्थिरतनेहि परिभोगूपकरणभावेन सेसेहि परिवारभावेनाति योजना।

चतुन्नं महादीपानं सिरिविभवन्ति तत्थ लद्धं सिरिसम्पत्तिज्जेव भोगसम्पत्तिज्ज। तादिसमेवाति “पुरेभत्तमेवा”तिआदिना वुत्तानुभावमेव। योजनप्पमाणं पदेसं ब्यापनेन योजनप्पमाणं अन्धकारं। अतिदीघतादिछब्बिधदोसपरिवज्जितं।

सूराति सत्तिवन्तो, निब्भयाति अत्थोति आह “अभीरुका”ति। अङ्गन्ति कारणं। येन कारणेन “वीरा”ति वुच्चेय्युं, तं वीरङ्गं। तेनाह “वीरियस्सेतं नाम”न्ति। याव चक्कवाळपब्बता चक्कस्स वत्तनतो “चक्कवाळपब्बतं सीमं कत्वा ठितसमुदपरियन्त”न्ति वुत्तं। “अदण्डेना”ति इमिनाव धनदण्डस्स, सरीरदण्डस्स च अकरणं वुत्तं। “असत्थेना”ति इमिना पन सेनाय युज्झनस्साति तदुभयं दस्सेतुं “ये कतापराधे”तिआदि वुत्तं। वुत्तप्पकारन्ति सागरपरियन्तं।

“रज्जनट्टेन रागो, तण्हायनट्टेन तण्हा”ति पवत्तिआकारभेदेन लोभो एव द्विधा वुत्तो। तथा हिस्स द्विधापि छदनट्टो एकन्तिको। यथाह “अन्धतमं तदा होति, यं रागो सहते नर”न्ति, (नेत्ति० ११, २७) “तण्हाछदनछादिता”ति (उदा० ६४)

च । इमिना नयेन दोसादीनमि चदनद्वो वत्तब्बो । **किलेसग्गहणेन विचिकिच्छादयो सेसकिलेसा वुत्ता** । यस्मा ते सब्बे पापधम्मा उप्पज्जमाना सत्तसन्तानं छादेत्वा परियोनन्धित्वा तिष्ठन्ति कुसलप्पवर्तिं निवारेन्ति, तस्मा ते “छदना, छदा”ति च वुत्ता । **विवट्टच्छदाति** च ओ-कारस्स आ-कारं कत्वा निद्देशो ।

**३५. तासन्ति द्विन्नमि निष्फत्तीनं । निमित्तभूतानीति** आपककारणभूतानि । तथा हि लक्खीयति महापुरिसभावो एतेहीति **लक्खणानि** । ठानगमनादीसु भूमियं सुट्ठु समं पतिट्ठिता पादा एतस्साति **सुप्पतिट्ठितपादो** । तं पनस्स सुप्पतिट्ठितपादतं ब्यतिरेकमुखेन विभावेतुं “**यथा**”तिआदि वुत्तं । तत्थ **अग्गतलन्ति** अग्गपादतलं । **पण्हीति** पण्हितलं । **पस्सन्ति** पादतलस्स द्वीसु पस्सेसु एकेकं, उभयमेव वा परियन्तं पस्सं । “**अस्स पना**”तिआदि अन्वयतो अत्थविभावनं । **सुवण्णपादुकतलमिव** उजुकं निक्खिपियमानं । **एकप्पहारेनेवाति** एकक्खणेयेव । **सकलं पादतलं भूमिं फुसति** निक्खिपने । एकप्पहारेनेव सकलं पादतलं भूमितो उट्ठहतीति योजना । **तस्मा अयं सुप्पतिट्ठितपादोति** निगमनं । यं पनेत्थ वत्तब्बं अनुपुब्बनिन्नादिअच्छरियम्भुतं निस्सन्दफलं, तं परतो **लक्खणसुत्तवण्णनायं** (दी० नि० अट्ठ० ३.२०१) आविभविस्सतीति ।

**नाभि दिस्सतीति** लक्खणचक्कस्स नाभि परिमण्डलसण्ठाना सुपरिव्यत्ता हुत्वा दिस्सति, लब्धतीति अधिप्पायो । **नाभिपरिच्छिन्नाति** तस्सं नाभियं परिच्छिन्ना परिच्छेदवसेन ठिता । **नाभिमुखपरिक्खेपपट्टोति** पकतिचक्कस्स अक्खब्भाहतपरिहरणत्थं नाभिमुखे ठपेतब्बं परिक्खेपपट्टो, तप्पटिच्छन्नो इध अधिप्पेतो । **नेमिमणिकाति** नेमियं आवलिभावेन ठितमणिकालेखा । **सम्बहुलवारोति** बहुविधलेखङ्गविभावनवारो । **सत्तीति** आवुधसत्ति । **सिरिवच्छोति** सिरिअङ्गा । **नन्दीति** दक्खिणावत्तं । **सोवत्तिकोति** सोवत्तिअङ्गो । **वटंसकोति** आवेळं । **वट्टमानकन्ति** पुरिमहादीसु दीपङ्गं । **मोरहत्थकोति** मोरपिञ्चकलापो, मोरपिञ्चपटिसिब्बितो वा बीजनीविसेसो । **वाळबीजनीति** चामरिवालं । सिद्धत्थादि **पुण्णघटपुण्णपातियो** । “चक्कवाळो”ति वत्वा तस्स पधानावयवे दस्सेतुं “**हिमवा सिनेरु...पे०... सहस्सानी**”ति वुत्तं । “**चक्कवत्तिरञ्जो परिसं उपादाया**”ति इदं हत्थिरतनादीनमि तत्थ लब्धमानभावदस्सनं । **सब्बोति**सत्तिआदिको यथावुत्तो अङ्गविसेसो **चक्कलक्खणस्सेव परिवारोति** वेदितब्बो ।

“**आयतपण्ही**”ति इदं अञ्जेसं पण्हितो दीघतं सन्धाय वुत्तं, न पन अतिदीघतन्ति आह “**परिपुण्णपण्ही**”ति । यथा पन पण्हिलक्खणं परिपुण्णं नाम होति, तं ब्यतिरेकमुखेन दस्सेतुं “**यथा ही**”तिआदि वुत्तं । **आरग्गेनाति** मण्डलाय सिखाय । **वट्टेत्वाति** यथा सुवट्टं होति, एवं वट्टेत्वा । **रत्तकम्बलगोण्डुकसदिसाति** रत्तकम्बलमयगोण्डुकसदिसा ।

“**मक्कटस्सेवा**”ति दीघभावं, समतज्ज सन्धायेतं वुत्तं । **निय्यासतेलेनाति** छत्तिरितनिय्यासादिनिय्याससम्मिस्सेन तेलेन, यं “**सुरभिनिय्यास**”न्तिपि वदन्ति । **निय्यासतेलगहणञ्चेत्थ** हरितालवट्टिया घनसिनिद्धभावदस्सनत्थं ।

यथा सतक्खत्तुं विहतं कप्पासपटलं सप्पिमण्डे ओसारितं अतिविय मुदु होति, एवं महापुरिसस्स हत्थपादाति दस्सेन्तो “**सप्पिमण्डे**”तिआदिमाह । **तलुनाति** सुखुमाला ।

**चम्मेनाति** अङ्गुलन्तरवेठितचम्मेन । **पटिबद्धअङ्गुलन्तरोति** एकतो सम्बद्धअङ्गुलन्तरो न होति । **एकप्पमाणाति** दीघतो समानप्पमाणा । **यवलक्खणन्ति** अब्भन्तरतो अङ्गुलिपब्बे ठितं यवलक्खणं । **पटिविज्झित्वाति** तंतंपब्बानं समानदेसताय अङ्गुलीनं पसारितकालेपि अञ्जमञ्जं विज्झितानि विय फुसित्वा तिष्ठन्ति ।

सङ्घा वुच्चन्ति गोप्फका, उद्धं सङ्घा एतेसन्ति उस्सङ्घा, पादा । पिड्डिपादेति पिड्डिपादसमीपे । तेनाति पिड्डिपादे ठितगोप्फकभावेन बद्धा होन्तीति योजना । तयिदं “तेना”ति पदं उपरिपदद्वयेपि योजेतब्बं “तेन बद्धभावेन न यथासुखं परिवट्ठन्ति, तेन यथासुखं नपरिवट्ठनेन गच्छन्तानं पादतलानिपि न दिस्सन्ती”ति । उपरीति पिड्डिपादतो द्वितिअङ्गुलिमत्तं उद्धं, “चतुरङ्गुलमत्त”न्ति च वदन्ति । निगूळहानि च होन्ति, न अज्जेसं विय पज्जायमानानि । तेनाति गोप्फकानं उपरि पतिट्ठितभावेन । अस्साति महापुरिसस्स । सतिपि देसन्तरप्पवत्तियं निच्चलोति दस्सनत्थं नाभिग्गहणं । “अधोकायोव इज्जती”ति इदं पुरिमपदस्स कारणवचनं । यस्मा अधोकायोव इज्जति, तस्मा नाभितो...पे०... निच्चलो होति । “सुखेन पादा परिवट्ठन्ती”ति इदं पन पुरिमस्स, पच्छिमस्स च कारणवचनं । यस्मा सुखेन पादा परिवट्ठन्ति, तस्मा अधोकायोव इज्जति, यस्मा सुखेन पादा परिवट्ठन्ति, तस्मा पुरतोपि...पे०... पच्छतोयेवाति ।

यस्मा एणिमिगस्स समन्ततो एकसदिसमंसा अनुक्कमेन उद्धं थूला जङ्घा होन्ति, तथा महापुरिसस्सापि, तस्मा वुत्तं “एणिमिगसदिसजङ्घो”ति । परिपुण्णजङ्घोति समन्ततो मंसूपचयेन परिपुण्णजङ्घो । तेनाह “न एकतो”तिआदि ।

एतेनाति “अनोनमन्तो”तिआदिवचनेन, जाणुफासुभावदीपनेनाति अत्थो । अवसेसजनाति इमिना लक्खणेन रहितजना । खुज्जा वा होन्ति हेट्ठिमकायतो उपरिमकायस्स रस्सताय, वामना वा उपरिमकायतो हेट्ठिमकायस्स रस्सताय, एतेन ठपेत्वा सम्मासम्बुद्धं, चक्कवत्तिनञ्च इतरे सत्ता खुज्जपक्खिका, वामनपक्खिका चाति दस्सेति ।

कामं सब्बापि पदुमकण्णिका सुवण्णवण्णाव, कञ्चनपदुमकण्णिका पन पभस्सरभावेन ततो सातिसयाति आह “सुवण्णपदुमकण्णिकसदिसेही”ति । ओहितन्ति समोहितं अन्तोगधं । तथाभूतं पन तं तेन छन्नं होतीति आह “पटिच्छन्न”न्ति ।

सुवण्णवण्णोति सुवण्णवण्णवण्णोति अयमेत्थ अत्थोति आह “जातिहिङ्गुलकेना”तिआदि, स्वायमत्थो आवुत्तिजायेन च वेदितब्बो । सरीरपरियायो इध वण्ण-सद्दोति अधिप्पायो । पठमविकप्पं वत्वा तथारूपाय पन रुळ्हया अभावं मनसि कत्वा वण्णधातुपरियायमेव वण्ण-सद्दं गहेत्वा दुतियविकप्पो वुत्तो । तस्मा पदद्वयेनापि सुनिद्धन्तसुवण्णसदिसछविवण्णोति वुत्तं होति ।

रजोति सुखुमरजो । जल्लन्ति मलीनभावावहो रेणुसञ्चयो । तेनाह “मलं वा”ति । यदि विवत्तति, कथं न्हानादीनीति आह “हत्थधोवनादीनी”तिआदि ।

आवट्ठपरियोसानेति पदक्खिणावट्ठनवसेन पवत्तस्स आवट्ठस्स अन्ते ।

ब्रह्मनो सरीरं पुरतो वा पच्छतो वा अनोनमित्वा उजुकमेव उगगतन्ति आह “ब्रह्मा विय उजुगतो”ति । सा पनायं उजुगत्ता अवयवेषु बुद्धिप्पत्तेसु दट्ठब्बा, न दहरकालेति वुत्तं “उगगतदीघसरीरो भविस्सती”ति । इतरेसूति “खन्धजाणूसू”ति इमेसु द्वीसु ठानेसु नमन्ता पुरतो नमन्तीति आनेत्वा सम्बन्धो । पस्सवट्ठाति दक्खिणपस्सेन वा वामपस्सेन वा वट्ठा । सूलसदिसाति पोत्थकरूपकरणे ठपितसूलपादसदिसा ।

हत्थपिड्डिआदिवसेन सत्त सरीरावयवा उस्सदा उपचितमंसा एतस्साति सत्तुस्सदो । अट्ठिकोटियो पज्जायन्तीति योजना । निगूळहसिराजालेहीति लक्खणवचनमेतन्ति तेन निगूळहअट्ठिकोटीहीतिपि वुत्तमेव होतीति । हत्थपिड्डादीहीति

एत्थ आदि-सद्देन अंसकूटखन्धकूटानं सङ्गहे सिद्धे तं एकदेसेन दस्सेन्तो “वट्टेत्वा...पे०... खन्धेना”ति आह ।  
 “सिलारूपकं विया”ति आदिना वा निगूळ्हअंसकूटतापि विभाविता येवाति दट्टब्बं ।

सीहस्स पुब्बद्धं सीहपुब्बद्धं, परिपुण्णावयवताय सीहपुब्बद्धं विय सकलो कायो अस्साति सीहपुब्बद्धकायो । तेनाह  
 “सीहस्स पुब्बद्धकायो विय सब्बो कायो परिपुण्णो”ति । सीहस्सेवाति सीहस्स विय । दुस्सण्ठितविसण्ठितो न  
 होतीति दुट्ठ सण्ठितो, विरूपसण्ठितो च न होति, तेसं तेसं अवयवानं अयुत्तभावेन, विरूपभावेन च सण्ठिति उपगतो न  
 होतीति अत्थो । सण्ठन्तीति सण्ठहन्ति । दीघेहीति अङ्गुलिनासादीहि । रस्सेहीति गीवादीहि । थूलेहीति ऊरुबाहुआदीहि ।  
 किसेहीति केसलोममज्झादीहि । पुथुलेहीति अक्खिहत्थतलादीहि । वट्टेहीति जङ्घहत्थादीहि ।

सतपुञ्जलक्खणताय नानाचित्तेन पुञ्जचित्तेन चित्तितो सज्जातचित्तभावो “ईदिसो एव बुद्धानं धम्मकायस्स  
 अधिद्धानं भवितुं युत्तो”ति दसपारमीहि सज्जितो अभिसङ्खत्तो, “दानचित्तेन पुञ्जचित्तेना”ति वा पाठो, दानवसेन,  
 सीलादिवसेन च पवत्तपुञ्जचित्तेनाति अत्थो ।

द्विन्नं कोट्टानं अन्तरन्ति द्विन्नं पिट्ठिबाहानं वेमज्झं पिट्ठिमज्झस्स उपरिभागो । चित्तं परिपुण्णन्ति अनिन्नभावेन  
 चित्तं, द्वीहि कोट्टेहि समतलताय परिपुण्णं । उग्गम्माति उग्गन्त्वा, अनिन्नं समतलं हुत्वाति अधिप्पायो । तेनाह  
 “सुवण्णफलकं विया”ति ।

निग्रोधो विय परिमण्डलोति परिमण्डलनिग्रोधो विय परिमण्डलो, “निग्रोधपरिमण्डलपरिमण्डलो”ति वत्तब्बे  
 एकस्स परिमण्डल-सदस्स लोपं कत्वा “निग्रोधपरिमण्डलो”ति वुत्तो । तेनाह “समक्खन्धसाखो निग्रोधो”ति आदि । न  
 हि सब्बो निग्रोधो परिमण्डलोति, परिमण्डलसदसन्निधानेन वा परिमण्डलोव निग्रोधो गय्हतीति एकस्स परिमण्डलसदस्स  
 लोपेन विनापि अयमत्थो लब्धतीति आह “निग्रोधो विय परिमण्डलो”ति । यावतको अस्साति यावतक्वस्स ओ-  
 कारस्स व-कारादेसं कत्वा ।

समवट्टितक्खन्धोति समं सुवट्टितक्खन्धो । कोज्जा विय दीघगला, बका विय वङ्कगला, वराहा विय पुथुलगलाति  
 योजना । सुवण्णाळिङ्गसदिसोति सुवण्णमयखुद्दकमुदिङ्गसदिसो ।

रसग्गसग्गीति मधुरादिभेदं रसं गसन्ति अन्तो पवेसन्तीति रसग्गसा रसग्गसानं अग्गा रसग्गसग्गा, ता एतस्स  
 सन्तीति रसग्गसग्गी । तेनाति ओजाय अफरणेन हीनधातुकत्ता ते बद्वाबाधा होन्ति ।

हनूति सन्निस्सयदन्ताधारस्स समज्जा, तं भगवतो सीहस्स हनु विय, तस्मा भगवा सीहहनु । तत्थ यस्मा बुद्धानं  
 रूपकायस्स, धम्मकायस्स च उपमा नाम हीनूपमाव, नत्थि समानूपमा, कुतो अधिकूपमा, तस्मा अयम्पि हीनूपमाति दस्सेतुं  
 “तत्था”ति आदि वुत्तं । यस्मा महापुरिसस्स हेट्ठिमानुरूपवसेनेव उपरिमम्पि सण्ठितं, तस्मा वुत्तं “द्वेपि परिपुण्णानी”ति,  
 तज्ज खो न सब्बसो परिमण्डलताय, अथ खो तिभागावसेसमण्डलतायाति आह “द्वादसिया पक्खस्स  
 चन्दसदिसानी”ति । सल्लक्खेत्वाति अत्तनो लक्खणसत्थानुसारेण उपधारेत्वा । दन्तानं उच्चनीचता  
 अब्भन्तरबाहिरपस्सवसेनपि वेदितब्बा, न अगवसेनेव । तेनाह “अयपट्टकेन छिन्नसङ्खपटलं विया”ति । अयपट्टकन्ति  
 ककचं अधिप्पेतं । समा भविस्सन्ति, न विसमा, समसण्ठानाति अत्थो ।

सातिसयं मुदुदीघपुथुलतादिष्पकारगुणा हुत्वा भूता जाताति पभूता, भ-कारस्स ह-कारं कत्वा पहूता जिक्का एतस्साति पहूतजिक्को।

विच्छिन्दित्वा विच्छिन्दित्वा पवत्तसरताय छिन्नस्सरापि। अनेकाकारताय भिन्नस्सरापि। काकस्स विय अमनुज्जसरताय काकस्सरापि। अपलिबुद्धत्ताति अनुपद्दुतवत्थुकत्ता, वत्थूति च अक्खरुप्पत्तिट्ठानं वेदितब्बं। अट्ठङ्गसमन्नागतोति एत्थ अङ्गानि परतो आगमिस्सन्ति। मज्जुघोसोति मधुरस्सरो।

अभिनीलनेत्तोति अधिकनीलनेत्तो, अधिकता च सातिसयं नीलभावेन वेदितब्बा, न नेत्तनीलभावस्सेव अधिकभावतोति आह “न सकलनीलनेत्तो”तिआदि। पीतलोहितवण्णा सेतमण्डलगतराजिवसेन। नीलसेतकाळवण्णा पन तंतंमण्डलवसेनेव वेदितब्बा।

“चक्खुभण्डन्ति अक्खिदल”न्ति केचि। “अक्खिदलवटुम”न्ति अज्जे। अक्खिदलेहि पन सद्धिं अक्खिबिम्बन्ति वेदितब्बं। एवज्झि विनिग्गतगम्भीरजोतनापि युत्ता होति। “अधिप्पेत”न्ति इमिना अयमेत्थ अधिप्पायो एकदेसेन समुदायुपलक्खणजायेनाति दस्सेति। यस्मा पखुम-सद्दो लोके अक्खिदललोमेसु निरुळ्हो, तेनेवाह “मुदुसिनिद्धनीलसुखुमपखुमाचितानि अक्खीनी”ति।

किञ्चापि उण्णा-सद्दो लोके अविसेसतो लोमपरियायो, इध पन लोमविसेसवाचकोति आह “उण्णा लोम”न्ति। नलाटवेमज्झे जाताति नलाटमज्जगता जाता। ओदातताय उपमा, न मुदुताय। उण्णा हि ततोपि सातिसयं मुदुतरा। तेनाह “सप्पि मण्डे”तिआदि। रजतपुब्बुळकन्ति रजतमयतारकमाह।

द्वे अत्थवसे पटिच्च वुत्तन्ति यस्मा बुद्धा, चक्कवत्तिनो च परिपुण्णनलाटताय, परिपुण्णसीसबिम्बताय च “उण्हीससीसा”ति वुच्चन्ति, तस्मा ते द्वे अत्थवसे पटिच्च “उण्हीससीसो”ति इदं वुत्तं। इदानीं तं अत्थद्वयं महापुरिसे सुप्पतिट्ठितन्ति “महापुरिसस्स ही”तिआदि वुत्तं। सण्हतमताय, सुवण्णवण्णताय, पभस्सरताय, परिपुण्णताय च रज्जो बन्धउण्हीसपट्टो विय विरोचति। कपिसीसाति द्विधाभूतसीसा। फलसीसाति फलितसीसा। अट्ठिसीसाति मंसस्स अभावतो अतिविय अट्ठिताय, पतनुभावतो वा तचोन्नद्धाट्ठिमत्तसीसा। तुम्बसीसाति लाबुसदिससीसा। पब्भारसीसाति पिट्ठिभागेन ओलम्बमानसीसा। पुरिमनयेनाति परिपुण्णनलाटतापक्खेन। उण्हीसवेठितसीसो वियाति उण्हीसपट्टेन वेठितसीसपदेसो विय। उण्हीसं वियाति छेकेन सिप्पिना विरचितउण्हीसमण्डलं विय।

### विपस्सीसमज्जावण्णना

३७. तस्स वित्थारोति तस्स लक्खणपरिगण्हने नेमित्तकानं सन्तप्पनस्स वित्थारो वित्थारकथा। गब्भोक्कन्तियं निमित्तभूत सुपिनपटिगाहकसन्तप्पने वुत्तोयेव। निद्वोसेनाति खारिकलोणिकादिदोसरहितेन। धातियोति थज्जपायिका धातियो। ता हि धापेन्ति थज्जं पायेन्तीति धातियो। “तथा”ति इमिना “सट्ठि”न्ति पदं उपसंहरति, सेसापीति न्हापिका, धारिका, परिहारिकाति इमा तिविधा। तापि दहन्ति विदहन्ति न्हानं दहन्ति धारेन्तीति “धातियो” त्वेव वुच्चन्ति। तत्थ धारणं उरसा, ऊरुना, हत्थेहि वा सुचिरं वेलं सन्धारणं। परिहरणं अज्जस्स अङ्कतो अत्तनो अङ्कं, अज्जस्स बाहुतो अत्तनो बाहुं उपसंहरन्तेहि हरणं सम्पापनं।

३८. मज्जुस्सरोति सण्हस्सरो। यो हि सण्हो, सो खरो न होतीति आह “अखरस्सरो”ति। वग्गुस्सरोति



मनोरम्मस्सरो, मनोरम्मता चस्स चातुरियने पुञ्जयोगतोति आह “छेकनिपुणस्सरो”ति । मधुरस्सरोति सोतसुखस्सरो, सोतसुखता चस्स अतिविय इद्वभावेनाति आह “सातस्सरो”ति । पेमनीयस्सरोति पियायितब्बस्सरो, पियायितब्बता चस्स सुणन्तानं अत्तनि भत्तिसमुप्पादनेनाति आह “पेमजनकस्सरो”ति । करवीकस्सरोति । करवीकसद्वो येसं सत्तानं सोतपथं उपगच्छति, ते अत्तनो सरसम्पत्तिया पकतिं जहापेत्वा अवसे करोन्तो अत्तनो वसे वत्तेति, एवं मधुरोति दस्सेन्तो “तत्रिद”न्तिआदिमाह । तत्थ “करवीकसकुणे”तिआदि तस्स सभावकथनं । लळितन्ति पीतिवेगसमुद्धितं लीळं । छुट्टेत्वाति “सङ्खरणम्पि मधुरसद्वसनन्तरायकर”न्ति तिणानि अपनेत्वा । अनिक्खिपित्वाति भूमियं अनिक्खिपित्वा आकासगतमेव कत्वा । अनुबद्धमिगा वाळमिगेहि । ततो मरणभयं हित्वा । पक्खे पसारेत्वाति पक्खे यथापसारिते कत्वा अपतन्ता तिट्ठन्ति ।

सुवण्णपञ्जरं विस्सज्जेसि योजनप्पमाणे आकासे अत्तनो आणाय पवत्तनतो । तेनाह “सो राजाणाया”तिआदि । लळिसूति लळितं कातुं आरभिसु । तं पीतिन्ति तं बुद्धगुणारम्मणं पीतिं तेनेव नीहारेण पुनप्पुनं पवत्तं पीतिं अविजहित्वा विक्खम्भितकिलेसा थेरानं सन्तिके लब्धम्मस्सवनसप्पाया उपनिस्सयसम्पत्तिया परिपक्कजाणताय सत्तहि...पे०... पतिट्ठासि । सत्तसतमत्तेन ओरोधजनेन सद्धिं पदसाव थेरानं सन्तिकं उपगतत्ता “सत्तहि जङ्घसतेहि सद्धि”न्ति वुत्तं । ततोति करवीकसद्वतो । सतभागेन...पे०... वेदितब्बो अनेककप्पकोटिसतसम्भूतपुञ्जसम्भारसमुदागतवत्थुसम्पत्तिभावतो ।

३९. कम्मविपाकजन्ति सातिसयसुचरितकम्मनिब्बत्तं पित्तसेम्हरुहिरादीहि अपलिबुद्धं दूरेपि आरम्मणं सम्पटिच्छनसमत्थं कम्मविपाकेन सहजातं, कम्मस्स वा विपाकभावेन जातं पसादचक्खु । दुविधज्झि दिब्बचक्खुं कम्ममयं, भावनामयन्ति । तत्रिदं कम्ममयन्ति आह “न भावनामय”न्ति । भावनामयं पन बोधिमूले उप्पज्जिस्सति । अयं “सो”ति सल्लक्खणं कामं मनोविज्जाणेन होति, चक्खुविज्जाणेन पन तस्स तथा विभावितत्ता मनोविज्जाणस्स तत्थ तथापवत्तीति आह “येन निमित्तं...पे०... सक्कोती”ति ।

४०. वचनत्थोति सद्वत्थो । निमीलनन्ति निमीलनदस्सनं नविसुद्धं, तथा च अक्खीनि अविवटानि निमीलदस्सनस्स न विसुद्धिभावतो । तब्बिपरियायतो पन दस्सनं विसुद्धं, विवटज्जाति आह “अन्तरन्तरा”तिआदि ।

४१. नी-इति — जाननत्थं धातुं गहेत्वा आह “पनयति जानाती”ति । यतो वुत्तं “अनिमित्ता न नायरे”ति (विसुद्धि० १.१७४; सं० नि० अट्ठ० १.१.२०), “विदूभि नेय्यं नरवरस्सा”ति (नेत्ति० सङ्गहवार) च । नी-इति पन पवत्तनत्थं धातुं गहेत्वा “नयति पवत्तेती”ति । अप्पमत्तो अहोसि तेसु तेसु किच्चकरणीयेसु ।

४२. वस्सावासो वस्सं उत्तरपदलोपेन, तस्मा वस्सं, वस्से वा, सन्निवासफासुताय अरहतीति वस्सिको, पासादो । मासा पन वस्से उतुम्हि भवाति वस्सिका । इतरेसूति हेमन्तिकं गिम्हिकन्ति इमेसु । एसेव नयोति उत्तरपदलोपेन निद्देसं अतिदिसति ।

नातिउच्चो होति नातिनीचोति गिम्हिको विय उच्चो, हेमन्तिको विय नीचो न होति, अथ खो तदुभयवेमज्झलक्खणताय नातिउच्चो होति, नातिनीचो । अस्साति पासादस्स । नातिबहूनीति गिम्हिकस्स विय न अतिबहूनि । नातितनूनीति हेमन्तिकस्स विय न खुद्दकानि, तनुतरजालानि च । मिस्सकानेवाति हेमन्तिके विय न उण्हनियानेव, गिम्हिके विय च न सीतनियानेव, अथ खो उभयमिस्सकानेव । तनुकानीति न पुथुलानि ।

उण्हप्पवेसनत्थायाति सूरियसन्तापानुप्पवेसाय । भित्तिनियूहानीति दक्खिणपस्से भित्तीसु नियूहानि । सिनिद्धन्ति सिनेहवन्तं, सिनिद्धगहणेनेव चस्स गरुकतापि वुत्ता एव । कटुकसन्निस्सितन्ति तिकटुकादिकटुकद्रब्बूपसञ्चितं । उदकयन्तानीति उदकधाराविस्सन्दयन्तानि । यथा जलयन्तानि, एवं हिमयन्तानिपि तत्थ करोन्ति एव । तस्मा हेमन्ते विय हिमानि पतन्तानियेव होन्तीति च वेदितव्वं ।

सब्बट्टानानिपीति सब्बानि पटिकिरियान्हानभोजनकीळासञ्चरणादिट्टानानिपि, न निवासट्टानानियेव । तेनाह “दोवारिकापी”तिआदि । तत्थ कारणमाह “राजा किरा”तिआदि ।

पठमभाणवारवण्णना निट्ठिता ।

### जिण्णपुरिसवण्णना

४४. गोपानसिवङ्कन्ति वङ्कगोपानसी विय । वङ्कानञ्चि वङ्कभावस्स निदस्सनत्थं अवङ्कगोपानसीपि गय्हति । आभोग्गवङ्कन्ति आदितो पट्टाय अब्भुग्गताय कुटिलसरीरताय वङ्कं । तेनाह “खन्धे”तिआदि । दण्डपरं दण्डगहणपरं अयनं गमनं एतस्साति दण्डपरायनं, दण्डो वा परं आयनं गमनकारणं एतस्साति दण्डपरायनं । ठानादीसु दण्डो गति अवस्सयो एतस्स तेन विना अप्पवत्तनतोति दण्डगतिकं, गच्छति एतेनाति वा गति, दण्डो गति गमनकारणं एतस्साति दण्डगतिकं । दण्डपटिसरणन्ति एत्थापि एसेव नयो । जरातुरन्ति जराय किलन्तं अस्सवसं । यदा रथो पुरतो होतीति द्वेधापथे सम्पत्ते पुरतो गच्छन्ते बलकाये तत्थ एकं सण्ठानं आरुळ्हो मज्झे गच्छन्तो बोधिसत्तेन आरुळ्हो रथो इतरं सण्ठानं गच्छन्तो यदा पुरतो होति । पच्छा बलकायोति तदा पच्छा होति सब्बो बलकायो । तादिसे ओकासेति तादिसे वुत्तप्पकारे मग्गप्पदेसे । तं पुरिसन्ति तं जिण्णपुरिसं । सुद्धावासाति सिद्धत्थादीनं तिण्णं सम्मासम्बुद्धानं सासने ब्रह्मचरियं चरित्वा सुद्धावासभूमियं निब्बत्तब्रह्मानो । ते हि तदा तत्थ तिट्ठन्ति । “किं पनेसो जिण्णो नामा”ति एसो तथा वुच्चमानो किं अत्थतो, तं मे निद्धारेत्वा कथेहीति दस्सेति । अनिद्धारितसरूपत्ता हि तस्स अत्तनो बोधिसत्तो लिङ्गसब्बनामेन तं वदन्तो “कि”न्ति आह । “यथा किं ते जात”न्ति द्वयमेव हि लोके येभुय्यतो जायति इत्थी वा पुरिसो वा, तथापि तं लिङ्गसब्बनामेन वुच्चति, एवं सम्पदमिदं वेदितव्वं । “किं वुत्तं होती”तिआदि तस्स अनिद्धारितसरूपतयेव विभावेति ।

“तेन ही”तिआदि “अयञ्च जिण्णभावो सब्बसाधारणत्ता मय्हम्पि उपरि आपत्तितो एवा”ति महासत्तस्स संविज्जनाकारविभावनं । रथं सारेतीति सारथि । कीळाविहारत्थं उय्युत्ता यन्ति उपगच्छन्ति एतन्ति उय्यानं । अलन्ति पटिकखेपवचनं । नामाति गरहणे निपातो “कथञ्चिनामा”तिआदीसु (पारा० ३९, ४२, ८७, ८८, ९०, १६६, १७०; पाचि० १, १३, ३६) विय । जातिया आदीनवदस्सनत्थं तंमूलस्स उम्मूलनं विय होतीति, तस्स च अवस्सितभावतो “जातिया मूलं खणन्तो निसीदी”ति आह । सिद्धे हि कारणे फलं सिद्धमेव होतीति । पीळं जनेत्वा अन्तोतुदनवसेन सब्बपठमं हृदयं अनुपविस्स ठितत्ता पठमेन सल्लेन हृदये विद्धो विय निसीदीति योजना ।

### ब्याधिपुरिसवण्णना

४७. पुब्बे वुत्तनयेनेवाति “सुद्धावासा किरा”तिआदिना पुब्बे वुत्तेनेव नयेन । आबाधिकन्ति आबाधवन्तं । दुक्खितन्ति सञ्जातदुक्खं । अजातन्ति अजातभावो, निब्बानं वा ।

### कालकतपुरिसवण्णना

५०. भन्तनेत्तकुप्पलादि विविधं कत्वा लातब्बतो विलातो, वय्हं, सिविका चाति आह “विलातन्ति सिविक”न्ति । सिविकाय दिट्ठपुब्बत्ता महासत्तो चित्तकपञ्जरं “सिविक”न्ति आह । इतो पटिगतन्ति इतो भवतो अपगतं । कतकालन्ति परियोसापितजीवनकालं । तेनाह “यत्तक”न्तिआदि ।

### पब्बजितवण्णना

५३. धम्मं चरतीति धम्मचरणो, तस्स भावो धम्मचरणभावोति धम्मचरियमेव वदति । एवं एकेकस्स पदस्साति यथा “साधुधम्मचरियाति पब्बजितो”ति योजना, एवं “साधुसमचरियाति पब्बजितो”तिआदिना एकेकस्स पदस्स योजना वेदितब्बा । सब्बानीति “साधुधम्मचरिया”तिआदीसु आगतानि सब्बानि धम्मसमकुसलपुञ्जपदानि । दसकुसलकम्मपथवेवचनानीति दानादीनि दसकुसलधम्मपरियायपदानि ।

### बोधिसत्तपब्बज्जावण्णना

५४. पब्बजितस्स धम्मिं कथं सुत्वाति सम्बन्धो । अञ्जञ्च सङ्गीतिअनारुहं तेन तदा वुत्तं धम्मिं कथन्ति योजना । “वंसोवा”ति पदत्तयेन धम्मता एसाति दस्सेति । चिरस्सं चिरस्सं पस्सन्ति दीघायुकभावतो । तथा हि वुत्तं “बहूनां वस्सानं...पे०... अच्चयेना”ति । तेनेवाति न चिरस्सं दिट्ठभावेनेव । अचिरकालन्तरिकमेव पुब्बकालकिरियं दस्सेन्तो “जिण्णञ्च दिस्वा...पे०... पब्बजितञ्च दिस्वा, तस्मा अहं पब्बजितोमिहि राजा”ति आह यथा “न्हत्वा वत्थं परिदहित्वा गन्धं विलिम्पित्वा मालं पिळन्धित्वा भुत्तो”ति ।

### महाजनकायअनुपब्बज्जावण्णना

५५. “कस्मा पनेत्था”तिआदिना तेसं चतुरासीतिया पाणसहस्सानं महासत्ते संभत्ततं, संवेगबहुलतञ्च दस्सेति, यतो सुतट्ठानेयेव ठत्वा जातिमिप्तादीसु किञ्चि अनामन्तेत्वा मत्तवरवारणो विय अयोमयबन्धनं घनबन्धनं छिन्दित्वा पब्बज्जं उपगच्छिंसु ।

चत्तारो मासे चारिकं चरि न ताव जाणस्स परिपाकं गतत्ता ।

यदा पन जाणं परिपाकं गतं, तं दस्सेन्तो “अयं पना”तिआदिमाह । सब्बेव इमे पब्बजिता मम गमनं जानिस्सन्ति, जानन्ता च मं अनुबन्धिस्सन्तीति अधिप्पायो । सन्निसीवेसूति सन्निसिन्नेसु । सणतेवाति सणति विय सद्दं करोति विय ।

अविवेकारामानन्ति अनभिरतिविवेकानं । अयं कालोति अयं तेसं पब्बजितानं मम गमनस्स अजाननकालो । निक्खमित्वाति पण्णसालाय निगगन्त्वा, महाभिनिक्खमनं पन पगेव निक्खन्तो । पारमितानुभावेन उड्ढितं उपरि देवताहि दिब्बपच्चत्थरणेहि सुपञ्जत्तम्पि महासत्तस्स पुञ्जानुभावेन सिद्धत्ता तेन पञ्जत्तं विय होतीति वुत्तं “पल्लङ्गं पञ्जपेत्वा”ति । “कामं तचो च न्हारु च, अड्ढि च अवसिस्सतू”तिआदि (म० नि० २.१८४; सं० नि० २.२२, २३७; अ० नि० २.५; ८.१३; महानि० १७, १९६) नयप्पवत्तं चतुरङ्गवीरियं अधिद्वित्वा । वूपकासन्ति विवेकवासं ।

अञ्जेनेवाति यत्थ महापुरिसो तदा विहरति, ततो अञ्जेनेव दिसाभागेन । कामं बोधिमण्डो जम्बुदीपस्स मज्झे नाभिद्वानियो, तदा पन ब्रह्मरञ्जे विवित्ते योगीनं पटिसल्लानसारुप्पो हुत्वा तिड्ढति, तदञ्जो पन जम्बुदीपप्पदेसो येभ्य्येन

बहुजनो आकिण्णमनुस्सो इद्धो फीतो अहोसि । तेन ते तं तं जनपददेसं उद्दिस्स गता “अन्तो जम्बुदीपाभिमुखा चारिकं पक्कन्ता”ति वुत्ता अन्तो जम्बुदीपाभिमुखा, न हिमवन्तादिपब्बताभिमुखाति अत्थो ।

### बोधिसत्तअभिनिवेसवण्णना

५७. कामं भगवा बुद्धो हुत्वा सत्तसत्ताहानि तत्थेव वसि, सब्बपठमं पन विसाखपुण्णमं सन्धाय “एकरत्तिवासं उपगतस्सा”ति वुत्तं । रहोगतस्साति रहो जनविवित्तं ठानं उपगतस्स, तेन गणसङ्गणिकाभावेन महासत्तस्स कायविवेकमाह । पटिसल्लीनस्साति नानारम्मणचारतो चित्तस्स निवत्तिया पति सम्मदेव निलीनस्स तत्थ अविसट्चित्तस्स, तेन चित्तसङ्गणिकाभावेनस्स पुब्बभागियं चित्तविवेकमाह । दुक्खन्ति जातिआदिमूलकं दुक्खं । कामं चुतूपपातापि जातिमरणानि एव, मरणजातियोव “जायति मीयती”ति पन वत्त्वा “चवति उपपज्जती”ति वचनं न एकभवपरियापन्नानं नेसं गहणं, अथ खो नानाभवपरियापन्नानं एकज्झं गहणन्ति दस्सेन्तो आह “इदं द्वयं...पे०... वुत्त”न्ति । कस्मा पन लोकस्स किच्छापत्तिपरिवितक्कने “जरामरणस्सा”ति जरामरणवसेन नियमनं कतन्ति आह “यस्मा”तिआदि । जरामरणमेव उपट्ठाति आदितोति अधिप्पायो । अभिनिविट्ठस्साति आरद्धस्स । पटिच्चसमुप्पादमुखेन विपस्सनारम्भे तस्स जरामरणतो पट्ठाय अभिनिवेसो अगगतो याव मूलं ओतरणं वियाति आह “भवग्गतो ओतरन्तस्स विया”ति ।

उपायमनसिकाराति उपायेन मनसिकरणतो मनसिकारस्स पवत्तनतो । इदानि तं उपायमनसिकारपरियायं योनिसोमनसिकारं सरूपतो, पवत्तिआकारतो च दस्सेतुं “अनिच्चादीनि ही”तिआदि वुत्तं । योनिसोमनसिकारो नाम होतीति याथावतो मनसिकारभावतो । अनिच्चादीनीति आदि-सहेन दुक्खानत्तअसुभादीनं गहणं । अयन्ति “एतदहोसी”ति एवं वुत्तो “किम्हि नु खो सती”तिआदिनयप्पवत्तो मनसिकारो । तेसं अज्जतरोति तेसु अनिच्चादिमनसिकारेसु अज्जतरो एको । को पन सोति? अनिच्चमनसिकारोव, तत्थ कारणमाह “उदयब्बयानुपस्सनावसेन पवत्तता”ति । यज्झि उप्पज्जति चेव चवति च, तं अनिच्चं उदयवयपरिच्छिन्नत्ता अद्भुवन्ति कत्वा । तस्स पन तब्भावदस्सनं याथावमनसिकारताय योनिसोमनसिकारो । इतो योनिसोमनसिकाराति हेतुम्हि निस्सक्कवचनन्ति तस्स इमिना “उपायमनसिकारेना”ति हेतुम्हि करणवचनेन अत्थमाह । समागमो अहोसीति याथावतो पटिविज्जनवसेन सङ्गमो अहोसि । किं पन तन्ति किं पन तं जरामरणकारणन्ति आह “जाती”ति । “जातिया खो”तिआदीसु अयं सङ्घेपत्थो — किम्हि नु खो सति जरामरणं होति, किं पच्चया जरामरण”न्ति जरामरणकारणं परिगणहन्तस्स बोधिसत्तस्स “यस्मिं सति यं होति, असति च न होति, तं तस्स कारण”न्ति एवं अब्यभिचारिकारणपरिगणहने “जातिया खो सति जरामरणं होति, जातिपच्चया जरामरण”न्ति या जरामरणस्स कारणपरिगगाहिका पज्जा उप्पज्जति, ताय उप्पज्जन्तिया समागमो अहोसीति । सब्बपदानीति “किम्हि नु खो सति जाति होती”तिआदिना आगतानि जातिआदीनि विज्जाणपरियोसानानि नव पदानि ।

द्वादसपदिके पटिच्चसमुप्पादे इध यानि द्वे पदानि अगहितानि, तेसं अगगहणे कारणं पुच्छित्वा विस्सज्जेतुकामो तेसं गहेतब्बाकारं ताव दस्सेन्तो “एत्थ पना”तिआदिमाह । पच्चक्खभूतं पच्चुप्पन्नभवं पठमं गहेत्वा तदनन्तरं अनागतं “दुतिय”न्ति गहणे अतीतो ततियो होतीति आह “अविज्जा सङ्कारा हि अतीतो भवो”ति । ननु चेत्थ अनागतस्सापि भवस्स गहणं न सम्भवति पच्चुप्पन्नवसेन अभिनिवेसस्स जोतितत्ताति? सच्चमेतं, कारणे पन गहिते फलं गहितमेव होतीति तथा वुत्तन्ति दट्ठब्बं । अपि चेत्थ अनागतोपि अद्भा अत्थतो सङ्गहितो एव, यतो परतो “नामरूपपच्चया सळायतन”न्तिआदिना अनागतद्धसङ्गहिका देसना पवत्ता । तेहीति अविज्जासङ्कारेहि आरम्मणभूतेहि । न घटियति न

सम्बज्झति । महापुरिसो हि पच्चुप्पन्नवसेन अभिनिविट्ठोति अघटने कारणमाह । अदिट्ठेहीति अनवबुद्धेहि, इत्थम्भूतलक्खणे चेतं करणवचनं । सति अनुबोधे पटिवेधेन भवितव्वन्ति आह “न सक्का बुद्धेन भवितु”न्ति । इमिनाति महासत्तेन । तेति अविज्जासङ्खारा । भवउपादानतण्हावसेनेवाति भवउपादानतण्हादस्सनवसेनेव । दिट्ठा तंसभावतंसहगतेहि तेहि समानयोगक्खमत्ता । विसुद्धिमग्गे (विसुद्धि० २.५७०) कथिताव, तस्मा न इध कथेतव्वाति अधिप्पायो ।

५८. पच्चयतोति हेतुतो, सङ्खारतोति अत्थो । “किम्हि नु खो सति जरामरणं होती”तिआदिना हि हेतुपरम्परावसेन फलपरम्पराय वुच्चमानाय “किम्हि नु खो सति विज्जाणं होती”ति विचारणाय “सङ्खारे खो सति विज्जाणं होती”ति विज्जाणस्स विसेसकारणभूते सङ्खारे अगगहिते ततो विज्जाणं पटिनिवत्तति नाम, न सब्बपच्चयतो । तेनेवाह “नामरूपे खो सति विज्जाणं होती”ति (दी० नि० २.५८), नामम्पि चेत्य सहजातादिवसेनेव पच्चयभूतं अधिप्पेतं, न कम्मूपनिस्सयवसेन पच्चुप्पन्नवसेन अभिनिविसस्स जोतितत्ता । आरम्भणतोति अविज्जासङ्खारसङ्खातआरम्भणतो, अतीतभवसङ्खातआरम्भणतो वा । अतीतद्वपरियापन्ना हि अविज्जासङ्खारा । यतो पटिनिवत्तमानं विज्जाणं अतीतभवतोपि पटिनिवत्तति नाम । उभयम्पीति पटिसन्धिविज्जाणम्पि विपस्सनाविज्जाणम्पि । नामरूपं नातिक्कमतीति पच्चयभूतं, आरम्भणभूतञ्च नामरूपं नातिक्कमति तेन विना अवत्तनतो । तेनाह “नामरूपतो परं न गच्छती”ति ।

विज्जाणे नामरूपस्स पच्चये होन्तेति विज्जाणे नामस्स, रूपस्स, नामरूपस्स च पच्चये होन्ते । नामरूपे च विज्जाणस्स पच्चये होन्तेति तथा नामे, रूपे, नामरूपे च विज्जाणस्स पच्चये होन्तेति चतुवोकारएकवोकारपञ्चवोकारभववसेन यथारहं योजना वेदितव्वा, द्वीसुपि अज्जमज्जपच्चयेसु होन्तेसूति पन पञ्चवोकारभववसेनेव । एतकेनाति एवं विज्जाण नामरूपानं अज्जमज्जं उपत्थम्भनवसेन पवत्तिया । जायेथ वा...पे०... उपपज्जेथ वाति “सत्तो जायति...पे०... उपपज्जति वा”ति समज्जा होति विज्जाणनामरूपविनिमुत्तस्स सत्तपज्जत्तिया उपादानभूतस्स धम्मस्स अभावतो । तेनाह “इतो ही”तिआदि । एतदेवाति विज्जाणं, नामरूपन्ति एतं द्वयमेव ।

पञ्च पदानीति “जायेथ वा”तिआदीनि पञ्च पदानि । ननु तत्थ पठमतितियेहि चतुत्थपञ्चमानि अत्थतो अभिन्नानीति आह “सद्धि अपरापरं चुतिपटिसन्धीही”ति । पुन तं एत्तावताति वुत्तमत्थन्ति यो “एत्तावता”ति पदेन पुब्बे वुत्तो, तमेव यथावुत्तमत्थं “यदिद”न्तिआदिना निव्यातेन्तो निदस्सेन्तो पुन वत्त्वा । अनुलोमपच्चयाकारवसेनाति पच्चयधम्मदस्सनपुब्बकं पच्चयुप्पन्नधम्मदस्सनवसेन । पच्चयधम्मानज्झि अत्तनो पच्चयुप्पन्नस्स पच्चयभावो इदप्पच्चयता पच्चयाकारो, सो च “अविज्जापच्चया सङ्खारा”तिआदिना वुत्तो । संसारप्पवत्तिया अनुलोमनतो अनुलोमपच्चयाकारो । जातिआदिकं सब्बं वट्टदुक्खं चित्तेन समिहितेन कतं समूहवसेन गहेत्वा पाळियं “दुक्खक्खन्धस्सा”ति वुत्तन्ति आह “जाति...पे०... दुक्खरासिस्सा”ति ।

५९. दुक्खक्खन्धस्स अनेकवारं समुदयदस्सनवसेन विज्जाणस्स पवत्तत्ता “समुदयो समुदयो”ति आमेडितवचनं अवोच । अथ वा “एवं समुदयो होती”ति इदं न केवलं निव्वत्तिनिदस्सनपदं, अथ खो पटिच्चसमुप्पाद-सद्दो विय समुप्पादमुखेन इध समुदय-सद्दो निव्वत्तिमुखेन पच्चयत्तं वदति । विज्जाणादयो भवन्ता इध पच्चयधम्मा निदिट्ठा, ते सामज्जरूपेन व्यापनिच्छावसेन गणहन्तो “समुदयो समुदयो”ति आह, एवञ्च कत्वा यं वक्खति “इमस्मिं सति इदं होतीति पच्चयसज्जाननमत्तं कथित”न्ति, (दी० नि० अट्ठ० २.५९) तं समत्थितं होति । यदि एवं “उदयदस्सनपज्जा वेसा”ति इदं कथन्ति? नायं दोसो पच्चयतो उदयदस्सनमुखेन निव्वत्तिलक्खणदस्सनस्स सम्भवतो । दस्सनट्ठेन चक्खूति समुदयस्स

पच्चक्खतो दस्सनभावेन चक्खु वियाति चक्खु। जातकरणट्टेनाति यथा समुदयो सम्मदेव जातो होति अवबुद्धो, एवं करणट्टेन। पजाननट्टेनाति “विज्जाणादितंतंपच्चयुप्पत्तिया एतस्स दुक्खक्खन्धस्स समुदयो होती”ति पकारतो जाननट्टेन। निब्बिज्झित्वा पटिविज्झित्वा उप्पन्नट्टेनाति अनिब्बिज्झित्वा पुब्बे उदयदस्सनपज्जाय पटिपक्खधम्मो निब्बिज्झित्वा “अयं समुदयो”ति पच्चयतो, खणतो च, सरूपतो पटिविज्झित्वा उप्पन्नभावेन, निब्बिज्झनट्टेन पटिविज्झनट्टेन विज्जाति वुत्तं होति। ओभासट्टेनाति समुदयसभावपटिच्छादनकस्स मोहन्धकारस्स च किलेसन्धकारस्स च विधमनवसेन अवभासकभावेन।

इदानीं यथावुत्तमत्थं पटिपाटिया विभावेतुं “यथाहा”तिआदि वुत्तं। तत्थ चक्खुं उदपादीति पाळियं पदुद्धारो। कथं उदपादीति चेति आह “दस्सनट्टेना”ति। “समुदयस्स पच्चक्खतो दस्सनभावेनाति वुत्तो वायमत्थो। इमिना नयेन सेसपदेसुपि अत्थो वेदितब्बो। चक्खुधम्मोति चक्खूति पाळिधम्मो। दस्सनट्टो अत्थोति दस्सनसभावो तेन पकासेतब्बो अत्थो। सेसेसुपि एसेव नयो। एत्तकेहि पदेहीति इमेहि पज्चहि पदेहि। “किं कथित”न्ति पिण्डत्थं पुच्छति। पच्चयसज्जाननमत्तन्ति विज्जाणादीनं पच्चयधम्मानं नामरूपादिपच्चयुप्पन्नस्स पच्चयसभावसज्जाननमत्तं कथितं अविसेसतो पच्चयसभावसल्लक्खणस्स जोतितत्ता। सङ्खारानं सम्मदेव उदयदस्सनस्स जोतितत्ता “वीथिपटिपन्ना तरुणविपस्सना कथिता”ति च वुत्तं।

६१. अत्तना अधिगतत्ता आसन्नपच्चक्खताय “अय”न्ति वुत्तं, अरियमग्गादीनं मग्ननट्टेन मग्गोति। पुब्बभागविपस्सना हेसा। तेनाह “बोधाया”ति। बोधपदस्स भावसाधनतं सन्धायाह “चतुसच्चबुज्जनत्थाया”ति। परिज्जापहानभावनाभिसमया यावदेव सच्छिकिरियाभिसमयत्था निब्बानाधिगमत्थत्ता ब्रह्मचरियवासस्साति वुत्तं “निब्बानबुज्जनत्थाय एव वा”ति। “निब्बानं परमं सुख”न्ति (म० नि० २.२१५, २१७; ध० प० २०४) हि वुत्तं। बुज्जतीति चत्तारि अरियसच्चानि एकपटिवेधेन पटिविज्झति, तेन बोध-सद्वस्स कत्तुसाधनत्तमाह। पच्चत्तपदेहीति पठमाविभत्तिदीपकेहि पदेहि। निब्बानमेव कथितं विज्जाणादि निरुज्झति एत्थाति कत्वा। अनिब्बत्तिनिरोधन्ति सब्बसो पच्चयनिरोधेन अनुप्पादनरोधं अच्चन्तनिरोधं।

६२. सब्बेहेव एतेहि पदेहीति “चक्खू”तिआदीहि पज्चहि पदेहि। निरोधसज्जाननमत्तमेवाति “निरोधो निरोधोति खो”तिआदिना निरोधस्स सज्जाननमत्तमेव कथितं पुब्बारम्भभावतो, न तस्स पटिविज्झनवसेन पच्चक्खतो दस्सनं अरियमग्गस्स अनधिगतत्ता। सङ्खारानं सम्मदेव निरोधदस्सनं नाम सिखाप्पत्ताय विपस्सनाय वसेन इच्छितब्बन्ति “वुट्ठानगामिनी बलवविपस्सना कथिता”ति च वुत्तं।

६३. विदित्वाति पुब्बभागियेन जाणेन जानित्वा। ततो अपरभागेति वुत्तनयेन पच्चयनिरोधजाननतो पच्छाभागे। उपादानस्स पच्चयभूतेसूति चतुब्बिधस्सपि उपादानस्स आरम्भणपच्चयादिना पच्चयभूतेसु, उपादानियेसूति अत्थो। वहन्तोति पवत्तेन्तो। इदन्ति “अपरेन समयेना”तिआदि वचनं। कस्मा वुत्तन्ति “याय पटिपत्तिया सब्बेपि महाबोधिसत्ता चरिमभवे बोधाय पटिपज्जन्ति, विपस्सनाय महाबोधिसत्तेन तथेव पटिपन्न”न्ति कथेतुकम्यतावसेन पुच्छावचनं। तेनाह “सब्बेयेव ही”तिआदि। तत्थ पुत्तस्स जातदिवसे महाभिनिक्खमनं, पधानानुयोगो च धम्मतावसेन वेदितब्बो, इतरं इतिकत्तब्बतावसेन। तत्थापि चिरकालपरिभावनाय लद्धासेवनाय महाकरुणाय सज्चोदितमानसत्ता “किच्छं वतायं लोको आपन्नो”तिआदिना (दी० नि० २.५७; सं० नि० २.४, १०) संसारदुक्खतो मोचेतुं इच्छितस्स सत्तलोकस्स किच्छापत्तिदस्सनमुखेन जरामरणतो पट्टाय पच्चयाकारसम्मसनम्पि धम्मताव। तथा अत्ताधीनताय, केनचि अनुपखतत्ता,

असेचनकसुखविहारताय, चतुत्थज्झानिकताय च आनापानकम्मट्टानानुयोगो । पञ्चसु खन्धेसु अभिनिविसित्वाति विज्जाणनामरूपादिपरियायेन गहितेसु पञ्चसु उपादानकखन्धेसु विपस्सनाभिनिवेसवसेन अभिनिविसित्वा पटिपत्तिं आरभित्वा । अनुक्कमन्ति अनु अनु गामितब्बतो पटिपज्जितब्बतो “अनुक्कम”न्ति लब्धनामं अनुपुब्बपटिपत्तिं । कत्वाति पटिपज्जित्वा ।

इति रूपन्ति एत्थ दुतियो इति-सद्वो निदस्सनत्थो, तेन पठमो इति-सद्वो सरूपस्स, परिमाणस्स च बोधको अनेकत्थत्ता निपातानं, आवुत्तिआदिवसेन वायमत्थो वेदितब्बो । अन्तो गधावधारणञ्च वाक्यं दस्सेन्तो “इदं रूपं, एतकं रूपं, इतो उद्धं रूपं नत्थी”ति आदिमाह । तत्थ “रूपनसभाव”न्ति इमिना सामञ्जसतो रूपस्स सभावो दस्सितो, “भूतुपादायभेद”न्ति आदिना विसेसतो, तदुभयेनपि “इदं रूपं”न्ति पदस्स अत्थो निद्विड्डो । तत्थ लक्खणं नाम तस्स तस्स रूपविसेसस्स अनञ्जसाधारणो सभावो । रसो तस्सेव अत्तनो फलं पति पच्चयभावो । पच्चुपट्टानं तस्स परमत्थतो विज्जमानत्ता याथावतो जाणस्स गोचरभावो । पदट्टानं आसन्नकारणं, तेनस्स पच्चयायत्तवृत्तिता दस्सिता । “अनवसेसरूपपरिग्गहो”ति इमिना पन “एतकं रूपं, इतो उद्धं” रूपं नत्थीति पदद्वयस्सापि अत्थो निद्विड्डो रूपस्स सब्बसो परियादानवसेन नियामनतो । “इति रूपस्स समुदयो”ति एत्थ पन इति-सद्वो “इति खो भिक्खवे सप्पटिभयो बालो”ति आदीसु (म० नि० ३.१२४; अ० नि० ३.१) विय पकारत्थोति आह “इतीति एव”न्ति ।

अविज्जासमुदयाति अविज्जाय उप्पादा, अत्थिभावाति अत्थो । निरोधनिरोधी हि उप्पादो अत्थिभाववाचकोपि होति, तस्मा पुरिमभवसिद्धाय अविज्जाय सति इमस्मिं भवे रूपसमुदयो, रूपस्स उप्पादो होतीति अत्थो । “तण्हासमुदया”ति आदीसुपि एसेव नयो । आहारसमुदयाति एत्थ पन पवत्तिपच्चयेसु कबळीकाराहारस्स बलवताय सो एव गहितो । तस्मिं पन गहिते पवत्तिपच्चयतासामञ्जेन उतुचित्तानि गहितानेव होन्तीति चतुसमुद्धानिकरूपस्स पच्चयतो उदयदस्सनं विभावितमेवाति दट्टब्बं । “निब्बत्तिलक्खण”न्ति आदिना कालवसेन उदयदस्सनमाह । तत्थ निब्बत्तिलक्खणन्ति रूपस्स उप्पादसङ्घातं सङ्घतलक्खणं । पस्सन्तोपीति न केवलं पच्चयसमुदयमेव, अथ खो खणतो उदयं पस्सन्तोपि । अद्भावसेन हि पठमं उदयं पस्सित्वा ठितो पुन सन्ततिवसेन दिस्वा अनुक्कमेन खणवसेन पस्सति । अविज्जानिरोधा रूपनिरोधोति अगमगगेन अविज्जाय अनुप्पादननिरोधतो अनागतस्स रूपस्स अनुप्पादननिरोधो होति पच्चयाभावे अभावतो । तण्हानिरोधा कम्मनिरोधोति एत्थापि एसेव नयो । आहारनिरोधाति पवत्तिपच्चयस्स कबळीकाराहारस्स अभावेन । रूपनिरोधोति तंसमुद्धानरूपस्स अभावो होति । सेसं वृत्तनयमेव । “विपरिणामलक्खण”न्ति भङ्गकालवसेन हेतं वयदस्सनं, तस्मा तं अद्भावसेन पठमं पस्सित्वा पुन सन्ततिवसेन दिस्वा अनुक्कमेन खणवसेन पस्सति । अयञ्च नयो पाकतिकविपस्सकवसेन वृत्तो, बोधिसत्तानं पनेतं नत्थि । एस नयो उदयदस्सनेपि ।

“इति वेदना”ति आदीसुपि हेट्ठा रूपे वृत्तनयानुसारेण अत्थो वेदितब्बो । तेनाह “अयं वेदना, एतका वेदना”ति आदि । तत्थ वेदयित...पे०... सभावन्ति एत्थ “वेदयितसभावं...पे०... विजाननसभाव”न्ति पच्चेकं सभाव-सद्वो योजेतब्बो । वेदयितसभावन्ति अनुभवनसभावं । सज्जाननसभावन्ति “नीलं पीत”न्ति आदिना आरम्भणस्स सल्लक्खणसभावं । अभिसङ्खरणसभावन्ति आयूहनसभावं । विजाननसभावन्ति आरम्भणस्स उपलब्धिसभावं । सुखादीति आदि-सद्वेन दुक्खसोमनस्सदोमनस्सुपेक्खावेदनानं सङ्गहो रूपसज्जादीति आदि-सद्वेन सद्वसज्जादीनं, फस्सादीति आदि-सद्वेन चेतना वितक्कादीनं चक्खुविज्जाणादीनन्ति आदि-सद्वेन सब्बेसं लोकियविज्जाणानं सङ्गहो । यथा च विज्जाणे, एस नयो वेदनादीसुपि । तेसन्ति “समुदयो”ति वृत्तधम्मानं । तीसु खन्धेसूति

वेदनासज्जासङ्खारकखन्धेसु । “फुट्ठो वेदेति, फुट्ठो सज्जानाति, फुट्ठो चेतेती”ति (सं० नि० ४.९३) वचनतो “**फस्ससमुदया**”ति वक्तव्यं । “**नामरूपपच्चयापि विज्जाण**”न्ति (विभ० २४६; दी० नि० २.९७) वचनतो **विज्जाणकखन्धे** “**नामरूपसमुदया**”ति वक्तव्यं । **तेसं येवाति** तीसु खन्धेसु “**फस्सस्स विज्जाणकखन्धे नामरूपस्सा**”ति फस्सनामरूपानंयेव वसेन **अत्थङ्गमपदमि योजेतव्वं**, अविज्जादयो पन रूपे वुत्तसदिसा एवाति अधिप्पायो ।

**समपज्जासलकखणवसेनाति** पच्चयतो वीसति खणतो पज्जाति पज्चवीसतिया उदयलकखणानं, पच्चयतो वीसति खणतो पज्जाति पज्चवीसतिया एव वयलकखणानं चाति समपज्जासाय उदयवयलकखणानं वसेन । तत्थ पज्चन्नं खन्धानं उदयो लक्खीयति एतेहीति **लक्खणानीति** वुच्चन्ति अविज्जादिसमुदयोति, तथा तेसं अनुप्पादनरोधो लक्खीयति एतेहीति **लक्खणानीति** वुच्चन्ति अविज्जादीनं अच्चन्तनिरोधो । निब्बत्तिविपरिणामलकखणानि पन सङ्खतलकखणमेवाति । एवं एतानि समपज्जासलकखणानि सरूपतो वेदितव्वानि । **यथानुक्कमेन वड्डितेति** यथावुत्तउदयवयलजाणे तिकखे सूरे पसन्ने हुत्वा वहन्ते ततो परं वक्तव्वानं भङ्गजाणादीनं उप्पत्तिपटिपाटिया बुद्धिप्पत्ते परमुक्कंसगते **विपस्सनाजाणे** । पगेव हि छत्तिसकोटिसतहस्समुखेन पवत्तेन सब्बज्जुतज्जाणानुच्छविकेन महावजिरजाणसङ्घातेन सम्मसनजाणेन सम्भतानुभावं गम्भं गण्हन्तं परिपाकं गच्छन्तं पटिपदाविसुद्धिजाणं अपरिमितकाले सम्भताय पज्जापारमिया आनुभावेन उक्कंसपारमिप्पत्तं अनुक्कमेन वुट्ठानगामिनिभावं उपगन्त्वा यदा अरियमग्गेन घटेति, तदा अरियमग्गचित्तं सब्बकिलेसेहि मग्गपटिपाटिया विमुच्चति, विमुच्चन्तज्च तथा विमुच्चति, यथा सब्बजेय्यावरणप्पहानं होति । यं किलेसानं “**सवासनप्पहान**”न्ति वुच्चति, तयिदं पहानं अत्थतो अनुप्पत्तिनिरोधोति आह “**अनुप्पादनरोधेना**”ति । **आसवसङ्घातेहि किलेसेहीति** भवतो आभवग्गं, धम्मतो आगोत्रभुं सवनतो पवत्तनतो आसवसज्जितेहि रागो, दिट्ठि, मोहोति इमेहि किलेसेहि । लक्खणवचनज्चेतं, पाळियं यदिदं “**आसवेही**”ति, तदेकट्ठताय पन सब्बेहिपि किलेसेहि सब्बेहिपि पापधम्मोहि चित्तं विमुच्चति । **अग्गहेत्वाति** तेसं किलेसानं लेसमत्तमि अग्गहेत्वा ।

**मग्गकखणे विमुच्चति नाम** तंतंमग्गवज्झकिलेसेहि **फलकखणे विमुत्तं नाम** । **मग्गकखणे वा विमुत्तज्चेव विमुच्चति** चाति उपरिमग्गकखणे हेट्ठिमग्गवज्झेहि विमुत्तज्चेव यथासकं पहातव्वेहि विमुच्चति च । **फलकखणे विमुत्तमेवाति** सब्बस्मिप्पि फलकखणे विमुत्तमेव, न विमुच्चति नाम ।

**सब्बबन्धनाति** ओरम्भागियुद्धम्भागियसङ्गहिता सब्बस्मापि भवसज्जोजना, **विप्पमुत्तो** विसेसतो पकारेहि मुत्तो । **सुविकसितचित्तसन्तानोति** सातिसयं जाणरस्मिसम्फस्सेन सुट्ठु सम्मदेव सम्फुल्लचित्तसन्तानो । “**चत्तारि मग्गजाणानी**”तिआदि येहि जाणेहि सुविकसितचित्तसन्तानो, तेसं एकदेसेन दस्सनं । निप्पदेसतो दस्सनं पन परतो आगमिस्सति, तस्मा तत्थेव तानि विभजिस्साम । **सकले च बुद्धगुणेति** अतीतंसे अप्पटिहतजाणादिके सब्बेपि बुद्धगुणे । यदा हि लोकनाथो अग्गमग्गं अधिगच्छति, तदा सब्बे गुणे हत्थगते करोति नाम । ततो परं “**हत्थगते कत्वा ठितो**”ति वुच्चति ।

“**परिपुण्णसङ्कप्पो**”ति वत्वा परिपुण्णसङ्कप्पतापरिदीपनं उदानं दस्सेतुं “**अनेकजातिसंसार**”न्तिआदि वुत्तं । तत्थ आदितो द्विन्नं गाथानमत्थो हेट्ठा **ब्रह्मजालनिदानवण्णनायं** (दी० नि० टी० १.पठममहासङ्गीतिकथावण्णना) वुत्तो एव । परतो पन **अयोधनहतस्साति** अयो हज्जति एतेनाति **अयोधनं**, कम्मरानं अयोक्कूटं, अयोमुट्ठि च, तेन अयोधनेन हतस्स पहतस्स । **एव-सद्दो** चेत्थ निपातमत्तं । **जलतो जातवेदसोति** जलयमानस्स अग्गिस्स, अनादरे वा एतं सामिवचनं । **अनुपुब्बूपसन्तस्साति** अनुक्कमेन उपसन्तस्स विक्खम्भन्तस्स निरुद्धस्स । **यथा न जायते गतीति** यथा तस्स गति न



जायति । इदं वुत्तं होति — अयोमुट्टिकूटादिना पहतत्ता अयोघनेन हतस्स पहतस्स अयोगतस्स, कंसभाजनादिगतस्स वा जलमानस्स अग्निस्स अनुक्कमेन उपसन्तस्स दससु दिसासु न कत्थचि गति पज्जायति पच्चयनिरोधेन अप्पटिसन्धिकनिरुद्धत्ताति । एवं **सम्माविमुत्तानन्ति** सम्मा हेतुना जायेन तदङ्गविक्रम्भनविमुत्तिपुब्बङ्गमाय समुच्छेदविमुत्तिया अरियमग्गेन चतूहिपि उपादानेहि, आसवेहि च मुत्तत्ता सम्मा विमुत्तानं, ततो एव कामबन्धनसङ्घातं कामोघभवोधादिभेदं अवसिद्धोओघञ्च तरित्वा ठितत्ता **कामबन्धोघतारीनं** सुट्ठु पटिपस्सम्भितसब्बकिलेसविप्फन्दितत्ता किलेसाभिसङ्खारवातेहि अकम्पनीयताय **अचलं** निब्बानसङ्घातं सङ्खारूपसमं **सुखं पत्तानं** अधिगतानं खीणासवानं **गति** देवमनुस्सादिभेदासु गतीसु “अयं नामा”ति पज्जापेतब्बताय अभावतो **पज्जापेतुं नत्थि** न उपलब्भति, यथावुत्तजातवेदो विय अपज्जत्तिकभावमेव ते गच्छन्तीति अत्थो । एवं **मनसि करोन्तो**ति “एवं अनेकजातिसंसार”न्तिआदिना (ध० प० १५३) अत्तनो कतकिच्चत्तं मनसि करोन्तो बोधिपल्लङ्के निसिन्नोव विरोचित्थाति योजना ।

दुतियभाणवारवण्णना निट्ठिता ।

### ब्रह्मयाचनकथावण्णना

**६४. यन्नूना**ति परिवितक्कनत्थे निपातो, **अहन्ति** भगवा अत्तानं निदिसतीति आह “**यदि पनाह**”न्ति । “**अट्टमे सत्ताहे**”तिआदि यथा अम्हाकं भगवा अभिसम्बुद्धो हुत्वा विमुत्तिसुखपटिसंवेदनादिवसेन सत्तसु सत्ताहेसु पटिपज्जि, ततो परञ्च धम्मगम्भीरतापच्चवेक्खणादिवसेन, एवमेव सब्बेपि सम्मासम्बुद्धा अभिसम्बुद्धकाले पटिपज्जिंसु, ते च सत्ताहादयो तथेव ववत्थपीयन्तीति अयं सब्बेसम्पि बुद्धानं धम्मता । तस्मा विपस्सी भगवा अभिसम्बुद्धकाले तथा पटिपज्जीति दस्सेतुं आरब्धं । तत्थ “**अट्टमे सत्ताहे**”ति इदं सत्तमसत्ताहतो परं, सत्ताहतो ओरिमे च पवत्ताय पटिपत्तिया वसेन वुत्तं, न पल्लङ्कसत्ताहस्स विय अट्टमस्स नाम सत्ताहस्स ववत्थितस्स लब्भमानत्ता । **अनन्तरो**ति “अधिगतो खो म्यायं धम्मो”तिआदिको वितक्को (दी० नि० २.६७; म० नि० १.२८१; २.३३७; सं० नि० १.१७२; महाव० ७, ८) ।

**पटिविद्धो**ति सयम्भुजाणेन “इदं दुक्ख”न्तिआदिना पटिमुखं पटिविज्झनवसेन पवत्तो, यथाभूतं अवबुद्धोति अत्थो । **धम्मो**ति चतुसच्चधम्मो तब्बिनिमुत्तस्स पटिविज्झितब्बधम्मस्स अभावतो । **गम्भीरो**ति महासमुद्धो विय मकसतुण्डसूचिया अज्जत्र समुपचितपरिपक्कजाणसम्भारेहि अज्जेसं जाणेन अलब्भनेय्यप्पतिट्ठो । तेनाह “**उत्तानभावपटिक्खेपवचनमेत**”न्ति । अलब्भनेय्यप्पतिट्ठो ओगाहितुं असक्कुणेय्यताय सरूपतो विसेसतो च पस्सितुं न सक्काति आह “**गम्भीरत्ताव दुदसो**”ति । **दुक्खेन दट्ठब्बो**ति किच्छेन केनचि कदाचिदेव दट्ठब्बो । यं पन दट्ठमेव न सक्का, तस्स ओगाहेत्वा अनु अनु बुज्झने कथा एव नत्थीति आह “**दुदसत्ताव दुरनुबोधो**”ति । **दुक्खेन अवबुज्झितब्बो** अवबोधस्स दुक्करभावतो । इमस्मिं ठाने “तं किं मज्जथ भिक्खवे दुक्करतरं वा दुरभिसम्भवतरं वा”ति (सं० नि० ५.१११५) सुत्तपदं वत्तब्बं । सन्तारम्मणताय वा **सन्तो** । निब्बुतसब्बपरिळाहताय **निब्बुतो** । पधानभावं नीतोति वा **पणीतो** । अतित्तिकरट्ठेन **अतप्पको** सादुरसभोजनं विय । एत्थ च निरोधसच्चं सन्तं आरम्मणन्ति **सन्तारम्मणं**, मग्गसच्चं सन्तं, सन्तारम्मणज्जाति **सन्तारम्मणं** अनुपसन्तसभावानं किलेसानं, सङ्खारानञ्च अभावतो **सन्तो निब्बुतसब्बपरिळाहता निब्बुतो**, सन्तपणीतभावेनेव तदत्थाय असेचनकताय **अतप्पकता** दट्ठब्बा । तेनाह “**इदं द्वयं लोकुत्तरमेव सन्थाय वुत्त**”न्ति । उत्तमजाणस्स विसयत्ता न तक्केन अवचरितब्बो, ततो एव निपुणजाणगोचरताय, सण्हसुखुमसभावत्ता च **निपुणो** । बालानं अविसयत्ता पण्डितेहि एव वेदितब्बोति **पण्डितवेदनीयो** । आलीयन्ति अभिरमितब्बट्ठेन सेवीयन्तीति **आलया**, पञ्च कामगुणा । आलयन्ति अभिरमणवसेन सेवन्तीति **आलया**, तण्हाविचरितानि । **आलयरताति**

आलयनिरता । सुदु मुदिता अतिविय मुदिता अनुक्कण्ठनतो । रमतीति रतिं विन्दति कीळति लळति । इमे सत्ता यथा कामगुणे, एवं रागम्पि अस्सादेन्ति अभिनन्दन्ति येवाति वुत्तं “दुविधम्पी”तिआदि ।

ठानं सन्धायाति ठान-सदं सन्धाय । अत्थतो पन “ठान”न्ति च पटिच्चसमुप्पादो एव अधिप्पेतो । तिड्ढति एत्थ फलं तदायत्तवुत्तितायाति ठानं, सङ्खारादीनं पच्चयभूता अविज्जादयो । इमेसं सङ्खारादीनं पच्चयाति इदप्पच्चया, अविज्जादयोव । इदप्पच्चया एव इदप्पच्चयता यथा देवो एव देवता, इदप्पच्चयानं वा अविज्जादीनं अत्तनो फलं पटिच्च पच्चयभावो उप्पादनसमत्थता इदप्पच्चयता, तेन परमत्थपच्चयलक्खणो पटिच्चसमुप्पादो दस्सितो होति । पटिच्च समुप्पज्जति फलं एतस्माति पटिच्चसमुप्पादो । पदद्वयेनापि धम्मानं पच्चयद्वो एव विभावितो । तेनाह “सङ्खारादिपच्चयानं अविज्जादीनमेतं अधिवचन”न्ति । अयमेत्थ सङ्खेपो, वित्थारो पन विसुद्धिमग्गसंवण्णनासु (विसुद्धि० २.५७०) वुत्तनयेन वेदितब्बो ।

सब्बसङ्खारसमथोतिआदि सब्बन्ति सब्बसङ्खारसमथादिपदाभिधेय्यं सब्बं, अत्थतो निब्बानमेव । इदानीं तस्स निब्बानभावं दस्सेतुं “यस्मा ही”तिआदि वुत्तं । तन्ति निब्बानं । आगम्माति पटिच्च अरियमग्गस्स आरम्मणपच्चयहेतु । सम्मन्तीति अप्पटिसन्धिकूपसमवसेन सम्मन्ति । तथा सन्ता च सविसेसं उपसन्ता नाम होन्तीति आह “वूपसम्मन्ती”ति, एतेन सब्बे सङ्खारा सम्मन्ति एत्थाति सब्बसङ्खारसमथो, निब्बानन्ति दस्सेति । सब्बसङ्खारविसंयुत्ते हि निब्बाने सब्बसङ्खारवूपसमपरियायो जायागतो येवाति । सेसेपदेसुपि एसेव नयो । उपधीयति एत्थ दुक्खन्ति उपधि, खन्धादयो । पटिनिस्सट्ठाति समुच्छेदवसेन परिच्चत्ता होन्ति । सब्बा तण्हाति अट्टसतप्पभेदा सब्बापि तण्हा । सब्बे किलेसरागाति कामरागरूपरागादिभेदा सब्बेपि किलेसभूता रागा, सब्बेपि वा किलेसा इध किलेसरागाति वेदितब्बा, न लोभविसेसा एव चित्तस्स विपरीतभावापादनतो । यथाह “रत्तम्पि चित्तं विपरिणतं, दुट्ठम्पि चित्तं विपरिणतं, मूळहम्पि चित्तं विपरिणत”न्ति (पारा० २७१) विरज्जन्तीति अत्तनो सभावं विजहन्ति । सब्बं दुक्खन्ति जरामरणादिभेदं सब्बं वट्टदुक्खं । भवेन भवन्ति तेन तेन भवेन भवन्तरं । भवनिकन्तिभावेन संसिब्बति, फलेन वा सद्धिं कम्मं सतण्हस्सेव आर्यातिं पुनर्भवभावतो । ततो वानतो निक्खन्तं तत्थ तस्स सब्बसो अभावतो । चिरनिसज्जाचिरभासनेहि पिड्डिआगिलायनतालुगलसोसादिवसेन कायकिलमथो चेव कायविहेसा च वेदितब्बा । सा च खो देसनाय अत्थं अजानन्तानं, अप्पटिपज्जन्तानञ्च वसेन, जानन्तानं, पन पटिपज्जन्तानञ्च देसनाय कायपरिस्समोपि सत्थु अपरिस्समोव । तेनाह भगवा “न च मं धम्माधिकरणं विहेसेसी”ति (उदा० १०) । तथा हि वुत्तं “या अजानन्तानं देसना नाम, सो मम किलमथो अस्सा”ति । उभयन्ति चित्तकिलमथो, चित्तविहेसा चाति उभयं पेतं बुद्धानं नत्थि, बोधिमूलेयेव समुच्छिन्नत्ता ।

६५. अनुब्रूहं सप्पिण्डनं । सोति “अपिस्सू”ति निपातो । विपस्सिन्ति पटि-सद्वयोगेन सामिअत्थे उपयोगवचनन्ति आह “विपस्सिस्सा”ति । वुद्धिप्पत्ता अच्छरिया वा अनच्छरिया । वुद्धिअत्थोपि हि अकारो होति यथा “असेक्खा धम्मा”ति (ध० स० तिकमातिकाय ११) । कप्पानं चत्तारि असङ्ख्येय्यानि सतसहस्सञ्च सदेवकस्स लोकस्स धम्मसंविभागकरणत्थमेव पारमियो पूरेत्वा इदानीं समधिगतधम्मराजस्स तत्थ अप्पोस्सुक्कतापत्तिदीपनता, गाथात्थस्स अच्छरियता, तस्स वुद्धिप्पत्ति चाति वेदितब्बा । अत्थद्वारेन हि गाथानं अनच्छरियता । गोचरा अहेसुन्ति उपट्ठहिंसु । उपट्ठानञ्च वितक्केतब्बतावाति आह “परिवितक्कयितब्बतं पापुण्णिसू”ति ।

यदि सुखापटिपदाव कथं किच्छताति आह “पारमीपूरणकाले”तिआदि । एवमादीनि दुप्परिच्चजानि देन्तस्स । ह- इति वा व्यत्तन्ति एतस्मिं अत्थे निपातो, “एकंसत्थे”ति केचि । ह व्यत्तं, एकंसेन वा अलं निप्पयोजनं एवं किच्छेन

अधिगतस्स धम्मस्स देसेतुन्ति योजना । हलन्ति “अल”न्ति इमिना समानत्थं पदं “हलन्ति वदामी”तिआदीसु (सं० नि० टी० १.१७२) विय । **रागदोसफुट्टेही**ति फुट्टविसेन विय सप्पेन रागेन, दोसेन च सम्फुट्टेहि अभिभूतेहि । **रागदोसानुगतेही**ति रागदोसेहि अनुबन्धेहि ।

**निच्चादीनन्ति** निच्चग्गाहादीनं । **एवं गतन्ति** एवं पवत्तं अनिच्चादिआकारेण पवत्तं । “**चतुसच्चधम्म**”न्ति इदं अनिच्चादीसु, सच्चेसु च यथालाभवसेन गहेतब्बं । एवं गतन्ति वा एवं “अनिच्च”न्तिआदिना अभिनिविसित्वा मया, अज्जेहि च सम्मासम्बुद्धेहि गतं, जातं पटिविद्वन्ति अत्थो । **कामरागेन, भवरागेन च रत्ता** नीवरणेहि निवुतचित्तताय, **दिट्ठिरागेन रत्ता** विपरीताभिनिवेसेन **न दक्खन्ति** याथावतो इमं धम्मं नप्पटिविज्झिस्सन्ति । **एवं गाहापेतुन्ति** “अनिच्च”न्तिआदिना सभावेन याथावतो धम्मे जानापेतुं । रागदोसपरेततापि नेसं सम्मूळभावेनेवाति आह “**तमोखन्धेन आवुटा**”ति ।

धम्मदेसनाय अप्पोस्सुक्कतापत्तिया कारणं विभावेतुं “**कस्मा पना**”तिआदिना सयमेव चोदनं समुट्ठापेति । तत्थ यथायं इदानीं धम्मदेसनाय अप्पोस्सुक्कतापत्तिं सब्बबुद्धानं आचिण्णसमाचिण्णधम्मतावसेन, सब्बबोधिसत्तानं आदितो “किं मे अज्जातवेसेना”तिआदिना (बु० वं० २.९९) महाभिनीहारे अत्तनो चित्तस्स समुस्साहनं आचिण्णसमाचिण्णधम्मता वाति आह “**किं मे**”तिआदि । तत्थ **अज्जातवेसेना**ति सदेवकं लोकं उन्नादेन्तो बुद्धो अहुत्वा केवलं बुद्धानं सावकभावूपगमनवसेन अज्जातरूपेण । तिविधं कारणं अप्पोस्सुक्कतापत्तिया पटिपक्खस्स बलवभावो, धम्मस्स परमगम्भीरता, तत्थ च भगवतो सातिसयं गारवन्ति तं दस्सेतुं “**तस्स ही**”तिआदि आरब्धं । तत्थ **पटिपक्खा** नाम रागादयो किलेसा सम्मापटिपत्तिया अन्तरायकरत्ता । तेसं बलवभावतो चिरपरिभावनाय सत्तसन्तानतो दुब्बिसोधियताय ते सत्ते मत्तहत्थिनो विय दुब्बलं पुरिसं अज्झोत्थरित्वा अनयव्यसनं आपादेन्ता अनेकसतयोजनायामवित्थारं सुनिचितं घनसन्निवेसं कण्टकदुग्गमि अधिसेन्ति । दूरप्पभेद दुच्छेज्जताहि दुब्बिसोधियतं पन दस्सेतुं “**अथस्सा**”तिआदि वुत्तं । तत्थ च अन्तो आमट्ठताय **कज्जिकपुण्णलाबु** चिरपरिवासिकताय **तक्कभरितचाटि** स्नेहितन्तदुब्बलभावेन **वसातेलपीतपिलोतिका**; तेलमिस्सितताय **अज्जनमक्खितहत्था** दुब्बिसोधनीया वुत्ता । हीनूपमा चेता रूपप्पबन्धभावतो, अचिरकालिकत्ता च मलीनताय, किलेससंकिलेसो एव पन दुब्बिसोधनीयतरो अनादिकालिकत्ता, अनुसयितत्ता च । तेनाह “**अतिसंकिलिट्ठा**”ति । यथा च दुब्बिसोधनीयताय एवं गम्भीरदुद्दसदुरनुबोधानमि वुत्तउपमा हीनूपमाव ।

गम्भीरोपि धम्मो पटिपक्खविधमनेन सुपाकटो भवेय्य, पटिपक्खविधमनं पन सम्मापटिपत्तिपटिबद्धं, सा सद्धम्मसवनाधीना, तं सत्थरि, धम्मे च पसादायत्तं । सो विसेसतो लोके सम्भावनीयस्स गरुकातब्बस्स अभिपत्थनाहेतुकोति पनाळिकाय सत्तानं धम्मसम्पटिपत्तिया ब्रह्मयाचनादिनिमित्तन्ति तं दस्सेन्तो “**अपिचा**”तिआदिमाह ।

६६. “अज्जतरो”ति अप्पज्जातो विय किज्चापि वुत्तं, अथ खो पाकटो पज्जातोति दस्सेतुं “**इमस्मिं चक्कवाळे जेट्ठकमहाब्रह्मा**”ति वुत्तं । महाब्रह्मभवने **जेट्ठकमहाब्रह्मा** । सो हि सक्को विय कामदेवलोके, ब्रह्मलोके च पाकटो पज्जातो । उपक्किलेसभूतं अप्पं रागादिरजं एतस्साति **अप्परजं**, अप्परजं अक्खि पज्जाचक्खु येसं ते तंसभावाति कत्वा **अप्परजक्खजातिका**ति इममत्थं दस्सेतुं “**पज्जामये**”तिआदिमाह । अप्पं रागादिरजं येसं ते तंसभावा **अप्परजक्खजातिका**ति एवमेत्थ अत्थो वेदितब्बो । **अस्सवनता**ति “सयं अभिज्जा”तिआदीसु (दी० नि० १.२८, ४०५; म० नि० १.१५४, ४४४) विय करणे पच्चत्तवचनन्ति आह “**अस्सवनताया**”ति । **दसपुज्जकिरियवत्थुवसेना**ति दानादिदसविधविमुत्तिपरिपाचनीयपुज्जकिरियवत्थूनं वसेन । तेनाह “**कताधिकारा**”तिआदि । **पपज्चसूदनियं** पन

“द्वादसपुञ्जकिरियवसेना”ति (म० नि० अट्ट० २.२८२) वुत्तं, तं दानादीसु सरणगमनपरहितपरिणामनद्वय पक्खिपनवसेन वुत्तं ।

६९. गरुडानियेसु गारववसेन गरुकरपत्थना अज्झेसना, सापि अत्थतो पत्थना एवाति वुत्तं “याचन”न्ति । पदेसविसयजाणदस्सनं हुत्वा बुद्धानंयेव आवेणिकभावतो इदं जाणद्वयं “बुद्धचक्खू”ति वुच्चतीति आह “इमेसज्झि द्विन्नं जाणानं बुद्धचक्खूति नाम”न्ति । तिण्णं मग्गजाणानन्ति हेट्ठिमानं तिण्णं मग्गजाणानं “धम्मचक्खू”ति नामं, चतुसच्चधम्मदस्सनन्ति कत्वा दस्सनमत्तभावतो । यतो तानि जाणानि विज्जूपमाभावेन वुत्तानि, अग्गमग्गजाणं पन जाणकिच्चस्स सिखाप्पत्तिया दस्सनमत्तं न होतीति “धम्मचक्खू”ति न वुच्चतीति । यतो तं वजिरूपमाभावेन वुत्तं । वुत्तनयेनेवाति “अप्परजक्खजातिका”ति एत्थ वुत्तनयेनेव । यस्मा मन्दकिलेसा “अप्परजक्खा”ति वुत्ता, तस्मा बहलकिलेसा “महारजक्खा”ति वेदितब्बा । पटिपक्खविधमनसमत्थताय तिक्खानि सूरानि विसदानि, वुत्तविपरियायेन मुदूनि । सद्धादयो आकाराति सद्धहनादिप्पकारे वदति । सुन्दराति कल्याणा । सम्मोहविनोदनियं पन “येसं आसयादयो कोट्टासा सुन्दरा, ते स्वाकारा”ति (विभ० अट्ट० ८१४) वुत्तं, तं इमाय अत्थवण्णनाय अज्जदत्थु संसन्दति समेतीति दट्ठब्बं । यतो सद्धासम्पदादिवसेन अज्झासयस्स सुन्दरताति, तब्बिपरियायतो असुन्दरताति । कारणं नाम पच्चयाकारो, सच्चानि वा । परलोकन्ति सम्परायं । तं दुक्खावहं वज्जं विय भयतो पस्सितब्बन्ति वुत्तं “परलोकज्जेव वज्जज्च भयतो पस्सन्ती”ति । सम्पत्तिभवतो वा अज्जत्ता विपत्तिभवो “परलोको”ति वुत्तं “पर...पे०... पस्सन्ती”ति ।

अयं पनेत्थ पाळीति एत्थ “अप्परजक्खा”दिपदानं अत्थविभावने अयं तस्स तथाभावसाधकपाळि । सद्धादीनज्झि विमुत्तिपरिपाचकधम्मानं बलवभावो तप्पटिपक्खानं पापधम्मानं दुब्बलभावेनेव होति, तेसज्च बलवभावो सद्धादीनं दुब्बलभावेनाति विमुत्तिपरिपाचकधम्मानं सविसेसं अत्थितानत्थितावसेन “अप्परजक्खा महारजक्खा”ति आदयो पाळियं (पटि० म० १.१११) विभजित्वा दस्सिता । इति सद्धादीनं वसेन पज्च अप्परजक्खा, असद्धियादीनं वसेन पज्च महारजक्खा । एवं तिक्खिन्द्रियमुदिन्द्रियादयोति विभाविता पज्जास पुग्गला । सद्धादीनं पन अन्तरभेदेन अनेकभेदा वेदितब्बा । खन्धादयो एव लुज्जनपलुज्जनद्वेन लोको, सम्पत्तिभवभूतो लोको सम्पत्तिभवलोको, सुगतिसङ्घातो उपपत्तिभवो, सम्पत्ति सम्भवति एतेनाति सम्पत्तिसम्भवलोको सुगतिसंवत्तनियो कम्मभवो । दुग्गतिसङ्घातउपपत्तिभवदुग्गतिसंवत्तनियकम्मभवा विपत्तिभवलोकविपत्तिसम्भवलोका ।

पुन एककदुकादिवसेन लोकं विभजित्वा दस्सेतुं “एको लोको”तिआदि वुत्तं । आहारादयो हि लुज्जनपलुज्जनद्वेन लोकोति । तत्थ “एको लोको सब्बे सत्ता आहारट्टितिका”ति (दी० नि० ३.३०३; अ० नि० १०.२७, २८; पटि० म० १.२, ११२, २०८) यायं पुग्गलाधिष्ठानाय कथाय सब्बसङ्खारानं पच्चयायत्तवुत्तिता वुत्ता, ताय सब्बो सङ्खारलोको एको एकविधो पकारन्तरस्साभावतो । “द्वे लोका”तिआदीसुपि इमिना नयेन अत्थो वेदितब्बो । नामग्गहणेन चेत्य निब्बानस्स अग्गहणं तस्स अलोकसभावत्ता । ननु च “आहारट्टितिका”ति एत्थ पच्चयायत्तवुत्तिताय मग्गफलानम्पि लोकता आपज्जतीति? नापज्जति परिज्जेय्यानं दुक्खसच्चधम्मानं “इध लोको”ति अधिप्पेतत्ता । अथ वा न लुज्जति न पलुज्जतीति यो गहितो, तथा न होति, सो लोकोति तंगहणरहितानं लोकुत्तरानं नत्थि लोकता । उपादानानं आरम्भणभूता खन्धा उपादानक्खन्धा । अनुरोधादिवत्थुभूता लाभादयो अट्ठ लोकधम्मा । दसायतनानीति दस रूपायतनानि विवट्ठज्झासयस्स अधिप्पेतत्ता । तस्स च सब्बं तेभूमककम्मं गरहितब्बं, वज्जितब्बज्च हुत्वा उपट्ठातीति वुत्तं “सब्बे अभिसङ्खारा वज्जं, सब्बे भवगामिकम्मा वज्जं”न्ति । येसं पुग्गलानं सद्धादयो मन्दा, ते इध “अस्सद्धा”तिआदिना वुत्ता । न पन सब्बेन सब्बं सद्धादीनं अभावतोति अप्परजक्खदुकादीसु पज्चसु दुकेसु एकेकस्मिं दस दस कत्वा “पज्जासाय आकारेहि इमानि पज्चिन्द्रियानि

जानाती”ति वुत्तं । अथ वा अन्वयतो, व्यतिरेकतो च सद्धादीनं इन्द्रियानं परोपरियत्तं जानातीति कत्वा तथा वुत्तं । एत्थ च अप्परजक्खादिवसेन आवज्जन्तस्स भगवतो ते सत्ता पुज्जपुज्जाव हुत्वा उपट्ठहन्ति, न एकेका ।

उप्पलानि एत्थ सन्तीति उप्पलिनी, गच्छोपि जलासयोपि, इध पन जलासयो अधिप्पेतोति आह “उप्पलवने”ति । यानि उदकस्स अन्तो निमुग्गानेव हुत्वा पुसन्ति वट्ठन्ति, तानि अन्तोनिमुग्गपोसीनी । दीपितानीति अट्ठकथायं पकासितानि, इधेव वा “अज्जानिपी”तिआदिना दीपितानि । उग्घटितज्जूति उग्घटनं नाम जाणुग्घटनं, जाणे उग्घटितमत्ते एव जानातीति अत्थो । विपज्चितं वित्थारमेवमत्थं जानातीति विपज्चितज्जू । उद्देसादीहि नेतब्बोति नेय्यो । सह उदाहटवेलायाति उदाहारे धम्मस्स उद्देसे उदाहटमत्ते एव । धम्माभिसमयोति चतुसच्चधम्मस्स जाणेन सद्धिं अभिसमयो । अयं वुच्चतीति अयं “चत्तारो सतिपट्ठानां”तिआदिना नयेन सद्धिच्चेन मातिकाय दीपियमानाय देसनानुसारेण जाणं पेसेत्वा अरहत्तं गण्हितुं समत्थो “पुग्गलो उग्घटितज्जू”ति वुच्चति । अयं वुच्चतीति अयं सद्धिच्चेन मातिकं ठपेत्वा वित्थारेण अत्थे विभजियमाने अरहत्तं पापुणितुं समत्थो “पुग्गलो विपज्चितज्जू”ति वुच्चति । उद्देसतोति उद्देसहेतु, उद्दिसन्तस्स, उद्दिसापेन्तस्स वाति अत्थो । परिपुच्छतोति अत्थं परिपुच्छन्तस्स । अनुपुब्बेन धम्माभिसमयो होतीति अनुक्कमेन अरहत्तप्पत्तो होति । न ताय जातिया धम्माभिसमयो होतीति तेन अत्तभावेन मग्गं वा फलं वा अन्तमसो ज्ञानं वा विपस्सनं वा निब्बत्तेतुं न सक्कोति । अयं वुच्चति पुग्गलो पदपरमोति अयं पुग्गलो व्यज्जनपदमेव परमं अस्साति “पदपरमो”ति वुच्चति ।

येति ये दुविधे पुग्गले सन्थाय वुत्तं विभङ्गे कम्मावरणेनाति पज्जविधेन आनन्तरियकम्मेन । विपाकावरणेनाति अहेतुकपटिसन्धिया । यस्मा दुहेतुकानम्पि अरियमग्गपटिवेधो नत्थि, तस्मा दुहेतुकपटिसन्धिपि “विपाकावरणमेवा”ति वेदितब्बा । किलेसावरणेनाति नियतमिच्छादिट्ठिया । अस्सद्धाति बुद्धादीसु सद्धा रहिता । अच्छन्दिकाति कत्तुकम्यताकुसलच्छन्दरहिता, उत्तरकुरुका मनुस्सा अच्छन्दिकट्ठानं पविट्ठा । दुप्पज्जाति भवङ्गपज्जाय परिहीना, भवङ्गपज्जाय पन परिपुण्णायपि यस्स भवङ्गं लोकुत्तरस्स पच्चयो न होति, सोपि दुप्पज्जो एव नाम । अभब्बा नियामं ओक्कमितुं कुसलेसु धम्मेसु सम्मत्तन्ति कुसलेसु धम्मेसु सम्मत्तनियामसङ्घातं अरियमग्गं ओक्कमितुं अधिगन्तुं अभब्बा । “न कम्मावरणेना”तिआदीनि वुत्तविपरियायेन वेदितब्बानि ।

“रागचरिता”तिआदीसु यं वत्तब्बं, तं परमत्थदीपनियं [परमत्थमज्जूसायं विसुद्धिमग्गसंवण्णनायन्ति भवितब्बं —

“सा एसा परमत्थानं, तत्थ तत्थ यथारहं ।

निधानतो परमत्थ-मज्जूसा नाम नामतो”ति ॥ (विसुद्धिमग्गमहाटीकाय निगमने सयमेव वुत्तत्ता)]

विसुद्धिमग्गसंवण्णनायं वुत्तनयेन वेदितब्बं ।

७०. आरब्धाति अत्तनो अधिप्पेतस्स अत्थस्स भगवतो जानापनं उद्दिस्साति अत्थो । सेलो पब्बतो उच्चो होति थिरो च, न पंसुपब्बतो, मिस्सकपब्बतो वाति आह “सेले यथा पब्बतमुद्धनी”ति । धम्ममयं पासादन्ति लोकुत्तरधम्ममाह । सो हि पब्बतसदिसो च होति सब्बधम्मे अतिक्कम्म अब्भुगतट्ठेन पासादसदिसो च, पज्जापरियायो वा इध धम्म-सद्धो । सा हि अब्भुगतट्ठेन पासादोति अभिधम्मे (ध० स० अट्ठ० १६) निद्धिट्ठा । तथा चाह —

“पज्जापासादमारुह, असोको सोकिनिं पजं ।

पब्बतट्ठोव भूमट्ठे, धीरो बाले अवेक्खती”ति ॥ (ध० प० २८) ।

“यथा ही”ति आदीसु यथा पब्बते ठत्वा रत्तन्धकारे हेट्ठा ओलोकेन्तस्स पुरिसस्स खेत्ते केदारपाळिकुटियो, तत्थ सयितमनुस्सा च न पज्जायन्ति अनुज्जलभावतो । कुटिकासु पन अग्गिजाला पज्जायति उज्जलभावतो एवं धम्मपासादमारुह सत्तलोकं ओलोकयतो भगवतो जाणस्स आपाथं नागच्छन्ति अकतकल्याणा सत्ता जाणग्गिना अनुज्जलभावतो, अनुळारभावतो च रत्तिं खित्ता सरा विय होन्ति । कतकल्याणा पन भब्बपुग्गला दूरे ठितापि भगवतो जाणस्स आपाथं आगच्छन्ति परिपक्कजाणगिताय समुज्जलभावतो, उळारसन्तानताय हिमवन्तपब्बतो विय चाति एवं योजना वेदितब्बा ।

उट्टेहीति त्वं धम्मदेसनाय अप्पोस्सुक्कतासङ्घातसङ्कोचापत्तितो किलासुभावतो उट्टह । **वीरियवन्ततायाति** सातिसय चतुब्बिधसम्मपधानवीरियवन्तताय । वीरस्स हि भावो, कम्मं वा **वीरियं** । किलेसमारस्स विय मच्चुमारस्सपि आयतिं असम्भवतो “**मच्चुकिलेसमारान**”न्ति वुत्तं । अभिसङ्खारमारविजयस्स अग्गहणं किलेसमारविजयेनेव तब्बिजयस्स जोतितभावतो । **वाहनसमत्थतायाति** संसारमहाकन्तारतो निब्बानसङ्घातं खेमप्पदेसं सम्पापनसमत्थताय ।

७१. “अपारुतं तेसं अमतस्स द्वार”न्ति केचि पठन्ति । निब्बानस्स द्वारं पविसनमग्गो विवरित्वा ठपितो महाकरुणूपनिस्सयेन सयम्भुजाणेन अधिगतत्ता । **सद्धं पमुज्चन्तूति** सद्धं पवेदेन्तु, अत्तनो सद्वहनाकारं उपट्ठापेन्तूति अत्थो । सुखेन अकिच्छेन पवत्तनीयताय **सुप्पवत्तिंतं । न भासिं** न भासिस्सामीति चिन्तेसि ।

### अग्गसावकयुगवण्णना

७३. **सल्लपित्वाति** “विप्पसन्नानि खो ते आवुसो इन्द्रियानी”ति आदिना (महाव० ६०) आलापसल्लापं कत्वा । तज्झिस्स अपरभागे सत्थु सन्तिकं उपसङ्कमनस्स पच्चयो अहोसि ।

७५-६. **अनुपुब्बिं कथन्ति** अनुपुब्बिया अनुपुब्बं कथेतब्बं कथं । का पन साति? दानादिकथा । तत्थ **दानकथा** ताव पचुरजनेसु पवत्तिया सब्बसाधारणत्ता, सुकरत्ता, सीले पतिट्ठानस्स उपायभावतो च आदितो कथिता । परिच्चागसीलो हि पुग्गलो परिग्गहवत्थूसु निस्सङ्गभावतो सुखेनेव सीलानि समादियति, तत्थ च सुप्पतिट्ठितो होति । सीलेन दायकपटिग्गाहकविसुद्धितो परानुग्गहं वत्वा परपीळानिवत्तिवचनतो, किरियधम्मं वत्वा अकिरियधम्मवचनतो, भोगसम्पत्तिहेतुं वत्वा भवसम्पत्तिहेतुवचनतो च **दानकथानन्तरं सीलकथा** कथिता, तज्जे दानसीलं वट्टनिस्सितं, अयं भवसम्पत्ति तस्स फलन्ति दस्सनत्थं, इमेहि च दानसीलमयेहि पणीतपणीततरादिभेदभिन्नेहि पुज्जकिरियवत्थूहि एता चातुमहाराजिकादीसु पणीतपणीततरादिभेदभिन्ना अपरिमेय्या दिब्बभोगभवसम्पत्तियो होन्तीति दस्सनत्थं **तदनन्तरं सग्गकथं** । वत्वा अयं सग्गो रागादीहि उपक्किलिट्ठो, सब्बदा अनुपक्किलिट्ठो अरियमग्गोति दस्सनत्थं **सग्गानन्तरं मग्गकथा** कथेतब्बा । मग्गज्ज कथेन्तेन तदधिगमुपायदस्सनत्थं सग्गपरियापन्नापि, पगेव इतरे सब्बेपि कामा नाम बह्वादीनवा, अनिच्चा अधुवा, विपरिणामधम्माति **कामानं आदीनवो**, हीना, गम्मा, पोथुज्जनिका, अनरिया, अनत्थसज्झिताति तेसं **ओकारो** लामकभावो, सब्बेपि भवा किलेसानं वत्थुभूताति **तत्थ संकिलेसो**, सब्बसो किलेसविप्पमुत्तं निब्बानन्ति **नेक्खम्मे आनिसंसो** च कथेतब्बोति अयमत्थो **मग्गन्तीति** एत्थ इति-सद्देन आदिअत्थजोतकेन बोधितोति वेदितब्बं ।

**सुखानं निदानन्ति** दिट्ठधम्मिकानं, सम्परायिकानं, निब्बानपटिसंयुत्तानज्चाति सब्बेसम्पि सुखानं कारणं । यज्झि किज्चि लोके भोगसुखं नाम, तं सब्बं दाननिदानन्ति पाकटो यमत्थो । यं पन तं ज्ञानविपस्सनामग्गफलनिब्बानपटिसंयुत्तं

सुखं, तस्सापि दानं उपनिस्सयपच्चयो होतियेव । **सम्पत्तीनं मूलन्ति** या इमा लोके पदेसरज्जं सिरिस्सरियं सत्तरतनसमुज्जलचक्कवत्तिसम्पदाति एवंपभेदा मानुसिका सम्पत्तियो, या च चातुमहाराजिकचातुमहाराजादिभेदा दिब्बसम्पत्तियो, या वा पनञ्जापि सम्पत्तियो, तासं सब्बासं इदं दानं नाम मूलं कारणं । **भोगानन्ति** भुज्जितब्बट्टेन “**भोगो**”ति लब्धनामानं मनापियरूपादीनं, तन्निस्सयानञ्च उपभोगसुखानं । अवस्सयट्टेन **पतिट्ठा** । **विसमगतस्साति** व्यसनप्पत्तस्स । **ताणन्ति** रक्खा ततो परिपालनतो । **लेणन्ति** व्यसनेहि परिपाचियमानस्स ओलीयनपदेसो । **गतीति** गन्तब्बट्टानं । **परायणन्ति** पटिसरणं । **अवस्सयोति** विनिपतितुं अदेन्तो निस्सयो । **आरम्मणन्ति** ओलुब्भारम्मणं ।

**रतनमयसीहासनसदिसन्ति** सब्बरतनमयसत्तङ्गमहासीहासनसदिसं महग्घं हुत्वा सब्बसो विनिपतितुं अप्पदानतो । **महापथविसदिसं** गतगतट्टाने पतिट्ठाय लभापनतो । **आलम्बनरज्जुसदिसन्ति** यथा दुब्बलस्स पुरिस्सस्स आलम्बनरज्जु उत्तिट्ठतो, तिट्ठतो च उपत्थम्भो, एवं दानं सत्तानं सम्पत्तिभवे उप्पत्तिया, ठितिया च पच्चयभावतो । **दुक्खनित्थरणट्टेनाति** दुग्गतिदुक्खनित्थरणट्टेन । **समस्सासनट्टेनाति** लोभमच्छरियादिपटिसत्तुपद्वतो सम्मदेव अस्सासनट्टेन । **भयपरित्ताणट्टेनाति** दालिद्वियभयतो परिपालनट्टेन । **मच्छेरमलादीहीति** मच्छेरलोभदोसइस्साविचिकिच्छादिट्ठि आदिचित्तमलेहि । **अनुपलित्तट्टेनाति** अनुपक्किलिडुताय । **तेसन्ति** मच्छेरमलादिकचवरानं । एतेहि एव **दुरासदट्टेन** । **असन्तासनट्टेनाति** अनभिभवनीयताय सन्तासाभावेन । यो हि दायको दानपति, सो सम्पतिपि कुतोचि न भायति, पगेव आयति । धम्मसीसेन पुग्गलो वुत्तो । **बलवन्तट्टेनाति** महाबलवताय । दायको हि दानपति सम्पति पक्खबलेन बलवा होति, आयति पन कायबलादीहिपि । **अभिमङ्गलसम्मत्तट्टेनाति** “वट्ठिकारण”न्ति अभिसम्मत्तभावेन । विपत्तिभवतो सम्पत्तिभवूपनयनं **खेमन्तभूमिसम्पापनं**, भवसङ्गामतो योगक्खेमसम्पापनञ्च **खेमन्तभूमिसम्पापनट्टो** ।

इदानीं दानं वट्ठगता उक्कंसप्पत्ता सम्पत्तियो विय विवट्ठगतापि ता सम्पादेतीति बोधिचरियभावेनपि दानगुणे दस्सेतुं “**दानज्ही**”तिआदि वुत्तं । तत्थ सक्कमारब्रह्मसम्पत्तियो अत्तहिताय एव, चक्कवत्तिसम्पत्ति पन अत्तहिताय, परहिताय चाति दस्सेतुं सा तासं परतो वुत्ता, एता लोकिया, इमा पन लोकुत्तराति दस्सेतुं ततो परं “**सावकपारमीजाण**”न्तिआदि वुत्तं । तत्थापि उक्कट्ठुक्कट्ठतरुक्कट्ठतमाति दस्सेतुं कमेन जाणत्तयं वुत्तं । तेसं पन दानस्स पच्चयभावो हेट्ठा वुत्तो एव । एतेनेवस्स ब्रह्मसम्पत्तियापि पच्चयभावो दीपितोति वेदितब्बो ।

दानञ्च नाम दक्खिण्येसु हितज्झासयेन वा पूजनज्झासयेन वा अत्तनो सन्तकस्स परेसं परिच्चजनं, तस्मा दायको सत्तेसु एकन्तहितज्झासयो पुरिस्सपुग्गलो, सो “परेसं हिंसति, परेसं वा सन्तकं हरती”ति अट्टानमेतन्ति आह “**दानं ददन्तो सीलं समादातुं सक्कोती**”ति । **सीलसदिसो अलङ्कारो नत्थीति** अकित्तिमं हुत्वा सब्बकालं सोभावसेसावहत्ता । **सीलपुप्फसदिसं पुप्फं नत्थीति** एत्थापि एसेव नयो । **सीलगन्धसदिसो गन्धो नत्थीति** एत्थ “चन्दनं तगरं वापी”तिआदिका (ध० प० ५५) गाथा, “गन्धो इसीनं चिरदिक्खितानं, काया चुतो गच्छति मालुतेना”तिआदिका (जा० २.१७.५५) च वत्तब्बा । सीलज्झि सत्तानं आभरणञ्चेव अलङ्कारो च गन्धविलेपनञ्च परस्स दस्सनीयभावावहञ्च । तेनाह “**सीलालङ्कारेन ही**”तिआदि ।

“**अयं सग्गो लब्भती**”ति इदं मज्झिमेहि छन्दादीहि आरब्धं सीलं सन्धायाह । तेनाह सक्को देवराजा —

“हीनेन ब्रह्मचरियेन, खत्तिये उपपज्जति ।

मज्झिमेन च देवत्तं, उत्तमेन विसुज्झती”ति ॥ (जा० २.२२.४२९) ।

इष्टोति सुखो, कन्तोति कमनीयो, मनापोति मनवङ्गको, तं पनस्स इष्टादिभावं दस्सेतुं “निच्चमेत्थ कीळा”तिआदि वुत्तं। निच्चन्ति सब्बकालं कीळाति कामूपसंहिता सुखविहारा। सम्पत्तियोति भोगसम्पत्तियो। दिब्बन्ति दिब्बभवं देवलोकपरियापन्नं। सुखन्ति कायिकं, चेतसिकञ्च सुखं। दिब्बसम्पत्तिन्ति दिब्बभवं आयुसम्पत्तिं, वण्णयसइस्सरियसम्पत्तिं, रूपादिसम्पत्तिञ्च। एवमादीति आदि-सदेन यामादीहि अनुभवितब्बं दिब्बसम्पत्तिं वदति।

अप्पस्सादाति निरस्सादा पण्डितेहि यथाभूतं पस्सन्तेहि तत्थ अस्सादेतब्बताभावतो। बहुदुक्खाति महादुक्खा सम्पत्ति, आयतिञ्च विपुलदुक्खानुबन्धत्ता। बहुपायासाति अनेकविधपरिस्सया। एत्थाति कामेसु। भिय्योति बहुं। दोसोति अनिच्चतादिना, अप्पस्सादतादिना च दूसितभावो, यतो ते विञ्चूनं चित्तं नाराधेन्ति। अथ वा आदीनं वाति पवत्ततीति आदीनवो, परमकपणता, तथा च कामा यथाभूतं पच्चवेक्खन्तानं पच्चुपतिट्ठन्ति। लामकभावोति निहीनभावो असेट्ठेहि सेवितब्बत्ता, सेट्ठेहि न सेवितब्बत्ता च। संकिलिस्सनन्ति विबाधेतब्बता उपतापेतब्बता। नेक्खम्मे आनिसंसन्ति एत्थ यत्तका कामेसु आदीनवा, तप्पटिपक्खतो तत्तका नेक्खम्मे आनिसंसा। अपि च “नेक्खम्मं नामेतं असम्बाधं असंकिलिट्ठं, निक्खन्तं कामेहि, निक्खन्तं कामसज्जाय, निक्खन्तं कामवितक्केहि, निक्खन्तं कामपरिळाहेहि, निक्खन्तं ब्यापादतो”तिआदिना (सारत्थ० टी० ३.२६ महावग्गे) नयेन नेक्खम्मे आनिसंसे पकासेसि, पब्बज्जाय, झानादीसु च गुणे विभावेसि वण्णेसि।

वुत्तनयन्ति एत्थ यं अवुत्तनयं “कल्लचित्ते”तिआदि, तत्थ कल्लचित्तेति कम्मनियचित्ते, हेट्ठा पवत्तितदेसनाय अस्सद्धियादीनं चित्तदोसानं विगतत्ता उपरिदेसनाय भाजनभावूपगमनेन कम्मक्खमचित्तेति अत्थो। अस्सद्धियादयो हि यस्मा चित्तस्स रोगभूता तदा ते विगता, तस्मा अरोगचित्तेति अत्थो। दिट्ठिमानादिकिलेसविगमनेन मुदुचित्ते। कामच्छन्दादिविगमेन विनीवरणचित्ते। सम्मापटिपत्तियं उळारपीतिपामोज्जयोगेन उदग्गचित्ते। तत्थ सद्धासम्पत्तिया पसन्नचित्ते। यदा च भगवा अज्जासीति सम्बन्धो। अथ वा कल्लचित्तेति कामच्छन्दविगमेन अरोगचित्ते। मुदुचित्तेति ब्यापादविगमेन मेत्तावसेन अकथिनचित्ते। विनीवरणचित्तेति उद्धच्चकुक्कुच्चविगमेन विक्खेपस्स विगतत्ता तेन अपिहितचित्ते। उदग्गचित्तेति थिनमिद्धविगमेन सम्पग्गहितवसेन अलीनचित्ते। पसन्नचित्तेति विचिकिच्छाविगमेन सम्मापटिपत्तियं अधिमुत्तचित्ते, एवमेत्थ अत्थो वेदितब्बो।

“सेय्यथापी”तिआदिना उपमावसेन नेसं संकिलेसप्पहानं, अरियमग्गुप्पादञ्च दस्सेति। अपगतकाळकन्ति विगतकाळकं। सम्मदेवाति सुट्ठु एव। रजनन्ति नीलपीतादिरङ्गजातं। पटिग्गणहेय्याति गणहेय्य पभस्सरं भवेय्य। तस्मिंयेव आसनेति तिस्समेव निसज्जायं, एतेन नेसं लहुविपस्सकता, तिक्खपज्जता, सुखपटिपदाखिप्पाभिज्जता च दस्सिता होति। विरजन्ति अपायगमनीयरागरजादीनं विगमेन विरजं। अनवसेसदिट्ठिविचिकिच्छामलापगमनेन वीतमलं। पठममग्गवज्झकिलेसरजाभावेन वा विरजं। पज्जविधदुस्सील्यमलापगमनेन वीतमलं। धम्मचक्खुन्ति ब्रह्मायुसुत्ते (म० नि० २.३८३) हेट्ठिमा तयो मग्गा वुत्ता, चूळराहुलोवादे (म० नि० ३.४१६) आसवक्खयो, इध पन सोतापत्तिमग्गो अधिप्पेतो। “यं किञ्चि समुदयधम्मं, सब्बं तं निरोधधम्म”न्ति तस्स उप्पत्तिआकारदस्सनन्ति। ननु च मग्गजाणं असङ्कतधम्मारम्मणं, न सङ्कतधम्मारम्मणन्ति? सच्चमेतं। यस्मा तं निरोधं आरम्मणं कत्वा किच्चवसेन सब्बसङ्कतं पटिविज्झन्तं उप्पज्जति, तस्मा तथा वुत्तं।

“सुद्धं वत्थ”न्ति निदस्सितउपमायं इदं उपमासंसन्दनं वत्थं विय चित्तं, वत्थस्स आगन्तुकमलेहि किलिट्ठभावो विय चित्तस्स रागादिमलेहि संकिलिट्ठभावो, धोवनसिला विय अनुपुब्बिकथा, उदकं विय सद्धा, उदके तेमेत्वा



ऊसगोमयछारिकाभरेहि काळकपदेसे समुच्छिन्दित्वा वत्थस्स धोवनपयोगो विय सद्धासिनेहेन तेमेत्वा तेमेत्वा सतिसमाधिपज्जाहि दोसे सिथिली कत्वा सुतादिविधिना चित्तस्स सोधने वीरियारम्भो, तेन पयोगेन वत्थे नानाकाळकापगमो विय वीरियारम्भेन किलेसविक्रम्भनं, रङ्गजातं विय अरियमग्गो, तेन सुद्धस्स वत्थस्स पभस्सरभावो विय विक्रम्भितकिलेसस्स चित्तस्स मग्गेन परियोदपनन्ति । “दिट्ठधम्मा”ति वत्वा दस्सनं नाम जाणदस्सनतो अज्जम्पि अत्थीति तं निवत्तनत्थं “पत्तधम्मा”ति वुत्तं । पत्ति च जाणसम्पत्तितो अज्जम्पि विज्जतीति ततो विसेसदस्सनत्थं “विदितधम्मा”ति वुत्तं । सा पन विदितधम्मता धम्मेसु एकदेसेनापि होतीति निष्पदेसतो विदितभावं दस्सेतुं “परियोगाळहधम्मा”ति वुत्तं, तेन नेसं सच्चाभिसम्बोधिंयेव विभावेति । मग्गजाणज्झि एकाभिसमयवसेन परिज्जादिकिच्चं साधेन्तं निष्पदेसतोव चतुसच्चधम्मं समन्ततो ओगाहन्तं पटिविज्झतीति । सेसं हेट्ठा वुत्तनयमेव ।

**७७. चीवरदानादीनीति** चीवरादिपरिक्खारदानं सन्धायाह । यो हि चीवरादिके अट्ठ परिक्खारे, पत्तचीवरमेव वा सोतापन्नादिअरियस्स, पुथुज्जनस्सेव वा सीलसम्पन्नस्स दत्त्वा “इदं परिक्खारदानं अनागते एहिभिक्षुभावाय पच्चयो होतु”ति पत्थनं पटुपेसि, तस्स च सति अधिकारसम्पत्तियं बुद्धानं सम्मुखीभावे इद्धिमयपरिक्खारलाभाय संवत्ततीति वेदितब्बं । **वस्ससतिकत्थेरा विय** आकप्पसम्पन्नाति अधिप्पायो ।

**सन्दस्सेसीति** सुट्ठ पच्चक्खं कत्वा दस्सेसि । **इधलोकत्थन्ति** इधलोकभूतं खन्धपञ्चकसङ्घातमत्थं । **परलोकत्थन्ति** एत्थापि एसेव नयो । **दस्सेसीति** सामज्जलक्खणतो, सलक्खणतो च दस्सेसि । तेनाह “अनिच्च”न्तिआदि । तत्थ हुत्वा अभावतो **अनिच्चन्ति दस्सेसि** । उदयब्बयपटिपीळनतो **दुक्खन्ति दस्सेसि** । अवसवत्तनतो **अनत्ताति दस्सेसि** । इमे रुप्पनादिलक्खणा पञ्चक्खन्धाति रासट्ठेन **खन्धे दस्सेसि** । इमे चक्खादिसभावा निस्सत्तनिज्जीवट्ठेन अट्ठारस धातुयोति **दस्सेसि** । इमानि चक्खादिसभावानेव द्वारारम्मणभूतानि द्वादस आयतनानीति **दस्सेसि** । इमे अविज्जादयो जरामरणपरियोसाना द्वादस पच्चयधम्मा पटिच्चसमुप्पादोति **दस्सेसि** । रूपक्खन्धस्स हेट्ठा वुत्तनयेन पच्चयतो चत्तारि, खणतो एकन्ति इमानि **पञ्च लक्खणानि दस्सेसि** । तथाति इमिना “पञ्च लक्खणानी”ति पदं आकट्ठति । **दस्सेन्तोति इति**-सदो निदस्सनत्थो, एवन्ति अत्थो । **निरयन्ति** अट्ठमहानिरयसोळसउस्सदनिरयप्पभेदं सब्बसो निरयं **दस्सेसि** । **तिरच्छानयोनिन्ति** अपदद्विपदचतुप्पदबहुप्पादिभेदं मिगपसुपक्खिसरीसपादिविभागं नानाविधं तिरच्छानलोकं । **पेत्तिविसयन्ति** खुप्पिपासिकवन्तासिकपरदत्तूपजीविनिज्झामतण्हिकादिभेदभिन्नं नानाविधं पेतसत्तलोकं । **असुरकायन्ति** कालकज्जिकासुरनिकायं । एवं ताव दुग्गतिभूतं परलोकत्थं वत्वा इदानि सुगतिभूतं वत्तुं “**तिण्णं कुसलानं विपाक**”न्तिआदि वुत्तं । वेहप्फले सुभकिण्णेयेव सङ्गहेत्वा असज्जीसु, अरूपीसु च सम्पत्तिया दस्सेतब्बाय अभावतो दुविज्जेय्यताय “**नवन्नं ब्रह्मलोकान**”न्त्वेव वुत्तं ।

**गणहापेसीति** ते धम्मे समादिन्ने कारापेसि ।

**समुत्तेजनं** नाम समादिन्नधम्मनं यथा अनुपकारका धम्मा परिहायन्ति, पहीयन्ति च, उपकारका धम्मा परिवट्ठन्ति, विसुज्झन्ति च, तथा नेसं उस्साहुप्पादनन्ति आह “**अब्भुस्साहेसी**”ति । यथा पन तं उस्साहुप्पादनं होति, तं दस्सेतुं “**इधलोकत्थज्जेवा**”तिआदि वुत्तं । **तासेत्वा तासेत्वाति** परिब्यत्तभावापादनेन तेजेत्वा तेजेत्वा । **अधिगतं विय कत्वाति** येसं कथेति, तेहि तमत्थं पच्चक्खतो अनुभुय्यमानं विय कत्वा । वेनेय्यानज्झि बुद्धेहि पकासियमानो अत्थो पच्चक्खतोपि पाकटतरो हुत्वा उपट्ठाति । तथा हि भगवा एवं थोमीयति —

“आदित्तोपि अयं लोको, एकादसहि अग्गिभि ।

न तथा याति संवेगं, सम्मोहपलिगुण्ठितो ॥

सुत्वादीनवसञ्जुत्तं, यथा वाचं महेसिनो ।  
पच्चक्खतोपि बुद्धानं, वचनं सुट्ठ पाकटं'न्ति ॥

तेनाह “द्वत्तिसकम्मकारणपञ्चवीसतिमहाभयप्पभेदञ्ही”तिआदि । द्वत्तिसकम्मकारणानि “हत्थम्पि छिन्दन्ती”तिआदिना (म० नि० १.१७८) दुक्खक्खन्धसुत्ते आगतनयेन वेदितब्बानि । पञ्चवीसतिमहाभयानि “जातिभयं जराभयं व्याधिभयं मरणभयं”न्तिआदिना (चूळनि० १२३) तत्थ तत्थ सुत्ते आगतनयेन वेदितब्बानि । आघातनभण्डिका अधिकुट्टनकळिङ्गरं, यं “अच्चाधानं”न्तिपि वुच्चति ।

पटिलद्धगुणेन चोदेसीति “तंतंगुणाधिगमेन अयम्पि तुम्हेहि पटिलद्धो, आनिसंसो अयम्पी”ति पच्चक्खतो दस्सेन्तो “किं इतो पुब्बे एवरूपं अत्थी”ति चोदेन्तो विय अहोसि । तेनाह “महानिसंसं कत्वा कथेसी”ति ।

तप्पच्चयञ्च किलमथन्ति सङ्खारपवत्तिहेतुकं तस्मिं तस्मिं सत्तसन्ताने उप्पज्जनकपरिस्समं संविघातं विहेसं । इधाति हेट्ठा पठममग्गाधिगमत्थाय कथाय । सब्बसङ्खारूपसमभावतो सन्तं । अतित्तिकरपरमसुखताय पणीतं । सकलसंसारव्यसनतो तायनत्थेन ताणं । ततो निब्बिन्दहदयानं निलीयनट्टानताय लेणं । आदि-सद्देन गतिपटिसरणं परमस्सासोति एवमादीनं सङ्गहो ।

### महाजनकायपब्बज्जावण्णना

८०. सङ्गप्पहोनकानं भिक्खूनं अभावा “सङ्गस्स अपरिपुण्णत्ता”ति वुत्तं । द्वे अग्गसावका एव हि तदा अहेसुं ।

### चारिकाअनुजाननवण्णना

८६. “कदा उदपादी”ति पुच्छं “सम्बोधितो”तिआदिना सङ्खेपतो विस्सज्जेत्वा पुन तं वित्थारतो दस्सेतुं “भगवा किरा”तिआदि वुत्तं । पितु सङ्गहं करोन्तो विहासि सम्बोधितो “सत्त संवच्छरानि सत्त मासे सत्त दिवसे”ति आनेत्वा सम्बन्धो, तज्ज खो वेनेय्यानं तदा अभावतो । किलज्जेहि बहि छादापेत्वा, वत्थेहि अन्तो पटिच्छादापेत्वा, उपरि च वत्थेहि छादापेत्वा, तस्स हेट्ठा सुवण्ण...पे०... वित्तानं कारापेत्वा । मालावच्छकेति पुप्फमालाहि वच्छाकारेन वेठिते । गन्धन्तरेति चाटिभरितगन्धस्स अन्तरे । पुप्फानीति चाटिआदिभरितानि जलजपुप्फानि चेव चङ्कोतकादिभरितानि थलजपुप्फानि च ।

कामज्चायं राजा बुद्धपिता, तथापि बुद्धा नाम लोकगरुनो, न ते केनचि वसे वत्तेतब्बा, अथ खो ते एव परे अत्तनो वसे वत्तेन्ति, तस्मा राजा “नाहं भिक्खुसङ्गं देमी”ति आह ।

दानमुखन्ति दानकरणूपायं, दानवत्तन्ति अत्थो । न दानि मे अनुज्जाताति इदानि मे दानं न अनुज्जाता, नो न अनुजानन्तीति अत्थो ।

परितस्सनजीवितन्ति दुक्खजीविका दालिद्वियन्ति अत्थो ।

सब्बेसं भिक्खून् प्होसीति भगवतो अट्टसट्ठि च भिक्खुसतसहस्सानं भागतो दातुं प्होसि, न सब्बेसं परियत्तभावेन । तेनाह “सेनापतिपि अत्तनो देय्यधम्मं अदासी”ति । जेट्टिकट्टानेति जेट्टिकदेविट्टाने ।

तथेव कत्वाति चरपुरिसे ठपेत्वा । सुचिन्ति सुद्धं । पणीतन्ति उळारं, भावनपुंसकञ्चेतं “एकमन्त”न्ति आदीसु (पारा० २) विय । भज्जित्वाति मद्दित्वा, पीळेत्वाति अत्थो । जातिसप्पिखीरादीहियेवाति अन्तोजातसप्पिखीरादीहियेव, अम्हाकमेव गाविआदितो गहितसप्पिआदीहियेवाति अत्थो ।

१०. परापवादं, परापकारं, सीतुण्हादिभेदञ्च गुणापराधं खमति सहति अधिवासेतीति खन्ति । सा पन यस्मा सीलादीनं पटिपक्खधम्मे सविसेसं तपति सन्तपति विधमतीति परमं उत्तमं तपो । तेनाह “अधिवासनखन्ति नाम परमं तपो”ति । “अधिवासनखन्ती”ति इमिना धम्मनिज्झानक्खन्तितो विसेसेति । तितिकखनं खमनं तितिकखा । अक्खरचिन्तका हि खमायं तितिकखा-सद्वं वण्णेन्ति । तेनेवाह “खन्तिया एव वेवचन”न्ति आदि । सब्बाकारेनाति सन्तपणीतनिपुणसिक्खेमादिना सब्बप्पकारेन । सो पब्बजितो नाम न होति पब्बाजितब्बधम्मस्स अपब्बाजनतो । तस्सेव ततियपदस्स वेवचनं अनत्थन्तरत्ता ।

“न ही”ति आदिना तं एवत्थं विवरति । उत्तमत्थेन परमन्ति वुच्चति पर-सद्वस्स सेट्ठवाचकत्ता, “पुगलपरोपरञ्जू”ति आदीसु (अ० नि० ७.६८; नेत्ति० ११८) विय । परन्ति अज्जं । इदानीं पर-सद्वं अज्जपरियायमेव गहेत्वा अत्थं दस्सेतुं “अथ वा”ति आदि वुत्तं । मलस्साति पापमलस्स । अपब्बाजितत्ताति अनीहटत्ता अनिराकतत्ता । समितत्ताति निरोधितत्ता तेसं पापधम्मानं । “समितत्ता हि पापानं समणोति पवुच्चती”ति हि वुत्तं ।

अपिच भगवा भिक्खून् पातिमोक्खं उद्दिसन्तो पातिमोक्खकथाय च सीलपधानत्ता सीलस्स च विसेसतो दोसो पटिपक्खोति तस्स निग्गहणविधिं दस्सेतुं आदितो “खन्ती परमं तपो”ति आह, तेन अनिट्ठस्स पटिहननूपायो वुत्तो, तितिकखागहणेन पन इट्ठस्स, तदुभयेनपि उप्पन्नं रतिं अभिभुय्य विहरतीति अयमत्थो दस्सितोति । तण्हावानस्स वूपसमनतो निब्बानं परमं वदन्ति बुद्धा । तत्थ खन्तिग्गहणेन पयोगविपत्तिया अभावो दस्सितो, तितिकखागहणेन आसयविपत्तिया अभावो । तथा खन्तिग्गहणेन परापराधसहता, तितिकखागहणेन परेसु अनपरज्झना दस्सिता । एवं कारणमुखेन अन्वयतो पातिमोक्खं दस्सेत्वा इदानीं ब्यतिरेकतो तं दस्सेतुं “न ही”ति आदि वुत्तं, तेन यथा सत्तानं जीविता वोरपनं, पाणिलेड्डुदण्डादीहि विबाधनञ्च “परुपघातो, परविहेठन”न्ति वुच्चति, एवं तेसं मूलसापतेय्यावहरणं, दारपरामसनं, विसंवादं, अज्जमज्जभेदनं, फरुसवचनेन मम्मघट्टनं, निरत्थकविप्पलापो, परसन्तकगिज्झनं, उच्छेदविन्दनं, मिच्छाभिनिवेशनञ्च उपघातो, विहेठनञ्च होतीति यस्स कस्सचि अकुसलस्स कम्मपथस्स, कम्मस्स च करणेन पब्बजितो, समणो च न होतीति दस्सेति ।

सब्बाकुसलस्साति सब्बस्सापि द्वादसाकुसलचित्तुप्पादसङ्गहितस्स सावज्जधम्मस्स । करणं नाम तस्स अत्तनो सन्ताने उप्पादन्ति तप्पटिक्खेपतो अकरणं “अनुप्पादन”न्ति वुत्तं । “कुसलस्सा”ति इदं “एतं बुद्धान सासन”न्ति वक्खमानत्ता अरियमग्गधम्मे, तेसञ्च सम्भारभूते तेभूमककुसलधम्मे सम्बोधेतीति आह “चतुभूमककुसलस्सा”ति । उपसम्पदाति उपसम्पादनं, तं पन तस्स समधिगमोति आह “पटिलाभो”ति । चित्तजोतनन्ति चित्तस्स पभस्सरभावकरणं सब्बसो परिसोधनं । यस्मा अग्गमग्गसमङ्गिनो चित्तं सब्बसो परियोदपीयति नाम, अग्गफलक्खणे पन परियोदपितं होति पुन परियोदपेतब्बताय अभावतो, इति परिनिट्ठितपरियोदपनतं सन्धायाह “तं पन अरहत्तेन होती”ति । सब्बपापं पहाय तदङ्गादिवसेनेवाति अधिप्पायो । “सीलसंवरेना”ति हि इमिना तेभूमकस्सापि सङ्गहे इतरप्पहानानम्पि सङ्गहो होतीति,

एवञ्च कत्वा सब्बगहणं समत्थितं होति । **समथविपस्सनाहीति** लोकियलोकुत्तराहि समथविपस्सनाहि । **सम्पादेत्वा**ति निष्पादेत्वा । सम्पादनञ्चेत्थ हेतुभूताहि फलभूतस्स सहजाताहिपि, पगेव पुरिमसिद्धाहीति दट्ठब्बं ।

**कस्सचीति** हीनादीसु कस्सचि सत्तस्स कस्सचि उपवादस्स, तेन दवकम्यतायपि उपवदनं पटिक्खिपति । **उपघातस्स अकरणन्ति** एत्थापि “कस्सची”ति आनेत्वा सम्बन्धो । **कायेनाति** च निदस्सनमत्तमेतं मनसापि परेसं अनत्थचिन्तनादिवसेन उपघातकरणस्स वज्जेतब्बत्ता । **कायेनाति** वा एत्थ अरूपकायस्सापि सङ्गहो दट्ठब्बो, न चोपनकायकरजकायानमेव । **प अतिमोक्खन्ति** पकारतो अतिविय सीलेसु मुख्यभूतं । “**अतिपमोक्ख**”न्ति तमेव पदं उपसगगव्यत्तयेन वदति । एवं भेदतो पदवण्णनं कत्वा तत्त्वतो वदति “**उत्तमसील**”न्ति । “**पाति वा**”तिआदिना पालनतो रक्खणतो अतिविय मोक्खनतो अतिविय मोचनतो **पातिमोक्खन्ति** दस्सेति । “पापा अति मोक्खेतीति अतिमोक्खो”ति निमित्तस्स कत्तुभावेन उपचरितब्बतो । **यो वा नन्ति** यो वा पुग्गलो नं पातिमोक्खसंवरसीलं **पाति** समादियित्वा अविकोपेन्तो **रक्खति**, तं “पाती”ति लद्धनामं पातिमोक्खसंवरसीले ठितं **मोक्खेतीति पातिमोक्खन्ति** अयमेत्थ सङ्खेपो, वित्थारतो पन पातिमोक्खपदस्स अत्थो **विसुद्धिमग्गसंवण्णनायं** (विसुद्धि० टी० १.१४) वुत्तनयेन वेदितब्बो ।

**मत्तञ्जुताति** भोजने मत्तञ्जुता, सा पन विसेसतो पच्चयसन्निस्सितसीलवसेन गहेतब्बाति आह “**पटिगहणपरिभोगवसेन पमाणञ्जुता**”ति । आजीवपारिसुद्धिसीलवसेनापि गय्हमाने “परियेसनविस्सज्जनवसेना”तिपि वत्तब्बं । **सङ्गट्टनविरहितन्ति** जनसङ्गट्टनविरहितं, निरजनसम्बाधं विवित्तन्ति अत्थो । **चतुपच्चयसन्तोसो दीपितो** पच्चयसन्तोसतासामज्जेन इतरद्वयस्सापि लक्खणहारनयेन जोतितभावतो । “**अट्ठसमापत्तिवसिभावाया**”ति इमिना पयोजनदस्सनवसेन यदत्थं विवित्तसेनासनसेवनं इच्छितं, सो अधिचित्तानुयोगो वुत्तो । अट्ठ समापत्तियो चेत्थ विपस्सनाय पादकभूता अधिप्पेता, न या काचीति सकलस्सापि अधिचित्तानुयोगस्स जोतितभावो वेदितब्बो ।

### देवतारोचनवण्णना

**९१. एत्तावताति** एत्तकेन सुत्तपदेसेन । तत्थापि च इमिना...पे०... कथनेन सुप्पटिविद्धभावं पकासेत्वाति योजना । **च-**सद्दो ब्यतिरेकत्थो, तेन इदानीं वुच्चमानत्थं उल्लङ्गेति । **एकमिदाहन्ति** एकं अहं । **इदं-**सद्दो निपातमत्तं । **आदि-**सद्देन “**भिक्षवे समय**”न्ति एवमादि पाठो सङ्गहितो । अहं भिक्षवे एकं समयन्ति एवं पेट्थ पदयोजना ।

**सुभगवनेति** सुभगत्ता **सुभगं**, सुन्दरसिरिकत्ता, सुन्दरकामत्ता वाति अत्थो । सुभगज्झि तं सिरिसम्पत्तिया, सुन्दरे चेत्थ कामे मनुस्सा पत्थेन्ति । बहुजनकन्ततायपि तं **सुभगं** । वनयतीति **वनं**, अत्तसम्पत्तिया अत्तनि सिनेहं उप्पादेतीति अत्थो । वनुते इति वा **वनं**, अत्तसम्पत्तिया एव “मं परिभुज्जथा”ति सत्ते याचति वियाति अत्थो । सुभगञ्च तं वनञ्चाति सुभगवनं, तस्मिं **सुभगवने** । **अट्ठकथायंपन** किं इमिना पपज्जेनाति “**एवं नामके वने**”ति वुत्तं । कामं सालरुक्खोपि “**सालो**”ति वुच्चति, यो कोचि रुक्खोपि वनप्पति जेट्ठकरुक्खोपि । इध पन पच्छिमो एव अधिप्पेतोति आह “**वनप्पतिजेट्ठकस्स मूले**”ति । **मूलसमुग्घातवसेनाति** अनुसयसमुच्छिन्दनवसेन ।

**न विहायन्तीति** अकुप्पधम्मताय न विजहन्ति । “**न कज्जि सत्तं तपन्तीति अतप्पा**”ति इदं तेसु तस्सा समज्जाय निरुल्लताय वुत्तं, अज्जथा सब्बेपि सुद्धावासा न कज्जि सत्तं तपन्तीति अतप्पा नाम सियुं । “**न विहायन्ती**”तिआदिनिब्बचनेसुपि एसेव नयो । **सुन्दरदस्सनाति** दस्सनीयाति अयमत्थोति आह “**अभिरूपा**”तिआदि ।

सुन्दरमेतेसं दस्सनन्ति सोभनमेतेसं चक्खुना दस्सनं, विज्जाणेन दस्सनं पीति अत्थो। सब्बे हेव...पे०... जेट्ठा पञ्चवोकारभवे ततो विसिद्धानं अभावतो।

सत्तन्नं बुद्धानं वसेनाति सत्तन्नं सम्मासम्बुद्धानं अपदानवसेन। अविहेहि अज्झिट्टेन एकेन अविहाब्रह्मना कथिता तेहि सब्बेहि कथिता नाम होन्तीति वुत्तं “तथा अविहेही”ति। एसेव नयो सेसेसुपि। तेनाह भगवा “देवता मं एतदवोचु”न्ति। यं पन पाळियं “अनेकानि देवतासतानी”ति वुत्तं, तं सब्बं पच्छा अत्तनो सासने विसेसं अधिगन्त्वा तत्थ उप्पन्नानं वसेन वुत्तं। अनुसन्धिद्वयम्पीति धम्मधातुपदानुसन्धि, देवतारोचनपदानुसन्धीति दुविधं अनुसन्धिं। निव्यातेन्तोति निगमेन्तो। यं पनेत्थ अत्थतो अविभत्तं, तं सुविज्जेय्यमेवाति।

महापदानसुत्तवण्णनाय लीनत्थप्पकासना।

## २. महानिदानसुत्तवण्णना

### निदानवण्णना

९५. जनपदिनोति जनपदवन्तो, जनपदस्स वा इस्सरसामिनो राजकुमारा गोत्तवसेन कुरू नाम। तेसं निवासो यदि एको जनपदो, कथं बहुवचनन्ति आह “रुळ्हिसद्देना”ति। अक्खरचिन्तका हि ईदिसेसु ठानेसु युत्ते विय ईदिसल्लिङ्गवचनानि इच्छन्ति। अयमेत्थ रुळ्ह यथा अज्जत्थापि “अङ्गेसु विहरति, मल्लेसु विहरती”ति च। तब्बिसेसनेपि जनपदसद्दे जातिसद्दे एकवचनमेव। अट्ठकथाचरिया पनाति पन-सद्दो विसेसत्थजोतनो, तेन “पुथुअत्थविसयताय एवेतं पुथुवचन”न्ति “बहुके पना”तिआदिना वक्खमानं विसेसं जोतेति। सुत्वाति मन्धातुमहाराजस्स आनुभावदस्सनानुसारेण परम्परानुगतं कथं सुत्वा। अनुसंयायन्तेनाति अनुविचरन्तेन। एतेसं ठानन्ति चन्दिमसूरियमुखेन चातुमहाराजिकभवनमाह। तेनाह “तत्थ अगमासी”तिआदि। सोति मन्धातुमहाराजा। तन्ति चातुमहाराजिकरज्जं। गहेत्वाति सम्पटिच्छित्वा। पुन पुच्छि परिणायकरतनं।

दोवारिकभूमियं तिट्ठन्ति सुधम्माय देवसभाय, देवपुरस्स च चतूसु द्वारेसु आरक्खाय अधिगतत्ता। “दिब्बरुक्खसहस्सपटिमण्डित”न्ति इदं “चित्तलतावन”न्तिआदीसुपि योजेतब्बं।

पथवियं पतिट्ठासीति भस्सित्वा पथविया आसन्नट्ठाने अट्ठासि। न हि चक्करतनं भूमियं पतति, तथाठितज्ज नचिरस्सेव अन्तरधायि तेनत्तभावेन चक्कवत्तिइस्सरियस्स अभावतो। “चिरतरं कालं ठत्वा”ति अपरे। राजा एककोव अगमासि अत्तनो आनुभावेन। मनुस्सभावोति मनुस्सगन्धसरीरनिस्सन्दादिमनुस्सभावो। पातुरहोसीति देवलोके पवत्तिविपाकदायिनो अपरापरियाय वेदनीयस्स कम्मस्स कतोकासत्ता सब्बदा सोळसवस्सुद्देसिकता मालामिलायनादि दिब्बभावो पातुरहोसि। तदा मनुस्सानं असङ्खेय्यायुक्ताय सक्करज्जं कारेत्वा। “किं मे इमिना उपद्धरज्जेना”ति अत्रिच्छताय अत्तित्तोव। मनुस्सलोके उतुनो कक्खळताय वातातपेन फुट्ठगतो कालमकासि।

अवयवेसु सिद्धो विसेसो समुदायस्स विसेसको होतीति एकम्पि रट्ठं बहुवचनेन वोहरियति।

द-कारेण अत्थं वण्णयन्ति निरुत्तिनयेन। कम्मासोति कम्मासपादो वुच्चति उत्तरपदलोपेन यथा “रूपभवो

रूपं'न्ति । कथं पन सो “कम्मासपादो”ति वुच्चतीति आह “तस्स किरा”ति आदि । दमितोति एत्थ कीदिसं दमनं अधिप्पेतन्ति आह “पोरिसादभावतो पटिसेधितो”ति । “इमे पन थेराति मज्झिमभाणका”ति केचि । अपरे पन “अट्ठकथाचरिया”ति, “दीघभाणका”ति वदन्ति । उभयथापि चूळकम्मासदम्मं सन्धाय तथा वदन्ति । यक्खिनिपुत्तो हि कम्मासपादो अलीनसत्तुकुमारकाले (चरिया० २.७५) बोधिसत्तेन तत्थ दमितो । सुत्तसोमकाले (जा० २.२१.३७१) पन बाराणसिराजा पोरिसादभावपटिसेधनेन यत्थ दमितो, तं महाकम्मासदम्मं नाम । “पुत्तो”ति वत्त्वा “अत्रजो”ति वचनं ओरसपुत्तभावदस्सनत्थं ।

येहि आवसितप्पदेसो “कुरुरट्ठ”न्ति नामं लभि, ते उत्तरकुरुतो आगतमनुस्सा तत्थ रक्खितनियामेनेव पञ्च सीलानि रक्खिंस्सु । तेसं दिट्ठानुगतिया पच्छिमजनताति सो देसधम्मवसेन अविच्छेदतो पवत्तमानो कुरुवत्तधम्मोति पञ्चायित्थ । अयञ्च अत्थो कुरुधम्मजातकेन दीपेतब्बो । सो अपरभागे पठमं यत्थ संकिलिट्ठो जातो, तं दस्सेतुं “कुरुरट्ठवासीन”न्ति आदि वुत्तं । यत्थ भगवतो वसनोकासभूतो कोचि विहारो न होति, तत्थ केवलं गोचरगामकित्तनं निदानकथाय पकति यथा तं सक्केसु विहरति देवदहं नाम सक्क्यानं निगमोति इममत्थं दस्सेन्तो “अवसनोकासतो”ति आदिमाह ।

“आयस्मा”ति वा “देवानं पिया”ति वा “तत्र भव”न्ति वा पियसमुदाहारो एसोति आह “आयस्माति पियवचनमेत”न्ति । तयिदं पियवचनं गरुगारववसेन वुच्चतीति आह “गारववचनमेत”न्ति ।

अतिदूरअच्चासन्नवज्जनेन नातिदूरनाच्चासन्नं नाम गहितं, तं पन अवकंसतो उभिन्नं पसारितहत्थानं सङ्घट्टेनेन वेदितब्बं । चक्खुना चक्खुं आहच्च दट्ठब्बं होति, तेनापि अगारवमेव कतं होति । गीवं परिवत्तेत्वाति परिवत्तनवसेन गीवं पसारेत्वा ।

कुलसङ्गहत्थायाति कुलानुद्दयतावसेन कुलानं अनुगणहनत्थाय सहस्सभण्डिकं निक्खिपन्तो विय भिक्खपटिगणनेन तेसं महतो पुञ्चाभिसन्दस्स जननेन । पटिसम्मज्जित्वाति अन्तेवासिकेहि सम्मज्जनट्ठानं सक्कच्चकारिताय पुन सम्मज्जित्वा । तिक्खत्तुन्ति “आदितो पट्ठाय अन्त”न्ति आदिना वुत्तचतुराकारूपसङ्घिते तयो वारे, तेनस्स द्वादसक्खत्तुं सम्मसितभावमाह ।

अम्हाकं भगवतो गम्भीरभावेनेव कथितत्ता सेसबुद्धेहिपि एवमेव कथितोति धम्मन्वये ठत्वा वुत्तं “सब्बबुद्धेहि...पे०... कथितो”ति । सालिन्दन्ति सपरिभण्डं । “सिनेरुं उक्खिपन्तो विया”ति इमिना तादिसाय देसनाय सुदुक्करभावमाह । सुत्तमेव “सुत्तन्तकथ”न्ति आह धम्मक्खन्धभावतो । यथा विनयपण्णत्तिभूमन्तरसमयन्तरानं विजाननं अनञ्जसाधारणं सब्बज्जुतजाणस्सेव विसयो, एवं अन्तद्वयविनिमुत्तस्स कारकवेदकरहितस्स पच्चयाकारस्स विभजनं पीति दस्सेतुं “बुद्धानज्ही”ति आदि आरब्धं । तत्थ ठानानीति कारणानि । गज्जितं महन्तं होतीति तं देसेतब्बस्सेव अनेकविधताय, दुविज्जेय्यताय च नानानयेहि पवत्तमानं देसनागज्जितं महन्तं विपुलं, बहुभेदञ्च होति । जाणं अनुपविसतीति ततो एव देसनाजाणं देसेतब्बधम्मं विभागसो कुरुमानं अनु अनु पविसति, तेन अनुपविस्स ठितं विय होतीति अत्थो । बुद्धजाणस्स महन्तभावो पञ्चायतीति एवंविधस्स नाम धम्मस्स देसकं, पटिवेधकञ्चाति बुद्धानं देसनाजाणस्स, पटिवेधजाणस्स च उळारभावो पाकटो होति । एत्थ च किञ्चापि “सब्बं वचीकम्मं बुद्धस्स भगवतो जाणपुब्बङ्गमं जाणानुपरिवत्त”न्ति (महानि० ६९, १६९; चूळनि० ८५; पटि० म० ३.५; नेत्ति० १४) वचनतो सब्बापि भगवतो देसना जाणरहिता नत्थि, सीहसमानवुत्तिताय सब्बत्थ समानप्पवत्ति । देसेतब्बवसेन पन देसना विसेसतो जाणेन अनुपविट्ठा, गम्भीरतरा च होतीति

ददृब्बं । कथं पन विनयपज्जतिं पत्वा देसना तिलक्खणब्भाहता सुज्जतपटिसंयुता होतीति? तत्थापि सन्निसिन्नपरिसाय अज्झासयानुरूपं पवत्तमाना देसना सङ्खारानं अनिच्चतादिविभावनं, सब्बधम्मनं अत्तत्तनियताभावप्पकासनञ्च होति । तेनेवाह “अनेकपरियायेन धम्मिं कथं कत्वा”तिआदि ।

**आपज्जाति** पत्वा यथा जाणकोज्जनादं विस्सज्जेति, एवं पापुणित्वा ।

**पमाणातिक्कमेति** अपरिमाणत्थे “यावज्जिदं तेन भगवता”तिआदीसु (दी० नि० १.४) विय । अपरिमेय्यभावजोतनो हि अयं याव-सहो । तेनाह “अतिगम्भीरो अत्थो”ति । **अवभासतीति** जायति उपट्ठाति । जाणस्स तथा उपट्ठानज्झि सन्धाय “दिस्सती”ति वुत्तं । ननु एस पटिच्चसमुप्पादो एकन्तगम्भीरोव, तत्थ कस्मा गम्भीरावभासता जोतितति? सच्चमेतं, एकन्तगम्भीरतादस्सनत्थमेव पनस्स गम्भीरावभासगगहणं । तस्मा अज्जत्थ लब्भमानं चतुकोटिकं ब्यतिरेकमुखेन निदस्सेत्वा तं एवस्स एकन्तगम्भीरतं विभावेतुं “एकज्ही”तिआदि वुत्तं । **एतं नत्थीति** अगम्भीरो, अगम्भीरावभासो चाति एतं द्वयं नत्थि, तेन यथादस्सिते चतुकोटिके पच्छिमा एक कोटि लब्भतीति दस्सेति । तेनाह “अयज्ही”तिआदि ।

येहि गम्भीरभावेहि पटिच्चसमुप्पादो “गम्भीरो”ति वुच्चति, ते चतूहि उपमाहि उल्लिङ्गेन्तो “भवग्गगहणाया”तिआदिमाह । यथा भवग्गं हत्थं पसारेत्वा गहेतुं न सक्का दूरभावतो, एवं सङ्खारादीनं अविज्जादिपच्चयसम्भूतसमुदागतद्वो पाकतिकजाणेन गहेतुं न सक्का । यथा सिनेरुं भिन्दित्वा मिज्जं पब्बतरसं पाकतिकपुरिसेन नीहरितुं न सक्का, एवं पटिच्चसमुप्पादगते धम्मत्थादिके पाकतिकजाणेन भिन्दित्वा विभज्ज पटिविज्जनवसेन जानितुं न सक्का । यथा महासमुदं पाकतिकपुरिसस्स बाहुद्वयेन पधारितुं न सक्का, एवं वेपुल्लद्वेन महासमुदसदिसं पटिच्चसमुप्पादं पाकतिकजाणेन देसनावसेन पधारितुं न सक्का । यथा महापथविं परिवत्तेत्वा पाकतिकपुरिसस्स पथवोजं गहेतुं न सक्का, एवं “इत्थं अविज्जादयो सङ्खारादीनं पच्चया होन्ती”ति तेसं पच्चयभावो पाकतिकजाणेन नीहरित्वा गहेतुं न सक्काति । एवं चतुब्बिधगम्भीरतावसेन चतस्सो उपमा योजेतब्बा । पाकतिकजाणवसेन चायमत्थयोजना कता दिट्ठसच्चानं तत्थ पटिवेधसभावतो, तथापि यस्मा सावकानं, पच्चेकबुद्धानञ्च तत्थ सप्पदेसमेव जाणं, बुद्धानयेव निप्पदेसं, तस्मा वुत्तं “बुद्धविसयं पज्झ”न्तिआदि ।

**उस्सादेन्तोति** पज्जाय उक्कंसेन्तो, उग्गणहन्तोति अत्थो । **अपसादेन्तोति** निब्भच्छन्तो, निग्गणहन्तोति अत्थो ।

### उस्सादनावण्णना

तेनाति महापज्जाभावेन । तत्थाति थेरस्स सतिपि उत्तानभावे, पटिच्चसमुप्पादस्सअज्जेसं गम्भीरभावे । **सुभोजनरसपुट्टस्साति** सुन्दरेन भोजनरसेन पोसितस्स । **कतयोगस्साति** निबद्धपयोगेन कतपरिचयस्स । **मल्लपासाणन्ति** मल्लेहि महब्बलेहेव उक्खिपितब्बपासाणं । **कुहिं इमस्स भारियट्ठानन्ति** कस्मिं पस्से इमस्स पासाणस्स गरुतरप्पदेसोति तस्स सल्लहुकभावं दीपेन्तो वदति ।

**तिमिरपिङ्गलेनेव दीपेन्ति** तस्स महाविप्फारभावतो । तेनाह “तस्स किरा”तिआदि । **पक्कुथतीति** पक्कुथन्तं विय परिवत्तति परितो विवत्तति । लक्खणवचनज्जेतं । पिट्ठियं सकलिनपदकापिट्ठं । **कायूपपन्नस्साति** महता कायेन उपेतस्स, महाकायस्साति अत्थो ।

**पिञ्छवट्ठीति** पिञ्छकलापो । **सुपण्णवातन्ति** नागगहणादीसु पक्खपप्फोटनवसेन उप्पज्जनकवातं ।

### पुब्बूपनिस्सयसम्पत्तिकथावण्णना

“पुब्बूपनिस्सयसम्पत्तिया”तिआदिना उद्दिट्ठकारणानि वित्थारतो विवरितुं “इतो किरा”तिआदि वुत्तं । तत्थ इतोति इतो कप्पतो । सतसहस्सिमेति सतसहस्समे । हंसावती नाम नगरं अहोसि जातनगरं । धुरपत्तानीति बाहिरपत्तानि, यानि दीघतमानि ।

कनिट्टभाताति वेमातिकभाता कनिट्टो यथा अम्हाकं भगवतो नन्दत्थेरो । बुद्धानज्झि सहोदरा भातरो नाम न होन्ति । कथं जेट्ठा ताव न उप्पज्जन्ति, कनिट्टानं पन असम्भवो एव । भोगन्ति विभवं । उपसन्तोति चोरजनितसङ्घोभवूपसमेन उपसन्तो जनपदो ।

द्वे साटके निवासेत्वाति साटकद्वयमेव अत्तनो कायपरिहारिकं कत्वा इतरं सब्बसम्भारं अत्ततो मोचेत्वा ।

पत्तग्गहणत्थन्ति अन्तोपक्खित्तउण्हभोजनत्ता अपरापरं हत्थे परिवत्तेन्तस्स पत्तग्गहणत्थं । उत्तरिसाटकन्ति अत्तनो उत्तरिसाटकं । एतानि पाकट्टानानीति एतानि यथावुत्तानि भगवतो देसनाय पाकटानि थेरस्स पुज्जकरणट्टानानि ।

पटिसन्धिं गहेत्वाति अम्हाकं महाबोधिसत्तस्स पटिसन्धिग्गहणदिवसे एव पटिसन्धिं गहेत्वा ।

### तित्थवासादिवण्णना

उग्गहणं पाळिया उग्गहणं । सवनं अत्थसवनं । परिपुच्छनं गण्ठिट्टानेसु अत्थपरिपुच्छनं । धारणं पाळियापि पाळिअत्थस्सपि चित्ते ठपनं । सब्बज्चेतं इध पटिच्चसमुप्पादवसेन वेदितब्बं ।

सोतापन्नानज्ज...पे०.. उपट्टातितत्थ सम्मोहविद्धंसनेन “यं किञ्चि समुदयधम्मं, सब्बं तं निरोधधम्मं”न्ति (दी० नि० १.२९८; सं० नि० ५.१०८१; महाव० १६; चूळनि० ४, ७, ८) अत्तपच्चक्खवसेन उपट्टानतो । नामरूपपरिच्छेदोति सह पच्चयेन नामरूपस्स परिच्छिज्ज अवबोधो ।

### पटिच्चसमुप्पादगम्भीरतावण्णना

“अत्थगम्भीरताया”तिआदिना सङ्खेपतो वुत्तमत्थं विवरितुं “तत्था”तिआदि आरब्धं । जातिपच्चयसम्भूतसमुदागतट्टोति जातिपच्चयतो सम्भूतं हुत्वा सहितस्स अत्तनो पच्चयानुरूपस्स जरामरणस्स उद्धं उद्धं आगतभावो, अनुपवत्तत्थोति अत्थो । अथ वा सम्भूतट्टो च समुदागतट्टो च सम्भूतसमुदागतट्टो । “न जातितो जरामरणं न होति,” न च जातिं विना “अज्जतो होती”ति हि जातिपच्चयसम्भूतट्टो वुत्तो, इत्थज्ज जातितो समुदागच्छतीति जातिपच्चयसमुदागतट्टो, या या जाति यथा यथा पच्चयो होति, तदनु रूपपातुभावोति अत्थो । सो अनुपचितकुसलसम्भारानं जाणस्स तत्थ अप्पत्तिट्टताय अगाधट्टेन गम्भीरो । सेसपदेसुपि एसेव नयो ।

अविज्जाय सङ्खारानं पच्चयट्टोति येनाकारेन यदवत्था अविज्जा सङ्खारानं पच्चयो होति । येन हि पवत्तिआकारेन, याय च अवत्थाय अवत्थिता अविज्जा तेसं तेसं सङ्खारानं पच्चयो होति, तदुभयस्सपि दुरवबोधनीयतो अविज्जा सङ्खारानं नवहि आकारेहि पच्चयट्टो अनुपचितकुसलसम्भारानं जाणस्स तत्थ अप्पत्तिट्टताय अगाधट्टेन गम्भीरो । एस नयो



सेसपदेसुपि ।

**कथंचि अनुलोमतो देसीयति, कथंचि पटिलोमतोति** इध पन पच्चयुप्पादा पच्चयुप्पन्नुप्पादसङ्घातो **अनुलोमो**, पच्चयनिरोधा पच्चयुप्पन्ननिरोधसङ्घातो च **पटिलोमो** अधिप्पेतो । आदितो पन पट्टाय अन्तगमनं **अनुलोमो**, अन्ततो च आदिगमनं **पटिलोमो**ति अधिप्पेतो । आदितो पट्टाय अनुलोमदेसनाय, अन्ततो पट्टाय पटिलोमदेसनाय च **तिसन्धि चतुसङ्केपो** । “इमे भिक्खवे चत्तारो आहारा किं निदाना”ति आदिकाय (सं० नि० २.११) च वेमज्झतो पट्टाय पटिलोमदेसनाय, “चक्खुञ्च पटिच्च रूपे च उप्पज्जति चक्खुविज्जाणं, तिण्णं सङ्गति फस्सो, फस्सपच्चया वेदना”ति आदिकाय (सं० नि० २.४३, ४५) अनुलोमदेसनाय च **द्विसन्धि तिसङ्केपो** । “संयोजनियेसु भिक्खवे धम्मेषु अस्सादानुपस्सिनो विहरतो तण्हा पवट्ठति, तण्हापच्चया उपादान”न्ति आदीसु (सं० नि० २.५३, ५७) **एकसन्धि द्विसङ्केपो** । एकङ्को हि पटिच्चसमुप्पादो देसितो । लब्धतेव हि सो “तत्र भिक्खवे सुतवा अरियसावको पटिच्चसमुप्पादंयेव साधुकं योनिसो मनसि करोति ‘इति इमस्मिं सति इदं होति...पे... निरुज्झती’ति । सुखवेदनियं भिक्खवे फस्सं पटिच्च उप्पज्जति सुखवेदना”ति (सं० नि० २.६२) इमस्स सुत्तस्स वसेन वेदितब्बो । इति तेन तेन कारणेन तथा तथा पवत्तेतब्बत्ता पटिच्चसमुप्पादो देसनाय गम्भीरो । तेनाह “अयं देसनागम्भीरता”ति । न हि तत्थ सब्बज्जुतजाणतो अज्जं जाणं पतिट्ठं लभति ।

**“अविज्जाय पना”**ति आदीसु जाननलक्खणस्स जाणस्स पटिपक्खभूतो अविज्जाय **अज्जाणट्ठो** । आरम्भणस्स पच्चक्खकरणेन दस्सनभूतस्स पटिपक्खभूतो **अदस्सनट्ठो** । येनेसा अत्तनो सभावेन दुक्खादीनं याथावसरसं पटिविज्झितुं न देति छादेत्वा परियोनन्धित्वा तिट्ठति, सो तस्सा सच्चासम्पटिवेधट्ठो । **अभिसङ्करणं** संविधानं, पक्कप्पनन्ति अत्थो । **आयूहनं** सम्पिण्डनं, सम्पयुत्तधम्मनं अत्तनो किच्चानुरूपताय रासीकरणन्ति अत्थो । अपुज्जाभिसङ्कारेकदेसो **सरागो** । अज्जो **विरागो** । रागस्स वा अप्पटिपक्खभावतो रागप्पवट्ठको, रागुप्पत्तिपच्चयो च सब्बोपि अपुज्जाभिसङ्कारो **सरागो** । इतरो तब्बिदूरभावतो **विरागो** । “दीघरत्तं हेतं भिक्खवे अस्सुतवतो पुथुज्जनस्स अज्झोसितं ममायितं परामट्ठं ‘एतं मम, एसोहमस्मि, एसो मे अत्ता’ति” (सं० नि० २.६१) अत्तपरामासस्स विज्जाणं विसेसतो वत्थु वुत्तन्ति विज्जाणस्स **सुज्जतट्ठो** गम्भीरो । अत्ता विजानाति संसरतीति सब्बापारतासङ्कन्ति अभिनिवेसबलवताय **अब्बापारअसङ्कन्तिपटिसन्धिपातुभावट्ठा** च गम्भीरा । नामरूपस्स पटिसन्धिक्खणे एकतोव उप्पादो **एकुप्पादो**, पवत्तियं विसुं विसुं यथारहं **एकुप्पादो** । नामस्स रूपेण, रूपस्स च नामेण असम्पयोगतो **विनिब्भोगो** नामस्स नामेण, रूपस्स च रूपेण एकच्चस्स एकच्चेन **अविनिब्भोगो** (नामस्स नामेण अविनिब्भोगो विभ० मूलटी० २४२) योजेतब्बो । एकुप्पादेकनिरोधेहि अविनिब्भोगे अधिप्पेतो सो रूपस्स च एककलापपवत्तिनो रूपेण लब्धतीति । अथ वा एकचतुवोकारभवेसु नामरूपानं असहवत्तनतो अज्जमज्जं **विनिब्भोगो**, पच्चवोकारभवे सहवत्तनतो **अविनिब्भोगो** च वेदितब्बो ।

नामस्स आरम्भणाभिमुखं नमनं **नमनट्ठो** । रूपस्स विरोधिपच्चयसमवाये विसदिसुप्पत्ति **रुप्पनट्ठो** । इन्द्रियपच्चयभावो **अधिपत्तियट्ठो** । “लोकोपेसो, द्वारापेसा, खेत्तं पेत”न्ति वुत्तलोकादिअत्थो चक्खादीसु पच्चसु योजेतब्बो । मनायतनस्स पन लुज्जनतो, मनोसम्फस्सादीनं द्वारखेतभावतो च एते अत्था वेदितब्बा । आपाथगतानं रूपादीनं पकासनयोग्यतालक्खणं ओभासनं चक्खादीनं **विसयिभावो**, मनायतनस्स विजाननं । **सङ्कट्टनट्ठो** विसेसतो चक्खुसम्फस्सादीनं पच्चन्नं, इतरे छन्नम्पि योजेतब्बा । फुसनञ्च फस्सस्स सभावो । सङ्कट्टनं रसो, इतरे उपट्टानाकारा । **आरम्भणरसानुभवनट्ठो** रसवसेन वुत्तो, **वेदयितट्ठो** लक्खणवसेन । **सुखदुक्खम अज्झत्तभावो** यथाक्कमं तिस्सन्नं वेदनानं सभाववसेन वुत्तो । “अत्ता वेदयती”ति अभिनिवेसस्स बलवभावतो **निज्जीवट्ठो** वेदनाय गम्भीरो । निज्जीवाय वा

वेदनाय वेदयितं निज्जीववेदयितं, सो एव अत्थोति निज्जीववेदयितद्वो।

सप्पीतिकतण्हाय अभिनन्दितद्वो। बलवतरतण्हाय गिलित्वा परिनिद्धापनं अज्झोसानद्वो। इतरे पन जेट्ठभावओसारणसमुद्धदुरतिक्कमअपरिपूरिवसेन वेदितब्बा। आदानग्गहणाभिनिवेसद्वो चतुन्नम्पि उपादानानं समाना, परामासद्वो दिट्ठुपादानादीनमेव, तथा दुरतिक्कमद्वो। “दिट्ठिकन्तारो”ति (ध० स० ३९२) हि वचनतो दिट्ठीनं दुरतिक्कमता। दळ्ळग्गहणत्ता वा चतुन्नम्पि दुरतिक्कमद्वो योजेतब्बो। योनिगतिठित्तिनिवासेसुखिपनन्ति समासे भुम्मवचनस्स अलोपो दट्ठब्बो। एवज्झि तेन आयूहनाभिसङ्खरणपदानं समासो होति। यथा तथा जायनं जातिअत्थो। तस्सा पन सन्निपाततो जायनं सज्जातिअत्थो। मातुकुच्छिं ओक्कमित्वा विय जायनं ओक्कन्तिअत्थो। सो जातितो निब्बत्तनं निब्बत्तिअत्थो। केवलं पातुभवनं पातुभावद्वो।

जरामरणङ्गं मरणप्पधानन्ति तस्स मरणद्वो एव खयादयो गम्भीराति दस्सिता। उप्पन्नउप्पन्नानज्झि नवनवानं खयेन कमेन खण्डिच्चादिपरिपक्कपवत्तियं लोके जरावोहारोति। खयद्वो वा जराय वुत्तोति दट्ठब्बो। नवभावापगमो हि “खयो”ति वत्तुं युत्तोति विपरिणामद्वो द्विन्नम्पि वसेन योजेतब्बो, सन्ततिवसेन वा जराय खयवयभावा, सम्मुतिखणिकवसेन मरणस्स भेदविपरिणामद्वो योजेतब्बा। अविज्जादीनं सभावो पटिविज्झीयतीति पटिवेधो। वुत्तज्हेतं निदानकथायं “तेसं तेसं वा तत्थ तत्थ वुत्तधम्मानं पटिविज्झितब्बो सलक्खणसङ्घातो अविपरीतसभावो पटिवेधो”ति। (दी० नि० अट्ठ० पठममहासङ्गीतिकथा; अभि० अट्ठ० निदानकथा) सो हि अविज्जादीनं सभावो मग्गजाणेनेव असम्मोहपटिवेधवसेन पटिविज्झितब्बतो अज्जाणस्स अलब्भनेय्यपटिट्ठताय अगाधद्वेन गम्भीरो। सा सब्बापीति सा यथावुत्ता सङ्खेपतो चतुब्बिधा वित्थारतो अनेकप्पभेदा सब्बापि पटिच्चसमुप्पादस्स गम्भीरता थेरस्स उत्तानका विय उपट्ठासि चतूहि अङ्गेहि समन्नागतत्ता। उदाहु अज्जेसम्पीति “मय्हं ताव एस पटिच्चसमुप्पादो उत्तानको हुत्वा उपट्ठाति, किं नु खो अज्जेसम्पि एवं उत्तानको हुत्वा उपट्ठाती”ति मा एवं अवच मयाव दिन्ननये चतुसच्चकम्मट्टानविधिम्हि ठत्वा।

### अपसादनावण्णना

ओळारिकन्ति वत्थुवीतिककमसमत्थतावसेन थूलं। कामं कामरागपटिघायेव अत्थतो कामरागपटिघसंयोजनानि, कामरागपटिघानुसया च, तथापि अज्जोयेव संयोजनद्वो बन्धनभावतो, अज्जो अनुसयनद्वो अप्पहीनभावेन सन्ताने थामगमनन्ति कत्वा, इति किच्चविसेसविसिट्ठभेदे गहेत्वा “चत्तारो किलेसे”ति च वुत्तं। एसेव नयो इतरेसुपि। अणुसहगतेति अणुसभावं उपगते। तब्भावत्थो हि अयं सहगत-सद्वो “नन्दिरागसहगता”तिआदीसु (दी० नि० २.४००; म० नि० १.९१, १३३, ४६०; ३.३७४; सं० नि० ५.१०८१; महाव० १४; विभ० २०३; पटि० म० १.३४; २.३०) विय।

यथा उपरिमग्गाधिगमनवसेन सच्चसम्पटिवेधो पच्चयाकारपटिवेधवसेन, एवं सावकबोधिपच्चेकबोधिसम्मासम्बोधिअधिगमनवसेनपि सच्चसम्पटिवेधो पच्चयाकारपटिवेधवसेनेवाति दस्सेतुं “कस्मा चा”तिआदि वुत्तं। सब्बथावाति सब्बप्पकारेनेव किञ्चिपि पकारं असेसेत्वाति अत्थो। ये कताभिनीहारानं महाबोधिसत्तानं वीरियस्स उक्कट्टमज्झिममुदुतावसेन बोधिसम्भारसम्भरणे कालभेदा इच्छिता, ते दस्सेन्तो “चत्तारि, अट्ठ, सोळस वा असङ्ख्येय्यानी”ति आह, स्वायमत्थो चरियापिटकवण्णनाय गहेतब्बो। सावको पदेसजाणे ठितोति सावको हुत्वा सेक्खभावतो तत्थापि पदेसजाणे ठितो। बुद्धानं कथाय “तं तथागतो अभिसमेती”तिआदिकाय पच्चनीकं होति। अनज्जसाधारणस्स हि वसेन बुद्धानं सीहनादो, न अज्जसाधारणस्स।

“वायमन्तस्सेवा”ति इमिना विसेसतो जाणसम्भारसम्भरणं पञ्जापारमितापूरणं वदति । तस्स च सब्बम्पि पुञ्जं उपनिस्सयो ।

“एस देवमनुस्सानं, सब्बकामददो निधि ।

यं यदेवाभिपत्थेन्ति, सब्बमेतेन लब्भती”ति ॥ (खु० पा० ८.१०) —

हि वुत्तं । तस्मा महाबोधिसत्तानं सब्बेसम्पि पुञ्जसम्भारो यावदेव जाणसम्भारत्थो सम्मासम्बोधिसमधिगमसमत्थत्ताति आह “पच्चयाकारं ... पे०... नत्थी”ति । इदानीं पच्चयाकारपटिवेधस्सेव वा महानुभावतादस्सनमुखेन पटिच्चसमुप्पादस्सेव परमगम्भीरतं दस्सेतुं “अविज्जा”तिआदि वुत्तं । नवहि आकारेहीति उप्पादादीहि नवहि आकारेहि । अविज्जा हि सङ्खारानं उप्पादो हुत्वा पच्चयो होति, पवत्तं हुत्वा निमित्तं, आयूहनं, संयोगो, पलिबोधो, समुदयो, हेतु, पच्चयो हुत्वा पच्चयो होति । एवं सङ्खारादयो विज्जाणादीनं । वुत्तज्हेतं पटिसम्भित्तमग्गे “कथं पच्चयपरिग्गहे पञ्जा धम्मद्वित्तिजाणं? अविज्जा सङ्खारानं उप्पादद्वित्ति च पवत्तद्वित्ति च निमित्तद्वित्ति च आयूहनद्वित्ति च सज्जोगद्वित्ति च पलिबोधद्वित्ति च समुदयद्वित्ति च हेतुद्वित्ति च पच्चयद्वित्ति च इमेहि नवहाकारेहि अविज्जापच्चया सङ्खारा पच्चयसमुप्पन्ना”तिआदि (पटि० म० १.४५) ।

तत्थ नवहाकारेहीति नवहि पच्चयभावूपगमनाकारेहि । उप्पज्जति एतस्मा फलन्ति उप्पादो, फलुप्पत्तिया कारणभावो । सति च अविज्जाय सङ्खारा उप्पज्जन्ति, नासति, तस्मा अविज्जा सङ्खारानं उप्पादो हुत्वा पच्चयो होति । तथा अविज्जाय सति सङ्खारा पवत्तन्ति, नीयन्ति च । यथा च भवादीसु खिपन्ति, एवं तेसं अविज्जा पच्चयो होति । तथा आयूहन्ति फलुप्पत्तिया घटेन्ति, संयुज्जन्ति अत्तनो फलेन । यस्मिं सन्ताने सयं उप्पन्ना, तं पलिबुन्धन्ति । पच्चयन्तरसमवाये उदयन्ति उप्पज्जन्ति । हिनोति च सङ्खारानं कारणभावं गच्छति । पटिच्च अविज्जं सङ्खारा अयन्ति पवत्तन्तीति एवं अविज्जाय सङ्खारानं कारणभावूपगमनविसेसा उप्पादादयो वेदितब्बा । तत्थ तथा सङ्खारादीनं विज्जाणादीसु उप्पादद्वित्तिआदीसुपि । तिद्वित्ति एतेनाति ठित्ति, कारणं । उप्पादो एव ठित्ति उप्पादद्वित्ति । एसेव नयो सेसेसुपि । “पच्चयो होती”ति इदं इध लोकनाथेन तदा पच्चयपरिग्गहस्स आरब्धभावदस्सनं । सो च आरम्भो जायारुहो “यथा च पुरिमेहि महाबोधिसत्तेहि बोधिमूले पवत्तितो, तथेव च पवत्तितो”ति । अच्छरियवेगाभिहता दससहस्सिलोकधातु सङ्कम्पि सम्पकम्पीति दस्सेन्तो “दिट्ठमत्तेवा”तिआदिमाह ।

एतस्स धम्मस्साति एतस्स पटिच्चसमुप्पादसज्जितस्स धम्मस्स । सो पन यस्मा अत्थतो हेतुपभवानं हेतु । तेनाह “एतस्स पच्चयधम्मस्सा”ति, जातिआदीनं जरामरणादिपच्चयतायाति अत्थो । नामरूपपरिच्छेदो, तस्स च पच्चयपरिग्गहो न पठमाभिनिवेसमत्तेन होति, अथ खो तत्थ अपरापरं जाणुप्पत्तिसज्जितेन अनु अनु बुज्झनेन, तदुभयाभावं पन दस्सेन्तो “जातपरिज्जावसेन अननुबुज्झना”ति आह । निच्चसज्जादीनं पजहनवसेन वत्तमाना विपस्सना धम्मे च पटिविज्जन्ती एव नाम होति पटिपक्खविक्रम्भनेन तिक्रव्विसदभावापत्तितो, तदधिद्वानभूता च तीरणपरिज्जा, अरियमग्गो च परिज्जापहानाभिसमयवसेन पवत्तिया तीरणपहानपरिज्जासङ्गहो चाति तदुभयपटिवेधाभावं दस्सेन्तो “तीरण... पे०... अप्पटिविज्जना”ति आह । तन्तं वुच्चति वत्थवीननत्थं तन्तवायेहि दण्डके आसज्जित्वा पसारितसुत्तपट्टी तनीयतीति कत्वा । तं पन सुत्तसन्तानाकुलताय निदस्सनभावेन आकुलमेव गहितन्ति आह “तन्तं विय आकुलकजाता”ति । सङ्खेपतो वुत्तमत्थं वित्थारतो दस्सेतुं “यथा नामा”तिआदि वुत्तं । समानेतुन्ति पुब्बेन परं समं कत्वा आनेतुं, अविसमं उज्जुं कातुन्ति अत्थो । तन्तमेव वा आकुलं तन्ताकुलं, तन्ताकुलं विय जाता भूताति तन्ताकुलजाता । मज्झिमं पटिपदं अनुपगन्त्वा अन्तद्वयपतनेन पच्चयाकारे खलिता आकुला ब्याकुला होन्ति । तेनेव अन्तद्वयपतनेन तंतंदिट्ठिगाहवसेन

परिभ्रमन्ता उजुं धम्मद्विती कथं पटिपज्जितुं न जानन्ति । तेनाह “न सक्कोन्ति तं पच्चयाकारं उजुं कातुं”न्ति । द्वे बोधिसत्तेति पच्चेकबोधिसत्तमहाबोधिसत्ते । अत्तनो धम्मतायाति अत्तनो सभावेन, परोपदेसेन विनाति अत्थो । तत्थ गुळकजातन्ति तस्मिं तस्मिं ठाने जातगुळकम्पि गण्ठीति सुत्तगण्ठि । ततो एव गण्ठिबद्धं बद्धगण्ठिकं । पच्चयेसु पक्खलित्वाति अनिच्चदुक्खानत्तादिसभावेसु पच्चयधम्मसेसु निच्चादिग्गाहवसेन पक्खलित्वा । पच्चये उजुं कातुं असक्कोन्ताति तस्सेव निच्चादिग्गाहस्स अविस्सज्जनतो पच्चयधम्मनिमित्तं अत्तनो दस्सनं उजुं कातुं असक्कोन्ता इदं सच्चाभिनिवेसकायगन्धवसेन गण्ठिकजाता होन्तीति आह “द्वासट्ठि...पे०... गण्ठिबद्धा”ति । ये हि केचि समणा वा ब्राह्मणा वा सस्सतदिट्ठिआदिदिट्ठियो निस्सिता अल्लीना ।

विननतो “कुला”ति इत्थिलिङ्गवसेन लद्धनामस्स तन्तवायस्स गण्ठिकं नाम आकुलभावेन अगगतो वा मूलतो वा दुविज्जेय्यायेव खलिततन्तसुत्तन्ति आह “कुलागण्ठिकं वुच्चति पेसकारकज्जियसुत्त”न्ति । सकुणिकाति कुलावकसकुणिका । सा हि रुक्खसाखासु ओलम्बनकुलावका होति । तज्हि सा कुलावकं ततो ततो तिणहीरादिके आनेत्वा तथा विनन्धति, यथा तेसं पेसकारकज्जियसुत्तं विय अग्गेन वा अगं मूलेन वा मूलं समानेतुं विवेचेतुं वा न सक्का । तेनाह “यथा ही”तिआदि । तदुभयम्पीति “कुलागण्ठिक”न्ति वुत्तं कज्जियसुत्तं, कुलावकञ्च । पुरिमनयेनेवाति “एवमेव सत्ता”तिआदिना पुब्बे वुत्तनयेनेव ।

कामं मुज्जपब्बजतिणानि यथाजातानिपि दीघभावेन पतित्वा अरज्जट्टाने अज्जमज्जं विनन्धित्वा आकुलब्याकुलानि हुत्वा तिट्ठन्ति, तानि पन न तथा दुब्बिवेचियानि, यथा रज्जुभूतानीति दस्सेतुं “यथा तानी”तिआदि वुत्तं । सेसमेत्थ हेट्ठा वुत्तनयमेव ।

अपायाति अवड्ढिता, सुखेन, सुखहेतुना वा विरहिताति अत्थो । दुक्खस्स गतिभावतोति आपायिकस्स दुक्खस्स पवत्तिट्ठानभावतो । सुखसमुस्सयतोति अब्भुदयतो । विनिपतितत्ताति विरूपं निपतितत्ता यथा तेनत्तभावेन सुखसमुस्सयो न होति, एवं निपतितत्ता । इतरोति संसारो । ननु “अपाय”न्तिआदिना वुत्तोपि संसारो एवाति? सच्चमेतं, निरयादीनं पन अधिमत्तदुक्खभावदस्सनत्थं अपायादिग्गहणं । गोबलीबद्धजायेनायमत्थो वेदितब्बो । खन्धानञ्च पटिपाटीति पञ्चन्नं खन्धानं हेतुफलभावेन अपरापरं पवत्ति । अब्बोच्छिन्नं वत्तमानाति अविच्छेदेन पवत्तमाना । तं सब्बम्पीति तं “अपाय”न्तिआदिना वुत्तं सब्बं अपायदुक्खञ्चेव वट्टदुक्खञ्च । “महासमुद्वे वातुक्खित्तनावा विया”ति इदं परिभ्रमद्वानस्स महन्तदस्सनत्थञ्चेव परिभ्रमनस्स अनवड्ढिततादस्सनत्थञ्च “उपमाय । यन्तेसु युत्तगोणो विया”ति इदं पन अवसभावदस्सनत्थञ्चेव दुप्पमोक्खभावदस्सनत्थञ्चाति वेदितब्बं ।

### पटिच्चसमुप्पादवण्णना

इमिना तावाति एत्थ ताव-सद्वो कमत्थो, तेन “तन्ताकुलकजाता”ति पदस्स अनुसन्धि परतो आविभविस्सतीति दीपेति । अत्थि इदप्पच्चयाति एत्थ अयं पच्चयोति इदप्पच्चयो, तस्मा इदप्पच्चया, इमस्मा पच्चयाति अत्थो । इदं वुत्तं होति — “इमस्मा नाम पच्चया जरामरण”न्ति एवं वत्तब्बो अत्थि नु खो जरामरणस्स पच्चयोति । तेनाह “अत्थि नु खो... पे०... भवेय्या”ति । एत्थ हि “किं पच्चया जरामरणं? जातिपच्चया जरामरण”न्ति उपरि जातिसद्वपच्चयसद्वसमानाधिकरणेन किं-सद्वेन इदं-सद्वस्स समानाधिकरणतादस्सनतो कम्मधारयसमासता इदप्पच्चयसद्वस्स युज्जति । न हेत्थ “इमस्स पच्चया इदप्पच्चया”ति जरामरणस्स, अज्जस्स वा पच्चयतो जरामरणसम्भवपुच्छा सम्भवति विज्जातभावतो, असम्भवतो च, जरामरणस्स पन पच्चयपुच्छा सम्भवति ।

पचचयसद्वसमानाधिकरणतायञ्च इदं-सद्वस्स “इमस्मा पचचया”ति पचचयपुच्छा युज्जति ।

सा पन समानाधिकरणता यदिपि अञ्जपदत्थसमासेपि लब्धति, अञ्जपदत्थवचनिच्छाभावतो पनेत्थ कम्मधारयसमासो वेदितब्बो । सामिवचनसमासपक्खे पन नत्थेव समानाधिकरणतासम्भवोति । ननु च “इदप्पचयता पटिच्चसमुप्पादो”ति एत्थ इदप्पचय-सद्वो सामिवचनसमासो इच्छितोति? सच्चं इच्छितो उज्जुक्मेव तत्थ पटिच्चसमुप्पादवचनिच्छाति कत्वा, इध पन केवलं जरामरणस्स पचचयपरिपुच्छा अधिप्पेता, तस्मा यथा तत्थ इदं-सद्वस्स पटिच्चसमुप्पादविसेसनता, इध च “पुच्छितब्बपचचयत्थता सम्भवति, तथा तत्थ, इध च समासकप्पना वेदितब्बा । कस्मा पन तत्थ कम्मधारयसमासो न इच्छितोति? हेतुप्पभवानं हेतु पटिच्चसमुप्पादोति इमस्स अत्थस्स कम्मधारयसमासे असम्भवतोति इमस्स, अत्तनो पचचयानुरूपस्स अनुरूपो पचचयो इदप्पचयोति एतस्स च अत्थस्स इच्छितत्ता । यो पनेत्थ इदं-सद्वेन गहितो अत्थो, सो “अत्थि इदप्पचया जरामरण”न्ति जरामरणगगहणेनेव गहितोति इदं-सद्वो पटिच्चसमुप्पादतो परिच्चजनतो अञ्जस्स असम्भवतो पचचये अवतिट्ठति, तेनेत्थ कम्मधारयसमासो । तत्थ पन इदं-सद्वस्स ततो परिच्चजनकारणं नत्थीति सामिवचनसमासो एव इच्छितो । **अट्ठकथायंपन** यस्मा जरामरणादीनं पचचयपुच्छामुखेनायं पटिच्चसमुप्पाददेसना आरब्धा, पटिच्चसमुप्पादो च नाम अत्थतो हेतुप्पभवानं हेतूति वुत्तो वायमत्थो, तस्मा “इमस्स जरामरणस्स पचचयो”ति एवमत्थवण्णना कता ।

**पण्डितेनाति** एकंसव्याकरणीयादिपज्हाविसेसजाननसमत्थाय पज्जाय समन्नागतेन । तमेव हिस्स पण्डित्थं दस्सेतुं “**यथा**”तिआदि वुत्तं । यादिसस्स जीवस्स दिट्ठिगतिको सरीरतो अनञ्जत्तं पुच्छति “**तं जीवं तं सरीरं**”न्ति, सो एवं परमत्थतो नुपलब्धति, कथं तस्स वज्झातनयस्स विय दीघरस्सता सरीरतो अञ्जता वा अनञ्जता वा ब्याकातब्बा सिया, तस्मास्स पज्हस्स ठपनीयता वेदितब्बा । **तुण्हीभावो** नामेस पुच्छतो अनादरो विहेसा विय होतीति “**अव्याकतमेतं**”न्ति पकारन्तरमाह । एवं अव्याकरणकारणं जातुकामस्स कथेतब्बं होति, कथिते च जानन्तस्स पमादोपि एवं सिया, कथनविधि पन “यादिसस्सा”तिआदिना दस्सितो एव । **एवं अप्पटिपज्जित्वा**ति एवं ठपनीयपज्हे विय तुण्हीभावादिं अनापज्जित्वा एव । “अप्पटिपज्जित्वा”ति वचनं निदस्सनमत्तमेतं । “किं सब्बं अनिच्च”न्ति वुत्ते “किं सङ्खत्तं सन्धाय पुच्छसि, उदाहु असङ्खत्तं”न्ति पटिपुच्छित्वा ब्याकातब्बं होति “किं खन्धपञ्चकं परिज्जेय्य”न्ति पुट्ठे “अत्थि तत्थ परिज्जेय्यं, अत्थि न परिज्जेय्य”न्ति विभज्ज ब्याकातब्बं होति, एवं अप्पटिपज्जित्वाति च अयमेत्थ अत्थो इच्छितोति । पुब्बे यस्स पचचयस्स अत्थितामत्तं चोदितन्ति अत्थितामत्तं विस्सज्जितं । पुच्छासभागेन हि विस्सज्जनन्ति । इदानि तस्सेव सरूपपुच्छा करीयतीति “**पुन किं**”न्ति वुत्तं । इधापि “यथा”तिआदि सब्बं आनेत्वा वत्तब्बं ।

“**एस नयो सब्बपदेसू**”ति अतिदेसवसेन उस्सुक्कं कत्वा “**नामरूपपचचया**”तिआदिना तत्थ अपवादो आरब्धो । यस्मा दस्सेतुकामो, तस्मा इदं वुत्तन्ति योजना । **छन्नं विपाकसम्फस्सानयेव गहणं** होति विज्जाणादि वेदनापरियोसाना विपाकविधीति कत्वा अनेकेसु सुत्तपदेसु, (म० नि० ३.१२६; उदा० १) अभिधम्मे (विभ० २२५) च येभ्य्येन तेसंयेव गहणस्स निरुद्धत्ता । **इधाति** इमस्मिं सुत्ते । **च-सद्वो** ब्यतिरेकत्थो, तेनेत्थ “**गहितम्पी**”तिआदिना वुच्चमानंयेव विसेसं जोतेति । पचचयभावो नाम पचचयुप्पन्नापेक्खो तेन विना तस्स असम्भवतो । तस्मा **सळायतनपचचयाति** “**सळायतनपचचया फस्सो**”ति इमिना पदेनाति योजना । अवयवेन वा समुदायोपलक्खणमेतं “**सळायतनपचचया**”ति, तस्मा “**सळायतनपचचया फस्सो**”ति इमिना पदेनाति वुत्तं होति । **गहितम्पी**ति छब्बिधं विपाकफस्सम्पि । **अगगहितम्पी**ति अविपाकफस्सम्पि कुसलाकुसलकिरियाफस्सम्पि । पचचयुप्पन्नविसेसं दस्सेतुकामोति योजना । न चेत्थ पचचयुप्पन्नोव उपादिन्नो इच्छितो, अथ खो पचचयोपि उपादिन्नो इच्छितोति अज्झत्तिकायतनस्सेव सळायतनगगहणेन गहणन्ति कत्वा वुत्तं

“सळायतनतो...पे०... दस्सेतुकामो”ति । न हि फस्सस्स चक्खादिसळायतनमेव पच्चयो, अथ खो “चक्खुञ्च पटिच्च रूपे च उप्पज्जति चक्खुविज्जाणं, तिण्णं सङ्गति फस्सो”तिआदि (म० नि० ३.४२१, ४२५, ४२६; सं० नि० २.४४, ४५; २.४.६०; कथा० ४६५, ४६७) वचनतो रूपायतनादिरूपञ्च चक्खुविज्जाणादिनामञ्च पच्चयो, तस्मा इमं चक्खादिसळायतनतो अतिरिक्तं आवज्जनादि विय साधारणं अहुत्वा, तस्स तस्स फस्सस्स साधारणताय अञ्जं विसेसपच्चयं पि-सद्देन अविसिट्ठं साधारणपच्चयं पिदस्सेतुकामो भगवा, “नामरूपपच्चया फस्सो”ति इदं वुत्तन्ति योजना । **अभिधम्मभाजनीये**पि इममेव पच्चयं सन्धाय “नामरूपपच्चया फस्सो”ति वुत्तन्ति **तदट्ठकथायं** (विभ० अट्ठ० २४३) “पच्चयविसेसदस्सनत्थञ्चेव **महानिदानदेसनासङ्गहत्थञ्चा**”ति **अत्थवण्णना** कता । **पच्चयानन्ति** जातिआदीनं पच्चयधम्मानं । **निदानं कथितन्ति** जरामरणादिकस्स निदानत्तं कथितं एकंसिको पच्चयभावो कथितो । तज्हि तेसं पच्चयभावे अब्बिचारीति दस्सेतुं “इति खो पनेत”न्तिआदिना उपरि देसना पवत्ता । **निज्जटे**ति निज्जालके । **निग्गुम्बे**ति निक्खेपे । पदद्वयेनापि आकुलाभावमेव दस्सेति, तस्मा अनाकुलं अब्बाकुलं महन्तं पच्चयनिदानमेत्थ कथितन्ति **महानिदानं** सुत्तं अञ्जथाभावस्स अभावतो ।

**९८. तेसं तेसं पच्चयानन्ति** तेसं तेसं जातिआदीनं पच्चयानं । यस्मा पच्चयभावो नाम तेहि तेहि पच्चयेहि अनूनाधिकेहेव तस्स तस्स फलस्स सम्भवतो **तथो** तच्छो, तप्पकारो वा सामग्गिउपगतेसु पच्चयेसु मुहुत्तम्पि **तथो** निब्बत्तनधम्मानं असम्भवाभावतो । **अवितथो** अविसंवादनको विसंवादनाकारविरहितो अञ्जधम्मपच्चयेहि अञ्जधम्मानुप्पत्तितो । “**अनञ्जथा**”ति वुच्चति अञ्जथाभावस्स अभावतो । तस्मा “**तथं अवितथं अनञ्जथं पच्चयभावं दस्सेतुं**”न्ति वुत्तं । परियायति अत्तनो फलं परिग्गहेत्वा वत्ततीति **परियायो**, हेतूति आह “**परियायेनाति कारणेना**”ति । **सब्बेन** **सब्बन्ति** देवत्तादिना सब्बभावेन सब्बा जाति । **सब्बथा** **सब्बन्ति** तत्थापि चातुमहाराजिकादिसब्बाकारेन सब्बा, **निपातद्वयमेतं**, निपातञ्च अब्बयं, तञ्च सब्बलिङ्गविभक्तिवचनेसु एकाकारमेव होतीति पाळियं “सब्बेन सब्बं सब्बथा सब्ब”न्ति वुत्तं । अत्थवचने पन तस्स तस्स जातिसद्वापेक्खाय इत्थिअत्थवुत्तितं दस्सेतुं “**सब्बाकारेन सब्बा**”तिआदि वुत्तं । **इमिनाव नयेनाति** इमिना जातिवारे वुत्तेनेव नयेन । **देवादीसूति आदि-**सद्देन गन्धब्बयक्खादिके पाळियं (दी० नि० २.९८) आगते, तदन्तरभेदे च सङ्गणहाति ।

**इध निक्खित्तअत्थविभजनत्थे**ति इमस्मिं “कस्सचि किम्हिची”ति अनियमतो उद्देसवसेन वुत्तत्थस्स निद्विसनत्थे जोतेतब्बे **निपातो**, तदत्थजोतनं निपातपदन्ति अत्थो । **तस्सा**ति तस्स पदस्स । **ते**ति धम्मदेसनाय सम्पदानभूतं थेरं वदति । **सेय्यथिदन्ति** वा ते कतमेति चेति अत्थो । ये हि “कस्सची”ति, “किम्हिची”ति च अनियमतो वुत्तो अत्थो, ते कतमेति । कथेतुकम्यतापुच्छा हेसा । **देवभावायाति** देवभावत्थं । **खन्धजातीति** खन्धपातुभावो, यथा खन्धेसु उप्पन्नेसु “देवा”ति समञ्जा होति, तथा तेसं उप्पादोति अत्थो । तेनाह “**याया**”ति आह । **सब्बपदेसूति** “गन्धब्बानं गन्धब्बत्थाया”तिआदीसु सब्बेसु जातिनिद्वेसपदेसु, भवादपदेसु च । येन हि नयेन सचे हि जातीति अयमत्थयोजना कता, जातिनिद्वेसपदेसोव “भवो”तिआदिना भवादपदेसुपि सो कातब्बोति । **देवाति उपपत्तिदेवा** चातुमहाराजिकतो पट्टाय याव भवग्गा दिब्बन्ति कामगुणादीहि कीळन्ति लळन्ति विहरन्ति जोतन्तीति कत्वा । गन्धं अब्बन्ति परिभुज्जन्तीति **गन्धब्बा**, धतरट्ठस्स महाराजस्स परिवारभूता । यजन्ति वेस्सवणसक्कादिके पूजेन्तीति **यक्खा**, तेन तेन वा पणिधिकम्मादिना यजितब्बा पूजेतब्बाति **यक्खा**, वेस्सवणस्स महाराजस्स परिवारभूता । **अट्ठकथायं** पन “अमनुस्सा”ति अविसेसेन वुत्तं । **भूताति** कुम्भण्डा, विरूळ्हकस्स महाराजस्स परिवारभूता । **अट्ठकथायं** पन “ये केचि निब्बत्तसत्ता”ति अविसेसेन वुत्तं । **अट्ठिपक्खा** भमरतुप्पळादयो । **चम्मपक्खा** जतुसिङ्गालादयो । **लोमपक्खा** हंसमोरादयो । **सरीसपा** अहिविच्छिकसतपदिआदयो ।

“तेसं तेस”न्ति इदं न येवापनकनिद्देशो विय अवुत्तसङ्गहत्थं वचनं, अथ खो अयेवापनकनिद्देशो विय वुत्तसङ्गहत्थन्ति । आदि-सद्देनेव च आमिडितत्थो सङ्गहत्तीति आह “तेसं तेसं देवगन्धब्बादीन”न्ति । तदत्तायाति तंभावाय, यथारूपेसु खन्धेसु पवत्तमानेसु “देवा गन्धब्बा”ति लोकसमञ्जा होति, तथारूपतायाति अत्थो । तेनाह “देवगन्धब्बादिभावाया”ति । “निरोधो, विगमो”ति च पटिलद्धत्तालाभस्स भावो वुच्चति, इध पन अच्चन्ताभावो अधिप्पेतो “सब्बसो जातिया असती”ति अवत्त्वा “जातिनिरोधो”ति वुत्तत्ताति आह “अभावाति अत्थो”ति ।

फलत्थाय हिनोतीति यथा फलं ततो निब्बत्तति, एवं हिनोति पवत्तति, तस्स हेतुभावं उपगच्छतीति अत्थो । इदं गणहथ नन्ति “इदं मे फलं, गणहथ न”न्ति एवं अप्पेति विय निव्यातेति विय । “एस नयो”ति अविसेसं अतिदिसित्वा विसेसमत्तस्स अत्थं दस्सेतुं “अपिचा”तिआदि वुत्तं । ननु चायं जाति परिनिप्फन्ना, सङ्गत्तभावा च न होति विकारभावतो, तथा जरामरणं, तस्स कथं सा हेतु होतीति चोदनं सन्धायाह “जरामरणस्स ही”तिआदि । तब्भावे भावो, तदभावे च अभावो जरामरणस्स जातिया उपनिस्सयता ।

१९९. ओकासपरिग्गहोति पवत्तिट्ठानपरिग्गहो । उपपत्तिभवे युज्जति उपपत्तिक्खन्धानं यथावुत्तट्ठानतो अज्जत्थ अनुप्पज्जनतो । इध पनाति इमस्मिं सुत्ते “कामभवो”तिआदिना आगते इमस्मिं ठाने । कम्मभवे युज्जति कामभवादित्तोतना विसेसतो तस्स जातिया पच्चयभावतोति । तेनाह “सो हि जातिया उपनिस्सयकोटियाव पच्चयो”ति । ननु च उपपत्तिभवोपि जातिया उपनिस्सयवसेन पच्चयो होतीति? सच्चं होति, सो पन न तथा पधानभूतो, कम्मभवो पन पधानभूतो पच्चयो जनकभावतोति । “सो हि जातिया”तिआदि वुत्तं कामभवूपगं कम्मं कामभवो । एस नयो रूपारूपभवेसुपि । ओकासपरिग्गहोव कतो ‘किमिची’ति इमिना सत्तपरिग्गहस्स कतत्ता ।

१००. तिण्णम्पि कम्मभवानन्ति कामकम्मभवादीनं तिण्णम्पि कम्मभवानं । तिण्णञ्च उपपत्तिभवानन्ति कामुपपत्तिभवादीनं तिण्णञ्च उपपत्तिभवानं । तथा सेसानिपीति दिट्ठुपादानादीनि सेसुपादानानिपि तिण्णम्पि कम्मभवानं, तिण्णञ्च उपपत्तिभवानं पच्चयोति अत्थो । इतीति एवं वुत्तनयेन । द्वादस कम्मभवा द्वादस उपपत्तिभवाति चतुवीसतिभवा वेदितब्बा । यस्मा कम्मभवस्स पच्चयभावमुखेनेव उपादानं उपपत्तिभवस्स पच्चयो नाम होति, न अज्जत्था, तस्मा उपादानं कम्मभवस्स उज्जुमेव पच्चयभावोति आह “निप्परियायेनेत्थ द्वादस कम्मभवा लब्धन्ती”ति । तेसन्ति कम्मभवानं । सहजातकोटियाति अकुसलस्स कम्मभवस्स सहजातं उपादानं सहजातकोटिया, इतरं अनन्तरूपनिस्सयादिवसेन उपनिस्सयकोटिया, कुसलस्स कम्मभवस्स पन उपनिस्सयकोटियाव पच्चयो । एत्थ च यथा अज्जमज्जनिस्सयसम्पयुत्तअत्थिअविगतादिपच्चयानं सहजातपच्चयेन एकसङ्गहतं दस्सेतुं “सहजातकोटिया”ति वुत्तं, एवं आरम्भणूपनिस्सयअनन्तरूपनिस्सयपकतूपनिस्सयानं एकज्झं गहणवसेन “उपनिस्सयकोटिया”ति वुत्तन्ति दट्ठब्बं ।

१०१. उपादानस्साति एत्थ कामुपादानस्स तण्हा उपनिस्सयकोटियाव पच्चयो, सेसुपादानानं सहजातकोटियापि उपनिस्सयकोटियापि विज्जाणादि च वेदनापरियोसाना विपाकविधीति कत्त्वा ।

१०२. यदिदं वेदनाति एत्थ विपाकवेदनाति तमेव ताव उपनिस्सयकोटिया पच्चयो इतरकोटिया असम्भवतो । अज्जाति कुसलाकुसलकिरियवेदना । अज्जत्थापीति सहजातकोटियापि ।

१०३. एत्तावताति जरामरणादीनं पच्चयपरम्परादस्सनवसेन पवत्ताय एत्तकाय देसनाय । पुरिमतण्हन्ति पुरिमभवसिद्धं तण्हं । “एस पच्चयो तण्हाय, यदिदं वेदना”ति वत्त्वा तदनन्तरं “फस्सपच्चया वेदनाति इति खो पनेतं

वृत्त'न्तिआदिना वेदनाय पच्चयभूतस्स फस्सस्स उद्धरणं अज्जेसु सुत्तेसु आगतनयेन पटिच्चसमुप्पादस्स देसनामग्गो, तं पन अनोतरित्वा समुदाचारतण्हादस्सनमुखेनेव तण्हामूलकधम्मो देसेन्तो आचिण्णदेसनामग्गतो ओक्कमन्तो विय, तच्च देसनं पस्सतो अप्पवत्तन्ति पसय्ह बलक्कारेन देसेन्तो विय च होतीति आह “इदानी”तिआदि । द्वे तण्हाति इधाधिप्पेततण्हा एव द्विधा भिन्दन्तो आह । एसनतण्हाति भोगानं परियेसनवसेन पवत्ततण्हा । एसिततण्हाति परियिट्ठेसु भोगेसु उप्पज्जमानतण्हा । समुदाचारतण्हायाति परियुट्ठानवसेन पवत्ततण्हाय । दुविधापेसा वेदनं पटिच्च तण्हा नाम वेदनापच्चया च अप्पटिलद्धानं भोगानं पटिलाभाय परियेसना, लद्धेसु च तेसुपातव्यतापत्तिआदि होतीति ।

परितस्सनवसेन परियेसति एतायाति परियेसना । आसयतो, पयोगतो च परियेसना तथापवत्तो चित्तुप्पादो । तेनाह “तण्हाय सति होती”ति । रूपादिआरम्भणपटिलाभोति सवत्थुकानं रूपादिआरम्भणानं गवेसनवसेन, पवत्तियं पन अपरियिट्ठयेव लब्धति, तम्पि अत्थतो परियेसनाय लद्धमेव नाम तथारूपस्स कम्मस्स पुब्बेकतत्ता एव लब्धनतो । तेनाह “सो हि परियेसनाय सति होती”ति । सुखविनिच्छयन्ति सुखं विसेसतो निच्छिनोतीति सुखविनिच्छयो, सुखं सभावतो, समुदयतो, अत्थङ्गमनतो, निस्सरणतो च याथावतो जानित्वा पवत्तजाणं, तं सुखविनिच्छयं । जज्जाति जानेय्य । “सुभसुख”न्तिआदिकं आरम्भणे अभूताकारं विविधं निन्नभावेन निच्छिनोति आरोपेतीति विनिच्छयो । अस्सादानुपस्सनतण्हादिट्ठियापि एवमेव विनिच्छयभावो वेदितब्बो । इमस्मिं पन सुत्ते वितक्कोयेव आगतोति योजना । इमस्मिं पन सुत्तेति सक्कपज्जसुत्ते । (दी० नि० २.३५८) तत्थ हि “छन्दो खो, देवानं इन्द, वितक्कनिदानो”ति आगतं । इधाति इमस्मिं महानिदानसुत्ते । “वितक्केनेव विनिच्छिनाती”ति एतेन “विनिच्छीयति एतेनाति विनिच्छयो”ति विनिच्छय-सदस्स करणसाधनमाह । “एत्तक”न्तिआदि विनिच्छयनाकारदस्सनं ।

छन्दनट्ठेन छन्दो, एवं रज्जनट्ठेन रागो, स्वायं अनासेवनताय मन्दो हुत्वा पवत्तो इधाधिप्पेतोति आह “दुब्बलरागस्साधिवचन”न्ति । अज्झोसानन्ति तण्हादिट्ठिवसेन अभिनिविसनं । “मय्हं इद”न्ति हि तण्हागाहो येभ्य्येन अत्तगाहसन्निस्सयोव होति । तेनाह “अहं मम”न्ति, “बलवसन्निट्ठान”न्ति च तेसं गाहानं थिरभावप्पत्तिमाह । तण्हादिट्ठिवसेन परिग्गहकरणन्ति “अहं मम”न्ति बलवसन्निट्ठानवसेन अभिनिविट्ठस्स अत्तत्तनियगाहवत्थुनो अज्जासाधारणं विय कत्वा परिग्गहेत्वा ठानं, तथापवत्तो लोभसहगतचित्तुप्पादो । अत्तना परिग्गहितस्स वत्थुनो यस्स वसेन परेहि साधारणभावस्स असहमानो होति पुग्गलो, सो धम्मो असहनता । एवं वचनत्थं वदन्ति निरुत्तिनयेन । सदलक्खणे पन यस्स धम्मस्स वसेन मच्छरिययोगतो पुग्गलो मच्छरो, तस्स भावो, कम्मं वा मच्छरियं, मच्छरो धम्मो । मच्छरियस्स बलवभावतो आदरेन रक्खणं आरक्खोति आह “द्वार...पे०... सुट्ठु रक्खण”न्ति । अत्तनो फलं करोतीति करणं, यं किञ्चि कारणं, अधिकं करणन्ति अधिकरणं, विसेसकारणं । विसेसकारणञ्च भोगानं आरक्खदण्डादानादिअनत्थसम्भवस्साति वृत्तं “आरक्खाधिकरण”न्तिआदि । परनिसेधनत्थन्ति मारणादिना परेसं विबाधनत्थं । आदीयति एतेनाति आदानं, दण्डस्स आदानं दण्डादानं, अभिभवित्वा परविहेठनचित्तुप्पादो । सत्थादानेपि एसेव नयो । हत्थपरामासादिवसेन कायेन कातब्बकलहो कायकलहो । मम्मघट्टनादिवसेन वाचाय कातब्बकलहो वाचाकलहो । विरुज्जनवसेन विरूपं गण्हाति एतेनाति विग्गहो । विरुद्धं वदति एतेनाति विवादो । तुवं तुवन्ति अगारववचनसहचरणतो तुवं तुवं, सब्बेते तथापवत्ता दोससहगतचित्तुप्पादा वेदितब्बा । तेनाह भगवा “अनेके पापका अकुसला धम्मा सम्भवन्ती”ति (दी० नि० २.१०४) ।

११२. देसनं निवत्तेसीति “तण्हं पटिच्च परियेसना”तिआदिना अनुलोमनयेन पवत्तितं देसनं पटिलोमनयेन पुन “आरक्खाधिकरण”न्ति आरभन्तो निवत्तेसि । पच्चकामगुणिकरागवसेनाति आरम्भणभूता पच्च कामगुणा एतस्स अत्थीति पच्चकामगुणिको, तत्थ रज्जनवसेन अभिरमणवसेन पवत्तरागो, तस्स वसेन उप्पन्ना रज्जनवसेन तण्हायनवसेन



पवत्ता रूपादितण्हाव कामेसु तण्हाति कामतण्हा । भवति अत्थि सब्बकालं तिट्ठतीति पवत्ता भवदिट्ठि उत्तरपदलोपेन भवो, तंसहगता तण्हा भवतण्हा । विभवति विनस्सति उच्छिज्जतीति पवत्ता विभवदिट्ठि विभवो उत्तरपदलोपेन, तंसहगता तण्हा विभवतण्हाति आह “सस्सतदिट्ठी”तिआदि । इमे द्वे धम्माति “एस पच्चयो उपादानस्स, यदिदं तण्हा”ति (दी० नि० २.१०१) एवं वुत्ता वट्टमूलतण्हा च “तण्हं पटिच्च परियेसना”ति (दी० नि० २.१०३) एवं वुत्ता समुदाचारतण्हा चाति इमे द्वे धम्मा । वट्टमूलसमुदाचारवसेनाति वट्टमूलवसेन चेव समुदाचारवसेन च । द्वीहि कोट्टासेहीति द्वीहि भागेहि । द्वीहि अवयवेहि समोसरन्ति निब्बत्तनवसेन समं वत्तन्ति इतोति समोसरणं, पच्चयो, एकं समोसरणं एतासन्ति एकसमोसरणा । केन पन एकसमोसरणाति आह “वेदनाया”ति । द्वेपि हि तण्हा वेदनापच्चया एवाति । तेनाह “वेदनापच्चयेन एकपच्चया”ति । ततो ततो ओसरित्वा आगन्त्वा समवसनट्ठानं ओसरणं समोसरणं । वेदनाय समं सह एकस्मिं आरम्भणे ओसरणकपवत्तनका वेदना समोसरणाति आह “इदं सहजातसमोसरणं नामा”ति ।

११३. सब्बेति उप्पत्तिद्वारवसेन भिन्दित्वा वुत्ता सविपाकफस्सा एव विज्जाणादि वेदनापरियोसाना विपाकविथीति कत्वा । पटिच्चसमुप्पादकथा नाम वट्टकथाति आह “ठपेत्वा चत्तारो लोकुत्तरविपाकफस्से”ति । बहुधाति बहुप्पकारेन । अयज्हि पञ्चद्वारे चक्खुपसादादिवत्थुकानं पञ्चन्नं वेदनानं चक्खुसम्फस्सादिको फस्सो सहजातअज्जमज्जनिस्सयविपाकआहारसम्पयुत्तअत्थिअविगतवसेन अट्ठधा पच्चयो होति । सेसानं पन एकेकस्मिं द्वारे सम्पटिच्छनसन्तीरणतदारम्मणवसेन पवत्तानं कामावचरविपाकवेदनानं चक्खुसम्फस्सादिको फस्सो उपनिस्सयवसेन एकधाव पच्चयो होति । मनोद्वारेपि तदारम्मणवसेन पवत्तानं कामावचरविपाकवेदनानं सहजातमनोसम्फस्सो तथेव अट्ठधा पच्चयो होति, तथा पटिसन्धिभवङ्गचुतिवसेन पवत्तानं तेभूमकविपाकवेदनानं । या पन ता मनोद्वारे तदारम्मणवसेन पवत्ता कामावचरवेदना, तासं मनोद्वारावज्जनसम्पयुत्तो मनोसम्फस्सो उपनिस्सयवसेन एकधाव पच्चयो होतीति एवं फस्सो बहुधा वेदनाय पच्चयो होतीति वेदितब्बं ।

#### ११४. वेदनादीनन्ति वेदनासज्जासङ्खारविज्जाणानं । असदिसभावाति

अनुभवनसज्जाननाभिसङ्खारणविजाननभावा । ते हि अज्जमज्जविधुरेन वेदयितादिरूपेन आकिरियन्ति पज्जायन्तीति आकाराति वुच्चन्ति । तेयेवाति वेदनादीनं ते एव वेदयितादिआकारा । साधुकं दस्सियमानाति सक्कच्चं पच्चक्खतो विय पकासियमाना । तं तं लीनमत्थं गमेन्तीति “अरूपट्ठो आरम्भणाभिमुखनमनट्ठो”ति एवमादिकं तं तं लीनं अपाकटमत्थं गमेन्ति जापेन्तीति लिङ्गानि । तस्स तस्स सज्जाननहेतुतोति तस्स तस्स अरूपट्ठादिकस्स सल्लक्खणस्स कारणत्ता । निमीयन्ति अनुमीयन्ति एतेहीति निमित्तानि । तथा तथा अरूपभावादिप्पकारेन, वेदयितादिप्पकारेन च उद्दिसितब्बतो कथेतब्बतो उद्देसा । तस्माति “असदिसभावा”तिआदिना वुत्तमेवत्थं कारणभावेन पच्चामसति । यस्मा वेदनादीनं अज्जमज्जअसदिसभावा यथावुत्तेनत्थेन आकारादयो, तस्मा अयं इदानि वुच्चमानो एत्थ पाळिपदे अत्थो ।

नामसमूहस्साति आरम्भणाभिमुखं नमनट्ठेन “नाम”न्ति लद्धसमज्जस्स वेदनादिचतुक्खन्धसङ्घातस्स अरूपधम्मपुज्जस्स । पज्जतीति “नामकायो अरूपकलापो अरूपिनो खन्धा”तिआदिका पज्जापना होति । चेतनापधानत्ता सङ्खारक्खन्धधम्मानं “सङ्खारानं चेतनाकारे”तिआदि वुत्तं । तथा हि सुत्तन्तभाजनीये सङ्खारक्खन्धविभजने “या चेतना सज्चेतना सज्चेतयितत्त”न्ति (विभ० २४९ अभिधम्मभाजनीये) चेतनाव निदिट्ठा । असतीति असन्तेसु । वचनविपल्लासेन हि एवं वुत्तं । चत्तारो खन्धे वत्थुं कत्वाति वेदना सज्जा चित्तं चेतनादयोति इमे चतुक्खन्धसज्जिते निस्सयपच्चयभूते धम्मे वत्थुं कत्वा । अयज्च नयो पञ्चद्वारेपि सम्भवतीति “मनोद्वारे”ति विसेसितं । अधिवचनसम्फस्सवेवचनोति अधिवचनमुखेन पज्जत्तिमुखेन गहेतब्बत्ता “अधिवचनसम्फस्सो”ति लद्धनामो । सोति मनोसम्फस्सो । पञ्चवोकारे च

हृदयवत्थुं निस्साय लब्धनतो रूपकाये पञ्जायतेव, अयं पन नयो इध न इच्छितो वेदनादिपटिक्खेपवसेन असम्भवपरियायस्स जोतितत्ताति “पञ्चपसादे वत्थुं कत्वा उप्पज्जेय्या”ति अत्थो वुत्तो । न हि वेदनासन्निस्सयेन विना पञ्चपसादे वत्थुं कत्वा मनोसम्फस्सस्स सम्भवो अत्थि । उप्पत्तिट्ठाने असति अनुप्पत्तिट्ठानतो फलस्स उप्पत्ति नाम कदाचिपि नत्थीति इममत्थं यथाधिगतस्स अत्थस्स निदस्सनवसेन दस्सेन्तो “अम्बरुक्खे”ति आदिमाह । रूपकायतोति केवलं रूपकायतो । तस्साति मनोसम्फस्सस्स ।

विरोधिपच्चयसन्निपाते विभूततरा विसदिसुप्पत्ति, तस्मिं वा सति अत्तनो सन्ताने विज्जमानस्सेव विसदिसुप्पत्तिहेतुभावो रूपनाकारो । सो एव रूपनाकारो वत्थुसुप्पटिघादिकं तं तं लीनमत्थं गमेतीति लिङ्गं । तस्स तस्स सज्जाननहेतुतो निमित्तं । तथा तथा उद्दिसितब्बतो उद्देसोति एवमेत्थ आकारादयो अत्थतो वेदितब्बा । वत्थारम्मणानं अज्जमज्जपटिहननं पटिघो, ततो पटिघतो जातो पटिघसम्फस्सो । तेनाह “सप्पटिघ”न्ति आदि । नामकायतोति केवलं नामकायतो । तस्साति पटिघसम्फस्सस्स । सेसं पठमपज्हे वुत्तनयमेव ।

उभयवसेनाति नामकायो रूपकायोति उभयसन्निस्सयस्स अधिवचनसम्फस्सो पटिघसम्फस्सोति उभयसम्फस्सस्स वसेन ।

विसुं विसुं पच्चयं दस्सेत्वाति ब्यतिरेकमुखेन पच्चेकं नामकायरूपकायसज्जितं पच्चयं दस्सेत्वा । ते सन्ति फस्सानं । अविसेसतोति विसेसं अकत्वा सामज्जतो । दस्सेतुन्ति ब्यतिरेकमुखेनेव दस्सेतुं । एसेव हेतूति एस छसुपि द्वारेसु पवत्तो नामरूपसङ्घातो हेतु यथारहं द्विन्नम्पि फस्सानं । इदानीं तं यथारहं पवत्तिं विभजित्वा दस्सेतुं “चक्खुद्वारादीसु ही”ति आदि वुत्तं ।

सम्पयुत्तका खन्धाति फस्सेन सम्पयुत्ता वेदनादयो खन्धा । आवज्जनस्सापि सम्पयुत्तक्खन्धगगहणेनेवेत्थ गहणं दट्ठब्बं तदविनाभावतो । परतो मनोसम्फस्सेपि एसेव नयो । पञ्चविधोपीति चक्खुसम्फस्सादिवसेन पञ्चविधोपि । सो फस्सोति पटिघसम्फस्सो । बहुधाति बहुप्पकारेन । तथा हि विपाकनामं विपाकस्स अनेकभेदस्स मनोसम्फस्सस्स सहजातअज्जमज्जनिस्सयविपाकसम्पयुत्तअत्थिअविगतवसेन सत्तथा पच्चयो होति । यं पनेत्थ आहारकिच्चं, तं आहारपच्चयवसेन । यं इन्द्रियकिच्चं, तं इन्द्रियपच्चयवसेन पच्चयो होति । अविपाकं पन नामं अविपाकस्स मनोसम्फस्सस्स ठपेत्वा विपाकपच्चयं इतरेसं वसेन पच्चयो होति । रूपं पन चक्खायतनादिभेदं चक्खुसम्फस्सादिकस्स पञ्चविधस्स फस्सस्स निस्सयपुरेजातइन्द्रियविषयुत्तअत्थिअविगतवसेन छधा पच्चयो होति । रूपायतनादिभेदं तस्स पञ्चविधस्स आरम्मणपुरेजातअत्थिअविगतवसेन चतुधा पच्चयो होति । मनोसम्फस्सस्स पन तानि रूपायतनादीनि, धम्मारम्मणज्च तथा च आरम्मणपच्चयमत्तेनेव पच्चयो होति । वत्थुरूपं पन मनोसम्फस्सस्स निस्सयपुरेजातविषयुत्तअत्थिअविगतवसेन पञ्चधा पच्चयो होति । एवं नामरूपं अस्स फस्सस्स बहुधा पच्चयो होतीति वेदितब्बं ।

११५. पठमुप्पत्तियं विज्जाणं नामरूपस्स विसेसपच्चयोति इममत्थं ब्यतिरेकमुखेन दस्सेतुं पाळियं “मातुकुच्छिम्हि न ओक्कमिस्सथा”ति आदि वुत्तं । गब्भसेय्यकपटिसन्धि हि बाहिरतो मातुकुच्छिं ओक्कमन्तस्स विय होन्तीपि अत्थतो यथापच्चयं खन्धानं तत्थ पठमुप्पत्तियेव । तेनाह “पविसित्वा...पे०... न वत्तिस्सथा”ति । सुद्धन्ति केवलं विज्जाणेन अमिस्सितं विरहितं । “अवसेस”न्ति इदं नामापेक्खं, तस्मा अवसेसं नामरूपन्ति इमं विज्जाणं ठपेत्वा अवसेसं नामरूपं वाति अत्थो । पटिसन्धिवसेन ओक्कन्तन्ति पटिसन्धिगगहणवसेन, मातुकुच्छिं ओक्कमन्तस्स वा पठमावयवभावेन

ओतिण्णं । वोक्कमिस्सथाति सन्ततिविच्छेदं विनासं उपगमिस्सथ, तं पन मरणं नाम होतीति आह “चुतिवसेना”ति । अस्साति विज्जाणस्स, तच्च खो विज्जाणसामञ्जवसेन वुत्तं । तेनाह “तस्सेव चित्तस्स निरोधेना”ति, पटिसन्धिचित्तस्सेव निरोधेनाति अत्थो । ततोति पटिसन्धिचित्ततो । पटिसन्धिचित्तस्स, ततो दुतियततियचित्तानं वा निरोधेन चुति न होतीति वुत्तमत्थं युत्तितो विभावेतुं “पटिसन्धिचित्तेन ही”तिआदि वुत्तं । एतस्मिं अन्तरेति एतस्मिं सोळसचित्तक्खणे काले । अन्तरायो नत्थीति एत्थ दारकस्स ताव मरणन्तरायो मा होतु तदा चुतिचित्तस्स असम्भवतो, मातु पन कथं तदा मरणन्तरायाभावोति? तं तं कालं अनतिककमित्वा तदन्तरेयेव चवनधम्माय गब्भगहणस्सेव असम्भवतो । तेनाह “अयज्झि अनोकासो नामा”ति, चुतियाति अधिप्पायो ।

पटिसन्धिचित्तेन सद्धिं समुद्धितरूपानीति ओक्कन्तिकखणे उप्पन्नकम्मजरूपानि वदति । तानि हि निष्परियायतो पटिसन्धिचित्तेन सद्धिं समुद्धितरूपानि नाम, न उतुसमुद्धानानि पटिसन्धिचित्तस्स उप्पादतो पच्छा समुद्धितत्ता । चित्तजाहारजानं पन तदा असम्भवो एव । यानि पटिसन्धिचित्तेन सद्धिं समुद्धितरूपानि, तानि तिविधानि तस्स उप्पादक्खणे समुद्धितानि, ठितिकखणे समुद्धितानि, भङ्गक्खणे समुद्धितानीति । तेसु उप्पादक्खणे समुद्धितानि सत्तरसमस्स भवङ्गस्स उप्पादक्खणे निरुज्झन्ति, ठितिकखणे समुद्धितानि ठितिकखणे निरुज्झन्ति, भङ्गक्खणे समुद्धितानि भङ्गक्खणे निरुज्झन्ति । तत्थ “भज्जमानो धम्मो भज्जमानस्स धम्मस्स पच्चयो होती”ति न सक्का वत्तुं, उप्पादे, पन ठितियच्च न न सक्काति “सत्तरसमस्स भवङ्गस्स उप्पादक्खणे, ठितिकखणे च धरन्तानं वसेन तस्स पच्चयम्पि दातुं न सक्कोन्ती”ति वुत्तं । रूपकायूपत्थम्भितस्सेव हि नामकायस्स पच्चवोकारे पवत्तीति । तेहि रूपधम्मेहि तस्स चित्तस्स बलवतरं सन्धायाह “सत्तरसमस्स...पे०... पवत्ति पवत्तती”ति । पवेणी घटियतीति अट्टुचत्तालीसकम्मजस्स रूपपवेणी सम्बन्धा हुत्वा पवत्तति । पठमज्झि पटिसन्धिचित्तं, ततो याव सोळसमं भवङ्गचित्तं, तेसु एकेकस्स उप्पादठितिभङ्गवसेन तयो तयो खणा । तत्थ एकेकस्स चित्तस्स तीसु तीसु खणेषु समतिसं समतिसं कम्मजरूपानि उप्पज्जन्ति । इति सोळसतिका अट्टुचत्तालीसं होन्ति । एस नयो ततो परेसुपि । तं सन्धाय वुत्तं “अट्टुचत्तालीसकम्मजस्स रूपपवेणी सम्बन्धा हुत्वा पवत्तती”ति । सचे पन न सक्कोन्तीति पटिसन्धिचित्तेन सद्धिं समुद्धितरूपानि सत्तरसमस्स भवङ्गस्स पच्चयं दातुं सचे न सक्कोन्ति । यदि हि पटिसन्धिचित्ततो सत्तरसमं चुतिचित्तं सिया, पटिसन्धिचित्तस्स ठितिभङ्गक्खणेषुपि कम्मजरूपं न उप्पज्जेय्य, पगेव भवङ्गचित्तक्खणेषु । तथा सति नत्थेव तस्स चित्तस्स पच्चयलाभोति पवत्ति नप्पवत्तति, पवेणी न घटियतेव, अज्जदत्थु विच्छिज्जति । तेनाह “वोक्कमतिति नाम होती”तिआदि ।

इत्थत्तायाति इत्थंपकारताय । यादिसो गब्भसेय्यकस्स अत्तभावो, तं सन्धायेतं वुत्तं । तस्स च पच्चक्खन्धा अनूना एव होन्तीति आह “एवं परिपुण्णपच्चक्खन्धभावाया”ति । उपच्छिज्जिस्सथाति सन्तानविच्छेदेन विच्छिन्देय्य । सुद्धं नामरूपमेवाति विज्जाणविरहितं केवलं नामरूपमेव । अवयवानं पारिपूरि वुद्धि । थिरभावप्पत्ति विरूळिह । महल्लकभावप्पत्ति वेपुल्लं । तानि च यथाक्कमं पठमादिवयवसेन होन्तीति वुत्तं “पठमवयवसेना”तिआदि । वा-सद्दो अनियमत्थो, तेन वस्ससहस्सद्वयादीनं सङ्गहो दट्ठब्बो ।

विज्जाणमेवाति नियमवचनं, इतो बाहिरकप्पितस्स अत्तनो, इस्सरादीनच्च पटिक्खेपपदं, न अविज्जादिफस्सादिपटिक्खेपपदं पटियोगीनिवत्तनपदत्ता अवधारणस्स । तेनाह “एसेव हेतू”तिआदि । अयच्च नयो हेट्ठापि सव्वपदेसु यथारहं वत्तब्बो । इदानीं विज्जाणमेव नामरूपस्स पधानकारणन्ति इममत्थं ओपम्मवसेन विभावेतुं “यथा ही”तिआदि वुत्तं । पच्चेकं विय समुदितस्सापि नामरूपस्स विज्जाणेन विना अत्तकिच्चासमत्थतं दस्सेतुं “त्वं नामरूपं नामा”ति एकज्झं गहणं । पुरेचारिकेति पुब्बङ्गमेव । विज्जाणज्झि सहजातधम्मानं पुब्बङ्गमं । तेनाह भगवा “मनोपुब्बङ्गमा

धम्मा”ति । (ध० प० १; नेत्ति० ९०, ९२; पेटको० १३, ८३) बहुधाति अनेकप्पकारेण पच्चयो होति ।

कथं? विपाकनामस्स हि पटिसन्धियं अज्जं वा विज्जाणं

सहजातअज्जमज्जनिस्सयविपाकआहारइन्द्रियसम्पयुत्तअत्थिअविगतपच्चयेहि नवधा पच्चयो होति । वत्थुरुपस्स पटिसन्धियं सहजातअज्जमज्जनिस्सयविपाकआहारइन्द्रियविप्पयुत्तअत्थिअविगतपच्चयेहि नवधा पच्चयो होति । ठपेत्वा पन वत्थुरुपं सेसरूपस्स इमेसु नवसु अज्जमज्जपच्चयं अपनेत्वा सेसेहि अट्टहि पच्चयेहि पच्चयो होति । अभिसङ्खारविज्जाणं पन असज्जसत्तरूपस्स, पच्चवोकारे वा कम्मजस्स सुत्तन्तिकपरियायतो उपनिस्सयवसेन एकधाव पच्चयो होति । अवसेसज्जि पठमभवङ्गतो पभुति सब्बम्पि विज्जाणं तस्स नामरूपस्स यथारहं पच्चयो होतीति वेदितब्बं । अयमेत्थ सङ्खेपो, वित्थारतो पन पच्चयनये दस्सियमाने सब्बापि महापकरणकथा आनेतब्बा होतीति न वित्थारिता । कथं पनेतं पच्चेतब्बं “पटिसन्धिनामरूपं विज्जाणपच्चया होती”ति? सुत्ततो, युत्तितो च । पाळियज्जि “चित्तानुपरिवत्तिनो धम्मा”तिआदिना (ध० स० मातिका ६२) नयेन बहुधा वेदनादीनं विज्जाणपच्चयता आगता । युत्तितो पन इध चित्तजेन रूपेण दिट्ठेन अदिट्ठस्सापि रूपस्स विज्जाणं पच्चयो होतीति विज्जायति । चित्तेहि पसन्ने, अप्पसन्ने वा तदनुरूपानि रूपानि उप्पज्जमानानि दिट्ठानि, दिट्ठेन च अदिट्ठस्स अनुमानं होतीति । इमिना इध “दिट्ठेन चित्तजरूपेण अदिट्ठस्सापि पटिसन्धिरूपस्स विज्जाणं पच्चयो होती”ति पच्चेतब्बमेतं । कम्मसमुद्धानस्सापि हि रूपस्स चित्तसमुद्धानस्स विय विज्जाणपच्चयता पट्टाने आगताति ।

११६. इध समुदय-सद्दो समुदाय-सद्दो विय समूहपरियायोति आह “दुक्खरासिसम्भवो”ति । एककोति असहायो राजपरिसारहितो । पस्सेय्याम ते राजभावं अम्हेहि विनाति अधिप्पायो । यथारहं परिसं रज्जेतीति हि राजा । अत्थतोति अत्थसिद्धितो अवदन्तम्पि वदति विय । “हृदयवत्थु”न्ति इमिनाव तन्निस्सयोपि गहितो वाति दट्ठब्बं । आनन्तरियभावतो निस्सयनिस्सयोपि “निस्सयो” त्वेव वुच्चतीति । पटिसन्धिविज्जाणं नाम भवेय्यासि, नेतं ठानं विज्जतीति अत्थो । तेनाह “पस्सेय्यामा”तिआदि । बहुधाति अनेकधा पच्चयो होति । कथं? नामं ताव पटिसन्धियं

सहजातअज्जमज्जनिस्सयविपाकसम्पयुत्तअत्थिअविगतपच्चयेहि सत्तथा विज्जाणस्स पच्चयो होतीति । किञ्चि पनेत्थ हेतुपच्चयेन, किञ्चि आहारपच्चयेनाति एवं अज्जथापि पच्चयो होति । अविपाकं पन नामं यथावुत्तेसु पच्चयेसु ठपेत्वा विपाकपच्चयं इतरेहि छहि पच्चयेहि पच्चयो होति । किञ्चि पनेत्थ हेतुपच्चयेन, किञ्चि आहारपच्चयेनाति अज्जथापि पच्चयो होति, तज्ज खो पवत्तियंयेव, न पटिसन्धियं । रूपतो पन हृदयवत्थु पटिसन्धियं विज्जाणस्स सहजातअज्जमज्जनिस्सयविप्पयुत्तअत्थि अविगतपच्चयेहि छधाव पच्चयो होति । पवत्तियं पन सहजातअज्जमज्जपच्चयवज्जितेहि पच्चहि पुरेजातपच्चयेन सह तेहेव पच्चयेहि पच्चयो होति । चक्खायतनादिभेदं पन पच्चविधम्पि रूपं यथाक्कमं चक्खुविज्जाणादिभेदस्स विज्जाणस्स निस्सयपुरेजातइन्द्रियविप्पयुत्तअत्थिअविगतपच्चयेहि पच्चयो होतीति एवं नामरूपं विज्जाणस्स बहुधा पच्चयो होतीति वेदितब्बं ।

खायमनुक्कमेण विज्जाणस्स नामरूपं, पटिसन्धिनामरूपस्स, च विज्जाणं पति पच्चयभावो, सो कदाचि विज्जाणस्स सातिसयो, कदाचि नामरूपस्स, कदाचि उभिन्नं सदिसोति तिविधोपि सो “एत्तावता”ति पदेन एकज्झं गहितोति दस्सेन्तो “विज्जाणे...पे०... पवत्तेसू”ति वत्त्वा पुन यमिदम्पि विज्जाणं नामरूपसज्जितानं पच्चन्नं खन्धानं अज्जमज्जनिस्सयेन पवत्तानं एत्तकेन सब्बा संसारवट्ठप्पवत्तीति इममत्थं दस्सेन्तो “एत्तकेन...पे०... पटिसन्धियो”ति आह । तत्थ एत्तकेनाति एत्तकेनेव, न इतो अज्जेन केनचि कारकवेदकसभावेन अत्तना, इस्सरादिना वाति अत्थो । अन्तो गधावधारणज्हेतं पदं ।

वचनमत्तमेव अधिकिच्चाति दासादीसु सिरिवड्ढकादि-सद्वा विय अतथत्ता वचनमत्तमेव अधिकारं कत्वा पवत्तस्स । तेनाह “अत्थं अदिस्वा”ति । वोहारस्साति वोहरणमत्तस्स । पथोति पवत्तिमग्गो पवत्तिया विसयो । यस्मा सरणकिरियावसेन पुग्गलो “सतो”ति वुच्चति, सम्पजाननकिरियावसेन “सम्पजानो”ति, तस्मा वुत्तं “कारणापदेसवसेना”ति । कारणं निद्धारेत्वा उत्ति निरुत्तीति । एकमेव अत्थं “पण्डितो”ति आदिना पकारतो आपनतो “पञ्जत्ती”ति वदन्ति । सो एव हि “पण्डितो”ति च “व्यत्तो”ति च “मेधावी”ति च पञ्जापीयतीति । पण्डिच्चप्पकारतो पन पण्डितो, वेय्यत्तियप्पकारतो व्यत्तोति पञ्जापीयतीति एवं पकारतो पञ्जापनतो पञ्जत्ति । यस्मा इध अधिवचननिरुत्तिपञ्जत्तिपदानि समानत्थानि । सब्बञ्च वचनं अधिवचनादिभावं भजति, तस्मा केसुचि वचनविसेसेसु विसेसेन पवत्तेहि अधिवचनादिसद्देहि सब्बानि वचनानि पञ्जत्तिअत्थप्पकासनसामञ्जेन वुत्तानीति इमिना अधिप्पायेन अयमत्थयोजना कताति वेदितब्बा ।

अथ वा अधि-सद्दो उपरिभावे, उपरि वचनं अधिवचनं । कस्स उपरि? पकासेतब्बस्स अत्थस्साति पाकटो यमत्यो । अधीनं वा वचनं अधिवचनं । केन अधीनं? अत्थेन । तथा तंतं अत्थप्पकासेन निच्छित्तं, नियतं वा वचनं निरुत्ति । पथवीधातुपुरिसादितंतंपकारेन आपनतो पञ्जत्तीति एवं अधिवचनादिपदानं सब्बवचनेसु पवत्ति वेदितब्बा, अञ्जथा सिरिवड्ढकधनवड्ढकप्पकारानमेव निरुत्तिता, “पण्डितो वियत्तो”ति एवं पकारानमेव एकमेव अत्थं तेन तेन पकारेन आपेन्तानं पञ्जत्तिता च आपज्जेय्याति । एवं तीहिपि नामेहि वुत्तस्स वोहारस्स पवत्तिमग्गोपि सह विज्जाणेन नामरूपन्ति एत्तावताव इच्छितब्बो । तेनाह “इती”ति आदि । पञ्जाय अवचरितब्बन्ति पञ्जाय पवत्तितब्बं, जेय्यन्ति अत्थो । तेनाह “जानितब्ब”न्ति । वट्टन्ति किलेसवट्टं, कम्मवट्टं, विपाकवट्टन्ति तिविधम्पि वट्टं । वत्ततीति पवत्तति । तयिदं “जायेथा”ति आदिना पञ्चहि पदेहि वुत्तस्स अत्थस्स निगमनवसेन वुत्तं । आदि-सद्देन इत्थीतिपुरिसाति आदीनम्पि सङ्गहो दट्टब्बो । नामपञ्जत्तत्थायाति खन्धादिफस्सादिसत्तादिइत्थादिनामस्स पञ्जापनत्थाय । वत्थुपि एत्तावताव । तेनाह “खन्धपञ्चकम्पि एत्तावताव पञ्जायती”ति । एत्तावता एत्तकेन, सह विज्जाणेन नामरूपप्पवत्तियाति अत्थो ।

### अत्तपञ्जत्तिवण्णना

११७. अनुसन्धियति एतेनाति अनुसन्धि, हेट्ठा आगतदेसनाय अनुसन्धानवसेन पवत्ता उपरिदेसना, सा पठमपदस्स दस्सिता, इदानीं दुतियपदस्स दस्सेतब्बाति तमत्थं दस्सेन्तो “इति भगवा”ति आदिमाह । रूपिन्ति रूपवन्तं । परित्तन्ति न विपुलं, अप्पकन्ति अत्थो । यस्मा अत्ता नाम कोचि परमत्थतो नत्थि । केवलं पन दिट्ठिगतिकानं परिकप्पितमत्तं, तस्मा यत्थ नेसं अत्तसज्जा, यथा चस्स रूपिभावादपरिकप्पना होति, तं दस्सेन्तो “यो”ति आदिमाह । रूपिं परित्तन्ति अत्तनो उपट्ठितकसिणरूपवसेन रूपिं, तस्स अवट्ठितभावेन परित्तं । पञ्जपेति नीलकसिणादिवसेन नानाकसिणलाभी । तन्ति अत्तानं । अनन्तन्ति कसिणनिमित्तस्स अप्पमाणताय परिच्छेदस्स अनुपट्ठानतो अन्तरहितं । उग्घाटेत्वाति भावनाय अपनेत्वा । निमित्तफुट्टोकासन्ति तेन कसिणनिमित्तेन फुट्टप्पदेसं । तेसूति चतूसु अरूपक्खन्धेसु । विज्जाणमत्तमेवाति “विज्जाणमयो अत्ता”ति एवंवादी ।

११८. “एतरही”ति सावधारणमिदं पदन्ति तदत्थं दस्सेन्तो “इदनेवा”ति वत्वा अवधारणेन निवत्तितमत्थं आह “न इतो पर”न्ति । तत्थ तत्थेव सत्ता उच्छिज्जन्तीति उच्छेदवादी, तेनाह “उच्छेदवसेनेतं वुत्त”न्ति । भाविन्ति सब्बं सदा भाविं अविनस्सनकं । तेनाह “सस्सतवसेनेतं वुत्त”न्ति । अतथासभावन्ति यथा परवादी वदन्ति, न तथा सभावं । तथभावायाति उच्छेदभावाय वा सस्सतभावाय वा । अनियमवचनञ्हेतं वुत्तं सामञ्जसोत्तनावसेन । सम्पादेस्सामीति

तथभावं अस्स सम्पन्नं कत्वा दस्सयिस्सामि, पतिट्ठापेस्सामीति अत्थो। तथा हि वक्खति “सस्सतवादञ्च जानापेत्वा”तिआदि। (दी० नि० अट्ठ० २.११८) **इमिना**ति “अतथं वा पना”तिआदि वचनेन, अनुच्छेदसभावमि समानं सस्सतवादिनो मतिवसेनाति अधिप्पायो। **उपकप्पेस्सामी**ति उपेच्च समत्थयिस्सामि।

**एवं समानन्ति** एवं भूतं समानं। रूपकसिणज्झानं **रूपं** उत्तरपदलोपेन, अधिगमनवसेन तं एतस्स अत्थीति **रूपी**ति आह “**रूपिन्ति रूपकसिणलाभि**”न्ति। **परित्तत्तानुदिट्ठी**ति एत्थ रूपी-सद्दोपिआवुत्तिआदिनयेन आनेत्वा वत्तब्बो, रूपीभावमि हि सो दिट्ठिगतिको परित्तभावं विय अत्तनो अभिनिविस्स ठितोति। **अरूपिन्ति** एत्थापि एसेव नयो। “पत्तपलासबहुलगच्छसङ्खेपेन घनगहनजटाविताना नातिदीघसन्ताना **वल्लि**, तब्बिपरीता **लता**”ति वदन्ति। **अप्पहीनट्ठे**नाति मग्गेन असमुच्छिन्नभावेन। कारणलाभे सति उप्पज्जनारहता अनुसयनट्ठो।

**अरूपकसिणं** नाम कसिणुग्घाटिं आकासं, न परिच्छिन्नाकासकसिणं। “उभयमि अरूपकसिणमेवा”ति केचि। **अरूपकखन्धगोचरं** वाति वेदनादयो अरूपकखन्धा “अत्ता”ति अभिनिवेसस्स गोचरो एतस्साति अरूपकखन्धगोचरो, दिट्ठिगतिको, तं अरूपकखन्धगोचरं। **वा**-सद्दो वुत्तविकप्पत्थो। सद्व्योजना पन अरूपं अरूपकखन्धा गोचरभूता एतस्स अत्थीति अरूपी, तं अरूपिं। **लाभिनो चत्तारो**ति रूपकसिणादिलाभवसेन तं तं दिट्ठिवादं सयमेव परिकप्पेत्वा तं आदाय पग्गय्ह पज्जापनका चत्तारो दिट्ठिगतिका। **तेसं अन्तेवासिका**ति तेसं लाभीनं वादं पच्चक्खतो, परम्पराय च उग्गहेत्वा तथेव नं खमित्वा रोचेत्वा पज्जापनका चत्तारो। **तक्कि**का चत्तारोति कसिणज्झानस्स अलाभिनो केवलं तक्कनवसेनेव यथावुत्ते चत्तारो दिट्ठिवादे सयमेव अभिनिविस्स पग्गय्ह ठिता चत्तारो। **तेसं अन्तेवासिका** पुब्बे वुत्तनयेन वेदितब्बा।

### नअत्तपज्जत्तिवण्णना

**११९. आरद्धविपस्सकोपी**ति सम्परायिकविपस्सकोपि, तेन बलवविपस्सनाय ठितं पुग्गलं दस्सेति। **न पज्जपेति** एव अबहुस्सुतो पीति अधिप्पायो। तादिसो हि विपस्सनाय आनुभावो। सासनिकोपि झानाभिज्जालाभी “न पज्जपेती”ति न वत्तब्बोति सो इध न उद्धटो। इदानी नेसं अपज्जापने कारणं दस्सेति “**एतेसज्ही**”तिआदिना। **इच्चेव जाणं** होति, न विपरीतग्गाहो तस्स कारणस्स दूरसमुस्सारितत्ता। अरूपकखन्धा इच्चेव जाणं होतीति योजना।

### अत्तसमनुपस्सनावण्णना

**१२१. दिट्ठिवसेन समनुपस्सित्वा**, न जाणवसेन। **सा च समनुपस्सना** अत्थतो दिट्ठिदस्सनवसेन।

“वेदनं अत्ततो समनुपस्सती”ति एवं आगता **वेदनाखन्धवत्थुका सक्कायदिट्ठि**। इट्ठादिभेदं आरम्भणं न पटिसंवेदेतीति **अप्पटिसंवेदनो**ति वेदकभावपटिक्खेपमुखेन सज्जाननादिभावोपि पटिक्खित्तो होति तदविनाभावतोति आह “**इमिना रूपकखन्धवत्थुका सक्कायदिट्ठि कथिता**”ति। “**अत्ता मे वेदियती**”ति इमिना अप्पटिसंवेदनं पटिक्खपति। तेनाह “नोपि अप्पटिसंवेदनो”ति। “**वेदनाधम्मो**”ति पन इमिना “वेदना मे अत्ता”ति इमं वादं पटिक्खपति। वेदनासङ्घातो धम्मो एतस्स अत्थीति हि वेदनाधम्मोति वेदनाय समन्नागतभावं तस्स पटिजानाति। तेनाह “एतस्स च वेदनाधम्मो **अविप्पयुत्तसभावो**”ति। सज्जासङ्खारविज्जाणक्खन्धवत्थुका सक्कायदिट्ठि कथिताति आनेत्वा सम्बन्धो। “**वेदनासम्पयुत्तत्ता वेदियती**”ति तंसम्पयोगतो तंकिच्चकतमाह यथा चेतनायोगतो चेतनो पुरिसोति। सब्बेसमि तं सारम्मणधम्मनं आरम्मणानुभवनं लब्भतेव, तञ्च खो एकदेसतो फुट्टतामत्ततो, वेदनाय पन विस्सविताय

सामिभावेन आरम्भणरसानुभवनन्ति । तस्सा वसेन सज्जादयोपि तंसम्पयुत्तत्ता “वेदियती”ति वुच्चन्ति । तथा हि वुत्तं **अट्टसालिनीयं** “आरम्भणरसानुभवनद्वानं पत्वा सेससम्पयुत्तधम्मा एकदेसमत्तकमेव अनुभवन्ती”ति, (ध० स० अट्ट० १ धम्मद्वेसकथा) राजसूदनिदस्सनेन वायमत्थो तत्थ विभावितो एव । **एतस्सा**ति सज्जादिकखन्धत्तयस्स । “**अविप्पयुत्तसभावो**”ति इमिना अविसंयोगजनितं कञ्चि विसेसं ठानं दीपेति ।

**१२२. तत्था**ति तेसु वारेसु । **तीसु दिट्ठिगतिकेसू**ति “वेदना मे अत्ता”ति, “अप्पटिसंवेदनो मे अत्ता”ति, “वेदनाधम्मो मे अत्ता”ति च एवंवादेसु तीसु दिट्ठिगतिकेसु । तिस्सन्नं वेदनानं भिन्नसभावत्ता सुखं वेदनं “अत्ता”ति समनुपस्सतो दुक्खं, अदुक्खमसुखं वा वेदनं “अत्ता”ति समनुपस्सना न युत्ता । एवं सेसद्वये पीति आह “**यो यो यं यं वेदनं अत्ताति समनुपस्सती**”ति ।

**१२३. “हुत्वा अभावतो”**ति इमिना उदयब्बयवन्तताय अनिच्चाति दस्सेति, “**तेहि तेही**”तिआदिना अनेककारणसङ्घत्तत्ता सङ्घत्ताति । तं तं **पच्चयन्ति** “इन्द्रियं, आरम्भणं, विज्जाणं, सुख, वेदनीयो फस्सो”ति एवं आदिकं तं तं अत्तनो कारणं **पटिच्च** निस्साय **सम्मा** सस्सतादिभावस्स, उच्छेदादिभावस्स च अभावेन जायेन **समकारणेन** सदिसकारणेन अनुरूपकारणेन **उप्पन्ना** । खयसभावाति **खयधम्मा**, वयसभावाति **वयधम्मा** विरज्जनसभावाति **विरागधम्मा**, निरुज्जनसभावाति **निरोधधम्मा**, चतूहिपि पदेहि वेदनाय भङ्गभावमेव दस्सेति । तेनाह “**खयोति...पे०... खयधम्मातिआदि वुत्त**”न्ति ।

**विगतो**ति सभावविगमेन विगतो । **एकस्सेवा**ति एकस्सेव दिट्ठिगतिकस्स । **तीसुपि कालेसू**ति तिस्सन्नं वेदनानं पवत्तिकालेसु । **एसो मे अत्ताति** “एसो सुखवेदनासभावो, दुक्खअदुक्खमसुखवेदनासभावो मे अत्ता”ति **किं पन होती**, एकस्सेव भिन्नसभावतं अनुमत्तको कथं पच्चेतीति अधिप्पायेन पुच्छति । इतरो एवम्पि तस्स न होति येवाति दस्सेन्तो “**किं पन न भविस्सती**”तिआदिमाह । **विसेसेना**ति सुखादिविभागेन । **सुखञ्च दुक्खञ्चा**ति एत्थ च-सदेन अदुक्खमसुखं सङ्गण्हाति, सुखसङ्गहमेव वा तेन कतं सन्तसुखुमभावतो । **अविसेसेना**ति अविभागेन वेदनासामञ्जेन । **वोकिण्णन्ति** सुखादिभेदेन वोमिस्सकं । तं तिविधम्पि वेदनं **एस** दिट्ठिगतिको एकज्झं गहेत्वा **अत्ताति समनुपस्सति** । **एकक्खणे च बहूनं वेदनानं उप्पादो आपज्जति** अविसेसेन वेदनासभावत्ता । अत्तनो हि तस्मिं सति सदा सब्बवेदनापवत्तिप्पसङ्गतो दिट्ठिगतिको अगतिया एकक्खणेपि बहूनम्पि वेदनानं उप्पत्तिं पटिजानेय्याति तस्स अवसरं अदेन्तो “**न एकक्खणे बहूनं वेदनानं उप्पत्ति अत्थी**”ति आह, पच्चक्खविरुद्धमेतन्ति अधिप्पायो । **एतेन पेत्तं नक्खमती**ति एतेन विरुद्धत्तसाधनेनपि सब्बेन सब्बं अत्तनो अभावेनपि पण्डितानं न रुच्चति, एतं दस्सनं धीरा नक्खमन्तीति अत्थो ।

**१२४.** इन्द्रियबद्धेपि रूपप्पबन्धे वायोधातुविष्फारवसेन काचि किरिया नाम लब्भतीति सुद्धरूपक्खन्धेपि यत्थ कदाचि वायोधातुविष्फारो लब्भति, तमेव निदस्सनभावेन गणहन्तो “**तालवण्टे वा वातपाने वा**”ति आह । **वेदनाधम्म**ेसूति वेदनाधम्मवन्तेसु । “**अहमस्मी**”ति इमिना तयोपि खन्धे एकज्झं गहेत्वा अहंकारस्स उप्पज्जनाकारो वुत्तोति । “**अयमहमस्मी**”ति पन इमिना तत्थ एकं एकं गहेत्वा अहंकारस्स उप्पज्जनाकारो वुत्तो । तेनाह “**एकधम्मोपी**”तिआदि । तन्ति “**अहमस्मी**”ति अहंकारुप्पत्तिं । सा हि चतुक्खन्धनिरोधेन अनुपलब्भमानसन्निस्सया ससविसाणतिखिणता विय न भवेय्यावाति ।

**एत्तावता**ति “कित्तावता च आनन्दा”तिआदिना “**तन्ताकुलकजाता**”ति पदस्स अनुसन्धिदस्सनवसेन पवत्तेन

एतकेन देसनाधम्मेन । कामं हेट्ठापि वट्टकथाव कथिता, इध पन दिट्ठिगतिकस्स वट्टतो सीसुक्खिपनासमत्थताविभावनवसेन मिच्छादिट्ठिया महासावज्जभावदीपनियकथा पकासिताति तं दस्सेन्तो “**वट्टकथा कथिता**”ति आह । ननु वट्टमूलं अविज्जा तण्हा, ता अनामसित्वा ततो अज्जथा कस्मा इध वट्टकथा कथिताति आह “**भगवा ही**”तिआदि । **अविज्जासीसेनाति** अविज्जं उत्तमङ्गं कत्वा, अविज्जामुखेनाति अत्थो । **कोटि न पज्जायतीति** “असुकस्स नाम सम्मासम्बुद्धस्स, चक्कवत्तिनो वा काले अविज्जा उप्पन्ना, न ततो पुब्बे अत्थी”ति अविज्जाय आदि मरियादा अप्पटिहतस्स मम सब्बज्जुतज्जाणस्सापि न पज्जायति अविज्जमानत्ता एवाति अत्थो । अयं पच्चयो इदप्पच्चयो, तस्मा **इदप्पच्चया**, इमस्मा आसवादिकारणाति अत्थो । **भवतण्हायाति** भवसंयोजनभूताय तण्हाय । **भवदिट्ठियाति** सस्सतदिट्ठिया । “**तत्थ तत्थ उपपज्जन्तो**”ति इमिना “इतो एत्थ एत्तो इधा”ति एवं अपरियन्तं अपरापरुप्पत्तिं दस्सेति । तेनाह “**महासमुद्वे**”तिआदि ।

**१२६. पच्चयाकारमूळहस्साति** भूतकथनमेतं, न विसेसनं । सब्बोपि हि दिट्ठिगतिको पच्चयाकारमूळो एवाति । **विवट्टं कथेन्तोति** वट्टतो विनिमुत्तत्ता विवट्टं, विमोक्खो, तं कथेन्तो । **कारकस्साति** सत्थुओवादकारकस्स, सम्मापटिपज्जन्तस्साति अत्थो । तेनाह “**सतिपट्टानविहारिनो**”ति । सो हि वेदनानुपस्सनाय, धम्मनुपस्सनाय च सम्मापटिपत्तिया “नेव वेदनं अत्तानं समनुपस्सती”तिआदिना वत्तब्बतं अरहति । तेनाह “**एवरूपो ही**”तिआदि । **सब्बधम्मेषूति** सब्बेसु तेभूमकधम्मेषु । ते हि सम्मसनीया । **न अज्जन्ति** वेदनाय अज्जं सज्जादिधम्मं अत्तानं न समनुपस्सतीति । “**खन्धलोकादयो**”ति रूपादिधम्मा एव वुच्चन्ति, तेसं समूहोति दस्सेतुं “**रूपादीसु धम्मेषू**”ति वुत्तं । **न उपादियति** दिट्ठितण्हागाहवसेन । “सेय्योहमस्मी”तिआदिना (सं० नि० ४.१०८; महानि० २१, १७८; ध० स० ११२१; विभ० ८३२, ८६६) पवत्तमानमज्जनापि तण्हादिट्ठिमज्जना विय परितस्सनरूपा एवाति आह “**तण्हादिट्ठिमानपरितस्सनायपी**”ति ।

**सा एवं दिट्ठीति** सा अरहतो एवंपकारा दिट्ठीति यो वदेय्य, तदकल्लं, तं न युत्तन्ति अत्थो । **एवमस्स दिट्ठीति** एत्थापि एवंपकारा अस्स अरहतो दिट्ठीतिआदिना योजेतब्बं । **एवहि सतीति** यो वदेय्य “होति तथागतो परं मरणा इतिस्स दिट्ठी”ति, तस्स चे वचनं तथेवाति अत्थो । “**अरहा न किञ्चि जानाती**”ति वुत्तं भवेय्य जानतो तथा दिट्ठिया अभावतो । **तेनेवाति** तथा वत्तुमयुत्तत्ता एव । **चतुन्नम्पि नयानन्ति** “होति तथागतो”तिआदिना आगतानं चतुन्नं वारानं । आदितो तीसु वारेसु सङ्घिपित्वा परियोसानवारे वित्थारितत्ता “**अवसाने तं किस्स हेतू**”तिआदिमाहा”ति वुत्तं । “आदितो तीसु वारेसु तथेव देसना पवत्ता, यथा परियोसानवारे, पाळि पन सङ्घित्ता”ति केचि ।

**वोहारोति** “सत्तो इत्थी पुरिसो”तिआदिना, “खन्धाआयतनानी”तिआदिना, “फस्सो वेदना”तिआदिना च वोहारितब्बवोहारो । तस्स पन वोहारस्स पवत्तिट्ठानं नाम सङ्खेपतो इमे एवाति आह “**खन्धा आयतनानि धातुयो**”ति । यस्मा निब्बानं पुब्बभागे सङ्खारानं निरोधभावेनेव पज्जापियति च, तस्मा तस्सापि खन्धमुखेन अवचरितब्बता लब्भतीति “**पज्जाय अवचरितब्बं खन्धपञ्चक**”न्ति वुत्तं । तेनाह भगवा “इमस्मिंयेव ब्याममत्ते कळेवरे ससज्जिम्हि समनके लोकञ्च पज्जपेमि लोकसमुदयञ्च लोकनिरोधञ्च लोकनिरोधगामिनिञ्च पटिपद”न्ति । (सं० नि० १.१०७; अ० नि० ४.४५) **पज्जावचरन्ति** वा तेभूमकधम्मानमेतं गहणन्ति “**खन्धपञ्चक**”न्तेव वुत्तं, तस्मा “यावता पज्जा”ति एत्थापि लोकियपज्जाय एव गहणं दट्ठब्बं । वट्टकथा हेसाति । तथा हि “यावता वट्टं वट्टति” इच्चेव वुत्तं । तेनेवाह “तन्ताकुलकपदस्सेव अनुसन्धि दस्सितो”ति । यस्मा भगवा दिट्ठिसीसेनेत्थ वट्टकथं कथेत्वा यथानुसन्धिनापि वट्टकथं कथेसि, तस्मा “**तन्ताकुलकपदस्सेव अनुसन्धि दस्सितो**”ति सावधारणं कत्वा वुत्तं । पटिच्चसमुप्पादकथा पनेत्थ



यावदेव तस्स गम्भीरभावविभावनत्थाय वित्थारिता, विवट्ठकथापि समाना इध पच्चामट्ठाति दट्ठब्बं ।

### सत्तविज्जाणट्ठितिवण्णना

१२७. गच्छन्तो गच्छन्तोति समथपटिपत्तियं सुप्पतिट्ठितो हुत्वा विपस्सनागमनेन, मग्गगमनेन च गच्छन्तो गच्छन्तो । उभोहि भागेहि मुच्चनतो उभतोभागविमुत्तो नाम होति । सो “एवं असमनुपस्सन्तो”ति वुत्तो विपस्सनायानिकोति कत्वा “यो च न समनुपस्सतीति वुत्तो सो यस्मा गच्छन्तो गच्छन्तो पज्जाविमुत्तो नाम होती”ति वुत्तं । हेट्ठा वुत्तानन्ति “कित्तावता च, आनन्द, अत्तानं न पज्जपेन्तो न पज्जापेती”तिआदिना (दी० नि० २.११९), “यतो खो, आनन्द, भिक्खु नेव वेदनं अत्तानं समनुपस्सती”तिआदिना (दी० नि० २.१२५ आदयो) च हेट्ठा पाळियं आगतानं द्विन्नं पुथुज्जनभिक्खून् । निगमनन्ति निस्सरणं । नामन्ति पज्जाविमुत्तादिनामं ।

पटिसन्धिवसेन वुत्ताति नानत्तकायनानत्तसज्जिताविसेसविसिद्धपटिसन्धिवसेन वुत्ता सत्त विज्जाणट्ठितियो । तंतंसत्तनिकायं पति निस्सयतो हि नानत्तकायादिता तंपरियापन्नपटिसन्धिसमुदागताति दट्ठब्बा तदभिनिब्बत्तककम्मभवस्स तथा आयूहितत्ता । चतस्सो आगमिस्सन्तीति रूपवेदनासज्जासङ्खारक्खन्धवसेन चतस्सो विज्जाणट्ठितियो आगमिस्सन्ति “रूपुपायं वा आवुसो विज्जाणं तिट्ठमानं तिट्ठती”तिआदिना (दी० नि० ३.३११) । विज्जाणपटिट्ठानस्साति पटिसन्धिविज्जाणस्स एतरहि पटिट्ठानकारणस्स । अत्थतो वुत्तविसेसविसिद्धा पच्चवोकारे रूपवेदनासज्जासङ्खारक्खन्धा, चतुवोकारे वेदनादयो तयो खन्धा वेदितब्बा । सत्तावासभावं उपादाय “द्वे च आयतनानीति द्वे निवासट्ठानानी”ति वुत्तं । निवासट्ठानपरियायोपि आयतनसद्वो होति यथा “देवायतनद्वय”न्ति । सज्जन्ति विज्जाणट्ठिति आयतनद्वयन्ति सकलं । तस्मा गहितं तत्थ एकमेव अगगहेत्वाति अधिप्पायो । परियादानं अनवसेसगगहणं न गच्छति वट्ठं विज्जाणट्ठिति आयतनद्वयानं अज्जमज्जअन्तोगधत्ता ।

निदस्सनत्थे निपातो, तस्मा सेय्यथापि मनुस्साति यथा मनुस्साति वुत्तं होति । विसेसो होतियेव सतिपि बाहिरस्स कारकस्स अभेदे अज्झत्तिकस्स भिन्नत्ता । नानत्तं काये एतेसं, नानत्तो वा कायो एतेसन्ति नानत्तकाया, इमिना नयेन सेसपदेसुपि अत्थो वेदितब्बो । नेसन्ति मनुस्सानं । नानत्ता सज्जा एतेसं अत्थीति नानत्तसज्जिनो । सुखसमुस्सयतो विनिपातो एतेसं अत्थीति विनिपातिका सतिपि देवभावे दिब्बसम्पत्तिया अभावतो, अपायेसु वा गतो नत्थि निपातो एतेसन्ति विनिपातिका । तेनाह “चतुअपायविनिमुत्ता”ति । धम्मपदन्ति सतिपट्ठानादिधम्मकोट्टासं । विजानियाति सुतमयेन ताव जाणेन विजानित्वा । तदनुसारेण योनिमनसिकारं परिबूहन्तो सीलविसुद्धिआदिकं सम्पापटिपत्तिं अपि पटिपज्जेम । सा च पटिपत्ति हिताय दिट्ठधम्मिकादिसकलहिताय अम्हाकं सिया । इदानी तत्थ सीलपटिपत्तिं ताव विभागेन दस्सेन्तो “पाणेषु चा”ति गाथमाह ।

ब्रह्मकाये पठमज्झाननिब्बत्ते ब्रह्मसमूहे, ब्रह्मनिकाये वा भवाति ब्रह्मकायिका । महाब्रह्मनो परिसाय भवाति ब्रह्मपारिसज्जा तस्स परिचारकट्ठाने ठितत्ता । महाब्रह्मनो पुरोहितट्ठाने ठिताति ब्रह्मपुरोहिता । आयुवण्णादीहि महन्तो ब्रह्मानोति महाब्रह्मनो । सतिपि तेसं तिविधानम्पि पठमेन ज्ञानेन अभिनिब्बत्तभावे ज्ञानस्स पन पवत्तिभेदेन अयं विसेसोति दस्सेतुं “ब्रह्मपारिसज्जा पना”तिआदि वुत्तं । परित्तेनाति हीनेन, सा चस्स हीनता छन्दादीनं हीनताय वेदितब्बा, पटिलद्धमत्तं वा हीनं । कप्पस्साति असङ्ख्येय्यकप्पस्स । हीनपणीतानं मज्झे भवत्ता मज्झिमेन, सा चस्स मज्झिमता छन्दादीनं मज्झिमताय वेदितब्बा, पटिलभित्वा नातिसुभावितं वा मज्झिमं । उपट्ठकप्पोति असङ्ख्येय्यकप्पस्स उपट्ठकप्पो । विष्फारिकतरोति ब्रह्मपारिसज्जेहि पमाणतो विपुलतरो, सभावतो उच्चारतरो च होति । सभावेनपि हि

उळारतरोव, तं पनेत्थ अप्पमाणं । तथा हि परित्ताभादीनं, परित्तसुभादीनञ्च काये सतिपि सभाववेमत्ते एकत्तवसेनेव ववत्थापीयतीति “एकत्तकाया” त्वेव वुच्चन्ति । **पणीतेनाति** उक्कट्टेन, सा चस्स उक्कट्टता छन्दादीनं उक्कट्टताय वेदितब्बा, सुभावितं वा सम्मदेव वसिभावं पापितं **पणीतं** पधानभावं नीतन्ति कत्वा, इधापि कप्पो असङ्ख्येय्यकप्पवसेनेव वेदितब्बो परिपुण्णस्स महाकप्पस्स असम्भवतो । **इतीति** एवं वुत्तप्पकारेन । तेति “ब्रह्मकायिका”ति वुत्ता तिविधापि ब्रह्मानो । **सञ्जाय एकत्ताति** तिहेतुकभावेन सञ्जाय एकत्तसभावत्ता । न हि तस्सा सम्पयुत्तधम्मवसेन अञ्जोपि कोचि भेदो अत्थि ।

एवन्ति इमिना नानत्तकायएकत्तसञ्जिनोति दस्सेति ।

**दण्डउक्कायाति** दण्डदीपिकाय । **सरतीति** धावति विय । **विस्सरतीति** विप्पकिण्णा विय धावति । द्वे **कप्पाति** द्वे महाकप्पा । इतो परेसुपि एसेव नयो । **इधाति** इमस्मिं सुत्ते । **उक्कट्टपरिच्छेदवसेन** आभस्सरग्गहणेनेव **सब्बेपि** ते परित्ताभा, अप्पमाणाभापि **गहिता** ।

सोभना पभा सुभा, सुभाय किण्णा सुभाकिण्णाति वत्तब्बे आ-कारस्स रस्सत्तं, अन्तिम-ण-कारस्स ह-कारञ्च कत्वा “**सुभकिण्हा**”ति वुत्ता, **अट्टकथायंपन** निच्चलाय एकघनाय पभाय सुभोति परियायवचनन्ति “**सुभेन ओकिण्णा विकिण्णा**”ति अत्थो वुत्तो, एत्थापि अन्तिम-ण-कारस्स ह-कारकरणं इच्छितब्बमेव । **न छिज्जित्वा छिज्जित्वा पभा गच्छति** एकघनत्ता । **चतुत्थविज्जाणट्ठितिमेव भजन्ति** कायस्स, सञ्जाय च एकरूपत्ता । विपुलसन्तसुखायुवण्णादिफलत्ता **वेहप्फला** । **एत्थाति** विज्जाणट्ठितियं ।

**विवट्टपक्खे ठिता** नपुनरावत्तनतो । “**न सब्बकालिका**”ति वत्वा तमेव असब्बकालिकत्तं विभावेतुं “**कप्पसतसहस्सम्पी**”तिआदि वुत्तं । सोळसकप्पसहस्सच्चयेन उप्पन्नानं सुद्धावासब्रह्मानं परिनिब्बायनतो, अञ्जेसञ्च तत्थ अनुप्पज्जनतो **बुद्धसुञ्जे लोके** सुञ्जं तं ठानं होति, तस्मा सुद्धावासा न सब्बकालिका, **खन्धावारट्टानसदिसा** होन्ति सुद्धावासभूमियो । **इमिना सुत्तेन** सुद्धावासानं सत्तावासभावदीपनेनेव विज्जाणट्ठितिभावो दीपितो, तस्मा **सुद्धावासापि** सत्तसु विज्जाणट्ठितीसु **चतुत्थविज्जाणट्ठितिं** नवसु सत्तावासेसु **चतुत्थसत्तावासंयेव भजन्ति** ।

**सुखुमत्ताति** सङ्खारावसेससुखुमभावप्पत्तत्ता । परिव्यत्तविज्जाणकिच्चाभावतो **नेव विज्जाणं**, सब्बसो अविज्जाणं न होतीति **नाविज्जाणं**, तस्मा परिप्फुटविज्जाणकिच्चवन्तीसु **विज्जाणट्ठितीसु अवत्वा** ।

**१२८. तञ्च विज्जाणट्ठितिन्ति** पठमं विज्जाणट्ठितिं । हेट्ठा वुत्तनयेन सरूपतो, मनुस्सादिविभागतो, सङ्खेपतो, “**नामञ्च रूपञ्चा**”ति भेदतो च **पजानाति** । तस्सा **समुदयञ्चाति** तस्सा पठमाय विज्जाणट्ठितिया पञ्चवीसतिविधं समुदयञ्च **पजानाति** । **अत्थङ्गमेपि** एसेव नयो । अस्सादेतब्बतो, अस्सादतो च **अस्सादं** । **अयं** अनिच्चादिभावो **आदीनवो** । छन्दरागो विनीयति एतेन, एत्थ वाति **छन्दरागविनयो**, सह मग्गेन निब्बानं । **छन्दरागप्पहानन्ति** एत्थापि एसेव नयो । मानदिट्ठीनं वसेनाहन्ति वा, तण्हावसेन ममन्ति वा अभिनन्दनापि मानस्स परितस्सना विय दट्टब्बा । **सब्बत्थाति** सब्बेसु सेसेसु अट्टसुपि वारेसु । **तत्थाति** उपरि तीसु विज्जाणट्ठितीसु दुतियायतनेसु । तत्थ हि रूपं नत्थि । पुन **तत्थाति** पठमायतने । तत्थ हि एको रूपक्खन्धोव । **एत्थाति** च तमेव सन्धाय वुत्तं । तत्थ हि रूपस्स कम्मसमुद्धानत्ता आहारवसेन योजना न सम्भवति ।

यतो खोति एत्थ तो-सद्धो दा-सद्धो विय कालवचनो “यतो खो, सारिपुत्त, भिक्खुसङ्घो”ति आदीसु (पारा० २१) वियाति वुत्तं “यदा खो”ति। अग्गहेत्वाति कञ्चिपि सङ्घारं “एतं ममा”ति आदिना अग्गहेत्वा। पञ्जाविमुत्तोति अट्टन्नं विमोक्खानं अनधिगतत्ता सातिसयस्स समाधिबलस्स अभावतो पञ्जाबलेनेव विमुत्तो। तेनाह “अट्ट विमोक्खे असच्छिकत्वा पञ्जाबलेनेवा”ति आदि। अप्पवत्तिन्ति आयतिं अप्पवत्तिं कत्वा। पजानन्तो विमुत्तोति वा पञ्जाविमुत्तो, पठमज्झानफस्सेन विना परिजाननादिप्पकारेहि चत्तारि सच्चानि जानन्तो पटिविज्झन्तो तेसं किच्चानं मत्थकप्पत्तिया निट्ठितकिच्चताय विसेसेन मुत्तोति विमुत्तो। सो पञ्जाविमुत्तो। सुक्खविपस्सकोति समथभावनासिनेहाभावेन सुक्खा लूखा, असिनिद्धा वा विपस्सना एतस्साति सुक्खविपस्सको। ठत्वाति पादककरणवसेन ठत्वा। अज्जतरस्मिन्ति च अज्जतरअज्जतरस्मिं, एकेकस्मिन्ति अत्थो। एवज्जिस्स पञ्चविधता सिया। “न हेव खो अट्ट विमोक्खे कायेन फुसित्वा विहरती”ति इमिना सातिसयस्स समाधिबलस्स अभावो दीपितो। “पञ्जाय चस्स दिस्वा”ति आदिना सातिसयस्स पञ्जाबलस्स भावो। पञ्जाय चस्स दिस्वा आसवा परिकखीणा होन्तीति न आसवा पञ्जाय पस्सन्ति, दस्सनकारणा पन परिकखीणा “दिस्वा परिकखीणा”ति वुत्ता। दस्सनायत्तपरिकखयत्ता एव हि दस्सनं आसवानं खयस्स पुरिमकिरिया होति।

### अट्टविमोक्खवण्णना

१२९. एकस्स भिक्खुनोति सत्तसु अरियपुग्गलेसु एकस्स भिक्खुनो। विज्जाणट्ठिति आदिना परिजाननादिवसप्प वत्तनिग्गमनञ्च पञ्जाविमुत्तनामञ्च। इतरस्साति उभतोभागविमुत्तस्स। इमे सन्धाय हि पुब्बे “द्विन्नं भिक्खून्”न्ति वुत्तं। केनट्ठेनाति केन सभावेन। सभावो हि जाणेन याथावतो अरणीयतो जातब्बतो “अत्थो”ति वुच्चति, सो एव त्थ-कारस्स ट्ठ-कारं कत्वा “अट्टो”ति वुत्तो। अधिमुच्चनट्ठेनाति अधिकं सविसेसं मुच्चनट्ठेन, एतेन सतिपि सब्बस्सापि रूपावचरज्झानस्स विक्खम्भनवसेन पटिपक्खतो विमुत्तभावे येन भावनाविसेसेन तं ज्ञानं सातिसयं पटिपक्खतो विमुच्चित्वा पवत्तति, सो भावनाविसेसो दीपितो। भवति हि समानजातियुत्तोपि भावनाविसेसेन पवत्तिआकारविसेसो, यथा तं सद्धाविमुत्तता दिट्ठिप्पत्तस्स। तथा पच्चनीकधम्मोहि सुट्ठु विमुत्तताय, एवं अनिग्गहितभावेन निरासङ्कताय अभिरतिवसेन सुट्ठु अधिमुच्चनट्ठेनपि विमोक्खो। तेनाह “आरम्माणे चा”ति आदि। अयं पनत्थोति अयं अधिमुच्चनट्ठो पच्छिमे विमोक्खे निरोधे नत्थि, केवलो विमुत्तट्ठो एव तत्थ लब्धति, तं सयमेव परतो वक्खति।

रूपीति येनायं ससन्ततिपरियापन्नेन रूपेण समन्नागतो, तं यस्स ज्ञानस्स हेतुभावेन विसिट्ठं रूपं होति, येन विसिट्ठेन रूपेण “रूपी”ति वुच्चेय्य रूपी-सद्धस्स अतिसयत्थदीपनतो, तदेव ससन्ततिपरियापन्नरूपवसेन पटिलद्धं ज्ञानं इध परमत्थतो रूपीभावसाधकन्ति दट्ठब्बं। तेनाह “अज्झत्त”न्ति आदि। रूपज्झानं रूपं उत्तरपदलोपेन। रूपानीति पनेत्थ पुरिमपदलोपो दट्ठब्बो। तेन वुत्तं “नीलकसिणादिरूपानी”ति। रूपे कसिणरूपे सज्जा रूपसज्जा, सा एतस्स अत्थीति रूपसज्जी, सज्जासीसेन ज्ञानं वदति। तप्पटिक्खेपेन अरूपसज्जी। तेनाह “अज्झत्तं न रूपसज्जी”ति आदि।

“अन्तो अप्पनायं सुभन्ति आभोगो नत्थी”ति इमिना पुब्बाभोगवसेन तथा अधिमुत्ति सियाति दस्सेति। एवज्हेत्थ तथावत्तब्बतापत्तिचोदना समत्थिता होति। यस्मा सुविसुद्धेसु नीलादीसु वण्णकसिणोसु तत्थ कताधिकारानं अभिरतिवसेन सुट्ठु अधिमुच्चनट्ठो सम्भवति, तस्मा अट्टकथायं तथा ततियो विमोक्खो संवण्णितो, यस्मा पन मेत्तावसेन पवत्तमाना भावना सत्ते अप्पटिकूलतो दहन्ति तेसु ततो अधिमुच्चित्वाव पवत्तति, तस्मा पटिसम्भिदामग्गे (पटि० म० २१२) “ब्रह्मविहारभावना सुभविमोक्खो”ति वुत्ता, तयिदं उभयम्पि तेन तेन परियायेन वुत्तत्ता न विरुज्झतीति दट्ठब्बं।

सब्बसोति अनवसेसतो । न हि चतुन्नं अरूपक्खन्धानं एकदेसोपि तत्थ अवस्सिस्सति । विसुद्धत्ताति यथापरिच्छिन्नकाले निरोधितत्ता । उत्तमो विमोक्खो नाम अरियेहेव समापज्जितब्बतो, अरियफलपरियोसानत्ता दिट्ठेव धम्मो निब्बानप्पत्तिभावतो च ।

१३०. आदितो पट्टायाति पठमसमापत्तितो पट्टाय । याव परियोसाना समापत्ति, ताव । अट्टत्वाति कत्थचि समापत्तियं अट्टितो एव, निरन्तरमेव पटिपाटिया, उप्पटिपाटिया च समापज्जतेवाति अत्थो । तेनाह “इतो चितो च सञ्चरणवसेन वुत्त”न्ति । इच्छति समापज्जितुं । तत्थ “समापज्जति पविसती”ति समापत्तिसमङ्गीपुग्गलो तं तं पविट्ठो विय होतीति कत्वा वुत्तं ।

द्वीहि भागेहि विमुत्तोति अरूपज्झानेन विक्खम्भनविमोक्खेन, मग्गेन समुच्छेदविमोक्खेनाति द्वीहि विमुच्चनभागेहि, अरूपसमापत्तिया रूपकायतो, मग्गेन नामकायतोति द्वीहि विमुच्चितब्बभागेहि च विमुत्तो । तेनाह “अरूपसमापत्तिया”तिआदि । विमुत्तोति हि किलेसेहि विमुत्तो, विमुच्चन्तो च किलेसानं विक्खम्भनसमुच्छिन्दनेहि कायद्वयतो विमुत्तोति अयमेत्थ अत्थो । गाथाय च आकिञ्चज्जायतनलाभिनो उपसिवब्राह्मणस्स भगवता “नामकाया विमुत्तो”ति उभतोभागविमुत्तो मुनि अक्खातो । तत्थ अत्थं पलेतीति अत्थं गच्छति । न उपेति सङ्गन्ति “असुकं नाम दिसं गतो”ति वोहारं न गच्छति । एवं मुनि नामकाया विमुत्तोति एवं अरूपं उपपन्नो सेक्खमुनि पकतिया पुब्बेव रूपकाया विमुत्तो, तत्थ च चतुत्थमगं निब्बत्तेत्वा नामकायस्स परिज्जातत्ता पुन नामकायापि विमुत्तो । उभतोभागविमुत्तो खीणासवो हुत्वा अनुपादाय परिनिब्बानसङ्घातं अत्थं पलेति न उपेति सङ्गं, “खत्तियो ब्राह्मणो”ति एवं आदिकं समञ्जं न गच्छतीति अत्थो ।

“अञ्जतरतो वुट्ठाया”ति इदं किं आकासानज्जायतनादीसु अञ्जतरलाभीवसेन वुत्तं, उदाहु सब्बारुप्पलाभीवसेनाति यथिच्छसि, तथा होतु, यदि सब्बारुप्पलाभीवसेन वुत्तं, न कोचि विरोधो । अथ तत्थ अञ्जतरलाभीवसेन वुत्तं, “यतो खो, आनन्द, भिक्खु इमे अट्ठ विमोक्खे अनुलोमप्पि समापज्जती”तिआदिवचनेन विरुज्झेय्याति? यस्मा अरूपावचरज्झानेसु एकस्सापि लाभी “अट्ठविमोक्खलाभी” त्वेव वुच्चति अट्ठविमोक्खे एकदेसस्सापि तं नामदानसमत्थतासम्भवतो । अयञ्चि अट्ठविमोक्खसमञ्जा समुदाये विय तदेकदेसेपि निरुल्लापत्तिसमञ्जा वियाति । तेन वुत्तं “आकासानज्जायतनादीसु अञ्जतरतो वुट्ठाया”ति । “पञ्चविधो होती”ति वत्वा छब्बिधतंपिस्स केचि परिकप्पेन्ति, तं तेसं मतिमत्तं, निच्छितोवायं पज्जो पुब्बाचरियेहीति दस्सेतुं “केचि पना”तिआदि वुत्तं । तत्थ केचीति उत्तरविहारवासिनो, सारसमासाचरिया च । ते हि “उभतोभागविमुत्तोति उभयभागविमुत्तो समाधिपिपस्सनातो”ति वत्वा रूपावचरसमाधिनापि समाधिपरिपन्थतो विमुत्तिं मज्जन्ति । एवं रूपज्झानभागेन, अरूपज्झानभागेन च उभतो विमुत्तोति पायसमानो । “तादिसमेवा”ति इमिना यादिसं अरूपावचरज्झानं किलेसविक्खम्भने, तादिसं रूपावचरचतुत्थज्झानं पीति इममत्थं उल्लङ्गेति । तेनाह “तस्मा”तिआदि ।

उभतोभागविमुत्तपज्जोति उभतोभागविमुत्तस्स छब्बिधतं निस्साय उप्पन्नपज्जो । वण्णनं निस्सायाति तस्स पदस्स अत्थवचनं निस्साय । चिरेनाति थेरस्स अपरभागे चिरेन कालेन । विनिच्छयन्ति संसयछेदकं सन्निट्ठानं पत्तो । तं पज्हन्ति तमत्थं । जातुं इच्छितो हि अत्थो पज्जो । न केनचि सुतपुब्बन्ति केनचि किञ्चि न सुतपुब्बं, इदं अत्थजातन्ति अधिप्पायो । किञ्चापि उपेक्खासहगतं, किञ्चापि किलेसे विक्खम्भेतीति पच्चेकं किञ्चापि-सद्दो योजेतब्बो । समुदाचरतीति पवत्तति । तत्थ कारणमाह “इमे ही”तिआदिना, तेन रूपावचरभावनतो आरुप्पभावना सविसेसं किलेसे विक्खम्भेति रूपविरागभावनाभावतो, उपरिभावनाभावतो चाति दस्सेतीति । एवञ्च कत्वा अट्ठकथायं आरुप्पभावनानिद्देसे यं वुत्तं

“तस्सेवं तस्मिं निमित्ते पुनप्पुनं चित्तं चारेन्तस्स नीवरणानि विक्खम्भन्ति सति सन्तिट्ठती”तिआदि, (विसुद्धि० १.२८१) तं समत्थतं होतीति । इदं सुत्तन्ति पुग्गलपञ्चत्तिपाठमाह (पु० प० निद्देस २७) । सब्बज्झि बुद्धवचनं अत्थसूचनादिअत्थेन सुत्तन्ति वुत्तो वायमत्थो । यं पन तत्थ वत्तब्बं, तं हेट्ठा वुत्तमेव । अट्ठन्नं विमोक्खानं अनुलोमादितो समापज्जनेन सातिसयं सन्तानस्स अभिसङ्खत्तत्ता, अट्ठमज्च उत्तमं विमोक्खं पदट्ठानं कत्वा विपस्सनं वट्ठेत्वा अगमग्गाधिगमेन उभतोभागविमुच्चनतो च इमाय उभतोभागविमुत्तिया सब्बसेट्ठता वेदिताति दट्ठब्बा ।

महानिदानसुत्तवण्णनाय लीनत्थप्पकासना ।

### ३. महापरिनिब्बानसुत्तवण्णना

१३१. पूजनीयभावतो, बुद्धसम्पदज्च पहाय पवत्तता महन्तज्च तं परिनिब्बानज्चाति **महापरिनिब्बानं**; सवासनप्पहानतो महन्तं किलेसक्खयं निस्साय पवत्तं परिनिब्बानन्तिपि **महापरिनिब्बानं**; महता कालेन महता वा गुणरासिना साधितं परिनिब्बानन्तिपि **महापरिनिब्बानं**; महन्तभावाय, धातूनं बहुभावाय परिनिब्बानन्तिपि **महापरिनिब्बानं**; महतो लोकतो निस्सटं परिनिब्बानन्तिपि **महापरिनिब्बानं**; सब्बलोकासाधारणत्ता बुद्धानं सीलादिगुणेहि महतो बुद्धस्स भगवतो परिनिब्बानन्तिपि **महापरिनिब्बानं**; महति सासने पतिट्ठिते परिनिब्बानन्तिपि **महापरिनिब्बानन्ति** बुद्धस्स भगवतो परिनिब्बानं वुच्चति, तप्पटिसंयुत्तं सुत्तं **महापरिनिब्बानसुत्तं** । गिज्झा एत्थ वसन्तीति **गिज्झं**, गिज्झं कूटं एतस्साति **गिज्झकूटो**, गिज्झं विय वा **गिज्झं**, कूटं, तं एतस्साति **गिज्झकूटो**, पब्बतो, तस्मिं **गिज्झकूटे** । तेनाह “**गिज्झा**”तिआदि । **अभियातुकामो**ति एत्थ अभि-सद्दो अभिभवनत्थो, “अभिविजानातू”तिआदीसु (दी० नि० २.२४४; ३.८५; म० नि० ३.२५६) वियाति आह “अभिभवनत्थाय यातुकामो”ति । **वज्जिराजानो**ति “वज्जेतब्बा इमे”तिआदितो पवत्तं वचनं उपादाय “वज्जी”ति लद्धनामा राजानो, वज्जीरट्ठस्स वा राजानो **वज्जिराजानो** । वज्जिरट्ठस्स पन वज्जिसमज्जा तन्निवासिराजकुमारवसेन वेदितब्बा । **राजिद्धिया**ति राजभावानुगतेन सभावेन । सो पन सभावो नेसं गणराजूनं मिथो सामगिया लोके पाकटो, चिरट्ठायी च अहोसीति “**समग्गभावं कथेसी**”ति वुत्तं । अनु अनु तंसमङ्गिनो भावेति वट्ठेतीति अनुभावो, अनुभावो एव **आनुभावो**, पतापो, सो पन नेसं पतापो हत्थिअस्सादिवाहनसम्पत्तिया, तत्थ च सुसिक्खितभावेन लोके पाकटो जातोति “**एतेन...पे०... कथेसी**”ति वुत्तं । **ताळच्छिग्गलेना**ति कुञ्चिकाछिद्देन । **असनन्ति** सरं । **अतिपातयिस्सन्तीति** अतिक्कामेन्ति । **पोद्धानुपोद्धन्ति** पोद्धस्स अनुपोद्धं, पुरिमसरस्स पोद्धपदानुगतपोद्धं इतरं सरं कत्वाति अत्थो । **अविराधितन्ति** अविरज्झितं । **उच्छिन्दिस्सामीति** उम्मूलनवसेन कुलसन्ततिं छिन्दिस्सामि । अयनं वट्ठनं **अयो**, तप्पटिक्खेपेन **अनयो**ति आह “अवट्ठिया एतं नाम”न्ति । **विक्खिपतीति** विदूरतो खिपति, अपनेतीति अत्थो ।

गङ्गायन्ति गङ्गासमीपे । **पट्टनगामन्ति** सकटपट्टनगामं । **आणाति** आणा वत्तति । **अट्ठयोजनन्ति** च तस्मिं पट्टने अट्ठयोजनट्ठानवासिनो सन्धाय वुत्तं । **तत्राति** तस्मिं पट्टने । **बलवाघातजातोति** उप्पन्नबलवकोधो ।

मेति मय्हं । गतेनाति गमनेन ।

### राजअपरिहानियधम्मवण्णना

१३४. सीतं वा उण्हं वा नत्थि, तायं वेलायं पुज्जानुभावेन बुद्धानं सब्बकालं समसीतुण्हाव उतु होति, तं सन्धाय तथा वुत्तं । **अभिण्हं सन्निपाताति** निच्चसन्निपाता, तं पन निच्चसन्निपाततं दस्सेतुं “**दिवसस्सा**”तिआदि वुत्तं ।

सन्निपातबहुलाति पचुरसन्निपाता । वोसानन्ति सङ्कोचं । “यावकीव”न्ति एकमेवेतं पदं अनियमतो परिमाणवाची, कालो चेत्थ अधिप्पेतोति आह “यत्तकं काल”न्ति । “वुद्धियेवा”ति आदिना वुत्तमत्थं व्यतिरेकमुखेन दस्सेतुं “अभिण्हं असन्निपतन्ता ही”ति आदि वुत्तं । आकुलाति खुभिता, न पसन्ना । भिज्जित्वाति वग्गबन्धतो विभज्ज विसुं विसुं हुत्वा ।

सन्निपातभेरियाति सन्निपातारोचनभेरिया । अड्ढुत्ता वाति सामिभुत्ता च । ओसीदमानेति हायमाने ।

पुब्बे अकतन्ति पुब्बे अनिब्बत्तं । सुङ्गन्ति भण्डं गहेत्वा गच्छन्तोहि पब्बतखण्ड नदीतिथगामद्वारादीसु राजपुरिसानं दातब्बभागं । बलन्ति निष्फन्नसस्सादितो छभागं, सत्तभागन्ति आदिना लद्धकरं । दण्डन्ति दसवीसतिकहापणादिकं अपराधानुरूपं गहेतब्बधनदण्डं । वज्जिधम्मन्ति वज्जिराजधम्मं । इदानि अपज्जत्तपज्जापनादीसु तप्पटिक्खेप आदीनवानिसंसे वित्थारतो दस्सेतुं “तेसं अपज्जत्त”न्ति आदि वुत्तं । पारिचरियक्खमाति उपट्टानक्खमा ।

कुलभोगइस्सरियादिवसेन महती मत्ता पमाणं एतेसन्ति महामत्ता, नीतिसत्थविहिते विनिच्छये ठपिता महामत्ता विनिच्छयमहामत्ता, तेसं । देन्तीति निय्यातेन्ति । सचे चोरोति एवंसज्जिनो सचे होन्ति । पापभीरुताय अत्तना किज्जि अवत्ता । दण्डनीतिसज्जिते वोहारे नियुत्ताति वोहारिका, ये “धम्मट्ठा”ति वुच्चन्ति । सुत्तधरा नीतिसुत्तधरा, ईदिसे वोहारविनिच्छये नियमेत्वा ठपिता । परम्पराभतेसु अट्टसु कुलेसु जाता अगतिगमनविरता अट्टमहल्लकपुरिसा अट्टकुलिका ।

सक्कारन्ति उपकारं । गरुभावं पच्चुपट्टपेत्वाति “इमे अम्हाकं गरुनो”ति तत्थ गरुभावं पति पति उपट्टपेत्वा । मानेन्तीति सम्मानेन्ति, तं पन सम्माननं तेसु नेसं अत्तमनतापुब्बकन्ति आह “मनेन पियायन्ती”ति । निपच्चकारन्ति पणिपातं । दस्सेन्तीति “इमे अम्हाकं पितामहा, मातामहा”ति आदिना नीचचित्ता हुत्वा गरुचित्ताकारं दस्सेन्ति । सन्धारेतुन्ति सम्बन्धं अविच्छिन्नं कत्वा घटेतुं ।

पसह्हाकारस्साति बलक्कारस्स । कामं वुद्धिया पूजनीयताय “वुद्धिहानियो”ति वुत्तं, अत्थो पन वुत्तानुक्कमेनेव योजेतब्बो, पाळियं वा यस्मा “वुद्धियेव पाटिकङ्का, नो परिहानी”ति वुत्तं, तस्मा तदनुक्कमेन “वुद्धिहानियो”ति वुत्तं ।

विपच्चित्तुं अलद्धोकासे पापकम्मे, तस्स कम्मस्स विपाके वा अनवसरोव देवतोपसग्गो, तस्मिं पन लद्धोकासे सिया देवतोपसग्गस्स अवसरोति आह “अनुप्पन्नं... पे०... वट्ठेन्ती”ति । एतेनेव अनुप्पन्नं सुखन्ति एत्थापि अत्थो वेदितब्बो । “बलकायस्स दिगुणतिगुणतादस्सनं, पटिभयभावदस्सनं”न्ति एवं आदिना देवतानं सङ्गामसीसे सहायता वेदितब्बा ।

अनिच्छित्तन्ति अनिट्ठं । आवरणतोति निसेधनतो । यस्स धम्मतो अनपेता धम्मियाति इध “धम्मिका”ति वुत्ता । मिगसूकरादिघाताय सुनखादीनं कट्ठित्वा वनचरणं वाजो, मिगवा, तत्थ नियुत्ता, ते वा वाजेन्ति नेन्तीति वाजिका, मिगवधचारिनो । चित्तप्पवत्तिं पुच्छति । कायिकवाचसिकपयोगेन हि सा लोके पाकटा पकासभूताति ।

१३५. देवायतनभावेन चित्तता, लोकस्स चित्तीकारट्टानत्ता च चेतियं अहोसि ।

कामंकारवसेन किज्जिपि न करणीयाति अकरणीया । कामंकारो पन हत्थगतकरणवसेनाति आह “अग्गहेतब्बाति अत्थो”ति । अभिमुखयुद्धेनाति अभिमुखं उज्जुक्कमेव सङ्गामकरणेन । उपलापनं सामं दानज्वाति दस्सेतुं “अल”न्ति आदि वुत्तं । भेदोपि इध उपायो एवाति वुत्तं “अज्जत्र मिथुभेदाया”ति । युद्धस्स पन अनुपायता पगेव पकासिता । इदन्ति

“अञ्जत्र उपलापनाय, अञ्जत्र मिथुभेदा”ति च इदं वचनं । कथाय नयं लभित्वाति “यावकीवञ्च...पे०... नो परिहानी”ति इमाय भगवतो कथाय नयं उपायं लभित्वा ।

अनुकम्पायाति वज्जिराजेसु अनुगहेन । अस्साति भगवतो ।

कथन्ति वज्जीहि सद्धिं कातब्बयुद्धकथं । उज्जुं करिस्सामीति पटिराजानो आनेत्वा पाकारपरिखानं अञ्जथाभावापादनेन उज्जुभावं करिस्सामि ।

पतिट्टितगुणोति पतिट्टिताचरियगुणो । इस्सरा सन्निपतन्तु, मयं अनिस्सरा, तत्थ गन्त्वा किं करिस्सामाति लिच्छविनो न सन्निपत्तिसूति योजना । सूरा सन्निपतन्तूति एत्थापि एसेव नयो ।

बलभेरिन्ति युद्धाय बलकायस्स उट्टानभेरिं ।

### भिक्षुअपरिहानियधम्मवण्णना

१३६. अपरिहानाय हिताति अपरिहानिया, न परिहायन्ति एतेहीति वा अपरिहानिया, ते पन यस्मा अपरिहानिया कारका नाम होन्ति, तस्मा वुत्तं “अपरिहानिकरे”ति । यस्मा पन ते परिहानिकरानं उज्जुपटिपक्खभूता, तस्मा आह “वुद्धिहेतुभूते”ति । यस्मा भगवतो देसना उपरूपरि जाणालोकं पसादेन्ती सत्तानं हृदयन्धकारं विधमति, पकासेतब्बे च अत्थे हत्थतले आमलकं विय सुट्टतरं पाकटे कत्वा दस्सेति, तस्मा वुत्तं “चन्दसहस्सं...पे०... कथयिस्सामी”ति ।

यस्मा भगवा “तस्स ब्राह्मणस्स सम्मुखा वज्जीनं अभिण्हसन्निपातादिपटिपत्तिं कथेन्तोयेव अयं अपरिहानियकथा अनिय्यानिका वट्टनिस्सिता, मय्हं पन सासने तथारूपी कथा कथेतब्बा, सा होति निय्यानिका विवट्टनिस्सिता, याय सासनं मय्हं परिनिब्बानतो परम्पि अद्धनियं अस्स चिरट्टितिक”न्ति चिन्तेसि, तस्मा भिक्षू सन्निपातापेत्वा तेसं अपरिहानिये धम्मे देसेन्तो तेनेव नियामेन देसेसि । तेन वुत्तं “इदं वज्जिसत्तके वुत्तसदिसमेवा”ति । एवं सङ्खेपतो वुत्तमत्थं वित्थारतो दस्सेन्तो “इथापि चा”तिआदिमाह । तत्थ “ततो”तिआदि दिसासु आगतसासने वुत्तं तं कथनं । विहारसीमा आकुला यस्मा, तस्मा उपोसथपवारणा ठिता ।

ओलीयमानकोति पाळितो, अत्थतो च विनस्समानो । उक्खिपापेन्ताति पगुणभावकरणेन, अत्थसंवण्णनेन च पग्गहन्ता ।

सावत्थियं भिक्षू विय पाचित्तियं देसापेतब्बोति (पारा० ५६५ वित्थारवत्थु) । वज्जिपुत्तका विय दसवत्थुदीपनेन (चूळव० ४४६ वित्थारवत्थु) । “गिहिगतानीति गिहिपटिसंयुत्तानी”ति वदन्ति । गिहीसु गतानि, तेहि जातानि गिहिगतानि । धूमकालो एतस्साति धूमकालिकं चितकधूमवूपसमतो परं अप्पवत्तनतो ।

थिरभावप्पत्ताति सासने थिरभावं अनिवत्तितभावं उपगता । थेरकारकेहीति थेरभावसाधकेहि सीलादिगुणेहि असेक्खधम्मेहि । बहू रत्तियोति पब्बजिता हुत्वा बहू रत्तियो जानन्ति । सीलादिगुणेषु पतिट्ठापनमेव सासने परिणायकताति आह “तीसु सिक्खासु पवत्तेन्ती”ति ।

ओवादं न देन्ति अभाजनभावतो । पवेणीकथन्ति आचरियपरम्पराभतं सम्पापटिपत्तिदीपनं धम्मकथं । सारभूतं धम्मपरियायन्ति समथविपस्सनामग्गफलसम्पापनेन सारभूतं बोज्झङ्गकोसल्ल अनुत्तरसीतीभावअधिचित्तसुत्तादिधम्मतन्ति ।

पुनब्भवदानं पुनब्भवो उत्तरपदलोपेन । इतरेति ये न पच्चयवसिका न आमिसचक्खुका, ते न गच्छन्ति तण्हाय वसं ।

आरञ्जकेसूति अरञ्जभागेसु अरञ्जपरियापन्नेसु । ननु यत्थ कत्थचिपि तण्हा सावज्जा एवाति चोदनं सन्धायाह “गामन्तसेनासनेसु ही”तिआदि, तेन “अनुत्तरेसु विमोक्खेसु पिहं उपट्ठापयतो”ति एत्थ वुत्तसिनेहादयो विय आरञ्जकेसु सेनासनेसु सालयता सेवितब्बपक्खिया एवाति दस्सेति ।

अत्तनावाति सयमेव, तेन परेहि अनुस्साहितानं सरसेनेव अनागतानं पेसलानं भिक्खूनं आगमनं, आगतानञ्च फासुविहारं पच्चासिसन्तीति दस्सेति । इमिना नीहारेनाति इमाय पटिपत्तिया । अग्गहितधम्मग्गहणन्ति अग्गहितस्स परियत्तिधम्मस्स उग्गहणं । गहितसज्झायकरणन्ति उग्गहितस्स सुट्ठु अत्थचिन्तनं । चिन्तनत्थो हि सज्झायसदो ।

एन्तीति उपगच्छन्ति । निसीदन्ति आसनपज्जापनादिना ।

१३७. आरमितब्बट्ठेन कम्मं आरामो । कम्मे रता, न गन्थधुरे, वासधुरे वाति कम्मरता, अनुयुत्ताति तप्परभावेन पुनप्पुनं पसुता । इति कातब्बकम्मन्ति तं तं भिक्खूनं कातब्बं उच्चावचकम्मं चीवरविचारणादि । तेनाह “सेय्यथिद”न्तिआदि । उपत्थम्भनन्ति दुपट्ठतिपट्ठादिकरणं । तज्झि पठमपटलादीनं उपत्थम्भनकारणत्ता तथा वुत्तं । यदि एवं कथं अयं कम्मरामता पटिक्खित्ताति आह “एकच्चो ही”तिआदि ।

करोन्तो येवाति यथावुत्ततिरच्छानकथं कथेन्तोयेव । अतिरच्छानकथाभावेपि तस्स तत्थ तप्परभावदस्सनत्थं अवधारणवचनं । परियन्तकारीति सपरियन्तं कत्वा वत्ता । “परियन्तवतिं वाचं भासिता”ति (दी० नि० १.९, १९४) हि वुत्तं । अप्पभस्सो वाति परिमितकथोयेव एकन्तेन कथेतब्बस्सेव कथनतो । समापत्तिसमापज्जनं अरियो तुण्हीभावो ।

निद्दायतियेवाति निद्दोक्कमने अनादीनवदस्सी निद्दायतियेव । इरियापथपरिवत्तनादिना न नं विनोदेति ।

एवं संसट्ठो वाति वुत्तनयेन गणसङ्गणिकाय संसट्ठो एव विहरति ।

दुस्सीला पापिच्छा नामाति सयं निस्सीला असन्तगुणसम्भावनिच्छाय समन्नागतत्ता पापा लामका इच्छा एतेसन्ति पापिच्छा ।

पापपुग्गलेहि मेत्तिकरणतो पापमित्ता । तेहि सदा सह पवत्तनेन पापसहाया । तत्थ निन्नतादिना तदधिमुत्तताय पापसम्पवट्ठा ।

१३८. सद्धा एतेसं अत्थीति सद्धाति आह “सद्धासम्पन्ना”ति । आगमनीयपटिपदाय आगतसद्धा आगमनीयसद्धा, सा सातिसया महाबोधिसत्तानं परोपदेसेन विना सद्धेय्यवत्थुं अविपरीततो ओगाहेत्वा अधिमुच्चनतोति आह



“सब्बञ्जुबोधिसत्तानं होती”ति । सच्चपटिवेधतो आगतसद्भा अधिगमसद्भा सुरबन्धादीनं (दी० नि० अट्ट० ३.११८; ध० प० अट्ट० १.सुप्पबुद्धकुट्टिवत्थु; उदा० अट्ट० ४३) विय । “सम्मासम्बुद्धो भगवा”ति आदिना बुद्धादीसु उपपज्जनकपसादो पसादसद्भा महाकप्पिनराजादीनं (अ० नि० अट्ट० १.१.२३१; ध० प० अट्ट० १.महाकप्पिनत्थेरवत्थु; थेरगा० अट्ट० २.महाकप्पिनत्थेरगाथावण्णना, वित्थारो) विय । “एवमेत”न्ति ओक्कन्तित्वा पक्खन्दित्वा सहहनवसेन कप्पनं ओक्कप्पनं । दुविधापीति पसादसद्भापि ओक्कप्पनसद्भापि । तत्थ पसादसद्भा अपरनेय्यरूपा होति सवनमत्तेन पसीदनतो । ओक्कप्पनसद्भा सद्धेय्यवत्थुं ओगाहेत्वा अनुपविसित्वा “एवमेत”न्ति पच्चक्खं करोन्ती विय पवत्तति । तेनाह “सद्भाधिमुत्तो वक्कलित्थेरसदिसो होती”ति । तस्स हीति ओक्कप्पनसद्भाय समन्नागतस्स । हिरी एतस्स अत्थीति हिरि, हिरि मनो एतेसन्ति हिरिमनाति आह “पाप...पे... चित्ता”ति । पापतो ओत्तप्पेन्ति उब्बिज्जन्ति भायन्तीति ओत्तप्पी ।

बहु सुतं सुत्तगेय्यादि एतेनाति बहुस्सुतो, सुतगगहणं चेत्य निदस्सनमत्तं धारणपरिचयपरिपुच्छानुपेक्खनदिट्ठिनिज्झानानं पेत्य इच्छितब्बत्ता । सवनमूलकत्ता वा तेसम्पि तगगहणेनेव गहणं दट्ठब्बं । अत्थकामेन परियापुणितब्बतो, दिट्ठधम्मिकादिपुरिसत्थसिद्धिया परियत्तभावतो च परियत्ति, तीणि पिटकानि । सच्चपटिवेधो सच्चानं पटिविज्जनं । तदपि बाहुसच्चं यथावुत्तबाहुसच्चकिच्चनिष्फत्तितो । परियत्ति अधिप्पेता सच्चपटिवेधावहेन बाहुसच्चेन बहुस्सुतभावस्स इध इच्छितत्ता । सोति परियत्तिबहुस्सुतो । चतुब्बिधो होति पच्चमस्स पकारस्स अभावतो । सब्बत्थकबहुस्सुतोति निस्सयमुच्चनकबहुस्सुतादयो विय पदेसिको अहुत्वा पिटकत्तये सब्बत्थकमेव बाहुसच्चसम्भावतो सब्बस्स अत्थस्स कायनतो कथनतो सब्बत्थकबहुस्सुतो । ते इध अधिप्पेता पटिपत्तिपटिवेधसद्भम्मानं मूलभूते परियत्तिसद्भम्मे सुप्पतिट्ठितभावतो ।

आरद्धन्ति पग्गहितं । तं पन दुविधम्पि वीरियारम्भविभागेन दस्सेतुं “तत्था”ति आदि वुत्तं । तत्थ एककाति एकाकिनो, वूपकट्टविहारिनाति अत्थो ।

पुच्छित्वाति परतो पुच्छित्वा । सम्पटिच्छापेतुन्ति “त्वं असुकनामो”ति वत्वा तेहि “आमा”ति पटिजानापेतुन्ति अत्थो । एवं चिरकतादिअनुस्सरणसमत्थसतिनेपक्कानं अप्पकसिरेनेव सतिसम्बोज्झङ्गभावनापारिपूरिं गच्छतीति दस्सनत्थं “एवरूपे भिक्खू सन्धाया”ति वुत्तं । तेनेवाह “अपिचा”ति आदि ।

१३९. बुज्झति एतायाति “बोधी”ति लद्धनामाय सम्मादिट्ठिआदिधम्मसामगिया अङ्गोति बोज्झङ्गो, पसत्थो, सुन्दरो वा बोज्झङ्गो सम्बोज्झङ्गो । उपट्टानलक्खणोति कायवेदनाचित्तधम्मनं असुभदुक्खानिच्चानत्तभावसल्ललक्खणसङ्घातं आरम्भणे उपट्टानं लक्खणं एतस्साति उपट्टानलक्खणो । चतुन्नं अरियसच्चानं पीळनादिप्पकारतो विचयो उपपरिक्खा लक्खणं एतस्साति पविचयलक्खणो । अनुप्पन्ना कुसलानुप्पादनादिवसेन चित्तस्स पग्गहो पग्गहणं लक्खणं एतस्साति पग्गहलक्खणो । फरणं विप्फारिकता लक्खणं एतस्साति फरणलक्खणो । उपसमो कायचित्तपरिळाहानं वूपसमनं लक्खणं एतस्साति उपसमलक्खणो । अविकखेपो विक्खेपविद्धंसनं लक्खणं एतस्साति अविकखेपलक्खणो । लीनुद्धच्चरहिते अधिचित्ते पवत्तमाने पग्गहनिग्गहसम्पहंसनेसु अब्यावटत्ता अज्झुपेक्खनं पटिसङ्खानं लक्खणं एतस्साति पटिसङ्खानलक्खणो ।

चतूहि कारणेहीति सतिसम्पज्जं, मुट्ठस्सतिपुग्गलपरिवज्जना, उपट्ठितस्सतिपुग्गलसेवना, तदधिमुत्तताति इमेहि चतूहि कारणेहि । छहि कारणेहीति परिपुच्छकता, वत्थुविसदकिरिया, इन्द्रियसमत्तपटिपादना, दुप्पज्जपुग्गलपरिवज्जना, पज्जवन्तपुग्गलसेवना, तदधिमुत्तताति इमेहि छहि कारणेहि । महासतिपट्टानवण्णनायं पन “सत्तहि कारणेही” (दी० नि०

अट्ट० २.३८५; म० नि० अट्ट० १.११८) वक्खति, तं गम्भीरजाणचरियापच्चवेक्खणाति इमं कारणं पक्खिपित्वा वेदितब्बं। **नवहि कारणेहीति** अपायभयपच्चवेक्खणा, गमनवीथिपच्चवेक्खणा, पिण्डपातस्स अपचायनता, दायज्जमहत्तपच्चवेक्खणा, सत्थुमहत्तपच्चवेक्खणा, सब्रह्मचारीमहत्तपच्चवेक्खणा, कुसीतपुग्गलपरिवज्जना, आरद्धवीरियपुग्गलसेवना, तदधिमुत्तताति इमेहि नवहि कारणेहि। **महासतिपट्टानवण्णनायं** (दी० नि० अट्ट० २.३८५; म० नि० अट्ट० १.११८) पन आनिसंसदस्साविता, जातिमहत्तपच्चवेक्खणाति इमेहि सद्धिं “एकादसा”ति वक्खति। **दसहि कारणेहीति** बुद्धानुस्सति, धम्मनुस्सति, सङ्खसीलचागदेवताउपसमानुस्सति, लूखपुग्गलपरिवज्जना, सिनिद्धपुग्गलसेवना, तदधिमुत्तताति इमेहि दसहि। **महासतिपट्टानवण्णनायं** (दी० नि० अट्ट० २.३८५; म० नि० अट्ट० १.११८) पन पसादनियसुत्तन्तपच्चवेक्खणाय सद्धिं “एकादसा”ति वक्खति। **सत्तहि कारणेहीति** पणीतभोजनसेवनता, उतुसुखसेवनता, इरियापथसुखसेवनता, मज्झत्तपयोगता, सारद्धकायपुग्गलपरिवज्जना, पस्सद्धकायपुग्गलसेवनता, तदधिमुत्तताति इमेहि सत्तहि। **दसहि कारणेहीति** वत्थुविसदकिरिया, इन्द्रियसमत्तपटिपादना, निमित्तकुसलता, समये चित्तस्स पग्गहणं, समये चित्तस्स निग्गहणं, समये चित्तस्स सम्पहंसनं, समये चित्तस्स अज्झुपेक्खनं, असमाहितपुग्गलपरिवज्जनं, समाहितपुग्गलसेवनं, तदधिमुत्तताति इमेहि दसहि कारणेहि। **महासतिपट्टानवण्णनायं** (दी० नि० अट्ट० २.३८५; म० नि० अट्ट० १.११८) पन “ज्ञानविमोक्खपच्चवेक्खणा”ति इमिना सद्धिं “एकादसही”ति वक्खति। **पज्जहि कारणेहीति** सत्तमज्झत्तता, सङ्खारमज्झत्तता, सत्तसङ्खारकेलायनपुग्गलपरिवज्जना, सत्तसङ्खारमज्झत्तपुग्गलसेवना, तदधिमुत्तताति इमेहि पज्जहि कारणेहि। यं पनेत्थ वत्तब्बं, तं **महासतिपट्टानवण्णनायं** (दी० नि० अट्ट० २.३८५; म० नि० अट्ट० १.११८) आगमिस्सति। कामं बोधिपक्खियधम्मा नाम निप्परियायतो अरियमग्गसम्पयुत्ता एव निय्यानिकभावतो। सुत्तन्तदेसना नाम परियायकथाति “इमिना विपस्सना...पे०... कथेसी”ति वुत्तं।

१४०. तेभूमके सङ्खारे “अनिच्चा”ति अनुपस्सति एतायाति **अनिच्चानुपस्सना**, तथा पवत्ता विपस्सना, सा पन यस्मा अत्तना सहगतसज्जाय भाविताय विभाविता एव होतीति वुत्तं “अनिच्चानुपस्सनाय सद्धिं उप्पन्नसज्जा”ति। सज्जासीसेन वायं विपस्सनाय एव निद्वेसो। **अनत्तसज्जादीसुपि** एसेव नयो। **लोकियविपस्सनापि** होन्ति, यस्मा “अनिच्च”न्तिआदिना ता पवत्तन्तीति। **लोकियविपस्सनापीति पि-**सद्देन मिस्सकापेत्थ सन्तीति अत्थतो आपन्नन्ति अत्थापत्तिसिद्धमत्थं निद्धारेत्वा सरूपतो दस्सेतुं “**विरागो**”तिआदि वुत्तं। तत्थ **आगतवसेनाति** तथा आगतपाळिवसेन “**विरागो निरोधो**”ति हि तत्थ निब्बानं वुत्तन्ति इध “**विरागसज्जा, निरोधसज्जा**”ति वुत्तसज्जा निब्बानारम्मणापि सियुं। तेन वुत्तं “**द्वे लोकुत्तरापि होन्ती**”ति।

१४१. मेत्ता एतस्स अत्थीति **मेत्तं**, चित्तं। तंसमुट्ठानं कायकम्मं **मेत्तं कायकम्मं**। एस नयो सेसद्वयेपि। इमानिपि मेत्ताकायकम्मादीनि भिक्खूनं वसेन आगतानि तेसं सेट्ठपरिसभावतो। यथा पन भिक्खूसुपि लब्धन्ति, एवं गिहीसुपि लब्धन्ति चतुपरिससाधारणत्ताति तं दस्सेन्तो “**भिक्खूनज्ही**”तिआदिमाह। कामं आदिब्रह्मचरियकधम्मस्सवनेनपि मेत्ताकायकम्मानि लब्धन्ति, निप्परियायतो पन चारित्तधम्मस्सवनेन अयमत्थो इच्छितोति दस्सेन्तो “**आभिसमाचारिकधम्मपूरण**”न्ति आह। **तेपिटकमि** बुद्धवचनं परिपुच्छनअत्थकथनवसेन पवत्तियमानं हितज्झासयेन पवत्तितब्बतो।

**आवीति** पकासं, पकासभावो चेत्थ यं उद्दिस्स तं कायकम्मं करीयति, तस्स सम्मुखभावतोति आह “**सम्मुखा**”ति। **रहोति** अप्पकासं, अप्पकासता च यं उद्दिस्स तं कायकम्मं करीयति, तस्स पच्चक्खाभावतोति आह “**परम्मुखा**”ति।

सहायभावगमनं तेसं पुरतो । उभयेहीति नवकेहि, थेरेहि च ।

पग्गयाति पग्गण्हित्वा उच्चं कत्वा ।

कामं मेत्तासिनेहसिनिद्धानं नयनानं उम्मीलना, पसन्नेन मुखेन ओलोकनञ्च मेत्तं कायकम्ममेव, यस्स पन चित्तस्स वसेन नयनानं मेत्तासिनेहसिनिद्धता, मुखस्स च पसन्नता, तं सन्धाय वुत्तं “मेत्तं मनोकम्मं नामा”ति ।

लाभसद्वो कम्मसाधनो “लाभावत, लाभो लद्धो”ति आदीसु विय, सो चेत्थ “धम्मलद्धा”ति वचनतो अतीतकालिकोति आह “चीवरादयो लद्धपच्चया”ति । धम्मतो आगताति धम्मिका । तेनाह “धम्मलद्धा”ति । इममेव हि अत्थं दस्सेतुं “कुहनादी”ति आदि वुत्तं । चित्तेन विभजनपुब्बकं कायेन विभजनन्ति मूलमेव दस्सेतुं “एवं चित्तेन विभजन”न्ति वुत्तं, तेन चित्तुप्पादमत्तेनपि पटिविभागो न कातब्बोति दस्सेति । अप्पटिविभत्तन्ति भावनपुंसकनिद्देशो, अप्पटिविभत्तं वा लाभं भुञ्जतीति कम्मनिद्देशो एव ।

तं तं नेव गिहीनं देति अत्तनो आजीवसोधनत्थं । न अत्तना भुञ्जतीति अत्तनाव न परिभुञ्जति “मय्हं असाधारणभोगिता मा होतू”ति । “पटिग्गहन्तो च...पे०... पस्सती”ति इमिना तस्स लाभस्स तीसुपि कालेसु साधारणतो ठपनं दस्सितं । “पटिग्गहन्तो च सङ्गेन साधारणं होतू”ति इमिना पटिग्गहणकालो दस्सितो, “गहेत्वा...पे०... पस्सती”ति इमिना पटिग्गहितकालो, तदुभयं पन तादिसेन पुब्बाभोगेन विना न होतीति अत्थसिद्धो पुरिमकालो । तयिदं पटिग्गहणतो पुब्बे वस्स होति “सङ्गेन साधारणं होतूति पटिग्गहेस्सामी”ति । पटिग्गहन्तस्स होति “सङ्गेन साधारणं होतूति पटिग्गहामी”ति । पटिग्गहेत्वा होति “सङ्गेन साधारणं होतूति पटिग्गहितं मया”ति एवं तिलक्खणसम्पन्नं कत्वा लद्धलाभं ओसानलक्खणं अविकोपेत्वा परिभुञ्जन्तो साधारणभोगी, अप्पटिविभत्तभोगी च होति ।

इमं पन सारणीयधम्मन्ति इमं चतुत्थं सरित्तब्बयुत्तधम्मं । न हि...पे०... गणहन्ति, तस्मा साधारणभोगिता एव दुस्सीलस्स नत्थीति आरम्भोपि ताव न सम्भवति, कुतो पूरणन्ति अधिप्पायो । “परिसुद्धसीलो”ति इमिना लाभस्स धम्मिकभावं दस्सेति । “वत्तं अखण्डेन्तो”ति इमिना अप्पटिविभत्तभोगितं, साधारणभोगितञ्च दस्सेति । सति पन तदुभये सारणीयधम्मो पूरितो एव होतीति आह “पूरेती”ति । “ओदिस्सकं कत्वा”ति एतेन अनोदिस्सकं कत्वा पितुनो, आचरियुपज्झायादीनं वा थेरासनतो पट्टाय देन्तस्स सारणीयधम्मोयेव होतीति । सारणीयधम्मो पनस्स न होतीति पटिजगनट्टाने ओदिस्सकं कत्वा दिन्नत्ता । तेनाह “पलिबोधजगनं नाम होती”ति आदि । यदि एवं सब्बेन सब्बं सारणीयधम्मपूरकस्स ओदिस्सकदानं न वट्टतीति? नो न वट्टति युत्तट्टानेति दस्सेन्तो “तेन पना”ति आदिमाह । गिलानादीनं ओदिस्सकं कत्वा दानं अप्पटिविभागपक्खिकं “असुकस्स न दस्सामी”ति पटिक्खेपस्स अभावतो । ब्यतिरेकप्पधानो हि पटिविभागो । तेनाह “अवसेस”न्ति आदि । अदातुम्पीति पि-सद्देन दातुम्पि वट्टतीति दस्सेति, तञ्च खो करुणायनवसेन, न वत्तपूरणवसेन ।

सुसिक्खितायाति सारणीयधम्मपूरणविधिम्हि सुट्ठु सिक्खिताय, सुकुसलायाति अत्थो । इदानीं तस्सा कोसल्लं दस्सेतुं “सुसिक्खिताय ही”ति आदि वुत्तं । “द्वादसहि वस्सेहि पूरति, न ततो ओर”न्ति इमिना तस्स दुप्पूरणं दस्सेति । तथा हि सो महप्फलो महानिसंसो, दिट्ठधम्मिकेहिपि ताव गरुतरेहि फलानिसंसेहि च अनुगतो । तंसमङ्गी च पुग्गलो विसेसलाभी अरियपुग्गलो विय लोके अच्छरियब्भुतधम्मसमन्नागतो होति । तथा हि सो दुप्पजहं दानमयस्स, सीलमयस्स च पुञ्जस्स पटिपक्खधम्मं सुदूरे विक्खम्भितं कत्वा सुविसुद्धेन चेतसा लोके पाकटो पज्जातो हुत्वा विहरति, तस्सिममत्थं ब्यतिरेकतो,

अन्वयतो च विभावेतुं “सचे ही”तिआदि वुत्तं, तं सुविज्जेयमेव ।

इदानी ये सम्प्रायिके, दिट्ठधम्मिके च आनिसंसे दस्सेतुं “एव”न्तिआदि वुत्तं । नेव इस्सा, न मच्छरियं होति चिरकालभावनाय विधुतभावतो । मनुस्सानं पियो होति परिच्चागसीलताय विसुद्धता । तेनाह “दं पियो होति भजन्ति नं बहू”तिआदि (अ० नि० ५.३४) । सुलभपच्चयो होति दानवसेन उल्लासयानं पच्चयलाभस्स इधानिसंभावतो दानस्स । पत्तगतं अस्स दिव्यमानं न खीयति पत्तगतवसेन द्वादसवस्सिकस्स महापत्तस्स अविच्छेदेन पूरितत्ता । अगगभण्डं लभति देवसिकं दक्खिण्येयानं अगगतो पट्ठाय दानस्स दिन्नत्ता । भयेवा...पे०... आपज्जन्ति देव्यपटिगाहकविकप्पं अकत्वा अत्तनि निरपेक्खचित्तेन चिरकालं दानपूरताय पसादितचित्तत्ता ।

तत्राति तेसु आनिसंसेसु विभावेतब्बेसु । इमानि तं दीपनानि वत्थूनि कारणानि । अलभन्तापीति अमहापुज्जताय न लाभिनो समानापि । भिक्खाचारमगगसभागन्ति सभागं तब्भागियं भिक्खाचारमगगं जानन्ति ।

अनुत्तरिमनुस्सधम्मत्ता, थेरानं संसयविनोदनत्थञ्च “सारणीयधम्मो मे भन्ते पूरितो”ति आह । तथा हि दुतियवत्थुस्मिम्पि थेरेन अत्ता पकासितो । मनुस्सानं पियताय, सुलभपच्चयतायपि इदं वत्थुमेव । पत्तगताखीयनस्स पन विसेसं विभावनतो “इदं ताव...पे०... एत्थ वत्थु”न्ति वुत्तं ।

गिरिभण्डमहापूजायाति चेतियगिरिम्हि सकललङ्कादीपे, योजनप्पमाणे समुद्वे च नावासङ्घाटादिके ठपेत्वा दीपपुष्पगन्धादीहि करियमानमहापूजायं । परियायेनपीति लेसेनपि । अनुच्छविकन्ति सारणीयधम्मपूरणतोपि इदं यथाभूतप्पवेदनं तुम्हाकं अनुच्छविकन्ति अत्थो ।

अनारोचेत्ताव पलायिसु चोरभयेन । “अत्तनो दुज्जीविकाया”ति च वदन्ति ।

वट्टिस्सतीति कप्पिस्सति । थेरी सारणीयधम्मपूरिका अहोसि, थेरस्स पन सीलतेजेनेव देवता उस्सुक्कं आपज्जि ।

नत्थि एतेसं खण्डन्ति अखण्डानि । तं पन नेसं खण्डं दस्सेतुं “यस्सा”तिआदि वुत्तं । तत्थ उपसम्पन्नसीलानं उद्देसक्कमेन आदि अन्ता वेदितब्बा । तेनाह “सत्तसू”तिआदि । अनुपसम्पन्नसीलानं पन समादानक्कमेनपि आदि अन्ता लब्धन्ति । परियन्ते छिन्नसाटको वियाति वत्थन्ते, दसन्ते वा छिन्नवत्थं विय, विसदिसूदाहरणं चेतं “अखण्डानी”ति इमस्स अधिगतत्ता । एवं सेसानिपि उदाहरणानि । खण्डितभिन्नता खण्डं, तं एतस्स अत्थीति खण्डं, सीलं । “छिद्”न्तिआदीसुपि एसेव नयो । वेमज्झे भिन्नं विनिविज्जनवसेन विसभागवण्णेन गावी वियाति सम्बन्धो । सबलरहितानि असबलानि । तथा अकम्मासानि । सीलस्स तण्हादासव्यतो मोचनं विवट्ठूपनिस्सयभावापादनं । यस्मा च तंसमङ्गीपुगगलो सेरी सयंवसी भुजिस्सो नाम होति, तस्मापि भुजिस्सानि । तेनेवाह “भुजिस्सभावकारणतो भुजिस्सानी”ति । सुपरिसुद्धभावेन पासंसत्ता विज्जुपसत्थानि । इमिनाहं सीलेन देवो वा भवेय्यं, देवज्जतरो वा, तत्थ “निच्चो धुवो सस्सतो”ति, “सीलेन सुद्धी”ति च एवं आदिना तण्हादिट्ठीहि अपरामट्ठत्ता । “अयं ते सीलेसु दोसो”ति चतूसुपि विपत्तीसु याय कायचि विपत्तिया दस्सनेन परामट्ठुं अनुद्धंसेतुं । समाधिसंवत्तनप्पयोजनानि समाधिसंवत्तनिकानि ।

समानभावूपगतसीलाति सीलसम्पत्तिया समानभावं उपगतसीला सभागवुत्तिका । कामं पुथुज्जनानञ्च चतुपरिसुद्धिसीले नानत्तं न सिया, तं पन न एकन्तिकं, इदं एकन्तिकं नियतभावतोति आह “नत्थि मगगसीले

नान्तं'न्ति । तं सन्धायेतं वुत्तन्ति मग्गसीलं सन्धाय एतं “यानि तानि सीलानी”ति आदि वुत्तं ।

यायन्ति या अयं मय्हज्जेव तुम्हाकज्ज पच्चक्खभूता । दिट्ठीति मग्गसम्मादिट्ठि । निदोसाति निधुतदोसा, समुच्छिन्नरागादिपापधम्माति अत्थो । निव्यातीति वट्टदुक्खतो निस्सरति निगच्छति । सयं निव्यन्तस्सेव हि “तंसमङ्गीपुग्गलं वट्टदुक्खतो निव्यापेती”ति वुच्चति । या सत्थु अनुसिद्धि, तं करोतीति तक्करो, तस्स, यथानुसिद्धं पटिपज्जनकस्साति अत्थो । समानदिट्ठिभावन्ति सदिसदिट्ठिभावं सच्चसम्पटिवेधेन अभिन्नदिट्ठिभावं । वुद्धियेवाति अरियविनये गुणेहि वुद्धियेव, नो परिहानीति अयं अपरिहानियधम्मदेसना अत्तनोपि सासनस्स अद्धनियतं आकङ्खन्तेन भगवता इध देसिता ।

१४२. आसन्नपरिनिब्बानत्ताति कतिपयमासाधिकेन संवच्छरमत्तेन परिनिब्बानं भविस्सतीति कत्वा वुत्तं । एतंयेवाति “इति सील”न्ति आदिकंयेव इति सीलन्ति एत्थ इति-सदो पकारत्थो, परिमाणत्थो च एकज्झं कत्वा गहितोति आह “एवं सीलं एत्तकं सील”न्ति । एवं सीलन्ति एवं पभेदं सीलं । एत्तकन्ति एतं परमं, न इतो भिय्यो । चतुपारिसुद्धिसीलन्ति मग्गस्स सम्भारभूतं लोकीयचतुपारिसुद्धिसीलं । चित्तेकग्गता समाधीति एत्थापि एसेव नयो । यस्मिं सीले ठत्वाति यस्मिं लोकुत्तरकुसलस्स पदट्टानभूते “पुब्बेव खो पनस्स कायकम्मं वचीकम्मं आजीवो सुपरिसुद्धो होती”ति (म० नि० ३.४३१; कथा० ८७४) एवं वुत्तसीले पतिट्ठाय । एसोति मग्गफलसमाधि । परिभावितीति तेन सीलेन सब्बसो भावितो सम्भावितो । महप्फलो होति महानिसंसोति मग्गसमाधि ताव सामज्जफलेहि महप्फलो, वट्टदुक्खवूपसमेन महानिसंसो । इतरो पटिप्पस्सद्धिप्पहानेन महप्फलो, निब्बुतिसुखुप्पत्तिया महानिसंसो । यम्हि समाधिम्हि ठत्वाति यस्मिं लोकुत्तरकुसलस्स पदट्टानभूते पादकज्झानसमाधिम्हि चेव वुट्टानगामिनिसमाधिम्हि च ठत्वा । साति मग्गफलपज्जा । तेन परिभाविताति तेन यथावुत्तसमाधिना सब्बसो भाविता परिभाविता । महप्फलमहानिसंसता समाधिम्हि वुत्तनयेन वेदितब्बा । अपि च ते बोज्झङ्गमग्गङ्गझानङ्गप्पभेदहेतुताय महप्फला सत्तदक्खिण्येयपुग्गलविभागहेतुताय महानिसंसाति वेदितब्बा । याय पज्जाय ठत्वाति यायं विपस्सनापज्जायं, समाधिविपस्सनापज्जायं वा ठत्वा । समथयानिकस्स हि समाधिसहगतापि पज्जा मग्गाधिगमाय विसेसपच्चयो होतियेव । सम्मदेवाति सुट्ठयेव यथा आसवानं लेसोपि नावसिस्सति, एवं सब्बसो आसवेहि विमुच्चति । अग्गमग्गक्खणज्हि सन्धायेतं वुत्तं ।

१४३. लोकीयत्थसद्धानं विय अभिरन्त-सद्वस्स सिद्धि दट्ठब्बा । अभिरन्तं अभिरतं अभिरतीति हि अत्थतो एकं । अभिरन्त-सद्वो चायं अभिरुचिपरियायो, न अस्सादपरियायो । अस्सादवसेन हि कत्थचि वसन्तस्स अस्सादवत्थुविगमेन सिया तस्स तत्थ अनभिरति, यदिदं खीणासवानं नत्थि, पगेव बुद्धानन्ति आह “बुद्धानं... पे०... नत्थी”ति । अभिरतिवसेन कत्थचि वसित्वा तदभावतो अज्जत्थ गमनं नाम बुद्धानं नत्थि । वेनेय्यविनयनत्थं पन कत्थचि वसित्वा तस्मिं सिद्धे वेनेय्यविनयनत्थमेव ततो अज्जत्थ गच्छन्ति, अयमेत्थ यथारुचि । आयामाति एत्थ आ-सद्वो “आगच्छा”ति इमिना समानत्थोति आह “एहि यामा”ति । अयामाति पन पाठे अ-कारो निपातमत्तं । सन्तिकावचरत्ता थेरं आलपति, न पन तदा सत्थु सन्तिके वसन्तानं भिक्खूनं अभावतो । अपरिच्छिन्नगणनो हि तदा भगवतो सन्तिके भिक्खुसङ्घो । तेनाह “महता भिक्खुसङ्घेन सद्धि”न्ति । अम्बलट्टिकागमनन्ति अम्बलट्टिकागमनपटिसंयुत्तपाठमाह । पाटलिगमनेति एत्थापि एसेव नयो । उत्तानमेव अनन्तरं, हेट्ठा च संवण्णितरूपत्ता ।

सारिपुत्तसीहनादवण्णना

१४५. “आयस्मा सारिपुत्तो”तिआदि पाठजातं। सम्पसादनीयेति सम्पसादनीयसुत्ते (दी० नि० ३.१४१) वित्थारितं पोरणङ्कथायं, तस्मा मयम्पि तत्थेव नं अत्थतो वित्थारयिस्सामाति अधिप्पायो।

### दुस्सीलआदीनववण्णना

१४८. आगन्त्वा वसन्ति एत्थ आगन्तुकाति आवसथो, तदेव अगारन्ति आह “आवसथागारन्ति आगन्तुकानं आवसथगेह”न्ति। द्विन्नं राजूनन्ति लिच्छविराजमगधराजूनं। सहायकाति सेवका। कुलानीति कुटुम्बिके। सन्थतन्ति सन्थरि, सब्बं सन्थरि सब्बसन्थरि, तं सब्बसन्थरिं। भावनपुंसकनिद्देशो चायं। तेनाह “यथा सब्बं सन्थतं होति, एव”न्ति।

१४९. दुस्सीलोति एत्थ दु-सद्दो अभावत्थो “दुप्पज्जो”तिआदीसु (म० नि० १.४४९; अ० नि० ५.१०) विय, न गरहत्थोति आह “असीलो निस्सीलो”ति। भिन्नसंवरोति एत्थ यो समादिन्नसीलो केनचि कारणेन सीलभेदं पत्तो, सो ताव भिन्नसंवरो होति। यो पन सब्बेन सब्बं असमादिन्नसीलो आचारहीनो, सो कथं भिन्नसंवरो नाम होतीति? सोपि साधुसमाचारस्स परिहानियस्स भेदितत्ता भिन्नसंवरो एव नाम। विस्सट्ठसंवरो संवररहितोति हि वुत्तं होति।

तं तं सिप्पट्ठानं। माघातकालेति “मा घातेथ पाणिनो”ति एवं माघाताति घोसनं घोसितदिवसे।

अब्भुग्गच्छति पापको कित्तिसद्दो।

अज्झासयेन मङ्कु होतियेव विप्पटिसारिभावतो।

तस्साति दुस्सीलस्स। समादाय पवत्तिट्ठानन्ति उट्ठाय समुट्ठाय कतकारणं। आपाथं आगच्छतीति तं मनसो उपट्ठाति। उम्मीलेत्वा इधलोकन्ति उम्मीलनकाले अत्तनो पुत्तदारादिदस्सनवसेन इध लोकं पस्सति। निमीलेत्वा परलोकन्ति निमीलनकाले गतिनिमित्तपट्ठानवसेन परलोकं पस्सति। तेनाह “चत्तारो अपाया”तिआदि। पञ्चमपदन्ति “कायस्स भेदा”तिआदिना वुत्तो पञ्चमो आदीनवकोट्ठासो।

### सीलवन्तआनिसंसवण्णना

१५०. वुत्तविपरियायेनाति वुत्ताय आदीनवकथाय विपरियायेन। “अप्पमत्तो तं तं कसिवाणिज्जादिं यथाकालं सम्पादेतुं सक्कोती”तिआदिना “पासंसं सीलमस्स अत्थीति सीलवा। सीलसम्पन्नोति सीलेन समन्नागतो। सम्पन्नसीलो”ति एवमादिकं पन अत्थवचनं सुकरन्ति अनामट्ठं।

१५१. पाळिमुत्तकायाति सङ्गीतिअनारुळ्हाय धम्मिकथाय। तत्थेवाति आवसथागारे एव।

### पाटलिपुत्तनगरमापनवण्णना

१५२. इस्सरियमत्तायाति इस्सरियप्पमाणेन, इस्सरियेन चेव वित्तूपकरणेन चाति एवं वा अत्थो दट्ठब्बो। उपभोगूपकरणानिपि हि लोके “मत्ता”ति वुच्चन्ति। पाटलिगामं नगरं कत्वाति पुब्बे “पाटलिगामो”ति लद्धनामं ठानं इदानि नगरं कत्वा। मापेन्तीति पतिट्ठापेन्ति। आयमुखपच्छिन्दनत्थन्ति आयद्वारानं उपच्छेदनाय। “सहस्ससेवा”ति वा

पाठो, सहस्ससो एव । तेनाह “एकेकवग्गवसेन सहस्सं सहस्सं हुत्वा”ति । घरवत्थूनीति घरपतिट्ठापनट्ठानानि । चित्तानि नमन्तीति तंतंदेवतानुभावेन तत्थ तत्थेव चित्तानि नमन्ति वत्थुविज्जापाठकानं, यत्थ यत्थ ताहि वत्थूनि परिग्गहितानि । सिप्पानुभावेनाति सिप्पानुगतविज्जानुभावेन । नागग्गहोति नागानं निवासप्परिग्गहो । सेसद्वयेसुपि एसेव नयो । पासाणोति अप्पलक्खणपासाणो । खाणुकोति यो कोचि खाणुको । सिप्पं जप्पित्वा तादिसं सारम्भट्ठानं परिहरित्वा अनारम्भे ठाने ताहि वत्थुपरिग्गहिकाहि देवताहि सद्धिं मन्तयमाना विय तंतंगेहानि मापेन्ति उपदेसदानवसेन । नेसन्ति वत्थुविज्जापाठकानं, सब्बासं देवतानं । मङ्गलं वट्ठापेस्सन्तीति मङ्गलं बूहेस्सन्ति । पण्डितदस्सनादीनि हि उत्तममङ्गलानि । तेनाह “अथ मय”न्तिआदि ।

सद्दो अब्भुग्गच्छति अवयवधम्मेन समुदायस्स अपदिसितब्बतो यथा “अलङ्कृतो देवदत्तो”ति ।

अरियकमनुस्सानन्ति अरियदेसवासिमनुस्सानं । रासिवसेनेवाति “सहस्सं सतसहस्स”न्तिआदिना रासिवसेनेव, अप्पकस्स पन भण्डस्स कयविककयो अज्जत्थापि लब्भतेवाति “रासिवसेनेवा”ति वुत्तं । वाणिजाय पथो पवत्तिट्ठानन्ति वणिप्पथोति पुरिमविकप्पे अत्थो दुतियविकप्पे पन वाणिजानं पथो पवत्तिट्ठानन्ति, वणिप्पथोति इममत्थं दस्सेन्तो “वाणिजानं वसनट्ठान”न्ति आह । भण्डपुटे भिन्दन्ति मोचेन्ति एत्थाति पुटभेदनन्ति अयमेत्थ अत्थोति आह “भण्डपुटे...पे... वुत्तं होती”ति ।

च-कारत्थो समुच्चयत्थो वा-सद्दो ।

१५३. काळकण्णी सत्ताति अत्तना कण्हधम्मबहुलताय परेसज्ज कण्हविपाकानत्थनिब्बत्तिनिमित्तताय “काळकण्णी”ति लद्धनामा परूपद्ववकरा अप्पेसक्खसत्ता । तन्ति भगवन्तं । पुब्बण्हसमयन्ति पुब्बण्हे एकं समयं । गामप्पविसननीहारेनाति गामप्पवेसन निवसनाकारेन । कायपटिबद्धं कत्वाति चीवरं पारुपित्वा, पत्तं हत्थेन गहेत्वाति अत्थो ।

एत्थाति एतस्मिं वा सकप्पितप्पदेसे । सज्जतेति सम्मदेव सज्जते सुसंवुतकायवाचाचित्ते ।

पत्तिं ददेय्याति अत्तना पसुतं पुज्जं तासं देवतानं अनुप्पदज्जेय्य । “पूजिता”तिआदीसु तदेव पत्तिदानं पूजा, अनागते एव उपद्ववे आरक्खसंविधानं पटिपूजा । “येभुत्थेन जातिमनुस्सा जातिपेतानं पत्तिदानादिना पूजनमाननादीनि करोन्ति इमे पन अज्जातकापि समाना तथा करोन्ति, तस्मा नेसं सक्कच्चं आरक्खा संविधातब्बा”ति अज्जमज्जं सम्पवारेत्वा देवता तत्थ उस्सुक्कं आपज्जन्तीति दस्सेन्तो “इमे”तिआदिमाह । बलिकम्मकरणं माननं, सम्पति उप्पन्नपरिस्सयहरणं पटिमानन्ति दस्सेतुं “एते”तिआदि वुत्तं ।

सुन्दरानि पस्सतीति सुन्दरानि इट्ठानि एव पस्सति, न अनिट्ठानि ।

१५४. आणियो कोट्टेत्वाति लहुके दारुदण्डे गहेत्वा कवाटफलके विय अज्जमज्जं सम्बन्धे कातुं आणियो कोट्टेत्वा । नावासङ्केपेन कतं उळुप्पं, वेळुनळादिके सङ्गरित्वा वल्लिआदीहि कलापवसेन बन्धित्वा कत्तब्बं कुल्लं ।

उदकट्टानस्सेतं अधिवचनन्ति यथावुत्तस्स यस्स कस्सचि उदकट्टानस्स एतं “अण्णव”न्ति अधिवचनं, समुद्वस्सेवाति अधिप्पायो । सरन्ति इध नदी अधिप्पेता सरति सन्दतीति कत्वा । गम्भीरवित्थतन्ति अगाधट्टेन गम्भीरं,

सकललोक्तयव्यापिताय वित्थतं । विसज्जाति अनासज्ज अप्पत्वा । पल्ललानि तेसं अतरणतो । विनायेव कुल्लेनाति ईदिसं उदकं कुल्लेन ईदिसेन विना एव तिण्णा मेधाविनो जना, तण्हासरं पन अरियमग्गसङ्घातं सेतुं कत्वा नित्तिण्णाति योजना ।

पठमभाणवारवण्णना निट्ठिता ।

### अरियसच्चकथावण्णना

१५५. महापनादस्स रज्जो । पासादकोटियं कतगामोति पासादस्स पतितथुपिकाय पतिट्ठितट्ठाने निविट्ठगामो । अरियभावकरानन्ति ये पटिविज्झन्ति, तेसं अरियभावकरानं निमित्तस्स कत्तुभावूपचारवसेनेव वुत्तं । तच्छाविपल्लासभूतभावेन सच्चानं । अनुबोधो पुब्बभागियं जाणं, पटिवेधो मग्गजाणेन अभिसमयो, तत्थ यस्मा अनुबोधपुब्बको पटिवेधो अनुबोधेन विना न होति, अनुबोधोपि एकच्चो पटिवेधेन सम्बन्धो, तदुभयाभावहेतुकञ्च वट्टेव संसरणं, तस्मा वुत्तं पाळियं “अननुबोधा...पे... तुम्हाकञ्चा”ति । पटिसन्धिग्गहणवसेन भवतो भवन्तरूपगमनं सन्धावनं, अपरापरं चवनुपपज्जनवसेन सञ्चरणं संसरणन्ति आह “भवतो”तिआदि । सन्धावितसंसरितपदानं कम्मसाधनतं सन्धायाह “मया च तुम्हेहि चा”ति पठमविकप्पे । दुतियविकप्पे पन भावसाधनतं हदये कत्वा “ममञ्चेव तुम्हाकञ्चा”ति यथारुतवसेनेव वुत्तं । नयनसमत्थाति पापनसमत्था, दीघरज्जुना बद्धसकुणं विय रज्जुहत्थो पुरिसो देसन्तरं तण्हारज्जुना बद्धं सत्तसन्तानं अभिसङ्खारो भवन्तरं नेति एतायाति भवनेत्ति, तण्हा, सा अरियमग्गसत्थेन सुट्ठु हता छिन्नाति भवनेत्तिसमूहता ।

### अनावत्तिधम्मसम्बोधिपरायणवण्णना

१५६. द्वे गामा “नातिका”ति एवं लद्धनामो, ज-कारस्स चायं न-कारादेसेन निद्देसो “अनिमित्ता न नायरे”तिआदीसु (विसुद्धि० १.१७४; जा० अट्ठ० २.२.३४) विय । तेनाह “जातिगामके”ति । गिज्जका वुच्चन्ति इट्ठका, गिज्जकाहि एव कतो आवसथोति गिज्जकावसथो । सो किर आवासो यथा सुधापरिकम्मेन सम्पयोजनं नत्थि, एवं इट्ठकाहि एव चिनित्वा छादेत्वा कतो । तेन वुत्तं “इट्ठकामये आवसथे”ति । तुलादण्डकवाटफलकानि पन दारुमयानेव ।

१५७. ओरं वुच्चति कामधातु, पच्चयभावेन तं ओरं भजन्तीति ओरम्भागियानि, ओरम्भागस्स वा हितानि ओरम्भागियानि । तेनाह “हेट्ठाभागियान”न्तिआदि । तीहि मग्गेहीति हेट्ठिमेहि तीहि मग्गेहि । तेहि पहातब्बताय हि नेसं संयोजनानं ओरम्भागियता । ओरम्भज्जियानि वा ओरम्भागियानि वुत्तानि निरुत्तिनयेन । इदानि ब्यतिरेकमुखेन नेसं ओरम्भागियभावं विभावेतुं “तत्था”तिआदि वुत्तं । विक्खम्भितानि समत्थताविधातेन पुत्थुज्जनानं, समुच्छिन्नानि सब्बसो अभावेन अरियानं रूपारूपभवूपपत्तिया विबन्धाय न होन्तीति वुत्तं “अविक्खम्भितानि असमुच्छिन्नानी”ति । निब्बत्तवसेनाति पटिसन्धिग्गहणवसेन । गन्तुं न देन्ति महग्गतगामिकम्मायूहनस्स विनिबन्धनतो । सक्कायदिट्ठिआदीनि तीणि संयोजनानि कामच्छन्दब्यापादा विय महग्गतूपपत्तिया अविनिबन्धभूतानिपि कामभवूपपत्तिया विसेसपच्चयता तत्थ महग्गतभवे निब्बत्तम्पि तन्निब्बत्तिहेतुकम्मपरिक्खये कामभवूपपत्तिपच्चयताय महग्गतभवतो आनेत्वा पुन इधेव कामभवे एव निब्बत्तापेन्ति, तस्मा सब्बानिपि पज्चपि संयोजनानि ओरम्भागियानि एव । पटिसन्धिवसेन अनागमनसभावाति पटिसन्धिग्गहणवसेन तस्मा लोका इध न आगमनसभावा । बुद्धदस्सनथेरदस्सनधम्मस्सवनानं पनत्थायस्स आगमनं अनिवारितं ।



कदाचि करहचि उप्पत्तिया सविरळाकारता परियुट्टानमन्दताय अबहलताति द्वेधापि तनुभावो। अभिण्हन्ति बहुसो। बहलबहलाति तिब्बतिब्बा। यत्थ उप्पज्जन्ति, तं सन्तानं मद्दन्ता, फरन्ता, साधेन्ता, अन्धकारं करोन्ता उप्पज्जन्ति, द्वीहि पन मग्गेहि पहीनत्ता तनुकतनुका मन्दमन्दा उप्पज्जन्ति। “पुत्तधीतरो होन्ती”ति इदं अकारणं। तथा हि अङ्गपच्चङ्गपरामसनमत्तेनपि ते होन्ति। इदन्ति “रागदोसमोहानं तनुत्ता”ति इदं वचनं। भवतनुकवसेनाति अप्पकभववसेन। तन्ति महासिवत्थेरस्स वचनं पटिक्खित्तन्ति सम्बन्धो। ये भवा अरियानं लब्धन्ति, ते परिपुण्णलक्खणभवा एव। ये न लब्धन्ति, तत्थ कीदिसं तं भवतनुकं, तस्मा उभयथापि भवतनुकस्स असम्भवो एवाति दस्सेतुं “सोतापन्नस्सा”तिआदि वुत्तं। अट्टमे भवे भवतनुकं नत्थि अट्टमस्सेव भवस्स सब्बस्सेव अभावतो। सेसेसुपि एसेव नयो।

कामावचरलोकं सन्धाय वुत्तं इतरस्स लोकस्स वसेन तथा वत्तुं असक्कुण्यत्ता। यो हि सकदागामी देवमनुस्सलोकेसु वोमिस्सकवसेन निब्बत्तति, सोपि कामभववसेनेव परिच्छिन्दितब्बो। भगवता च कामलोके ठत्वा “सकिदेव इमं लोकं आगन्त्वा”ति वुत्तं, “इमं लोकं आगन्त्वा”ति च इमिना पञ्चसु सकदागामीसु चत्तारो वज्जेत्वा एकोव गहितो। एकच्चो हि इध सकदागामिफलं पत्वा इधेव परिनिब्बायति, एकच्चो इध पत्वा देवल्लोके परिनिब्बायति, एकच्चो देवल्लोके पत्वा तत्थेव परिनिब्बायति, एकच्चो देवल्लोके पत्वा इधूपपज्जित्वा परिनिब्बायति, इमे चत्तारो इध न लब्धन्ति। यो पन इध पत्वा देवल्लोके यावतायुकं वसित्वा पुन इधूपपज्जित्वा परिनिब्बायति, अयं इध अधिप्पेतो। अट्टकथायं पन इमं लोकन्ति कामभवो अधिप्पेतोति इममत्थं विभावेतुं “सचे ही”तिआदिना अज्जंयेव चतुक्कं दस्सितं।

चतूसु ...पे०... सभावोति अत्थो अपायगमनीयानं पापधम्मानं सब्बसो पहीनत्ता। धम्मनियामेनाति मग्गधम्मनियामेन। नियतो उपरिमग्गाधिगमस्स अवस्संभाविभावतो। तेनाह “सम्बोधिपरायणो”ति।

### धम्मादासधम्मपरियायवण्णना

१५८. तेसं तेसं जाणगतिन्ति तेसं तेसं सत्तानं “असुको सोतापन्नो, असुको सकदागामी”तिआदिना तंतंजाणाधिगमनं। जाणूपपत्तिं जाणाभिसम्परायन्ति ततो परमि “नियतो सम्बोधिपरायणो, सकिदेव इमं लोकं आगन्त्वा दुक्खस्सन्तं करिस्सती”तिआदिना च जाणसहितं उप्पत्तिपच्चयभावं। ओलोकेन्तस्स जाणचक्खुना पेक्खन्तस्स कायकिलमथोव, न तेन काचि वेनेय्यानं अत्थसिद्धीति अधिप्पायो। चित्तविहेसाति चित्तखेदो, सा किलेसूपसंहितत्ता बुद्धानं नत्थि। आदीयति आलोकीयति अत्ता एतेनाति आदासं, धम्मभूतं आदासं धम्मादासं, अरियमग्गजाणस्सेतं अधिवचनं, तेन अरियसावका चतूसु अरियसच्चेसु विद्धस्तसम्मोहत्ता अत्तानम्मि याथावतो जत्वा याथावतो ब्याकरेय्य, तप्पकासनतो पन धम्मपरियायस्स सुत्तस्स धम्मादासता वेदितब्बा। येन धम्मादासेनाति इध पन मग्गधम्ममेव वदति।

अवेच्च याथावतो जानित्वा तन्निमित्तउप्पन्नपसादो अवेच्चपसादो, मग्गाधिगमेन उप्पन्नपसादो, सो पन यस्मा पासाणपब्बतो विय निच्चलो, न च केनचि कारणेन विगच्छति, तस्मा वुत्तं “अचलेन अच्युतेना”ति।

“पञ्चसीलानी”ति गहट्टवसेनेतं वुत्तं तेहि एकन्तपरिहरणीयतो। अरियानं पन सब्बानि सीलानि कन्तानेव। तेनाह “सब्बोपि पनेत्थ संवरो लब्धतियेवा”ति।

सब्बेसन्ति सब्बेसं अरियानं। सिक्खापदाविरोधेनाति यथा भूतरोचनापत्ति न होति, एवं। युत्तट्टानेति कातुं युत्तट्टाने।

## अम्बपालीगणिकावत्थुवण्णना

१६१. तदा किर वेसाली इद्धा फीता सब्बङ्गसम्पन्ना अहोसि वेपुल्लप्पत्ता, तं सन्धायाह “**खन्धके वुत्तनयेन वेसालिया सम्पन्नभावो वेदितब्बो**”ति । तस्मिं किर भिक्खुसङ्घे पञ्चसतमत्ता भिक्खू नवा अचिरपब्बजिता अहेसुं ओसन्नवीरिया च । तथा हि वक्खति “तत्थ किर एकच्चे भिक्खू ओसन्नवीरिया”तिआदि (दी० नि० अट्ठ० २.१६५) । **सतिपच्चुपट्टानत्थन्ति** तेसं सतिपच्चुपट्टापनत्थं । **सरतीति** कायादिके यथासभावतो जाणसम्पयुत्ताय सतिया अनुस्सरति उपधारेति । **सम्पजानातीति** समं पकारेहि जानाति अवबुज्जति । अयमेत्थ सङ्खेपो, वित्थारो पन परतो **सतिपट्टानवण्णनायं** (दी० नि० अट्ठ० २.३७३; म० नि० अट्ठ० १.१०६) आगमिस्सति ।

**सब्बसङ्गाहकन्ति** सरीरगतस्स चेव वत्थालङ्कारगतस्स चाति सब्बस्स नीलभावस्स सङ्गाहकं वचनं । **तस्सेवाति** नीलाति सब्बसङ्गाहकवसेन वुत्तअत्थस्सेव । **विभागदस्सनन्ति** पभेददस्सनं । यथा ते लिच्छविराजानो अपीतादिवण्णा एव केचि विलेपनवसेन पीतादिवण्णा खायिंसु, एवं अनीलादिवण्णा एव केचि विलेपनवसेन नीलादिवण्णा खायिंसूति वुत्तं “**न तेसं पकतिवण्णो नीलो**”तिआदि । नीलो मणि एतेसूति **नीलमणि**, इन्दनीलमहानीलादिनीलरतनविनद्धा अलङ्कारा । ते किर सुवण्णविरचिते हि मणिओभासेहि एकनीला विय खायन्ति । **नीलमणिखचित्ताति** नीलरतनपरिक्खित्ता । **नीलवत्थपरिक्खित्ताति** नीलवत्थनीलकम्पलपरिक्खेपा । **नीलवम्मिकेहीति** नीलकघटपरिक्खित्तेहि । **सब्बपदेसूति** “पीता होन्ती”तिआदिसब्बपदेसु । **परिवट्टेसीति** पटिघट्टेसि । आहरन्ति इमस्मा राजपुरिसा बलिन्ति **आहारो**, तप्पत्तजनपदोति आह “**साहारन्ति सजनपद**”न्ति । अङ्गुलिफोटोपि अङ्गुलिया चालनवसेनेव होतीति वुत्तं “**अङ्गुलिं चालेसु**”न्ति । **अम्बकायाति** मातुगामेन । उपचारवचनं हेतं इत्थीसु, यदिदं “अम्बका मातुगामो जननिका”ति ।

**अवलोकैथाति** अपवत्तित्वा ओलोकनं ओलोकेथ । तं पन अपवत्तित्वा ओलोकनं अनु अनु दस्सनं होतीति आह “**पुनप्पुनं पस्सथा**”ति । **उपनेथाति** “यथायं लिच्छविराजपरिसा सोभातिसयेन युत्ता, एवं तावतिसपरिसा”ति उपनयं करोथ । तेनाह “**तावतिसेहि समके कत्वा पस्सथा**”ति ।

“उपसंहरथ भिक्खवे लिच्छविपरिसं तावतिससदिस”न्ति नयिदं निमित्तग्गाहे नियोजनं, केवलं पन दिब्बसम्पत्तिसदिसा एतेसं राजूनं इस्सरियसम्पत्तीति अनुपुब्बिकथाय सगगसम्पत्तिकथनं विय दट्ठब्बं । तेसु पन भिक्खूसु एकच्चानं तत्थ निमित्तग्गाहोपि सिया, तं सन्धाय वुत्तं “**निमित्तग्गाहे उय्योजेती**”ति । **हितकामताय** तेसं भिक्खूनं यथा आयस्मतो नन्दस्स हितकामताय सगगसम्पत्तिदस्सनं । तेनाह “**तत्र किरा**”तिआदि । **ओसन्नवीरियाति** सम्मापटिपत्तियं अवसन्नवीरिया, ओस्सट्टवीरिया वाति अत्थो । **अनिच्चलक्खणविभावनत्थन्ति** तेसं राजूनं वसेन भिक्खूनं अनिच्चलक्खणविभूतभावत्थं ।

## वेळुवगामवस्सूपगमनवण्णना

१६३. **समीपे वेळुवगामोति** पुब्बहं वा सायन्हं वा गन्त्वा निवत्तनयोग्ये आसन्नट्टाने निविट्ठा परिवारगामो । **सङ्गम्माति** सम्मा गन्त्वा । **अस्साति** भगवतो ।

१६४. **फरुसोति** कक्खळो, गरुतरोति अत्थो । **विसभागरोगोति** धातुविसभागताय समुट्ठितो बहलतररोगो, न आबाधमत्तं । **जाणेन परिच्छिन्दित्वाति** वेदनानं खणिकत्तं, दुक्खत्तं, अत्तसुज्जतज्ज याथावतो जाणेन परिच्छिज्ज

परितुलेत्वा । अधिवासेसीति ता अभिभवन्तो यथापरिमहिताकारसल्लखणेन अत्तनि आरोपेत्वा वासेसि, न ताहि अभिभुय्यमानो । तेनाह “अविहज्जमानो”ति आदि । अदुक्खियमानोति चेतोदुक्खवसेन अदुक्खियमानो, कायदुक्खं पन “नत्थी”ति न सक्का वत्तुं । असति हि तस्मिं अधिवासनाय एव असम्भवोति । अनामन्तेत्वाति अनालपित्वा । अनपलोकेत्वाति अविस्सज्जित्वा । तेनाह “ओवादानुसासनिं अदत्वाति वुत्तं होती”ति । पुब्बभागवीरियेनाति फलसमापत्तिया परिकम्मवीरियेन । फलसमापत्तिवीरियेनाति फलसमापत्तिसम्पयुत्तवीरियेन । विक्खम्भेत्वाति विनोदेत्वा । यथा नाम पुप्फनसमये चम्पकादिरुक्खे वेखे दिन्ने याव सो वेखो नापनीयति, तावस्स पुप्फनसमत्थता विक्खम्भिता विनोदिता होति, एवमेव यथावुत्तवीरियवेखदानेन ता वेदना सत्थु सरीरे यथापरिच्छिन्नं कालं विक्खम्भिता विनोदिता अहेसुं । तेन वुत्तं “विक्खम्भेत्वाति विनोदेत्वा”ति । जीवितम्पि जीवितसङ्घारो कम्मुना सङ्घारीयतीति कत्वा । छिज्जमानं विरोधिपच्चयसमायोगेन पयोगसम्पत्तिया घटेत्वा ठपीयति । अधिद्वयाति अधिद्वानं कत्वा । तेनाह “दसमासे मा उप्पज्जित्थाति समापत्तिं समापज्जी”ति । तं पन “अधिद्वानं, पवत्तनं”न्ति च वत्तब्बतं अरहतीति वुत्तं “अधिद्वहिक्वा पवत्तेत्वा”ति ।

खणिकसमापत्तीति तादिसं पुब्बाभिसङ्घारं अकत्वा ठानसो समापज्जितब्बसमापत्ति । पुन सरीरं वेदना अज्झोत्थरति सविसेसपुब्बाभिसङ्घारस्स अकतत्ता । रूपसत्तकअरूपसत्तकानि विसुद्धिमग्गसंवण्णनासु (विसुद्धिं टी० २.७०६, ७१७) वित्थारितनयेन वेदितब्बानि । सुदु विक्खम्भेति पुब्बाभिसङ्घारस्स सातिसयत्ता । इदानि तमत्थं उपमाय विभावेतुं “यथा नामा”ति आदि वुत्तं । अपब्यूळहोति अपनीतो । चुदसहाकारेहि सन्नेत्वाति तेसंयेव रूपसत्तकअरूपसत्तकानं वसेन चुदसहि पकारेहि विपस्सनाचित्तं, सकलमेव वा अत्तभावं विसभागरोगसज्जनितलूखभावनिरोगकरणाय सिनेहेत्वा न उप्पज्जियेव सम्मासम्बुद्धेन सातिसयसमापत्तिवेगेन सुविक्खम्भितत्ता ।

गिलानो हुत्वा पुन वुट्ठितोति पुब्बे गिलानो हुत्वा पुन ततो गिलानभावतो वुट्ठितो । मधुरकभावो नाम सरीरस्स थम्मित्तं, तं पन गरुभावपुब्बकन्ति आह “सज्जातगरुभावो सज्जातथद्धभावो”ति । “नानाकारतो न उपट्ठहन्ती”ति इमिना दिसासम्मोहोपि मे अहोसि सोकबलेनाति दस्सेति । सतिपट्ठानादिधम्माति कायानुपस्सनादयो अनुपस्सनाधम्मा पुब्बे विभूता हुत्वा उपट्ठहन्तापि इदानि मय्हं पाकटा न होन्ति ।

१६५. अब्भन्तरं करोति नाम अत्तनियेव ठपनतो । पुग्गलं अब्भन्तरं करोति नाम समानत्ततावसेन धम्मेन पुब्बे तस्स सङ्गण्हतो । दहरकालेति अत्तनो दहरकाले । कस्सचि अकथेत्वाति कस्सचि अत्तनो अन्तेवासिकस्स उपनिगूहभूतं गन्थं अकथेत्वा । मुट्ठिं कत्वाति मुट्ठिगतं विय रहसिभूतं कत्वा । यस्मिं वा नट्टे सब्बो तंमूलको धम्मो विनस्सति, सो आदितो मूलभूतो धम्मो, मुस्सति विनस्सति धम्मो एतेन नट्टेनाति मुट्ठि, तं तथारूपं मुट्ठिं कत्वा परिहरित्वा ठपितं किञ्चि नत्थीति दस्सेति ।

अहमेवाति अवधारणं भिक्खुसङ्घपरिहरणस्स अज्जसाधारणिच्छादस्सनत्थं, अवधारणेन पन विना “अहं भिक्खुसङ्घ”न्ति आदि भिक्खुसङ्घपरिहरणे अहंकारममंकाराभावदस्सनन्ति दट्ठब्बं । उद्विसितब्बट्टेनाति “सत्था”ति उद्विसितब्बट्टेन । मा वा अहेसुं भिक्खूति अधिप्पायो । “मा वा अहोसी”ति वा पाठो । एवं न होतीति “अहं भिक्खुसङ्घं परिहरिस्सामी”ति आदि आकारेन चित्तप्पवत्ति न होति । “पच्छिमवयानुप्पत्तभावदीपनत्थं वुत्तं”न्ति इमिना वयो विय बुद्धकिच्चम्पि परियोसितकम्मन्ति दीपेति । सकटस्स बाहप्पदेसे दळ्हीभावाय वेठदानं बाहबन्धो । चक्कनेमिसन्धीनं

दळहीभावाय वेठदानं चक्कबन्धो।

तमत्थन्ति वेठमिस्सकेन मज्जेति वुत्तमत्थं। रूपादयो एव धम्मा सविग्गहो विय उपट्ठानतो रूपनिमित्तादयो, तेसं रूपनिमित्तादीनं। **लोकियानं वेदनानन्ति** यासं निरोधनेन फलसमापत्ति समापज्जितब्बा, तासं निरोधा फासु होति, तथा बाळहवेदनाभितुन्नसरीरस्सापि। **तदत्थायाति** फलसमापत्तिविहारत्थाय। द्वीहि भागेहि आपो गतो एत्थाति **दीपो**, ओघेन परिगतो हुत्वा अनज्झोत्थटो भूमिभागो, इध पन चतूहिपि ओघेहि, संसारमहोघेनेव वा अनज्झोत्थटो अत्ता “दीपो”ति अधिप्पेतो। तेनाह “**महासमुद्गता**”तिआदि। **अत्तस्सरणाति** अत्तप्पटिसरणा। **अत्तगतिका** वाति अत्तपरायणाव। **मा अज्जगतिकाति** अज्जं किञ्चि गतिं पटिसरणं परायणं मा चिन्तयित्थ। कस्मा? अत्ता नामेत्य परमत्थतो धम्मो अब्भन्तरट्ठेन, सो एवं सम्पादितो तुम्हाकं दीपं ताणं गति परायणन्ति। तेन वुत्तं “**धम्मदीपा**”तिआदि। तथा चाह “अत्ता हि अत्तनो नाथो, को हि नाथो परो सिया”ति (ध० प० १६०, ३८०) उपदेसमत्तमेव हि परस्मिं पटिबद्धं, अज्जा सब्बा सम्पत्ति पुरिसस्स अत्ताधीना एव। तेनाह भगवा “तुम्हेहि किच्चं आतप्पं, अक्खातारो तथागता”ति (ध० प० २७६)। **तमग्गेति** तमयोगस्स अग्गे तस्स अतिक्कन्ताभावतो। तेनेवाह “**इमे अगगतमा**”तिआदि। **ममाति** मम सासने। **सब्बेपि ते चतुसतिपट्ठानगोचरा** वाति चतुब्बिधं सतिपट्ठानं भावेत्वा ब्रूहेत्वा तदेव गोचरं अत्तनो पवत्तिट्ठानं कत्वा ठिता एव **भिक्षू** अग्गे भविस्सन्ति।

दुतियभाणवारवण्णना निट्ठिता।

**निमित्तोभासकथावण्णना**

१६६. अनेकवारं भगवा वेसालियं विहरति, तस्मा इमं वेसालिप्पवेसनं नियमेत्वा दस्सेतुं “कदा पाविसी”ति पुच्छित्वा आगमनतो पट्ठाय तं दस्सेन्तो “**भगवा किरा**”तिआदिमाह। **आगतमग्गेनेवाति** पुब्बे याव वेळुवगामका आगतमग्गेनेव पटिनिवत्तेन्तो। **यथापरिच्छेदेनाति** यथापरिच्छिन्नकालेन। **ततोति** फलसमापत्तितो। **अयन्ति** इदानि वुच्चमानाकारो। **दिवाट्टानोलोकनादि** परिनिब्बानस्स एकन्तिकभावदस्सनं। **ओस्सट्ठोति** विस्सट्ठो **आयुसङ्घारो** “सत्ताहमेव मया जीवितब्ब”न्ति।

**जेट्टकनिट्ठभातिकानन्ति** सब्बेव सब्रह्मचारिनो सन्धाय वदति।

**पटिपादेस्सामीति** मग्गपटिपत्तिया नियोजेस्सामि। **मणिफलकेति** मणिखचिते पमुखे अत्थतफलके। **तं पठमं दस्सनन्ति** यं वेळुवने परिब्बाजकरूपेन आगतस्स सिद्धं दस्सनं, तं पठमदस्सनं। यं वा अनोमदस्सिस्स भगवतो वचनं सद्वहन्तेन तदा अभिनीहारकाले पच्चक्खतो विय तुम्हाकं दस्सनं सिद्धं, तं पठमदस्सनं। **पच्चागमनचारिकन्ति** पच्चागमनत्थं चारिकं।

**सत्ताहन्ति** अच्चन्तसंयोगे उपयोगवचनं। थेरस्स जातोवरकगेहं किर इतरगेहतो विवेकट्ठं, विवटङ्गणज्ज, तस्मा देवब्रह्मानं उपसङ्कमनयोग्यन्ति “**जातोवरकं पटिजग्गथा**”ति वुत्तं। **सोति** उपरेवतो। **तं पवत्तिन्ति** तत्थ वसितुकामताय वुत्तं तं।

“जानन्तापि तथागता पुच्छन्ती”ति (पारा० १६, १६५) इमिना नीहारेन थेरो “**के तुम्हे**”ति पुच्छि। “त्वं चतूहि महाराजेहि महन्ततरो”ति पुट्ठो अत्तनो महत्तं सत्थु उपरि पक्खिपन्तो “**आरामिकसदिसा एते उपासिके अम्हाकं**

सत्थुनो’ति आह । सावकसम्पत्तिकित्तनम्पि हि अत्थतो सत्थु सम्पत्तियेव विभावेति ।

सोतापत्तिफले पतिट्ठयाति थेरस्स देसनानुभावेन, अत्तनो च उपनिस्सयसम्पत्तिया जाणस्स परिपक्वत्ता सोतापत्तिफले पतिट्ठहित्वा ।

अयन्ति यथावुत्ता । एत्थाति “वेसालिं पिण्डाय पाविसी”ति एतस्मिं वेसालीपवेसे । अनुपुब्बीकथाति अनुपुब्बदीपनी कथा ।

१६७. उदेनयक्खस्स चेतिट्ठानेति उदेनस्स नाम यक्खस्स आयतनभावेन इट्ठकाहि चित्ते महाजनस्स चित्तीकतट्ठाने । कतविहारोति भगवन्तं उद्दिस्स कतविहारो । वुच्चतीति पुरिमवोहारेन “उदेनचेतिय”न्ति वुच्चति । गोतमकादीसुपीति “गोतमकचेतिय”न्ति एवं आदीसुपि । एसेव नयोति चेतिट्ठाने कतविहारभावं अतिदिसति । वट्ठिताति भावनापारिपूरिवसेन परिबूहिता । पुनप्पुनं कताति भावनाय बहुलीकरणेन अपरापरं पवत्तिता । युत्तयानं विय कताति यथा युत्तं आजञ्जयानं छेकेन सारथिना अधिट्ठितं यथारुचि पवत्ति, एवं यथारुचिपवत्तिरहतं गमिता । पतिट्ठानट्ठेनाति अधिट्ठानट्ठेन । वत्थु विय कताति सब्बसो उपक्किलेसविसोधनेन इद्धिविसयताय पवत्तिट्ठानभावतो सुविसोधितपरिस्सयवत्थु विय कता । अधिट्ठिताति पटिपक्खदूरीभावतो सुभावितभावेन तंतं अधिट्ठानयोग्यताय ठपिता । समन्ततो चिताति सब्बभागेन भावनुपचयं गमिता । तेनाह “सुवट्ठिता”ति । सुट्ठु समारद्धाति इद्धिभावनाय सिखाप्पत्तिया सम्मदेव संसेविता ।

अनियमेनाति “यस्स कस्सची”ति अनियमवचनेन । नियमेत्वाति “तथागतस्सा”ति सरूपदस्सनेन नियमेत्वा । आयुप्पमाणन्ति परमायुप्पमाणं वदति, तस्सेव गहणे कारणं ब्रह्मजालसुत्तवण्णनायं (दी० नि० अट्ठ० १.४०; दी० नि० टी० १.४०) वुत्तनयेनेव वेदितब्बं । महासिवत्थेरो पन “महाबोधिस्सत्तानं चरिमभवे पटिस्सन्धिदायिनो कम्मस्स असङ्ख्येय्यायुक्तासंवत्तनसमत्थतं हृदये ठपेत्वा बुद्धानं आयुसङ्खारस्स परिस्सयविक्खम्भनसमत्थता पाळियं आगता एवाति इमं भद्दकप्पमेव तिट्ठेय्या”ति अवोच । “खण्डिच्चादीहि अभिभुय्यती”ति एतेन यथा इद्धिबलेन जराय न पटिघातो, एवं तेन मरणस्सपि न पटिघातोति अत्थतो आपन्नमेवाति । “क्व सरो खित्तो, क्व च निपतितो”ति अञ्जथा वुट्ठितेनापि थेरवादेन अट्ठकथावचनमेव समत्थितन्ति दट्ठब्बं । तेनाह “सो न रुच्चति...पे०... नियमित”न्ति ।

परियुट्ठितचित्तोति यथा किञ्चि अत्थानत्थं सल्लक्खेतुं न सक्का, एवं अभिभूतचित्तो । सो पन अभिभवो महता उदकोधेन अप्पकस्स उदकस्स अज्झोत्थरणं विय अहोसीति वुत्तं “अज्झोत्थट्ठित्तो”ति । अज्जोपीति थेरतो, अरियेहि वा अज्जोपि यो कोचि पुत्थुज्जनो । पुत्थुज्जनगहणञ्चेत्थ यथा सब्बेन सब्बं अप्पहीनविपल्लासो मारेन परियुट्ठितचित्तो किञ्चि अत्थं सल्लक्खेतुं न सक्कोति, एवं थेरो भगवता कतं निमित्तोभासं सब्बसो न सल्लक्खेसीति दस्सनत्थं । तेनाह “मारो ही”तिआदि । चत्तारो विपल्लासाति असुभे “सुभ”न्ति सज्जाविपल्लासो, चित्तविपल्लासो, दुक्खे “सुख”न्ति सज्जाविपल्लासो, चित्तविपल्लासोति इमे चत्तारो विपल्लासा । तेनाति यदिपि इतरे अट्ठ विपल्लासा पहीना, तथापि यथावुत्तानं चतुन्नं विपल्लासानं अप्पहीनभावेन । अस्साति थेरस्स । मद्दतीति फुसनमत्तेन मद्दन्तो विय होति, अञ्जथा तेन मद्दिते सत्तानं मरणमेव सिया । किं सक्खिस्सति, न सक्खिस्सतीति अधिप्पायो । कस्मा न सक्खिस्सति, ननु एस अग्गसावकस्स कुच्छिं पविट्ठोति? सच्चं पविट्ठो, तञ्च खो अत्तनो आनुभावदस्सनत्थं, न विबाधनाधिप्पायेन । विबाधनाधिप्पायेन पन इध “किं सक्खिस्सती”ति वुत्तं हृदयमद्दनस्स अधिगतत्ता । निमित्तोभासन्ति एत्थ “तिट्ठतु भगवा कप्प”न्ति सकलकप्पं अवट्ठानयाचनाय “यस्स कस्सचि आनन्द चत्तारो इद्धिपादा भाविता”तिआदिना अज्जापदेसेन

अत्तनो चतुरिद्विपादभावानुभावेन कप्पं अवट्टानसमत्थतावसेन सञ्जुप्पादनं **निमित्तं**, तथा पन परियायं मुञ्चित्वा उज्जुकेयव अत्तनो अधिप्पायविभावनं **ओभासो**। **जानन्तोयेव** वाति मारेन परियुद्धितभावं जानन्तो एव। अत्तनो अपराधहेतुतो सत्तानं सोको तनुको होति, न बलवाति आह “**दोसारोपनेन सोकतनुकरणत्थ**”न्ति। किं पन थेरो मारेन परियुद्धितचित्तकाले पवत्तिं पच्छा जानातीति? न जानाति सभावेन, बुद्धानुभावेन पन अनुजानाति।

### मारयाचनकथावण्णना

**१६८. अनत्थे नियोजेन्तो** गुणमारणेन मारेति, विरागविबन्धनेन वा जातिनिमित्तताय तत्थ तत्थ जातं जातं मारेन्तो विय होतीति “**मारेतीति मारो**”ति वुत्तं। अतिविय पापताय **पापिमा**। कण्हधम्मोहि समन्नागतो **कण्हो**। विरागादिगुणानं अन्तकरणतो **अन्तको**। सत्तानं अनत्थावहपटिपत्तिं न मुच्चतीति **नमुचि**। अत्तनो मारपासेन पमत्ते बन्धति, पमत्ता वा बन्धू एतस्साति **पमत्तबन्धु**। सत्तमसत्ताहतो परं सत्त अहानि सन्धायाह “**अट्टमे सत्ताहे**”ति न पन पल्लङ्कसत्ताहादि विय नियतकिच्चस्स अट्टमसत्ताहस्स नाम लब्धनतो। सत्तमसत्ताहस्स हि परतो अजपालनिग्रोधमूले महाब्रह्मनो, सक्कस्स च देवरज्जो पटिज्जातधम्मदेसनं भगवन्तं जत्वा “इदानी सत्ते धम्मदेसनाय मम विसयं अतिक्कमापेस्सती”ति सज्जातदोमनस्सो हुत्वा ठितो चिन्तेसि “हन्द दानाहं नं उपायेन परिनिब्बापेस्सामि, एवमस्स मनोरथो अज्जथत्तं गमिस्सति, मम च मनोरथो इज्झिस्सती”ति। एवं पन चिन्तेत्वा भगवन्तं उपसङ्गमित्वा एकं अन्तं ठितो “परिनिब्बातु दानि भन्ते भगवा”तिआदिना परिनिब्बानं याचि, तं सन्धाया वुत्तं “**अट्टमे सत्ताहे**”तिआदि। तत्थ **अज्जाति** आयुसङ्खारोस्सज्जनदिवसं सन्धायाह। भगवा चस्स अभिसन्धिं जानन्तोपि तं अनाविकत्वा परिनिब्बानस्स अकालभावमेव पकासेन्तो याचनं पटिक्खिपि। तेनाह “**न तावाह**”न्तिआदि।

**मग्गवसेन वियत्ताति** सच्चसम्पटिवेधवेय्यत्तियेन ब्यत्ता। **तथेव विनीताति** मग्गवसेन किलेसानं समुच्छेदविनयनेन विनीता। **तथा विसारदाति** अरियमग्गाधिगमेनेव सत्थुसासने वेसारज्जप्पत्तिया विसारदा, सारज्जकरानं दिट्ठिविचिकिच्छादिपापधम्मानं विगमेन विसारदभावं पत्ताति अत्थो। यस्स सुतस्स वसेन वट्टदुक्खतो निस्सरणं सम्भवति, तं इध उक्कट्टनिद्वेसेन “सुत”न्ति अधिप्पेतन्ति आह “**तेपिटकवसेना**”ति। तिण्णं पिटकानं समूहो **तेपिटकं**, तीणि वा पिटकानि तिपिटकं, तिपिटकमेव **तेपिटकं**, तस्स वसेन। **तमेवाति** यं तं तेपिटकं सोतब्बभावेन “सुत”न्ति वुत्तं, तमेव। **धम्मन्ति** परियत्तिधम्मं। **धारेन्तीति** सुवण्णभाजने पक्खित्तसीहवसं विय अविनस्सन्तं कत्वा सुप्पगुणसुप्पवत्तिभावेन धारेन्ति हृदये ठपेन्ति। इति परियत्तिधम्मवसेन बहुस्सुतधम्मधरभावं दस्सेत्वा इदानी पटिवेधधम्मवसेनपि तं दस्सेतुं “**अथ वा**”तिआदि वुत्तं। **अरियधम्मस्साति** मग्गफलधम्मस्स, नवविधस्सापि वा लोकुत्तरधम्मस्स। **अनुधम्मभूतन्ति** अधिगमाय अनुरूपधम्मभूतं। **अनुच्छविकपटिपदन्ति** च तमेव विपस्सनाधम्ममाह, छब्बिधा विसुद्धियो वा। **अनुधम्मन्ति** तस्सा यथावुत्तपटिपदाय अनुरूपं अभिसल्लेखितं अप्पिच्छतादिधम्मं। **चरणसीलाति** समादाय पवत्तनसीला। अनु मग्गफलधम्मो एतिस्साति वा **अनुधम्मा**, वुट्टानगामिनिविपस्सना, तस्सा चरणसीला। **अत्तनो आचरियवादनति** अत्तनो आचरियस्स सम्मासम्बुद्धस्स वादं। सदेवकस्स लोकस्स आचारसिक्खापनेन आचरियो, भगवा। तस्स वादो, चतुसच्चदेसना।

**आचिकिक्खस्सन्तीति** आदितो कथेस्सन्ति, अत्तना उग्गहितनियामेन परे उग्गण्हापेस्सन्तीति अत्थो। **देसेस्सन्तीति** वाचेस्सन्ति, पाळिं सम्मा पबोधेस्सन्तीति अत्थो। **पज्जापेस्सन्तीति** पजानापेस्सन्ति, सङ्कापेस्सन्तीति अत्थो। **पट्टपेस्सन्तीति** पकारेहि ठपेस्सन्ति, पकासेस्सन्तीति अत्थो। **विवरिस्सन्तीति** विवटं करिस्सन्ति। **विभजिस्सन्तीति** विभत्तं

करिस्सन्ति । उत्तानिं करिस्सन्तीति अनुत्तानं गम्भीरं उत्तानं पाकटं करिस्सन्ति । सह धम्मेनाति एत्थ धम्म-सद्वो कारणपरियायो “हेतुमि जाणं धम्मपटिसम्भिता”ति आदीसु (विभ० २७०) वियाति आह “सहेतुकेन सकारणेन वचनेना”ति । सप्पाटिहारियन्ति सनिस्सरणं, यथा परवादं भज्जित्वा सकवादो पतिट्ठहति, एवं हेतुदाहरणेहि यथाधिगतमत्थं सम्पादेत्वा धम्मं कथेस्सन्ति । तेनाह “निय्यानिकं कत्वा धम्मं देसेस्सन्ती”ति, नवविधं लोकुत्तरधम्मं पबोधेस्सन्तीति अत्थो । एत्थ च “पज्जापेस्सन्ती”ति आदीहि छहि पदेहि छ अत्थपदानि दस्सितानि, आदितो पन द्वीहि पदेहि छ व्यञ्जनपदानि । एत्तावता तेपिटकं बुद्धवचनं संवण्णनानयेन सङ्गहेत्वा दस्सितं होति । वुत्तज्जेतं नेत्तियं “द्वादसपदानि सुत्तं, तं सब्बं व्यञ्जनञ्च अत्थो चा”ति (नेत्ति० सङ्खारे) ।

सिक्खत्तयसङ्गहितन्ति अधिसीलसिक्खादिसिक्खत्तयसङ्गहणं । सकलं सासनब्रह्मचरियन्ति अनवसेसं सत्थुसासनभूतं सेट्ठचरियं । समिद्धन्ति सम्मदेव वड्डितं । ज्ञानस्सादवसेनाति तेहि तेहि भिक्खूहि समधिगतज्ञानसुखवसेन । वुद्धिप्पत्तन्ति उट्ठारपणीतभावगमनेन सब्बसो परिवुद्धिं उपगतं । सब्बपालिफुल्लं विय अभिज्जासम्पत्तिवसेन अभिज्जासम्पदाहि सासनाभिबुद्धिया मत्थकप्पत्तितो । पतिट्ठितवसेनाति पतिट्ठानवसेन, पतिट्ठप्पत्तियाति अत्थो । पटिवेधवसेन बहुनो जनस्स हितन्ति बाहुजज्जं । तेनाह “बहुजनाभिसमयवसेना”ति । पुथु पुथुलं भूतं जातं, पुथु वा पुथुत्तं भूतं पत्तन्ति पुथुभूतं । तेनाह “सब्बाकार...पे०... पत्त”न्ति । सुट्ठु पकासितन्ति सुट्ठु सम्मदेव आदिकल्याणादिभावेन पवेदितं ।

### आयुसङ्खारओस्सज्जनवण्णना

१६९. सतिं सूपट्ठितं कत्वाति अयं कायादिविभागो अत्तभावसज्जितो दुक्खभारो मया एत्तकं कालं वहितो, इदानि पन न वहितब्बो, एतस्स अवहनत्थं चिरतरं कालं अरियमग्गसम्भारो सम्भतो, स्वायं अरियमग्गो पटिविद्धो, यतो इमे कायादयो असुभादितो सम्मदेव परिज्जाता, चतुब्बिधम्पि सम्मासतिं यथातथं विसये सुट्ठु उपट्ठितं कत्वा । जाणेन परिच्छिन्दित्वाति यस्मा इमस्स अत्तभावसज्जितस्स दुक्खभारस्स वहने पयोजनभूतं अत्तहितं ताव महाबोधिमूले एव परिसमापितं, परहितं पन बुद्धवेनेय्यविनयनं परिसमापितब्बं, तं इदानि मासत्तयेनेव परिसमापनं पापुणिस्सति, तस्मा अभासि “विसाखपुण्णमायं परिनिब्बायिस्सामी”ति, एवं बुद्धजाणेन परिच्छिन्दित्वा सब्बभागेन निच्छयं कत्वा । आयुसङ्खारं विस्सज्जीति आयुनो जीवितस्स अभिसङ्खारकं फलसमापत्तिधम्मं “न समापज्जिस्सामी”ति विस्सज्जि तंविस्सज्जनेनेव तेन अभिसङ्खारियमानं जीवितसङ्खारं “नप्पवत्तेस्सामी”ति विस्सज्जि । तेनाह “तत्था”ति आदि । ठानमहन्ततायपि पवत्तिआकारमहन्ततायपि महन्तो पथवीकम्पो । तत्थ ठानमहन्तताय भूमिचालस्स महत्तं दस्सेतुं “तदा किर...पे०... कम्पित्था”ति वुत्तं । सा पन जातिक्खेत्तभूता दससहस्सी लोकधातु एव, न या काचि, या महाभिनीहारमहाजातिआदीसुपि कम्पित्थ । तदापि तत्तिकाय एव कम्पने किं कारणं? जातिक्खेत्तभावेन तस्सेव आदितो परिग्गहस्स कतत्ता । परिग्गहकरणं चस्स धम्मतावसेन वेदितब्बं । तथा हि पुरिमबुद्धानम्पि तावतकमेव जातिक्खेत्तं अहोसि । तथा हि वुत्तं “दससहस्सी लोकधातू, निस्सद्वा होन्ति निराकुला...पे०... महासमुद्धो आभुजति, दससहस्सी पकम्पती”ति च आदि (बु० वं० ८४-९१) । उदकपरियन्तं कत्वा छप्पकारपवेधनेन अवीतरागे भिंसेतीति भिंसनो, सो एव भिंसनकोति आह “भयजनको”ति । देवभेरियोति देवदुन्दुभिसद्वस्स परियायवचनमत्तं । न चेत्थ काचि भेरी “देवदुन्दुभी”ति अधिप्पेता, अथ खो उप्पातभावेन लब्भमानो आकासगतो निग्घोससद्दो । तेनाह “देवो”ति आदि । देवोति मेघो । तस्स हि अच्छभावेन आकासस्स वस्साभावेन सुक्खगज्जितसज्जिते सद्दे निच्छरन्ते देवदुन्दुभिसमज्जा । तेनाह “देवो सुक्खगज्जितं गज्जी”ति ।

पीतिवेगविस्सट्ठन्ति “एवं चिरतरं कालं वहितो अयं अत्तभावसज्जितो दुक्खभारो, इदानीं न चिरस्सेव निक्खिपिस्सती”ति सज्जातसोमनस्सो भगवा सभावेनेव पीतिवेगविस्सट्ठं उदानं उदानेसि। एवं पन उदानेन्तेन अयम्पि अत्थो साधितो होतीति दस्सनत्थं अट्ठकथायं “कस्मा”तिआदि वुत्तं।

तुलीयतीति तुलन्ति तुल-सद्वो कम्मसाधनोति दस्सेतुं “तुलित”न्ति वुत्तं। अप्पानुभावताय परिच्छिन्नं। तथा हि तं परितो खण्डितभावेन “परित”न्ति वुच्चति। पटिपक्खविक्खम्भनतो दीघसन्तानताय, विपुलफलताय च न तुलं न परिच्छिन्नं। येहि कारणेहि पुब्बे अविसेसतो महग्गतं “अतुल”न्ति वुत्तं, तानि कारणानि रूपावचरतो आरुप्पस्स सातिसयानि विज्जन्तीति “अरूपावचरं अतुल”न्ति वुत्तं, इतरञ्च “तुल”न्ति, अप्पविपाकं तीसुपि कम्मेसु यं तनुविपाकं हीनं, तं तुलं। बहुविपाकन्ति यं महाविपाकं पणीतं, तं अतुलं। यं पनेत्थ मज्झिमं, तं हीनं, उक्कट्टन्ति द्विधा भिन्दित्वा द्वीसु भागेषु पक्खिपितब्बं। हीनत्तिकवण्णनायं वुत्तनयेनेव अप्पबहुविपाकतं निद्वारेत्वा तस्स वसेन तुलातुलभावो वेदितब्बो। सम्भवति एतस्माति सम्भवोति आह “सम्भवस्स हेतुभूत”न्ति। नियकज्झत्तरतोति ससन्तानधम्मेसु विपस्सनावसेन, गोचरासेवनाय च निरतो। सविपाकं समानं पवत्तिविपाकमत्तदायिकम्मं सविपाकट्ठेन सम्भवं। न च तं कामादिभवाभिसङ्खारकन्ति ततो विसेसनत्थं “सम्भव”न्ति वत्वा “भवसङ्खार”न्ति वुत्तं। ओस्सज्जीति अरियमग्गेन अवस्सज्जि। कवचं विय अत्तभावं परियोनन्धित्वा ठितं अत्तनि सम्भूतत्ता अत्तसम्भवं किलेसञ्च अभिन्दीति किलेसभेदसहभाविकम्मोस्सज्जनं दस्सेन्तो तदुभयस्स कारणं अवोच “अज्झत्तरतो समाहितो”ति।

तीरेन्तोति “उप्पादो भयं, अनुप्पादो खेम”न्तिआदिना वीमंसन्तो। “तुलेन्तो तीरेन्तो”तिआदिना सङ्खेपतो वुत्तमत्थं वित्थारतो दस्सेतुं “पञ्चक्खन्धा”ति आदिं वत्वा भवसङ्खारस्स अवस्सज्जनाकारं सरूपतो दस्सेसि। “एव”न्तिआदिना पन उदानवण्णनायं आदितो वुत्तमत्थं निगमनवसेन दस्सेसि।

### महाभूमिचालवण्णना

१७१. यन्ति करणे वा अधिकरणे वा पच्चत्तवचनन्ति अधिप्पायेन आह “येन समयेन, यस्मिं वा समये”ति। उक्खेपकवाताति उदकसन्धारकवातं उपच्छिन्दित्वा ठितद्वानतो खेपकवाता। “सट्ठि...पे०... बहल”न्ति इदं तस्स वातस्स उब्बेधप्पमाणमेव गहेत्वा वुत्तं, आयामवित्थारतो पन दससहस्सचक्कवाळप्पमाणम्पि उदकसन्धारकवातं उपच्छिन्दितियेव। आकासेति पुब्बे वातेन पतिट्ठितोकासे। पुन वातोति उक्खेपकवाते तथाक्त्वा विगते उदकसन्धारकवातो पुन आबन्धित्वा गण्हाति यथा तं उदकं न भस्सति, एवं उत्थम्भेन्तं आबन्धनवितानवसेन बन्धित्वा गण्हाति। ततो उदकं उग्गच्छतीति ततो आबन्धित्वा गहणतो तेन वातेन उत्थम्भितं उदकं उग्गच्छति उपरि गच्छति। होतियेवाति अन्तरन्तरा होतियेव। बहलभावेनाति महापथविया महन्तभावेन। सकला हि महापथवी तदा ओग्गच्छति, उग्गच्छति च, तस्मा कम्पनं न पज्जायति।

इज्जनस्साति इच्छितत्थसिज्जनस्स। अनुभवितब्बस्सइस्सरियसम्पत्तिआदिकस्स। परित्ताति पटिलद्धमत्ता नातिसुभाविता। तथा च भावना बलवती न होतीति आह “दुब्बला”ति। सज्जासीसेन हि भावना वुत्ता। अप्पमाणाति पगुणा सुभाविता। सा हि थिरा दळ्हतारा होतीति आह “बलवा”ति। “परित्ता पथवीसज्जा, अप्पमाणा आपोसज्जा”ति देसनामत्तमेव, आपोसज्जाय पन सुभाविताय पथवीकम्पो सुखेनेव इज्जतीति अयमेत्थ अधिप्पायो वेदितब्बो। संवेजेन्तो दिब्बसम्पत्तिया पमत्तं सक्कं देवराजानं। वीमंसन्तो वा तावदेव समधिगतं अत्तनो इद्धिबलं। महामोग्गल्लानत्थेरस्स पासादकम्पनं पाकटन्ति तं अनामसित्वा सङ्खरक्खितसामणेरस्स पासादकम्पनं दस्सेतुं “सो किरायस्मा”तिआदि वुत्तं।



पूतिमिस्सो गन्धो एतस्साति पूतिगन्धो, तेन पूतिगन्धेनेव अधिगतमातुकुच्छिसम्भवं विय गन्धेनेव सीसेन, अतिविय दारको एवाति अत्थो।

**आचरियन्ति** आचरियूपदेसं। इद्धाभिसङ्खारो नाम इद्धिविधप्पटिपक्खादीभावेन इच्छितब्बो, सो च उपाये कोसल्लस्स अत्तना न सम्मा उग्गहितत्ता न ताव सिक्खितोति आह “असिक्खित्वाव युद्धं पविट्ठोसी”ति। “पिलवन्त”न्ति इमिना सकलमेव पासादवत्थुं उदकं कत्वा अधिद्धातब्बपासादोव तत्थ पिलवतीति दस्सेति। अधिद्धानक्कमं पन उपमाय दस्सेन्तो “तात...पे... जानाही”ति आह। तत्थ कपल्लकपूर्वन्ति आसित्तकपूर्वं, तं पचन्ता कपाले पठमं किञ्चि पिट्ठं ठपेत्वा अनुक्कमेन वट्ठेत्वा अन्तन्तेन परिच्छिन्दन्ति पूर्वं समन्ततो परिच्छिन्नं कत्वा ठपेन्ति, एवं “आपोकसिणवसेन ‘पासादेन पतिट्ठितद्धानं उदकं होतू’ति अधिद्धहन्तो समन्ततो पासादस्स याव परियन्ता यथा उदकं होति, तथा अधिद्धातब्ब”न्ति उपमाय उपदिसति।

**महापदाने वुत्तमेवाति** “धम्मता एसा, भिक्खवे, यदा बोधिसत्तो तुसिता काया चवित्वा मातुकुच्छिं ओक्कमती”ति (दी० नि० २.१८) वत्त्वा “अयञ्च दससहस्सी लोकधातु सङ्कम्पति सम्पकम्पति सम्पवेधती”ति (दी० नि० २.१८), तथा “धम्मता एसा, भिक्खवे, यदा बोधिसत्तो मातुकुच्छिम्हा निक्खमती”ति (दी० नि० २.३०) वत्त्वा “अयञ्च दससहस्सी लोकधातु सङ्कम्पति सम्पकम्पति सम्पवेधती”ति (दी० नि० २.३२) च महाबोधिसत्तस्स गब्भोक्कन्तियं, अभिजातियञ्च धम्मतावसेन **महापदाने** पथवीकम्पस्स वुत्तत्ता इतरेसुपि चतूसु ठानेसु पथवीकम्पो धम्मतावसेनेवाति **महापदाने** अत्थतो वुत्तं एवाति अधिप्पायो।

इदानि नेसं पथवीकम्पनं कारणतो, पवत्तिआकारतो च विभागं दस्सेतुं “इति इमेसू”तिआदि वुत्तं। **धातुकोपेनाति** उक्खेपकधातुसङ्घाताय वायोधातुया पकोपेन। **इद्धानुभावेनाति** जाणिद्धिया वा कम्मविपाकजिद्धिया वा पभावेन, तेजेनाति अत्थो। **पुञ्जतेजेनाति** पुञ्जानुभावेन, महाबोधिसत्तस्स पुञ्जबलेनाति अत्थो। **जाणतेजेनाति** पटिवेधजाणानुभावेन। **साधुकारदानवसेनाति** यथा अनञ्जसाधारणेन पटिवेधजाणानुभावेन अभिहता महापथवी अभिसम्बोधिं अकम्पित्थ, एवं अनञ्जसाधारणेन देसनाजाणानुभावेन अभिहता महापथवी अकम्पित्थ, तं पनस्सा साधुकारदानं विय होतीति “साधुकारदानवसेना”ति वुत्तं।

येन पन भगवा असीति अनुब्यञ्जनपटिमण्डितद्वित्तिसमहापुरिसलक्खण- (दी० नि० २.३३; ३.१९८; म० नि० २.३८५) विचित्ररूपकायो सब्बाकारपरिसुद्धसीलक्खन्धादिगुणरतनसमिद्धिधम्मकायो पुञ्जमहत्तथाममहत्तयसमहआइद्धिमहत्तपञ्चामहत्तानं परमुक्कंसगतो असमो असमसमो अप्पटिपुग्गलो अरहं सम्मासम्बुद्धो अत्तनो अत्तभावसज्जितं खन्धपञ्चकं कप्पं वा कप्पावसेसं वा ठपेतुं समत्थोपि सङ्खतधम्मं पटिजिगुच्छनाकारप्पवत्तेन जाणविसेसेन तिणायपि अमञ्जमानो आयुसङ्खारोस्सज्जनविधिना निरपेक्खो ओस्सज्जि। तदनुभावाभिहता महापथवी आयुसङ्खारोस्सज्जने अकम्पित्थ, तं पनस्सा कारुञ्जसभावसण्ठिता विय होतीति वुत्तं “**कारुञ्जसभावेना**”ति। यस्मा भगवा परिनिब्बानसमये चतुर्वीसतिकोटिसतसहस्ससङ्ख्या समापत्तियो समापज्जि अन्तरन्तरा फलसमापत्तिसमापज्जनेन, तस्स पुब्बभागे सातिसयं तिक्खं सूरं विपस्सनाजाणञ्च पवत्तेसि, “यदत्थञ्च मया एवं सुचिरकालं अनञ्जसाधारणो परमुक्कंसगतो जाणसम्भारो सम्भतो, अनुत्तरो च विमोक्खो समधिगतो, तस्स वत मे सिखाप्पत्तफलभूता अच्चन्तनिट्ठा अनुपादिसेसनिब्बानधातु अज्ज समिज्झती”ति भिय्यो अतिविय सोमनस्सप्पत्तस्स भगवतो पीतिविप्फारादिगुणविपुलतरानुभावो परेहि असाधारणजाणातिसयो उदपादि, यस्स समापत्तिबलसमुपब्रूहितस्स

जाणातिसयस्स आनुभावं सन्धाय इदं वुत्तं “द्वेमे पिण्डपाता समसमफला समसमविपाका”तिआदि (उदा० ७५), तस्मा तस्स आनुभावेन समभिहता महापथवी अकम्पित्थ । तं पनस्सा तस्सं वेलायं आरोदनाकारप्पत्ति विय होतीति “अट्टमो आरोदनेना”ति वुत्तं ।

इदानीं सङ्खेपतो वुत्तमत्थं विवरन्तो “मातुकुच्छिं ओक्कमन्ते”तिआदिमाह । अयं पनत्थोति “साधुकारदानवसेना”तिआदिना वुत्तो अत्थो । पथवीदेवताय वसेनाति एत्थ समुददेवता विय महापथविया अधिदेवता किर नाम अत्थि । तादिसे कारणे सति तस्सा चित्तवसेन अयं महापथवी सङ्कम्पति सम्पकम्पति सम्पवेधति, यथा वातवलाहकदेवतानं चित्तवसेन वाता वायन्ति, सीतुण्हअब्भवस्सवलाहकदेवतानं चित्तवसेन सीतादयो भवन्ति । तथा हि विसाखपुण्णमायं अभिसम्बोधिअत्थं बोधिरुक्खमूले निसिन्नस्स लोकनाथस्स अन्तरायकरणत्थं उपट्ठितं मारबलं विधमितुं —

“अचेतनायं पथवी, अविज्जाय सुखं दुखं ।

सापि दानबला मद्दं, सत्तक्खत्तुं पकम्पथा”ति ॥ (चरिया० १.१२४) —

वचनसमनन्तरं महापथवी भिज्जित्वा सपरिसं मारं परिवत्तेसि । एतन्ति साधुकारदानादि । यदिपि नत्थि अचेतनत्ता, धम्मतावसेन पन वुत्तनयेन सियाति सक्का वत्तुं । धम्मता पन अत्थतो धम्मसभावो, सो पुज्जधम्मस्स वा जाणधम्मस्स वा आनुभावसभावोति । तयिदं सब्बं विचारितमेव, एवञ्च कत्वा —

“इमे धम्मे सम्मसतो, सभावसरसलक्खणे ।

धम्मतेजेन वसुधा, दससहस्सी पकम्पथा”ति ॥ (बु० वं० १.१६६) ।

आदि वचनञ्च समत्थितं होति ।

निदिट्ठनिदस्सनन्ति निदिट्ठस्स अत्थस्स निव्यातनं, निगमनन्ति अत्थो । एत्तावताति पथवीकम्पादिउप्पादजननेन चैव पथवीकम्पस्स भगवतो हेतुनिदस्सनेन च । “अद्धा अज्ज भगवता आयुसङ्कारो ओस्सट्ठो”ति सल्लक्खेसि पारिसेसजायेन । एवञ्हि तदा थेरो तमत्थं वीमंसेय्य नायं भूमिकम्पो धातुप्पकोपहेतुको तस्स अपज्जायमानरूपत्ता, बाहिरकोपि इसि एवं महानुभावो बुद्धकाले नत्थि, सासनिकोपि सत्थु अनारोचेत्वा एवं करोन्तो नाम नत्थि, सेसानं पञ्चन्नं इदानीं असम्भवो, एवं भूमिकम्पो चायं महाभिसनको सलोमहंसो अहोसि, तस्मा पारिसेसतो आह “अज्ज भगवता आयुसङ्कारो ओस्सट्ठोति सल्लक्खेसी”ति ।

### अट्टपरिसवण्णना

१७२. ओकासं अदत्त्वाति “तिट्ठतु भन्ते भगवा कप्प”न्तिआदि (दी० नि० २.१७८) नयप्पवत्ताय थेरस्स आयाचनाय अवसरं अदत्त्वा । अज्जानिपि अट्टकानि सम्पिण्डेन्तो हेतुअट्टकतो अज्जानि परिसाभिभायतनविमोक्खवसेन तीणि अट्टकानि सङ्गहेत्वा दस्सेन्तो “अट्ट खो इमा”तिआदिमाह । “आयस्मतो आनन्दस्स सोकुप्पत्तिं परिहरन्तो विक्खेपं करोन्तो”ति केचि सहसा भणिते बलवसोको उप्पज्जेय्याति ।

समागन्तब्बतो, समागच्छतीति वा समागमो, परिसा । बिम्बिसारपमुखो समागमो बिम्बिसारसमागमो । सेसद्वयेपि

एसेव नयो । बिम्बिसार...पे... समागमादिसदिसं खत्तियपरिसन्ति योजना । अज्जेसु चक्कवाळेसुपि लब्भतेयेव सत्थु खत्तियपरिसादिउपसङ्कमनं । आदितो तेहि सद्धिं सत्थु भासनं आलापो । कथनपटिकथनं सल्लापो । धम्मपसज्जिता पुच्छा पटिपुच्छा धम्मसाकच्छा । सण्ठानं पटिच्च कथनं सण्ठानपरियायत्ता वण्ण-सद्वस्स “महन्तं हत्थिराजवण्णं अभिनिम्मिनित्वा”तिआदीसु (सं० नि० १.१३८) विय । “तेस”न्ति पदं उभयपदापेक्खं “तेसम्मि लक्खणसण्ठानं विय सत्थु सरीरसण्ठानं, तेसं केवलं पज्जायति एवा”ति । नापि आमुक्कमणिकुण्डलो भगवा होतीति योजना । छिन्नस्सराति द्विधाभूतस्सरा । गगगरस्सराति जज्जरितस्सरा । भासन्तरन्ति तेसं सत्तानं भासतो अज्जं भासं । वीमंसाति चिन्तना । “किमत्थं...पे... देसेती”ति इदं ननु अत्तानं जानापेत्वा धम्मे कथिते तेसं सातिसयो पसादो होतीति इमिना अधिप्पायेन वुत्तं? येसं अत्तानं अजानापेत्वाव धम्मे कथिते पसादो होति, न जानापेत्वा, तादिसे सन्धाय सत्था तथा करोति । तत्थ पयोजनमाह “वासनत्थाया”ति । एवं सुतोपीति एवं अविज्जातदेसको अविज्जातागमनोपि सुतो धम्मो अत्तनो धम्मसुधम्मतायेव अनागते पच्चयो होति सुणन्तस्स ।

“आनन्दा”तिआदिको सङ्गीतिअनारुहो पाळिधम्मो एव तथा दस्सितो । एस नयो इतो परेसुपि एवरूपेसु ठानेसु ।

### अट्टअभिभायतनवण्णना

१७३. अभिभवतीति अभिभु, परिकम्मं, जाणं वा । अभिभु आयतनं एतस्साति अभिभायतनं, ज्ञानं । अभिभवितब्बं वा आरम्मणसङ्घातं आयतनं एतस्साति अभिभायतनं । आरम्मणाभिभवनतो अभिभु च तं आयतनञ्च योगिनो सुखविसेसानं अधिद्वानभावतो, मनायतनधम्मायतनभावतो वातिपि ससम्पयुत्तं ज्ञानं अभिभायतनं । तेनाह “अभिभवनकारणानी”तिआदि । तानि हीति अभिभायतनसज्जितानि ज्ञानानि । “पुग्गलस्स जाणुत्तरियताया”ति इदं उभयत्थापि योजेतब्बं । कथं? पटिपक्खभावेन पच्चनीकधम्मे अभिभवन्ति पुग्गलस्स जाणुत्तरियताय आरम्मणानि अभिभवन्ति । जाणबलेनेव हि आरम्मणाभिभवनं विय पटिपक्खाभिभवो पीति ।

परिकम्मवसेन अज्जत्तं रूपसज्जी, न अप्पनावसेन । न हि पटिभागनिमित्तारम्मणा अप्पना अज्जत्तविसया सम्भवति, तं पन अज्जत्तपरिकम्मवसेन लद्धं कसिणनिमित्तं अविबुद्धमेव होति, न बहिद्वापरिकम्मवसेन लद्धं विय विबुद्धं ।

परित्तानीति यथालब्धानि सुप्पसरावमत्तानि । तेनाह “अवड्ढितानी”ति । परित्तवसेनेवाति वण्णवसेन आभोगे विज्जमानेपि परित्तवसेनेव इदं अभिभायतनं वुत्तं । परित्तता हेत्थ अभिभवनस्स कारणं । वण्णाभोगे सतिपि असतिपि अभिभायतनभावना नाम तिक्खपज्जस्सेव सम्भवति, न इतरस्साति आह “जाणुत्तरिको पुग्गलो”ति । अभिभवित्वा समापज्जतीति एत्थ अभिभवनं, समापज्जनञ्च उपचारज्ज्ञानाधिगमसमनन्तरमेव अप्पनाझानुप्पादनन्ति आह “सह निमित्तुप्पादेनेवेत्थ अप्पनं पापेती”ति । सह निमित्तुप्पादेनाति च अप्पनापरिवासाभावस्स लक्खणं वचनमेतं । यो “खिप्पाभिज्जो”ति वुच्चति, ततोपि जाणुत्तरस्सेव अभिभायतनभावना । एत्थाति एतस्मिं निमित्ते । अप्पनं पापेतीति भावनं अप्पनं नेति ।

एत्थ च केचि “उप्पन्ने उपचारज्ज्ञाने तं आरब्भ ये हेट्ठिमन्तेन द्वे तयो जवनवारा पवत्तन्ति, ते उपचारज्ज्ञानपक्खिका एव, तदनन्तरञ्च भवङ्गपरिवासेन, उपचारासेवनाय च विना अप्पना होति, सह निमित्तुप्पादेनेव अप्पनं पापेती”ति वदन्ति, तं तेसं मतिमत्तं । न हि परिवासितपरिकम्मेन अप्पनावारो इच्छितो, नापि महगतप्पमाणज्ज्ञानेसु विय उपचारज्ज्ञाने

एकन्ततो पच्चवेक्खणा इच्छितब्बा, तस्मा उपचारज्झानाधिगमनतो परं कतिपयभवङ्गचित्तावसाने अप्पनं पापुणन्तो “सह निमित्तुप्पादेनेवेत्थ अप्पनं पापेती”ति वुत्तो । सह निमित्तुप्पादेनेवाति च अधिप्पायिकमिदं वचनं, न नीतत्थं, अधिप्पायो वुत्तनयेनेव वेदितब्बो, न अन्तोसमापत्तियं तदा तथारूपस्स आभोगस्स असम्भवतो । समापत्तितो वुट्ठितस्स आभोगो पुब्बभागभावनायवसेन ज्ञानक्खणे पवत्तं अभिभवनाकारं गहेत्वा पवत्तोति दट्ठब्बं । अभिधम्मट्ठकथायं पन “इमिना तस्स पुब्बाभोगो कथितो”ति (ध० स० अट्ठ० २०४) वुत्तं । अन्तोसमापत्तियं तथा आभोगाभावे कस्मा “ज्ञानसज्जायपी”ति वुत्तन्ति आह “अभिभवन...पे०... अत्थी”ति ।

वट्ठितप्पमाणानीति विपुलप्पमाणानीति अत्थो, न एकङ्गुलद्वङ्गुलादिवसेन वट्ठिं पापितानीति तथा वट्ठनस्सेवेत्थ असम्भवतो । तेनाह “महत्तानी”ति । भत्तवट्ठितकन्ति भुज्जनभाजनं वट्ठेत्वा दिन्नभत्तं, एकासने पुरिसेन भुज्जितब्बभत्ततो उपट्ठभत्तन्ति अत्थो ।

रूपे सज्जा रूपसज्जा, सा अस्स अत्थीति रूपसज्जी, न रूपसज्जी अरूपसज्जी, सज्जासीसेन ज्ञानं वदति । रूपसज्जाय अनुप्पादनं एवेत्थ अलाभिता ।

बहिद्धाव उप्पन्नन्ति बहिद्धा वत्थुस्मिंयेव उप्पन्नं । अभिधम्मे पन “अज्झत्तं अरूपसज्जी बहिद्धा रूपानि पस्सति परित्तानि सुवण्णदुब्बण्णानि...पे०... अप्पमाणानि सुवण्णदुब्बण्णानी”ति (ध० स० २२०) एवं चतुन्नं अभिभायतनानं आगतत्ता अभिधम्मट्ठकथायं (ध० स० अट्ठ० २०४) “कस्मा पन ‘यथा सुत्तन्ते अज्झत्तं रूपसज्जी एको बहिद्धा रूपानि पस्सति परित्तानीतिआदि वुत्तं, एवं अवत्वा इध चतूसुपि अभिभायतनेसु अज्झत्तं अरूपसज्जिताव वुत्ता’ति चोदनं कत्वा ‘अज्झत्तरूपानं अनभिभवनीयतो’ति कारणं वत्वा, तत्थ वा हि इध वा बहिद्धा रूपानेव अभिभवितब्बानि, तस्मा तानि नियमतो वत्तब्बानीति तत्रापि इधापि वुत्तानि । ‘अज्झत्तं रूपसज्जी’ति इदं पन सत्थु देसनाविलासमत्तमेवा”ति वुत्तं । एत्थ च वण्णाभोगरहितानि, सहितानि च सब्बानि परित्तानि “परित्तानि सुवण्णदुब्बण्णानी”ति वुत्तानि, तथा अप्पमाणानि “अप्पमाणानि सुवण्णदुब्बण्णानी”ति । अत्थि हि सो परियायो परित्तानि अभिभुय्य तानि चे कदाचि वण्णवसेन आभुजितानि होन्ति, सुवण्णदुब्बण्णानि अभिभुय्याति । परियायकथा हि सुत्तन्तदेसनाति । अभिधम्मे (ध० स० २२२) पन निप्परियायदेसनत्ता वण्णाभोगरहितानि विसुं वुत्तानि, तथा सहितानि । अत्थि हि उभयत्थ अभिभवनविसेसोति । तथा इध परियायदेसनत्ता विमोक्खानम्पि अभिभवनपरियायो अत्थीति “अज्झत्तं रूपसज्जी”तिआदिना पठमदुतियअभिभायतनेसु पठमविमोक्खो, ततियचतुत्थअभिभायतनेसु दुतियविमोक्खो, वण्णाभिभायतनेसु ततियविमोक्खो च अभिभवनप्पवत्तितो सङ्गहितो । अभिधम्मे पन निप्परियायदेसनत्ता विमोक्खाभिभायतनानि असङ्करतो दस्सेतुं विमोक्खे वज्जेत्वा अभिभायतनानि कथितानि; सब्बानि च विमोक्खकिच्चानि ज्ञानानि विमोक्खदेसनायं वुत्तानि । तदेतं “अज्झत्तं रूपसज्जी”ति आगतस्स अभिभायतनद्वयस्स अभिधम्मे अभिभायतनेसु अवचनतो “रूपी रूपानि पस्सती”तिआदीनज्ज सब्बविमोक्खकिच्चसाधारणवचनभावतो ववत्थानं कतन्ति विज्जायति । “अज्झत्तरूपानं अनभिभवनीयतो”ति इदं कत्थचिपि “अज्झत्तं रूपानि पस्सती”ति अवत्वा सब्बत्थ यं वुत्तं “बहिद्धा रूपानि पस्सती”ति, तस्स कारणवचनं, तेन यं अज्जहेतुकं, तं तेन हेतुना वुत्तं । यं पन देसनाविलासहेतुकं अज्झत्तं अरूपसज्जिताय एव अभिधम्मे (ध० स० २२३) वचनं, न तस्स अज्जं कारणं मगितब्बन्ति दस्सेति । अज्झत्तरूपानं अनभिभवनीयता च तेसं बहिद्धा रूपानं विय अभूतत्ता । देसनाविलासो च यथावुत्तववत्थानवसेन वेदितब्बो वेनेय्यज्झासयवसेन विज्जमानपरियायकथाभावतो । “सुवण्णदुब्बण्णानी”ति एतेनेव सिद्धत्ता न नीलादि अभिभायतनानि वत्तब्बानीति चे? तं न, नीलादीसु कताधिकारानं नीलादिभावस्सेव अभिभवनकारणत्ता । न हि तेसं परिसुद्धापरिसुद्धवण्णानं परित्तता, अप्पमाणता वा अभिभवनकारणं,

अथ खो नीलादिभावो एवाति । एतेसु च परित्तादिकसिणरूपेसु यं यं चरितस्स इमानि अभिभायतनानि इज्झन्ति, तं दस्सेतुं “इमेसु पना”तिआदि वुत्तं ।

**सब्बसङ्गाहकवसेनाति** सकलनीलवण्णनीलनिदस्सननीलनिभासानं साधारणवसेन । **वण्णवसेनाति** सभाववण्णवसेन । **निदस्सनवसेनाति** पस्सितब्बतावसेन चक्खुविज्जाणादिविज्जाणवीथिया गहेतब्बतावसेन । **ओभासवसेनाति** सप्पभासताय अवभासनवसेन । **उमापुप्फन्ति** अतसिपुप्फं । **नीलमेव** होति वण्णसङ्कराभावतो । **बाराणसिसम्भवन्ति** बाराणसियं समुद्धितं ।

एकच्चस्स इतो बाहिरकस्स अप्पमाणं अतिवित्थारितं कसिणनिमित्तं ओलोकेन्तस्स भयं उप्पज्जेय्य “किं नु खो इदं सकलं लोकं अभिभवित्वा अज्झोत्थरित्वा गण्हाती”ति, तथागतस्स पन तादिसं भयं वा सारज्जं वा नत्थीति **अभीतभावदस्सनत्थमेव आनीतानि** ।

### अट्टविमोक्खवण्णना

**१७४. उत्तानत्थायेव** हेट्ठा अत्थतो विभत्तत्ता । एकच्चस्स विमोक्खोति घोसोपि भयावहो वट्ठाभिरतभावतो, तथागतस्स पन विमोक्खे उपसम्पज्ज विहरतोपि तं नत्थीति **अभीतभावदस्सनत्थमेव आनीतानि** ।

### आनन्दयाचनकथावण्णना

**१७८. बोधीति** सब्बज्जुतज्जाणं । तज्झि “चतुमग्गजाणपटिवेध”न्त्वेव वुत्तं सब्बज्जुतज्जाणपटिवेधस्स तंमूलकत्ता । **एवं वुत्तभावन्ति** “आकङ्खमानो आनन्द तथागतो कप्पं वा तिठ्ठेय्या”ति (दी० नि० २.१६६) एवं वुत्तभावं ।

**१७९. तम्पि** ओळारिकनिमित्तं कतं तस्स मारेन परियुद्धितचेतसो **न पटिविद्धं** न सल्लक्खितं ।

**१८३. आदिकेहीति** एवमादीहि मित्तामच्चसुहज्जाहि । पियायितब्बतो **पियेहि** । मनवड्ढनतो **मनापेहि** । **जातियाति** जातिअनुरूपगमनेन । **नानाभावो** विसुंभावो असम्बद्धभावो । **मरणेन विनाभावोति** चुतिया तेनत्तभावेन अपुनरावत्तनतो विप्पयोगो । **भवेन अज्जथाभावोति** भवन्तरग्गहणेन पुरिमाकारतो अज्जाकारता “कामावचरसत्तो रूपावचरो होती”तिआदिना, तत्थापि “मनुस्सो देवो होती”तिआदिनापि योजेतब्बो । **कुतेत्थ लब्भाति** कुतो कुहिं किस्मिं नाम ठाने **एत्थ** एतस्मिं खन्धप्पवत्ते “यं तं जातं...पे०... मा पलुज्जी”ति लब्धुं सक्का । न सक्का एव तादिसस्स कारणस्स अभावतोति आह “नेतं ठानं विज्जती”ति । एवं अच्छरियब्भुतधम्मं **तथागतस्सापि सरीरं**, किमङ्गं पन अज्जेसन्ति अधिप्पायो । “पच्चावमिस्सती”ति नेतं ठानं विज्जति सतिं सूपड्डितं कत्वा जाणेन परिच्छिन्दित्वा आयुसङ्कारानं ओस्सट्ठत्ता, बुद्धकिच्चस्स च परियोसापितत्ता । न हेत्थ मासत्तयतो परं बुद्धवेनेय्या लब्धन्तीति ।

**१८४. सासनस्स** चिरड्डिति नाम ससम्भारेहि अरियमग्गधम्मेहि केवलेहीति आह “**सब्बं लोकियलोकुत्तरवसेनेव कथितं**”न्ति लोकियाहि सीलसमाधिपज्जाहि विना लोकुत्तरधम्मसमधिगमस्स असम्भवतो ।

ततियभाणवारवण्णना निद्धिता ।

### नागापलोकितवण्णना

**१८६. नागापलोकितन्ति** नागस्स विय अपलोकितं, हत्थिनागस्स अपलोकनसदिसं अपलोकनन्ति अत्थो।  
**आहच्चाति** फुसित्वा। **अङ्कुसकलग्गानि वियाति** अङ्कुसकानि विय अज्जमज्जस्मिं लग्गानि आसत्तानि हुत्वा ठितानि।  
**एकाबद्धानीति** अज्जमज्जं एकतो आबद्धानि। **तस्माति** गीवट्ठीनं एकग्घनानं विय एकाबद्धभावेन, न केवलं गीवट्ठीनंयेव,  
 अथ खो सब्बानिपि तानि बुद्धानं ठपेत्वा बाहुसन्धिआदिका द्वादस महासन्धियो, अङ्गुलिसन्धियो च इतरसन्धीसु  
 एकाबद्धानि हुत्वा ठितानि, यतो नेसं पकतिहत्थीनं कोटिसहस्सबलप्पमाणं कायबलं होति। **वेसालिनगराभिमुखं अकासि**  
 कण्टकपरिवत्तने विय कपिलनगराभिमुखं। यदि एवं कथं तं नागापलोकितं नाम जातं? तदज्झासयं उपादाय। भगवा हि  
 नागापलोकितवसेनेव अपलोकेतुकामो जातो, पुज्जानुभावेन पनस्स पतिट्ठितद्धानं परिवत्ति, तेन तं “नागापलोकितं” त्वेव  
 वुच्चति।

“इदं पच्छिमकं आनन्द तथागतस्स वेसालिया दस्सन”न्ति नयिदं वेसालिया अपलोकनस्स कारणवचनं  
 अनेकन्तिकत्ता, भूतकथनमत्तं पनेतं। मग्गसोधनवसेन तं दस्सेत्वा अज्जदेवेत्थ अपलोकनकारणं दस्सेतुकामो “ननु  
 चा”तिआदिमाह। तं तं सब्बं पच्छिमदस्सनमेव अनुक्कमेन कुसिनारं गन्त्वा परिनिब्बातुकामताय ततो ततो  
 निक्खन्तत्ता। “अनच्छरियत्ता”ति इमिना यथावुत्तं अनेकन्तिकत्तं परिहरति, तयिदं सोधनमत्तं। इदं पनेत्थ अविपरीतं  
 कारणन्ति दस्सेतुं “अपिचा”तिआदि वुत्तं। न हि भगवा सापेक्खो वेसालिं अपलोकेसि, “इदं पन मे गमनं  
 अपुनरागमन”न्ति दस्सनमुखेन बहुजनहिताय बहुजनसुखाय लोकानुकम्पाय अपलोकेसि। तेनाह “अपिच  
 वेसालिराजानो”तिआदि।

**अन्तकरोति** सकलवट्ठदुक्खस्स सकसन्ताने, परसन्ताने च विनासकरो अभावकरो।  
 बुद्धचक्खुधम्मचक्खुदिब्बचक्खुमंसचक्खुसमन्तचक्खुसङ्घातेहि पज्जहि चक्खूहि चक्खुमा। सवासनानं किलेसानं  
 समुच्छिन्नत्ता सातिसयं किलेसपरिनिब्बानेन परिनिब्बुतो।

### चतुमहापदेसवण्णना

**१८७. महाओकासेति** महन्ते ओकासे। महन्तानि धम्मस्स पतिट्ठापनद्धानि। येसु पतिट्ठापितो धम्मो निच्छीयति  
 असन्देहतो, कानि पन तानि? आगमनविसिद्धानि सुत्तोतरणादीनि। दुतियविकप्पे अपदिसन्तीति **अपदेसा**, “सम्मुखा मेतं  
 आवुसो भगवतो सुत”न्तिआदिना केनचि आभतस्स “धम्मो”ति विनिच्छिनने कारणं। किं पन तन्ति? तस्स यथाभतस्स  
 सुत्तोतरणादि एव। यदि एवं कथं चत्तारोति? यस्मा धम्मस्स द्वे सम्पराया सत्था, सावका च, तेसु च सावका  
 सङ्गणपुग्गलवसेन तिविधा, एवं “तुम्हाकं मया यं धम्मो पटिग्गहितो”ति अपदिसितब्बानं भेदेन चत्तारो। तेनाह “सम्मुखा  
 मे तं आवुसो भगवतो सुत”न्तिआदि। तथा च वुत्तं **नेत्तियं** “चत्तारो महापदेसा बुद्धापदेसो सङ्गापदेसो सम्बहुलत्थेरापदेसो  
 एकत्थेरापदेसो। इमे चत्तारो महापदेसा”ति (नेत्ति० १८) बुद्धो अपदेसो एतस्साति **बुद्धापदेसो**। एस नयो सेसेसुपि। तेनाह  
 “बुद्धादयो...पे०... महाकारणानी”ति।

**१८८. नेव अभिनन्दितब्बन्ति** न सम्पटिच्छितब्बं। गन्थस्स सम्पटिच्छनं नाम सवनन्ति आह “न सोतब्ब”न्ति।  
**पदव्यञ्जनानीति** पदानि च व्यञ्जनानि च, अत्थपदानि, व्यञ्जनपदानि चाति अत्थो। पज्जति अत्थो एतेहीति **पदानि**,  
 अक्खरादीनि व्यञ्जनपदानि। पज्जितब्बतो **पदानि**, सङ्कासनादीनि अत्थपदानि। **अट्ठकथायंपन** “पदसङ्घातानि  
 व्यञ्जनानीति व्यञ्जनपदानेव वुत्तानी”ति केचि, तं न, अत्थं व्यञ्जेन्तीति व्यञ्जनानि, व्यञ्जनपदानि, तेहि व्यञ्जितब्बतो  
 व्यञ्जनानि, अत्थपदानीति उभयसङ्गहतो। **इमस्मिं ठानेति** तेनाभतसुत्तस्स इमस्मिं पदेसे। **पाळि** वुत्ताति केवलो

पाळिधम्मो पवत्तो । अत्थो वुत्तोति पाळिया अत्थो पवत्तो निदिट्ठो । अनुसन्धि कथितोति यथारुद्धदेसनाय, उपरि देसनाय च अनुसन्धानं कथितं सम्बन्धो कथितो । पुब्बापरं कथितन्ति पुब्बेनापरं अविरुज्झनञ्चेव विसेसाधानञ्च कथितं पकासितं । एवं पाळिधम्मादीनि सम्मदेव सल्लक्खत्वा गहणं साधुकं उग्गहणन्ति आह “सुट्ठु गहेत्वा”ति । सुत्ते ओतारेतब्बानीति जाणेन सुत्ते ओगाहेत्वा तारेतब्बानि, तं पन ओगाहेत्वा तरणं तत्थ ओतरणं अनुप्पवेसनं होतीति वुत्तं “सुत्ते ओतारेतब्बानी”ति । संसन्देत्वा दस्सनं सन्दस्सनन्ति आह “विनये संसन्देतब्बानी”ति ।

किं पन तं सुत्तं, को वा विनयोति विचारणाय आचरियानं मतिभेदमुखेन तमत्थं दस्सेतुं “एत्थ चा”तिआदि वुत्तं । विनयोति विभङ्गपाठमाह । सो हि मातिकासञ्जितस्स सुत्तस्स अत्थसूचनतो “सुत्त”न्ति वत्तब्बतं अरहति । विविधनयत्ता, विसिद्धनयत्ता च विनयो, खन्धकपाठो । एवन्ति एवं सुत्तविनयेसु परिगग्हमानेसु विनयपिटकम्पि न परियादीयति परिवारपाळिया असङ्गहितत्ता । सुत्तन्ताभिधम्मपिटकानि वा सुत्तं अत्थसूचनादिअत्थसम्भवतो । एवम्पीति “सुत्तन्ताभिधम्मपिटकानि सुत्तं, विनयपिटकं विनयो”ति एवं सुत्तविनयविभागे वुच्चमानेपि । न ताव परियादीयन्तीति न ताव अनवसेसतो परिगग्हन्ति, कस्माति आह “असुत्तनामकञ्ही”तिआदि । यस्मा “सुत्त”न्ति इमं नामं अनारोपेत्वा सङ्गीतम्पि जातकादिबुद्धवचनं अत्थि, तस्मा वुत्तनयेन तीणि पिटकानि न परियादिण्णानीति । सुत्तनिपातउदानइतिवुत्तकादीनि दीघनिकायादयो विय सुत्तनामं आरोपेत्वा असङ्गीतानीति अधिप्पाये पनेत्थ जातकादीहि सद्धिं तानिपि गहितानि । बुद्धवंसचरियापिटकानं पनेत्थ अगगहणे कारणं मग्गितब्बं, किं वा तेन मग्गनेन? सब्बोपायं वण्णनानयो थेरवादं दस्सनमुखेन पटिक्खित्तो एवाति ।

अत्थीति किं अत्थि, असुत्तनामकं बुद्धवचनं नत्थि एवाति दस्सेति । तथा हि निदानवण्णनायं (दी० नि० टी० १.पठममहासङ्गीतिकथावण्णना; सारत्थ० टी० १.पठममहासङ्गीतिकथावण्णना) अम्हेहि वुत्तं “सुत्तन्ति सामञ्जविधि, विसेसविधयो परे”ति । तं सब्बं पटिक्खित्वा “सुत्तन्ति विनयो”तिआदिना वुत्तं संवण्णनानयं “नायमत्थो इधाधिप्पेतो”ति पटिसोधेत्वा । विनेति एतेन किलेसेति विनयो, किलेसविनयनूपायो, सो एव च नं करोतीति कारणन्ति आह “विनयो पन कारण”न्ति ।

धम्मोति परियत्तिधम्मो । सरागायाति सरागभावाय कामरागभवरागपरिबूहनाय । सञ्जोगायाति भवसंयोजनाय । आचयायाति वट्टस्स वट्टनत्थाय । महिच्छतायाति महिच्छभावाय । असन्तुट्ठियाति असन्तुट्ठिभावाय । सङ्गणिकायाति किलेससङ्गणगणसङ्गणविहाराय । कोसज्जायाति कुसीतभावाय । दुब्भरतायाति दुप्पोसताय । विरागायाति सकलवट्टतो विरज्जनत्थाय । विसञ्जोगायाति कामभवादीहि विसंयुज्जनत्थाय । अपचयायाति सब्बस्सापि वट्टस्स अपचयनाय, निब्बानायाति अत्थो । अप्पिच्छतायाति पच्चयप्पिच्छतादिवसेन सब्बसो इच्छापगमाय । सन्तुट्ठियाति द्वादसविधसन्तुट्ठिभावाय । पविवेकायाति पविवित्तभावाय, कायविवेकादितदङ्गविवेकादिविवेकसिद्धिया । वीरियारम्भायाति कायिकस्स चेव, चेतसिकस्स च वीरियस्स पग्गहणत्थाय । सुभरतायाति सुखपोसनत्थाय । एवं यो परियत्तिधम्मो उग्गहणधारणपरिपुच्छामनसिकारवसेन योनिसो पटिपज्जन्तस्स सरागादिभावपरिवज्जनस्स कारणं हुत्वा विरागादिभावाय संवत्तति, एकंसतो एसो धम्मो । एसो विनयो, सम्मदेव अपायादीसु अपतनवसेन धारणतो, किलेसानं विनयनतो, सत्थु सम्मासम्बुद्धस्स ओवादानुसिद्धिभावतो एतं सत्थुसासनन्ति धारेय्यासि जानेय्यासि, अवबुज्जेय्यासीति अत्थो । चतुसच्चस्स सूचनं सुत्तन्ति आह “सुत्तेति तेपिटके बुद्धवचने”ति । तेपिटकञ्चि बुद्धवचनं सच्चविनिमुत्तं नत्थि । रागादिविनयनकारणं तथागतेन सुत्तपदेन पकासितन्ति आह “विनयेति एतस्मिं रागादिविनयकारणे”ति ।

सुत्ते ओसरणञ्चेत्थ तेपिटके बुद्धवचने परियापन्तावसेनेव वेदितब्बं, न अञ्जथाति आह “**सुत्तपटिपाटिया कथञ्चि अनागन्त्वा**”ति । **छल्लिं उट्टपेत्वा**ति अरोगस्स महतो रुक्खस्स तिट्ठतो उपक्कमेन छल्लिया सकलिकाय, पपटिकाय वा उट्टपनं विय अरोगस्स सासनधम्मस्स तिट्ठतो ब्यञ्जनमत्तेन तप्परियापन्नं विय हुत्वा छल्लिसदिसं पुब्बापरविरुद्धतादिदोसं उट्टपेत्वा परिदीपेत्वा, तादिसानि पन एकंसतो गुळहवेस्सन्तरादिपरियापन्नानि होन्तीति आह “**गुळहवेस्सन्तर...पे०...पञ्जायन्तीति अत्थो**”ति । **रागादिविनये**ति रागादीनं विनयनत्थे । तदाकारताय न **पञ्जायमानानि** न दिस्समानानि **छट्टेतब्बानि** वज्जितब्बानि न गहेतब्बानि । **सब्बत्था**ति सब्बवारेसु ।

**इमस्मिं पन ठाने**ति इमस्मिं महापदेसनिद्देसद्धाने । “**सुत्ते चत्तारो महापदेसा**”तिआदिना वुत्तम्पि अवुत्तेन सद्धिं गहेत्वा पकिण्णककथाय मातिकं उद्दिसति । जातुं इच्छितो अत्थो **पज्जो**, तस्स विस्सज्जनानि **पज्जाब्याकरणानि**, अत्थसूचनादिअत्थेन **सुत्तं**, पाळि, तं सुत्तं अनुलोमेति अनुकूलेतीति **सुत्तानुलोमं**, महापदेसो । आचरिया वदन्ति संवण्णेन्ति पाळि एतेनाति **आचरियवादो** अट्टकथा । तस्स तस्स थेरस्स अत्तनो एव मति अधिप्पायोति **अत्तनोमति** । **धम्मविनिच्छये पत्ते**ति धम्मे विनिच्छित्तवत्ते उपट्ठिते । **इमे**ति अनन्तरं वुत्ता चत्तारो महापदेसा । पमीयति धम्मो परिच्छिज्जति विनिच्छीयति एतेनाति **पमाणं** । तेनाह “**यं एत्थ समेती**”तिआदि । **इतरन्ति** महापदेसेसु असमेन्तं । पुन **इतरन्ति** अकप्पियं अनुलोमेन्तं कप्पियं पटिबाहन्तं सन्धायाह ।

एकंसेनेव ब्याकातब्बो विस्सज्जेतब्बोति **एकंसब्याकरणीयो** । **विभज्जा**ति पुच्छितमत्थं अवधारणादिभेदेन विभजित्वा । **पटिपुच्छा**ति पुच्छन्तं पुग्गलं पटिपुच्छित्वा । **ठपनीयो**ति तिधापि अविस्सज्जनीयत्ता ठपनीयो ब्याकरणं अकत्वा ठपेतब्बो । “चक्खुं अनिच्च”न्ति पज्जे उत्तरपदावधारणं सन्धाय “**एकंसेनेव ब्याकातब्ब**”न्ति वुत्तं निच्चताय लेसस्सापि तत्थ अभावतो । पुरिमपदावधारणे पन विभज्जब्याकरणीयता चक्खुसोतेसु विसेसत्थसामञ्जत्थानं असाधारणभावतो । द्विन्नं तेसं सदिसताचोदना पटिपुच्छनमुखेनेव ब्याकरणीया पटिक्खेपवसेन, अनुज्जातवसेन च विस्सज्जितब्बतोति आह “**यथा चक्खु, तथा सोतं...पे०... अयं पटिपुच्छाब्याकरणीयो पज्जो**”ति । तं जीवं तं **सरीरन्ति** जीवसरीरानं अनञ्जतापज्जो । यस्स येन अनञ्जताचोदिता, सो एव परमत्थतो नुपलब्धतीति वज्झातनयस्स मत्तेय्यताकित्तनसदिसोति अब्याकातब्बताय ठपनीयो वुत्तोति । **इमानि चत्तारि पज्जब्याकरणानि पमाणं** तेनेव नयेन तेसं पज्जानं ब्याकातब्बतो ।

विनयमहापदेसो कप्पियानुलोमविधानतो निप्परियायतो **अनुलोमकप्पियं** नाम, महापदेसभावेन पन तंसदिसताय सुत्तन्तमहापदेसेसुपि “**अनुलोमकप्पियं**”न्ति अयं अट्टकथावोहारो । यदिपि तत्थ तत्थ भगवता पवत्तितपकिण्णकदेसनाव अट्टकथा, सा पन धम्मसङ्गाहकेहि पठमं तीणि पिटकानि सङ्गायित्वा तस्स अत्थवण्णनानुरूपेनेव वाचनामगं आरोपितत्ता “**आचरियवादो**”ति वुच्चति आचरिया वदन्ति संवण्णेन्ति पाळि एतेनाति । तेनाह “**आचरियवादो नाम अट्टकथा**”ति । तिस्सो सङ्गीतियो आरुळ्हो एव च बुद्धवचनस्स अत्थसंवण्णनाभूतो कथामगो **महिन्दत्थेरेन तम्बपणिदीपं** आभतो पच्छा तम्बपणिनेहि महाथेरेहि **सीहळभासाय** ठपितो निकायन्तरलद्धिसङ्करपरिहरणत्थं । **अत्तनोमति नाम** थेरवादो । **नयग्गाहे**नाति सुत्तादितो लब्धमाननयग्गहणेन । **अनुबुद्धिया**ति सुत्तादीनियेव अनुगतबुद्धिया । **अत्तनो पटिभानन्ति** अत्तनो एव तस्स अत्थस्स वुत्तनयेन उपट्ठानं, यथाउपट्ठिता अत्था एव तथा वुत्ता । **समेन्तमेव गहेतब्बन्ति** यथा सुत्तेन संसन्दति, एवं महापदेसतो अत्था उद्धरितब्बाति दस्सेति । पमादपाठवसेन आचरियवादस्स कदाचि पाळिया असंसन्दनापि सिया, सो न गहेतब्बोति दस्सेन्तो आह “**आचरियवादोपि सुत्तेन समेन्तोयेव गहेतब्बो**”ति । **सब्बदुब्बला** पुग्गलस्स सयं पटिभानभावतो । तथा च **सापि गहेतब्बा**, कीदिसी? **सुत्तेन समेन्ता** येवाति योजना । **तासूति** तीसु सङ्गीतीसु ।



“आगतमेव पमाण”न्ति इमिना महाकस्सपादीहि सङ्गीतमेव “सुत्त”न्ति इधाधिप्पेतन्ति तदञ्जस्स सुत्तभावमेव पटिक्खपति । तदत्था एव हि तिस्सो सङ्गीतियो । तत्थाति गारहसुत्ते । न चेव सुत्ते ओसरन्ति, न च विनये सन्दिस्सन्तीति वेदितब्बानि तस्स असुत्तभावतो तेन “अनुलोमकप्पियं सुत्तेन समेन्तमेव गहेतब्ब”न्ति वुत्तं एवत्थं निगमनवसेन निदस्सेति । सब्बत्थ “न इतर”न्ति वचनं तत्थ तत्थ गहितावधारणफलदस्सनं दट्ठब्बं ।

### कम्मरपुत्तचुन्दवत्थुवण्णना

१८९. सूकरमद्वन्ति वनवराहस्स मुदुमंसं । यस्मा चुन्दो अरियसावको सोतापन्नो, अञ्जे च भगवतो, भिक्खुसङ्घस्स च आहारं पटियादेन्ता अनवज्जमेव पटियादेन्ति, तस्मा वुत्तं “पवत्तमंस”न्ति । तं किराति “नातितरुणस्सा”ति आदिना वुत्तविसेसं । तथा हि तं “मुदु चेव सिनिद्धञ्चा”ति वुत्तं । मुदुमंसभावतो हि अभिसङ्खरणविसेसेन च “मद्व”न्ति वुत्तं । ओजं पक्खिप्पिसु “अयं भगवतो पच्छिमको आहारो”ति पुज्जविसेसापेक्खाय, तं पन तथापक्खित्तिदब्बोजताय गरुतरं जातं ।

अञ्जे यं दुज्जीरं, तं अजानन्ता “कस्सचि अदत्त्वा विनासित”न्ति उपवदेय्यन्ति परूपवादमोचनत्थं भगवा “नाहं त”न्ति आदिना सीहनादं नदति ।

१९०. कथं पनायं सीहनादो ननु तं भगवतोपि सम्मापरिणामं न गतन्ति? नयिदं एवं दट्ठब्बं, यस्मा “सम्मदेव तं भगवतो परिणामं गत”न्ति वत्तुं अरहति तप्पच्चया उपपन्नस्स विकारस्स अभावतो, अज्जपच्चयस्स च विकारस्स मुदुभावं आपादितत्ता । तेनाह “न पन भुत्तप्पच्चया”ति आदि । न हि भगवा, अञ्जे वा पन खीणासवा नववेदनुप्पादनवसेन आहारं परिभुज्जन्ति अट्ठङ्गसमन्नागतमेव कत्वा आहारस्स उपभुज्जनतो । यदि एवं कस्मा पाळियं “भत्तं भुत्ताविस्स खरो आबाधो उपपज्जी”ति आदि वुत्तं? तं भोजनुत्तरकालं उपपन्ता वुत्तं । “न पन भुत्तपच्चया”ति वुत्तो वायमत्थो अट्ठकथायं । कतुपचितस्स लद्धोकासस्स कम्मस्स वसेन बलवतिपि रोगे उपपन्ने गरुसिनिद्धभोजनपच्चया वेदनानिग्गहो जातो, तेनाह “यदि ही”ति आदि । पत्थितट्ठानेति इच्छितट्ठाने, इच्छा चस्स तत्थ गन्त्वा विनेतब्बवेनेय्यापेक्खा दट्ठब्बा । गाथायम्पि “सुत्त”न्ति इमिना सुत्तमत्तं, परेसं वचनमत्तमेतं, न पन भोजनपच्चया आबाधं फुसि धीरोति दस्सेति ।

### पानीयाहरणवण्णना

१९१. पसन्नभावेन उदकस्स अच्छभावो वेदितब्बोति आह “अच्छोदकाति पसन्नोदका”ति । सादुरसत्ता सातताति आह “मधुरोदका”ति । तनुकमेव सलिलं विसेसतो सीतलं, न बहलन्ति आह “तनुसीतलसलिला”ति । निक्कदमाति सेतभावस्स कारणमाह । पङ्कचिक्खल्लादिवसेन हि उदकस्स विवण्णता, सभावतो पन तं सेतवण्णं एवाति ।

### पुक्कुसमल्लपुत्तवत्थुवण्णना

१९२. धुरवातेति पटिमुखवाते । दीघपिङ्गलोति दीघो हुत्वा पिङ्गलचक्खुको । पिङ्गलक्खिक्खको हि सो “आळारो”ति पज्जायित्थ । एवरूपन्ति दक्खति करिस्सति भविस्सतीति ईदिसं । ईदिसेसूति यत्र यंचाति एवरूपनिपातसद्वयुत्तट्ठानेसु ।

१९३. विचरन्तियो मेघगम्भतो निच्छरन्तियो विय होन्तीति वुत्तं “निच्छरन्तीसूति विचरन्तीसू”ति । नवविधायति नवप्पकाराय । नवसु हि पकारेसु एकविधापि असनि तप्परियापन्नताय “नवविधा” त्वेव वुच्चति । ईदिसी हि एसा रुळ्हि

अद्विविमोक्खपत्तिपि समञ्जा विय । असञ्जं करोति, यो तस्सा सदेन, तेजसा च अञ्जोत्थटो । एकं चक्कन्ति एकं मण्डलं । सङ्कारं तीरेन्ती परिच्छिज्जन्ती विय दस्सेतीति सतेरा । गगगरायमानाति गगगरातिसदं करोन्ती, अनुरवदस्सनज्हेतं । कपिसीसाति कपिसीसाकारवती । मच्छविलोलिकाति उदके परिप्फन्दमानमच्छो विय विलुळिताकारा । कुक्कुटसदिसाति पसारितपक्खकुक्कुटाकारा । नङ्गलस्स कस्सनकाले कस्सकानं हत्थेन गहेतब्बट्टाने मणिका होति, तं उपादाय नङ्गलं “दण्डमणिका”ति वुच्चति, तस्मा दण्डमणिकाकारा दण्डमणिका । तेनाह “नङ्गलसदिसा”ति । देवे वस्सन्तेपि सजोतिभूतताय उदकेन अतेमेतब्बतो महासनि “सुक्खासनी”ति वुत्ता । तेनाह “पतितट्टानं समुग्घाटेती”ति ।

भुसागारकेति भुसमये अगारके । तत्थ किर महन्तं पलालपुञ्जं अब्भन्तरतो पलालं निक्कट्टित्वा सालासदिसं पब्बजितानं वसनयोग्गट्टानं कतं, तदा भगवा तत्थ वसि, तं पन खलमण्डलं सालासदिसन्ति आह “खलसालाय”न्ति । एत्थाति हेतुम्हि भुम्मवचनन्ति आह “एतस्मिं कारणे”ति, असनिपातेन छन्नं जनानं हतकारणेति अत्थो । सो त्वं भन्तेति अयमेव वा पाठो ।

१९४. सिङ्गी नाम किर उत्तमं अतिविय पभस्सरं बुद्धानं छविवण्णोभासं देवलोकतो आगतसुवण्णं । तेनेवाह “सिङ्गीसुवण्णवण्ण”न्ति । “किं पन थेरो तं गण्ही”ति सयमेव पुच्छं समुट्ठापेत्वा तत्थ कारणं दस्सेन्तो “किञ्चापी”ति आदिमाह । तेनेव कारणेनाति उपट्ठाकट्टानस्स मत्थकप्पत्ति, परेसं वचनोकासपच्छेदनं, तेन वत्थेन सत्थु पूजनं, सत्थु अज्झासयानुवत्तनन्ति इमिना तेनेव यथावुत्तेन चतुब्बिधेन कारणेन ।

१९५. थेरो च तावदेव तं सिङ्गीवण्णं मट्ठदुस्सं भगवतो उपनामेसि “पटिग्गहत्तु मे भन्ते भगवा इमं मट्ठदुस्सं, तं ममस्स दीघरत्तं हिताय सुखाया”ति । पटिग्गहेसि भगवा, पटिग्गहेत्वाव नं परिभुज्जि । तेन वुत्तं “भगवापि ततो एकं निवासेसि, एकं पारुपी”ति । तावदेव किर तं भिक्खू ओवट्टिकरणमत्तेन तुन्नकम्मं निट्ठापेत्वा थेरस्स उपनेसुं, थेरो भगवतो उपनामेसि । हतच्चिकं वियाति पटिहतप्पभं, विय-सद्वो निपातमत्तं । भगवतो हि सरीरप्पभाहि अभिभुय्यमाना तस्स वत्थयुगस्स पभस्सरता नाहोसि । अन्तन्तेनेवाति अन्तो अन्तो एव, अब्भन्तरतो एवाति अत्थो । तेनाह “बहिपनस्स पभा नत्थी”ति ।

“पसन्नरूपं समुट्ठापेती”ति एतेनेतस्स आहारस्स भुत्तप्पच्चया न सो रोगोति अयमत्थो दीपितो । द्वीसु कालेसु एवं होति द्विन्नं निब्बानधातूनं समधिगमसमयभावतो । उपवत्तने अन्तरेन यमकसालानन्ति एत्थ वत्तब्बं परतो आगमिस्सति ।

१९६. सब्बं सुवण्णवण्णमेव अहोसि अतिविय परिसुद्धाय पभस्सराय एकग्घनाय भगवतो सरीरप्पभाय निरन्तरं अभिभूतत्ता ।

धम्मोति परियत्तिधम्मे । पवत्ताति पावचनभावेन देसेता । पुरतोव निसीदि ओवादप्पटिकरणभावतो ।

१९७. दानानिसंससङ्घाता लाभाति वण्णदानबलदानादिभेदा दानस्स आनिसंससज्जिता दिट्ठधम्मिका, सम्परायिका च लाभा इच्छितब्बा । ते अलाभाति ते सब्बे तुय्हं अलाभा, लाभा एव न होन्ति । दिट्ठेव धम्मे पच्चक्खभूते इमस्मिंयेव अत्तभावे भवा दिट्ठधम्मिका । सम्परेतब्बतो पेच्च गन्तब्बतो “सम्परायो”ति लब्धनामे परलोके भवा सम्परायिका । दिट्ठधम्मिका च सम्परायिका च दिट्ठधम्मिकसम्परायिका । दानानिसंससङ्घाता लाभाति दानानिसंसभूता लाभा । सब्बथा

सममेव हुत्वा समं फलं एतेसं न एकदेसेनाति **समसमफला** । **पिण्डपाताति** तब्बिसयं दानमयं पुज्जमाह ।

यदि खेत्तवसेन नेसं समफलता अधिप्पेता, सतिपि एकसन्तानभावे पुथुज्जनअरहन्तभावसिद्धं ननु तेसं खेत्तं विसिद्धन्ति दस्सेतुं “**ननु चा**”तिआदिमाह । **परिनिब्बानसमतायाति** किलेसपरिनिब्बानखन्धपरिनिब्बानभावेन परिनिब्बानसमताय । “**परिभुज्जित्वा परिनिब्बुतो**”ति एतेन यथा पणीतपिण्डपातपरिभोगूपत्थम्भितरूपकायसन्निस्सयो धम्मकायो सुखेनेव किलेसे परिच्चजि, भोजनसप्पायसंसिद्धिया एवं सुखेनेव खन्धे परिच्चजीति एवं किलेसपरिच्चागस्स, खन्धपरिच्चागस्स च सुखसिद्धिनिमित्तताय उभिन्नं पिण्डपातानं समफलता जोतिता । “पिण्डपातसीसेन च पिण्डपातदानं जोतित”न्ति वुत्तो वायमत्थो । यथा हि सुजाताय “इमं आहारं निस्साय मय्हं देवताय वण्णसुखबलादिगुणा सम्मदेव सम्पज्जेय्यु”न्ति उळारो अज्झासयो तदा अहोसि, एवं चुन्दस्सपि कम्मरपुत्तस्स “इमं आहारं निस्साय भगवतो वण्णसुखबलादिगुणा सम्मदेव सम्पज्जेय्यु”न्ति उळारो अज्झासयोति एवम्पि नेसं उभिन्नं समफलता वेदितब्बा । सतिपि चतुवीसतिकोटिसतसहस्ससमापत्तीनं देवसिकं वळज्जनसमापत्तिभावे यथा पन अभिसम्बुज्जनदिवसे अभिनवविपस्सनं पट्टपेन्तो रूपसत्तकादि (विसुद्धिं टी० २.७०७ वित्थारो) वसेन चुदसहाकारेहि सन्नेत्वा महाविपस्सनामुखेन ता समापत्तियो समापज्जि, एवं परिनिब्बानदिवसेपि सब्बा ता समापज्जीति एवं समापत्तिसमतायपि तेसं समफलता । चुन्दस्स ताव अनुस्सरणं उळारतरं होतु भगवतो दिन्नभावेन अज्जथत्ताभावतो, सुजाताय पन कथं देवताय दिन्नन्ति? एवंसज्जिभावतोति आह “**सुजाता चा**”तिआदि । **अपरभागेति** अभिसम्बोधितो अपरभागे । पुन **अपरभागेति** परिनिब्बानतो परतो । **धम्मसीसन्ति** धम्मानं मत्थकभूतं निब्बानं । **मे गहितन्ति** मम वसेन गहितं । तेनाह “**मय्हं किरा**”तिआदि ।

अधिपतिभावो **आधिपतेय्यन्ति** आह “**जेट्टुभावसंवत्तनियक**”न्ति ।

**संवरेति** सीलसंवरे । **वेरन्ति** पाणातिपातादिपञ्चविधं वेरं । तज्हि वेरिधम्मभावतो, वेरहेतुताय च “वेर”न्ति वुच्चति । कोसल्लं वुच्चति जाणं, तेन युत्तो **कुसलोति** आह “**कुसलो पन जाणसम्पन्नो**”ति । जाणसम्पदा नाम जाणपारिपूरी, सा च अगमगवसेन वेदितब्बा, अगमगगो च निरवसेसतो किलेसे पजहतीति आह “**अरियमग्गेन...पे०... जहाती**”ति । **इमं पापकं जहित्वाति** दानेन ताव लोभमच्छरियादिपापकं, सीलेन पाणातिपातादिपापकं जहित्वा तदङ्गवसेन पहाय ततो समथविपस्सनाधम्महि विक्खम्भनवसेन, ततो मग्गपटिपाटिया समुच्छेदवसेन अनवसेसं पापकं पहाय । तथा पहीनत्ता एव **रागादीनं खया किलेसनिब्बानेन** सब्बसो किलेसवूपसमेन **निब्बुतो** परिनिब्बुतोति सउपादिसेसाय निब्बानधातुया देसनाय कूटं गण्हन्तो “**इति चुन्दस्स...पे०... सम्पस्समानो उदानं उदानेसी**”ति ।

चतुत्थभाणवारवण्णना निट्ठिता ।

### यमकसालवण्णना

**१९८. एवं तं कुसिनारायं** होतीति यथा अनुराधपुरस्स थूपारामो दक्खिणपच्छिमदिसायं, एवं तं उय्यानं कुसिनाराय दक्खिणपच्छिमदिसायं होति । **तस्माति** यस्मा नगरं पविसितुकामा उय्यानतो उपेच्च वत्तन्ति गच्छन्ति एतेनाति “**उपवत्तन**”न्ति वुच्चति, तं सालपन्तिभावेन ठितं सालवनं । **अन्तरेनाति** वेमज्झे । **तस्स किर मज्जकस्साति** तत्थ पज्जपियमानस्स तस्स मज्जकस्स । **तत्रापि...पे०... एको पादभागस्स**, तस्मा “अन्तरेन यमकसालान”न्ति वुत्तं । **संसिब्बित्वाति** अज्जमज्जआसत्तविटपसाखताय संसिब्बित्वा विय । “**ठितसाखा**”तिपि वुत्तं अट्ठकथायं । यं पन पाळियं

“उत्तरसीसकं मञ्चकं पञ्चपेही”ति वुत्तं, तं पच्छिमदस्सनं ददुं आगतानं देवतानं ददुं योग्यतावसेन वुत्तं । केचि पन “उत्तरदिसाविलोकनमुखं पुब्बदिसासीसकं कत्वा मञ्चकं पञ्चपेहीति अत्थो”ति वदन्ति, तं तेसं मतिमत्तं ।

एते नागानमुत्तमाति एते गोत्ततो गोचरिआदिनामका हत्थिनागेषु बलेन सेट्टतमा । मज्झिमट्टकथायं (म० नि० अट्ठ० १.१४८) पन केचि हत्थिनो इतो अञ्जथा आगता, सो पन नेसं नाममत्तकतो भेदो दट्ठब्बो ।

परिभुत्तकालतो पट्टाय...पे०... परिक्खयं गतं, “न पन परिभुत्तप्पच्चया”ति हेट्ठा वुत्तनयेनेव अत्थो दट्ठब्बो । चङ्गवारेति ऊमियं । कतोकासस्स कम्मस्स वसेन यथासमुद्धितो रोगो आरोग्यं अभिमद्वतीति कत्वा एतमत्थं दस्सेन्तो “विया”ति वुत्तं । यस्मा भगवा हेट्ठा वुत्तनयेन कप्पं, कप्पावसेसं वा ठातुं समत्थो एव, तत्तकं कालं ठाने पयोजनाभावतो आयुसङ्गारे ओस्सज्जित्वा तादिसस्स कम्मस्स ओकासं अदासि, तस्मा एतमत्थं दस्सेन्तो “विया”तिपि वत्तुं युज्जतियेव ।

कुसलं कातब्बं मज्जिस्सन्ति “एवं महप्फलं, एवं महानिसंसं, महानुभावञ्च तं कुसल”न्ति ।

एकस्सापि सत्तस्स वट्ठदुक्खवूपसमो बुद्धानं गरुतरो हुत्वा उपट्ठाति अतिदुल्लभभावतो, तस्मा “अपरम्वि पस्सती”तिआदि वुत्तं, स्वायमत्थो मागण्डियसुत्तेन (सु० नि० ८४१) दीपेतब्बो ।

ततियं पन कारणं सत्तानं उप्पज्जनकअनत्थपरिहरणन्ति तं दस्सेन्तो पुन “अपरम्वि पस्सती”तिआदिमाह ।

सीहसेय्यन्ति । एत्थ सयनं सेय्या, सीहस्स विय सेय्या सीहसेय्या, तं सीहसेय्यं । अथ वा सीहसेय्यन्ति सेट्टसेय्यं, यदिदं अत्थद्वयं परतो आगमिस्सति ।

“वामेन पस्सेन सेन्ती”ति एवं वुत्ता कामभोगिसेय्या, दक्खिणपस्सेन सयानो नाम नत्थि दक्खिणहत्थस्स सरीरगहणादियोगक्खमतो, पुरिसवसेन चेतं वुत्तं ।

एकेन पस्सेन सयितुं न सक्कोन्ति दुक्खुप्पत्तितो ।

अयं सीहसेय्याति अयं एवं वुत्ता सीहसेय्या । “तेजुस्सदत्ता”ति इमिना सीहस्स अभीरुभावं दस्सेति । भीरुका हि सेसमिगा अत्तनो आसयं पविसित्वा सन्तासपुब्बकं यथा तथा सयन्ति, सीहो पन अभीरुभावतो सतोकारी भिक्खु विय सति उपट्ठापेत्वाव सयति । तेनाह “पुरिमपादे”तिआदि । दक्खिणे पुरिमपादे वामस्स पुरिमपादस्स ठपनवसेन द्वे पुरिमपादे एकस्मिं ठाने ठपेत्वा । पच्छिमपादेति द्वे पच्छिमपादे । वुत्तनयेनेव इथापि एकस्मिं ठाने पादद्वपनं वेदितब्बं, ठितोकाससल्लक्खणं अभीरुभावेनेव । “सीसं पन उक्खिपित्वा”तिआदिना वुत्ता सीहकिरिया अनुत्रासपबुज्जनं विय अभीरुभावसिद्धा धम्मतावसेनेवाति वेदितब्बा । सीहविजम्भितविजम्भनं अतिवेलं एकाकारेन ठपितानं सरीरावयवानं गमनादिकिरियासु योग्यभावापादनत्थं । तिक्खत्तुं सीहनादनदनं अप्पेसक्खमिगजातपरिहरणत्थं ।

सेति अब्यावटभावेन पवत्तति एत्थाति सेय्या, चतुत्थज्झानमेव सेय्या चतुत्थज्झानसेय्या । किं पन तं चतुत्थज्झानन्ति? आनापानचतुत्थज्झानं, ततो हि वुट्ठहित्वा विपस्सनं वट्ठेत्वा भगवा अनुक्कमेन अग्गमगं अधिगन्त्वा तथागतो जातोति । “तयिदं पदट्ठानं नाम, न सेय्या, तथापि यस्मा ‘चतुत्थज्झाना वुट्ठहित्वा समनन्तरा भगवा परिनिब्बायी’ति (दी० नि० २.२१९) वक्खति, तस्मा लोकियचतुत्थज्झानसमापत्ति एव तथागतसेय्या”ति केचि, एवं सति

परिनिब्बानकालिकाव तथागतसेय्याति आपज्जति, न च भगवा लोकीयचतुत्थज्झानसमापज्जनबहुलो विहासि । अग्गफलवसेन पवत्तं पनेत्थ चतुत्थज्झानं वेदितब्बं । तत्थ यथा सत्तानं निदुपगमनलक्खणा सेय्या भवङ्गचित्तवसेन होति, सा च नेसं पठमजातिसमन्वया येभ्य्यवुत्तिका, एवं भगवतो अरियजातिसमन्वयं येभ्य्यवुत्तिकं अग्गफलभूतं चतुत्थज्झानं “तथागतसेय्या”ति वेदितब्बं । सीहसेय्या नाम सेट्ठसेय्याति आह “उत्तमसेय्या”ति ।

नत्थि एतिस्सा उट्टानन्ति अनुट्टाना, सेय्या, तं अनुट्टानसेय्यं । “इतो उट्टहिस्सामी”ति मनसिकारस्स अभावतो “उट्टानसज्जं मनसि करित्वा”ति न वुत्तं । एत्थाति एतस्मिं अनुट्टानसेय्युपगमने । कायवसेन अनुट्टानं, न चित्तवसेन, चित्तवसेन च अनुट्टानं नाम निदुपगमनन्ति तदभावं दस्सेतुं “निदावसेना”तिआदि वुत्तं । भवङ्गस्साति निदुपगमनलक्खणस्स भवङ्गस्स ।

सब्बपालिफुल्लाति सब्बत्थकमेव विकसनवसेन फुल्ला, न एकदेसविकसनवसेन । तेनाह “सब्बे समन्ततो पुप्फिता”ति । एकच्छन्नाति सम्फुल्लपुप्फेहि एकाकारेन सब्बत्थेव छादिता । उल्लोकपदुमानीति हेट्ठा ओलोकेन्तानि विय तिट्ठनपदुमानि । मोरपिच्छकलापो विय पच्चवण्णपुप्फसज्जादितत्ता ।

नन्दपोक्खरणीसम्भवानीति नन्दपोक्खरणीतीरसम्भवानि । महातुम्बमत्तन्ति आळ्हकमत्तं । पविट्टानीति खित्तानि । सरीरमेव ओकिरन्तीति सरीरमेव अज्झोकिरन्ति ।

देवतानं उपकप्पनचन्दनचुण्णानीति सट्ठिपि पज्जासम्पि योजनानि वायनकसेतवण्णचन्दनचुण्णानि । दिब्बगन्धजालचुण्णानीति दिब्बगन्धदिब्बचुण्णानि । हरितालअज्जनचुण्णादीनिपि दिब्बानि परमसुगन्धानि एवाति वेदितब्बानि । तेनेवाह “सब्बदिब्बगन्धवासविकतियो”ति ।

एकचक्कवाळे सन्निपतित्वा अन्तलिक्खे वज्जन्ति महाभिनिक्खमनकाले विय ।

ताति देवता । गन्धमाना वाति मालं रचन्तियो एव । अपरिनिट्टिता वाति यथाधिप्पायं परियोसिता एव । हत्थेन हत्थन्ति अत्तनो हत्थेन परस्स हत्थं । गीवाय गीवन्ति कण्ठगाहवसेन अत्तनो गीवाय परस्स गीवं । गहेत्वाति आमसित्वा । महायसो महायसोति आमेटितवसेन अज्जमज्जं आलापवचनं ।

१९९. महन्तं उस्साहन्ति तथागतस्स पूजासक्कारवसेन पवत्तियमानं महन्तं उस्साहं दिस्वा ।

सायेव पन पटिपदाति पुब्बभागपटिपदा एव । अनुच्छविकत्ताति अधिगन्तब्बस्स नवविधलोकुत्तरधम्मस्स अनुरूपत्ता ।

सीलन्ति चारित्तसीलमाह । आचारपज्जत्तीति चारित्तसीलं । याव गोत्रभुतोति याव गोत्रभुआणं, ताव पवत्तेतब्बा समथविपस्सना सम्मापटिपदा । इदानि तं सम्मापटिपदं ब्यतिरेकतो, अन्वयतो च विभावेतुं “तस्मा”तिआदि वुत्तं । जिनकाळसुत्तन्ति जिनमहावड्ढकिना ठपितं वज्जेतब्बगहेतब्बधम्मसन्दस्सनकाळसुत्तं सिक्खापदमरियादं, उपासकोपासिकावारेसु “गन्धपूजं मालापूजं करोती”ति वचनं चारित्तसीलपक्खे ठपेत्वा करणं सन्धाय वुत्तं, तेन भिक्खुभिक्खुनीनम्पि तथाकरणं अनुज्जातमेवाति दट्ठब्बं ।

अयज्हीति धम्मानुधम्मपटिपदं सन्धाय वदति ।

### उपवाणत्थेरवण्णना

२००. अपनेसीति ठितप्पदेसतो यथा अपगच्छति, एवमकासि, न पन निब्भच्छि । तेनाह “आनन्दो”तिआदि । वुत्तसदिसा वाति समचित्तपरियायदेसनायं (अ० नि० २.३७) वुत्तसदिसा एव । आवारेन्तोति छादेन्तो ।

यस्मा कस्सपस्सबुद्धस्स चेतिये आरक्खदेवता अहोसि, तस्मा थेरोव तेजुस्सदो, न अज्जे अरहन्तोति आनेत्वा योजना ।

इदानी आगमनतो पट्टाय तमत्थं वित्थारतो दस्सेतुं “विपस्सिम्हि किर सम्मासम्बुद्धे”तिआदि आरब्धं । “चातुमहाराजिका देवता”ति इदं गोबलीबद्धजायेन गहेतब्बं भुम्मदेवतादीनम्पि तप्परियापन्नत्ता । तेसं मनुस्सानं ।

तत्थाति कस्सपस्स भगवतो चेतिये ।

२०१. अधिवासेन्तीति रोचेन्ति ।

छिन्नपातो विय छिन्नपातो, तं छिन्नपातं, भावनपुंसकनिद्देशो यं । आवट्टन्तीति अभिमुखभावेन वट्टन्ति । यत्थ पतिता, ततो कतिपयरतनट्टानं वट्टनवसेनेव गन्त्वा पुन यथापतितमेव ठानं वट्टनवसेन आगच्छन्ति । तेनाह “आवट्टन्तियो पतितट्टानमेव आगच्छन्ती”ति । विवट्टन्तीति यत्थ पतिता, ततो विनिवट्टन्ति । तेनाह “पतितट्टानतो परभागं वट्टमाना गच्छन्ती”ति । पुरतो वट्टनं आवट्टनं, इतरं तिविधम्पि विवट्टनन्ति दस्सेतुं “अपिचा”तिआदि वुत्तं । देवता धारेतुं न सक्कोति उदकं विय ओसीदनतो । तेनाह “तत्था”तिआदि । तत्थाति पकतिपथवियं । देवता ओसीदन्ति धातूनं सण्हसुखुमालभावतो । पथवियं पथविं मापेसुन्ति पकतिपथवियं अत्तनो सरीरं धारेतुं समत्थं इद्धानुभावेन पथविं मापेसुं ।

कामं दोमनस्से असतिपि एकच्चो रागो होतियेव, रागे पन असति दोमनस्सस्स असम्भवो एवाति तदेकट्टभावतोति आह “वीतरागाति पहीनदोमनस्सा”ति । सिलाथम्भसदिसा इद्धानिट्ठेसु निब्बिकारताय ।

### चतुसंवेजनीयट्टानवण्णना

२०२. अपारगङ्गायाति गङ्गाय ओरम्भागे । “सङ्कारछट्टुकसम्मज्जनियो गहेत्वा”तिआदि अत्तनो अत्तनो वसनट्टाने वत्तकरणाकारदस्सनं । “एवं द्वीसु कालेसू”तिआदि निदस्सनत्थं पच्चामसनं, तं हेट्ठा अधिगतं ।

कम्मसाधनो सम्भावनत्थो भावनीय-सद्दोति आह “मनसा भाविते सम्भाविते”ति । दुतियविकप्पे पन भावनं, वट्टनज्ज पटिपक्खपहानतोति आह “ये वा”तिआदि ।

बुद्धादीसु तीसु वत्थूसु पसन्नचित्तस्स, न कम्मफलसद्दामत्तेन । सा चस्स सद्दासम्पदा एवं वेदितब्बाति फलेन हेतुं दस्सेन्तो “वत्तसम्पन्नस्सा”ति आह । संवेगो नाम सहोत्तप्पजाणं, अभिजातिट्टानादीनिपि तस्स उप्पत्तिहेतूनि भवन्तीति आह “संवेगजनकानी”ति ।

चेतियपूजनत्थं चारिका **चेतियचारिका**। सगगे पतिट्ठहिस्सन्तियेव बुद्धगुणारम्मणाय कुसलचेतनाय सगगसंवत्तनियभावतो।

### आनन्दपुच्छाकथावण्णना

**२०३.** एत्थाति मातुगामे। अयं उत्तमा पटिपत्ति, यदिदं अदस्सनं, दस्सनमूलकत्ता तप्पच्चयानं सब्बानत्थानं। लोभोति कामरागो। **चित्तचलना** पटिपत्तिअन्तरायकरो चित्तक्खोभो। **मुरुमुरापेत्वा**ति सअट्ठिकं कत्वा खादने अनुरवदस्सनं। अपरिमितं कालं दुक्खानुभवनं **अपरिच्छिन्नदुक्खानुभवनं**। **विस्सासो**ति विसङ्गो घट्टनाभावो। **ओतारो**ति तत्थ चित्तस्स अनुप्पवेसो। **असिहत्येन** वेरीपुरिसेन, **पिसाचेनापि** खादितुकामेन। **आसीदे**ति अक्कमनादिवसेन बाधेय्य। **अस्साति** मातुगामस्स। **पब्बजितेहि** कत्तब्बकम्मन्ति आमिसपटिग्गहणादि पब्बजितेहि कातब्बं कम्मं। **सतीति** वा कायगतासति **उपट्ठापेतब्बा**।

**२०४.** अतन्तिबद्धाति अभारवहा। **पेसितचित्ता**ति निब्बानं पति पेसितचित्ता।

**२०५.** विहतेनाति कप्पासविहननधनुना पब्बजटानं विजटनवसेन हतेन। तेनाह “**सुपोथितेना**”ति, असङ्करणवसेन सुट्ठु पोथितेनाति अत्थो, दस्सनीयसंवेजनीयद्वानकित्तनेन च वसनद्वानं कथितं।

### आनन्दअच्छरियधम्मवण्णना

**२०७.** थेरं अदिस्वा आमन्तेसीति तत्थ अदिस्वा आवज्जन्तो थेरस्स ठितद्वानं, पवत्तिञ्च जत्वा आमन्तेसि।

कायकम्मस्स हितभावो हितज्झासयेन पवत्तितत्ताति आह “**हितवुद्धिया कतेना**”ति। सुखभावो कायिकदुक्खाभावो, चेतसिकसुखभावो चेतसिकसुखसमुट्ठितत्ता चाति वुत्तं “**सुखसोमनस्सेनेव कतेना**”ति। आविरहोविभागतो अद्वयभावतो **अद्वयेना**ति इममत्थं दस्सेतुं “**यथा**”तिआदि वुत्तं। सत्थु खेत्तभावसम्पत्तिया, थेरस्स अज्झासयसम्पत्तिया च “**एत्तकमिद**”न्ति पमाणं गहेतुं असक्कुण्येय्यताय पमाणविरहितत्ता तस्स कम्मस्साति आह “**चक्कवाळम्पी**”तिआदि।

**एवं पवत्तितेना**ति एवं ओदिस्सकमेत्ताभावनाय वसेन पवत्तितेन। विवट्ठूपनिस्सयभूतं कतं उपचितं पुज्जं एतेनाति **कतपुज्जो**, अरहत्ताधिगमाय कताधिकारोति अत्थो। तेनाह “**अभिनीहारसम्पन्नोसीति दस्सेती**”ति।

**२०८.** कत्थचि सङ्कुचितं हुत्वा ठितं महापथविं पत्थरन्तो विय, पटिसंहटं हुत्वा ठितं आकासं वित्थारेन्तो विय, चतुसट्ठाधिकयोजनसतसहस्सुब्बेधं चक्कवाळगिरिं अधो ओसारेन्तो विय, अट्ठसट्ठाधिकसहस्सयोजनसतसहस्सुब्बेधं सिनेरुं उक्खिपेन्तो विय, सतयोजनायामवित्थारं महाजम्बुं खन्धे गहेत्वा चालेन्तो वियाति पञ्च हि उपमा हि थेरस्स गुणकथा महन्तभावदस्सनत्थञ्चेव अज्जेसं दुक्कटभावदस्सनत्थञ्च आगताव। **एतेनेव चाति च-**सद्देन “अहं एतरहि अरहं सम्मासम्बुद्धो” (दी० नि० २.४), “सदेवकस्मिं लोकस्मिं नत्थि मे पटिपुग्गलो”ति (म० नि० १.२८५; २.३४१; महाव० ११; कथा० ४०५; मि० प० ५.११) च एवं आदीनं सङ्गहो दट्ठब्बो। **व्यत्तो**ति खन्धकोसल्लादिसङ्घातेन वेय्यत्तियेन समन्नागतो। **मेधावी**ति मेधासङ्घाताय सम्माभाविताय पज्जाय समन्नागतो।

२०९. पटिसन्धारधम्मन्ति पकतिचारित्तवसेन वुत्तं, उपगतानं पन भिक्खूनं भिक्खुनीनञ्च पुच्छाविस्सज्जनवसेन चेव चित्तरुचिवसेन च यथाकालं धम्मं देसेतियेव, उपासकोपासिकानं पन उपनिसिन्नकथावसेन ।

### महासुदस्सनसुत्तदेसनावण्णना

२१०. खुद्दक-सद्धो पतिरूपवाची, क-सद्धो अप्पत्थोति आह “खुद्दकनगरकेति नगरपतिरूपके सम्बाधे खुद्दकनगरके”ति । धुपरविसालसण्ठानताय तं “उज्जङ्गलनगरके”न्ति वुत्तन्ति आह “विसमनगरके”ति । अज्जेसं महानगरानं एकदेसप्पमाणताय साखासदिसे । एत्थ च “खुद्दकनगरके”ति इमिना तस्स नगरस्स अप्पकभावो वुत्तो, “उज्जङ्गलनगरके”ति इमिना भूमिविपत्तिया निहीनभावो, “साखानगरके”ति इमिना अप्पधानभावो । सारप्पत्ताति विभवसारादिना सारमहत्तं पत्ता ।

कहापणसकटन्ति एत्थ “द्विकुम्भं सकटं । कुम्भो पन दसम्बणो”ति वदन्ति । द्वे पविसन्तीति द्वे कहापणसकटानि द्वे आयवसेन पविसन्ति ।

सुभिक्षाति सुलभाहारा, सुन्दराहारा च । तेनाह “खज्जभोज्जसम्पन्ना”ति । सद्दं करोन्तेति रवसारिना तुट्ठभावेन कोज्जनदं करोन्ते । अविवित्ताति असुज्जा, कदाचि रथो पठमं गच्छति, तं अज्जो अनुबन्धन्तो गच्छति, कदाचि दुतियं वुत्तरथो पठमं गच्छति, इतरो तं अनुबन्धति एवं अज्जमज्जं अनुबन्धमाना । एत्थाति कुसावतीनगरे । तस्स महन्तभावतो चेव इद्धादिभावतो च निच्चं पयोजितानेव भेरिआदीनि तूरियानि, सम्म सम्माति वा अज्जमज्जं पियालापसद्धो सम्म-सद्धो । कंसताळादिसब्बताळावचरसद्धो ताळ-सद्धो, कूटभेरि-सद्धो कुम्भथूणसद्धो ।

एवरूपा सद्धा होन्ति कचवराकिण्णवीथिताय, अरज्जे कन्दमूलपण्णादिगहणाय, तत्थ दुक्खजीविकताय चाति यथाक्कमं योजेतब्बं । इध न एवं अहोसि देवलोके विय सब्बसो परिपुण्णसम्पत्तिकताय ।

महन्तं कोलाहलन्ति सद्धासम्पन्नानं देवतानं, उपासकानञ्च वसेन पुरतो पुरतो महती उग्घोसना होति । तत्थ भगवन्तं उद्दिस्स कतस्स विहारस्स अभावतो, भिक्खुसङ्घस्स च महन्तभावतो ते आगन्त्वा...पे०... पेसेसि । पेसेन्तो च “कथञ्चि नाम भगवा पच्छिमे काले अत्तनो पवत्तिं अम्हाकं नारोचेसि, नेसं दोमनस्सं मा अहोसी”ति “अज्ज खो वासेट्ठा”तिआदिना सासनं पेसेसि ।

### मल्लानं वन्दनावण्णना

२११. अघं दुक्खं आवेन्ति पकासेन्तीति अघाविनो, पाकटीभूतदुक्खाति आह “उप्पन्नदुक्खा”ति । जातिसालोहितभावेन कुलं परिवत्तति एत्थाति कुलपरिवत्तं । तं तंकुलीनभागेन ठितो सत्तनिकायो “कुलपरिवत्तसो”ति वुत्तन्ति आह “कुलपरिवत्त”न्ति । ते पन तंतंकुलपरिवत्तपरिच्छिन्ना मल्लराजानो तस्मिं नगरे वीथिआदिसभागेन वसन्तीति वुत्तं “वीथिसभागेन चेव रच्छासभागेन चा”ति ।

### सुभदपरिब्बाजकवत्थुवण्णना

२१२. कङ्घा एव कङ्घाधम्मो । एकतो वाति भूमिं अविभजित्वा साधारणतोव । बीजतो च अगं गहेत्वा आहारं



सम्पादेत्वा दानं बीजगंगं। गब्भकालेति गब्भधारणतो परं खीरगगणकाले। तेनाह “गब्भं फालेत्वा खीरं निहरित्वा”तिआदि। पुथुककालेति सस्सानं नातिपक्के पुथुकयोग्यफलकाले। लायनगगन्ति पक्कस्स सस्सस्स लवने लवनारम्भे दानं अदासि। लुनस्स सस्सस्स वेणिवसेन बन्धित्वा ठपनं वेणिकरणं। तस्स आरम्भे दानं वेणगंगं। वेणियो पन एकतो कत्वा रासिकरणं कलापो। तत्थ अगगदानं कलापगंगं। कलापतो नीहरित्वा मद्दने अगगदानं खलगंगं। मद्दितं ओफुणित्वा धज्जस्स रासिकरणे अगगदानं खलभण्डगंगं। धज्जस्स खलतो कोट्टे पक्खिपने अगगदानं कोट्टगंगं। उद्धरित्वाति कोट्टतो उद्धरित्वा।

“नव अगगदानानि अदासी”ति इमिना “कथं नु खो अहं सत्थु सन्तिके अगगतोव मुच्चेय्य”न्ति अगगगदानवसेन विवट्ठपनिस्सयस्स कुसलस्स कतूपचितत्ता, जाणस्स च तथा परिपाकं गतत्ता अगगधम्मदेसनाय तस्स भाजनभावं दस्सेति। तेनाह “इमं अगगधम्मं तस्स देसेस्सामी”तिआदि। ओहीयित्वा सङ्कोचं आपज्जित्वा।

२१३. अज्जातुकामोव न सन्दिट्ठिं परामासी। अब्भज्जिंसूति सन्देहजातस्स पुच्छावचनन्ति कत्वा जानिंसूति अत्थमाह। तेनाह पाळियं “सब्बेव न अब्भज्जिंसू”ति। नेसन्ति पूरणादीनं। सा पटिज्जाति “करोतो खो महाराज कारयतो”तिआदिना (दी० नि० १.१६६) पटिज्जाता, सब्बज्जुपटिज्जा एव वा। नित्थानिकाति सप्पाटिहारिया, तेसं वा सिद्धन्तसङ्घाता पटिज्जा वट्टतो निस्सरणट्टेन नित्थानिकाति। सासनस्स सम्पत्तिया तेसं सब्बज्जुतं, तब्बिपरियायतो च असब्बज्जुतं गच्छतीति दट्ठब्बं। तेनाह “तस्मा”तिआदि। अत्थाभावतोति सुभदस्स साधेतब्ब अत्थाभावतो। ओकासाभावतोति तथा वित्थारितं कत्वा धम्मं देसेतुं अवसराभावतो। इदानीं तमेव ओकासाभावं दस्सेतुं “पठमयामस्मि”न्तिआदि वुत्तं।

२१४. येसं समणभावकरानं धम्मानं सम्पादनेन समणो, ते पन उक्कट्टुनिद्वेसेन अरियमगगधम्माति चतुमगगसंसिद्धिया पाळियं चत्तारो समणा वुत्ताति ते बाहिरसमये सब्बेन सब्बं नत्थीति दस्सेन्तो “पठमो सोतापन्नसमणो”तिआदिमाह। पुरिमदेसनायाति “यस्मिञ्च खो, सुभद, धम्मविनये”तिआदिना वुत्ताय देसनाय। ब्यतिरेकतो, अन्वयतो च अधिप्पेतो अत्थो विभावीयतीति पठमनयोपेत्य “पुरिमदेसनाया”ति पदेन सङ्गहितो वाति दट्ठब्बो। अत्तनो सासनं नियमेन्तो आह “इमस्मिं खो”ति योजना। आरद्धविपस्सकेहीति समाधिकम्मिकविपस्सकेहि, सिखाप्पत्तविपस्सके सन्धाय वुत्तं, न पट्टपितविपस्सने। अपरे पन “बाहिरकसमये विपस्सनारम्भस्स गन्थोपि नत्थेवाति अविसेसवचनमेत”न्ति वदन्ति। अधिगतट्टानन्ति अधिगतस्स कारणं, तदत्थं पुब्बभागपटिपदन्ति अत्थो, येन सोतापत्तिमगगो अधिगतो, न उपरिमगगो, सो सोतापत्तिमगगे ठितो अकुप्पधम्मताय तस्स, तत्थ वा सिद्धितो ठितपुब्बो भूतपुब्बगतियाति सोतापत्तिमगगट्टो सोतापन्नो, न सेसअरिया भूमन्तरुप्पत्तितो। सोतापन्नो हि अत्तना अधिगतट्टानं सोतापत्तिमगगं अज्जस्स कथेत्वा सोतापत्तिमगगट्टं करेय्य, न अट्टमको असम्भवतो। एस नयो सेसमगगट्टेसूति एत्थापि इमिनाव नयेन अत्थो वेदितब्बो। पगुणं कम्मट्टानन्ति अत्तनो पगुणं विपस्सनाकम्मट्टानं, एतेनेव “अविसेसवचन”न्ति वादो पटिक्खित्तीति दट्ठब्बो।

सब्बज्जुतज्जाणं अधिप्पेतं। तज्हि सब्बजेय्यधम्मावबोधने “कुसलं छेकं निपुण”न्ति वुच्चति तत्थ असङ्गअप्पटिहतं पवत्ततीति कत्वा। समधिकानि एकेन वस्सेन। जायन्ति एतेन चतुसच्चधम्मं याथावतो पटिविज्झन्तीति जायो, लोकुत्तरमगगोति आह “अरियमगगधम्मस्सा”ति। पदिस्सति एतेन अरियमगगो पच्चक्खतो दिस्सतीति पदेसो, विपस्सनाति वुत्तं “पदेसे विपस्सनामगगे”ति। समणोपीति एत्थ पि-सद्वो “पदेसवत्ती”ति एत्थापि आनेत्वा सम्बन्धितब्बोति आह “पदेसवत्ति...पे०... नत्थीति वुत्तं होती”ति।

२१५. सोति तथावुत्तो अन्तेवासी । तेनाति आचरियेन । अत्तनो ठाने ठपितो होति परपब्बाजनादीसु नियुत्तता ।

सक्खिसावकोति पच्चक्खसावको, सम्मुखसावकोति अत्थो । भगवति धरमानेति धरमानस्स भगवतो सन्तिके । सेसद्वयेपि एसेव नयो । सब्बोपि सोति सब्बो सो तिविधोपि । अयं पन अरहत्तं पत्तो, तस्मा परिपुण्णगताय मत्थकप्पत्तो पच्छिमो सक्खिसावकोति ।

पञ्चमभाणवारवण्णना निट्ठिता ।

### तथागतपच्छिमवाचावण्णना

२१६. तन्ति भिक्खुसङ्घस्स ओवादकङ्गं दस्सेतुं... पे०... वुत्तं धम्मसङ्गाहकेहीति अधिप्पायो । सुत्ताभिधम्मसङ्गहितस्स धम्मस्स अतिसज्जनं सम्बोधनं देसना, तस्सेव पकारतो आपनं वेनेय्यसन्ताने ठपनं पज्जापनन्ति “धम्मोपि देसितो चेव पज्जत्तो चा”ति वुत्तं । तथा विनयतन्तिसङ्गहितस्स कायवाचानं विनयनतो “विनयो”ति लद्धाधिवचनस्स अत्थस्स अतिसज्जनं सम्बोधनं देसना, तस्सेव पकारतो आपनं असङ्करतो ठपनं पज्जापनन्ति “विनयोपि देसितो चेव पज्जत्तो चा”ति वुत्तं । अधिसीलसिक्खानिद्देसभावेन सासनस्स मूलभूतत्ता विनयो पठमं सिक्खितब्बोति तं ताव अयमुद्देसं सरूपतो दस्सेन्तो “मया हि वो”ति आदिमाह । तत्थ सत्तापत्तिक्खन्धवसेनाति सत्तन्नं आपत्तिक्खन्धानं अवीतिक्कमनीयतावसेन । सत्थुकिच्चं साधेस्सति “इदं वो कत्तब्बं, इदं वो न कत्तब्ब”न्ति कत्तब्बाकत्तब्बस्स विभागेन अनुसासनतो ।

तेन तेनाकारेनाति तेन तेन वेनेय्यानं अज्झासयानुरूपेण पकारेण । इमे धम्मेति इमे सत्ततिसंबोधिपक्खियधम्मे । तप्पधानत्ता सुत्तन्तदेसनाय “सुत्तन्तपिटकं देसित”न्ति वुत्तं । सत्थुकिच्चं साधेस्सति तंतंचरियानुरूपं सम्मापटिपत्तिया अनुसासनतो । कुसलाकुसलाब्बाकतवसेन नव हेतू । “सत्त फस्सा”ति आदि सत्तविज्जाणधातुसम्पयोगवसेन वुत्तं । धम्मानुलोमे तिकपट्टानादयो छ, तथा धम्मपच्चनीये, धम्मानुलोमपच्चनीये, धम्मपच्चनीयानुलोमेति चतुर्वीसति समन्तपट्टानानि एतस्साति चतुर्वीसतिसमन्तपट्टानं, तं पन पच्चयानुलोमादिवसेन विभजियमानं अपरिमाणनयं एवाति आह “अनन्तनयमहापट्टानपटिमण्डित”न्ति । सत्थुकिच्चं साधेस्सतीति खन्धादिविभागेन जायमानं चतुसच्चसम्बोधावहत्ता सत्थारा सम्मासम्बुद्धेन कातब्बकिच्चं निप्फादेस्सति ।

ओवादस्सन्ति अनुसासिस्सन्ति ओवादानुसासनीकिच्चनिप्फादनतो ।

चारित्तन्ति समुदाचारा, नवेसु पियालापं वुट्ठेसु गारवालापन्ति अत्थो । तेनाह “भन्तेति वा आयस्माति वा”ति । गारववचनं हेतं यदिदं भन्तेति वा आयस्माति वा, लोके पन “तत्र भव”न्ति, “देवानं पिया”ति च गारववचनमेव ।

“आकङ्खमानो समूहनतू”ति वुत्ते “न आकङ्खमानो न समूहनतू”तिपि वुत्तमेव होतीति आह “विकप्पवचनेनेव ठपेसी”ति । बलन्ति जाणबलं । यदि असमूहननं दिट्ठं, तदेव च इच्छितं, अथ कस्मा भगवा “आकङ्खमानो समूहनतू”ति अवोचाति? तथारूपपुग्गलज्झासयवसेन । सन्ति हि केचि खुद्धानुखुद्धानि सिक्खापदानि समादाय संवत्तितुं अनिच्छन्ता, तेसं तथा अवुच्चमाने भगवति विघातो उप्पज्जेय्य, तं तेसं भविस्सति दीघरत्तं अहिताय दुक्खाय, तथा पन वुत्ते तेसं विघातो न उप्पज्जेय्य “अम्हाकं एवायं दोसो, यतो अम्हेसु एव केचि समूहननं न इच्छन्ती”ति । केचि “सकलस्स पन सासनस्स सङ्घायत्तभावकरणत्थं तथा वुत्त”न्ति वदन्ति । यच्च किञ्चि सत्थारा सिक्खापदं पज्जत्तं, तं समणा सक्कपुत्तिया सिरसा

सम्पटिच्छित्वा जीवितं विय रक्खन्ति । तथा हि ते “खुद्धानुखुद्दकानि सिक्खापदानि आकङ्खमानो सङ्घो समूहनतू”ति वुत्तेपि न समूहनिंसु, अज्जदत्थु “पुरतो विय तस्स अच्चयेपि रक्खिंसु एवा”ति सत्थुसासनस्स, सङ्घस्स च महन्तभावदस्सनत्थम्पि तथा वुत्तन्ति दट्ठब्बं । तथा हि आयस्मा आनन्दो, अज्जेपि वा भिक्खू “कतमं पन भन्ते खुद्दकं, कतमं अनुखुद्दक”न्ति न पुच्छिंसु समूहनज्झासयस्सेव अभावतो ।

न तं एवं गहेतब्बन्ति “नागसेनत्थेरो खुद्धानुखुद्दकं जानाती”ति आदिना वुत्तं तं नेसं वचनं इमिना वुत्ताकारेण न गहेतब्बं अधिप्पायस्स अविदितत्ता । इदानीं तं अधिप्पायं विभावेतुं “नागसेनत्थेरो ही”ति आदि वुत्तं । यस्मा नागसेनत्थेरो (मिलिन्दपञ्चे अभेज्जवग्गे वित्थारो) परेसं वादपथोपच्छेदनत्थं सङ्गीतिकाले धम्मसङ्गाहकमहात्थेरेहि गहितकोट्टासेसु च अन्तिमकोट्टासमेव गहेत्वा मिलिन्दराजानं पज्जापेसि । महाकस्सपत्थेरो पन एकसिक्खापदम्पि असमूहनितुकामताय तथा कम्मवाचं सार्वेति, तस्मा तं तेसं वचनं तथा न गहेतब्बं ।

२१७. द्वेळ्हकन्ति द्विधागाहो, अनेकंसग्गाहोति अत्थो । विमतीति संसयापत्ति । तेनाह “विनिच्छित्तुं असमत्थता”ति । तं वो वदामीति तं संसयवन्तं भिक्खुं सन्धाय वो तुम्हे वदामि ।

निक्कङ्खभावपच्चक्खकरणजाणं येवाति बुद्धादीसु तेसं भिक्खूनं निक्कङ्खभावस्स पच्चक्खकारियाभावतो तमत्थं पटिविज्झित्वा ठितं सब्बज्जुतज्जाणमेव । एत्थ एतस्मिं अत्थे ।

२१८. अप्पमज्जनं अप्पमादो, सो पन अत्थतो जाणूपसज्झिता सति । यस्मा तत्थ सतिया ब्यापारो सातिसयो, तस्मा “सतिअविप्पवासेना”ति वुत्तं । अप्पमादपदेयेव पक्खिपित्वा अदासि तं अत्थतो, तस्स सकलस्स बुद्धवचनस्स सङ्गणहनतो च ।

### परिनिब्बुतकथावण्णना

२१९. ज्ञानादीसु, चित्ते च परमुक्कंसगतवसीभावताय “एतत्के काले एतका समापत्तियो समापज्जित्वा परिनिब्बायिस्सामी”ति कालपरिच्छेदं कत्वा समापत्ति समापज्जनं “परिनिब्बानपरिकम्म”न्ति अधिप्पेतं । थेरोति अनुरुद्धत्थेरो ।

अयम्पि चाति यथावुत्तपञ्चसट्ठिया ज्ञानानं समापन्नभावकथापि सङ्खेपकथा एव, कस्मा? यस्मा भगवा तदापि देवसिकं वळज्जनसमापत्तियो सब्बापि अपरिहापेत्वा समापज्जि एवाति दस्सेन्तो “निब्बानपुरं पविसन्तो”ति आदिमाह ।

इमानि द्वेपि समनन्तरानेव पच्चवेक्खणायपि येभ्येनानन्तरियकताय ज्ञानपक्खिकभावतो, यस्मा भवङ्गचित्तं सब्बपच्छिमं, ततो भवतो चवनतो “चुती”ति वुच्चति, तस्मा न केवलं अयमेव भगवा, अथ खो सब्बेपि सत्ता भवङ्गचित्तेनेव चवन्तीति दस्सेतुं “ये हि केची”ति आदि वुत्तं ।

२२०. पटिभागपुग्गलविरहितोति सीलादिगुणेहि असदिसताय सदिसपुग्गलरहितो ।

२२१. सङ्खारा वूपसमन्ति एत्थाति वूपसमोति एवंसङ्खातं जातं कथितं निब्बानं ।

२२२. यन्ति पच्चत्ते उपयोगवचनन्ति आह “यो कालं अकरी”ति ।

सुविकसितेनेवाति पीतिसोमनस्सयोगतो सुट्ठु विकसितेन मुदितेन । वेदनं अधिवासेसि अभावसमुदयो कतो सुट्ठु परिज्जातत्ता । अनावरणविमोक्खो सब्बसो निब्बुतभावतो ।

२२३. आकरोन्ति अत्तनो फलानि समानाकारे करोन्तीति आकारा, कारणानि । सब्बाकारवरूपेतेति सब्बेहि आकारवरेहि उत्तमकारणेहि सीलादिगुणेहि समन्नागतेति अत्थो ।

२२५. कथंभूताति कीदिसाभूता ।

चुल्लकब्धानन्ति परित्तं कालं द्वत्तिनाडिकामत्तं वेलं ।

### बुद्धसरीरपूजावण्णना

२२७. कंसताळादि ताळं अवचरति एत्थाति “ताळावचर”न्ति वुच्चति आततादितूरियभण्डं । तेनाह “सब्बं तूरियभण्ड”न्ति ।

दक्खिणदिसाभागेनेवाति अज्जेन दिसाभागेन अनाहरित्वा यमकसालानं ठानतो दक्खिणदिसाभागेनेव, ततोपि दक्खिणदिसाभागं हरित्वा नेत्वा ।

जेतवनसदिसेति सावत्थिया जेतवनसदिसे ठाने, “जेतवनसदिसे ठाने”तिपि पाठो ।

२२८. पसाधनमङ्गलसालायाति अभिसेककाले अलङ्करणमङ्गलसालाय ।

२२९. देवदानियोति तस्स चोरस्स नामं ।

### महाकस्सपत्थेरवत्थुवण्णना

२३१. पावायाति पावा नगरतो । आवज्जनपटिबद्धत्ता जाननस्स अनावज्जितत्ता सत्थु परिनिब्बानं अजानन्तो “दसबलं पस्सिस्सामी”ति थेरो चिन्तेसि, सत्थु सरीरे वा सत्थुसज्जं उप्पादेन्तो तथा चिन्तेसि । तेनेवाह “अथ भगवन्तं उक्खिपित्वा”ति । “ध्रुवं परिनिब्बुतो भविस्सती”ति चिन्तेसि पारिसेसजायेन । जानन्तोपि थेरो आजीवकं पुच्छियेव, पुच्छने पन कारणं सयमेव पकासेतुं “किं पना”तिआदि आरब्धं ।

अज्ज सत्ताहपरिनिब्बुतोति अज्ज दिवसतो पटिलोमतो सत्तमे अहनि परिनिब्बुतो ।

२३२. नाळिया वापकेनाति नाळिया चेव थविकाय च ।

मज्जुकेति मज्जुभाणिने मधुरस्सरे । पटिभानेय्यकेति पटिभानवन्ते । भुज्जित्वा पातब्बयागूति पठमं भुज्जित्वा पिवितब्बयागु ।

तस्साति सुभदस्स वुट्ठपब्बजितस्स ।

आराधितसासनेति समाहितसासने । अलन्ति समत्थो । पापोति पापपुग्गलो । ओसक्कापेतुन्ति हापेतुं अन्तरधापेतुं ।

पज्जवाराति पज्जा विय विस्सज्जनानि “यस्मिं समये कामावचरं कुसलं चित्तं उप्पन्नं होती”तिआदिना, (ध० स० १.१) “यस्मिं समये रूपूपपत्तिया मगं भावेती”तिआदिना (ध० स० १.२५१) च पवत्तानि एकं द्वे भूमन्तरानि । मूले नट्टे पिसाचसदिसा भविस्सामाति यथा रुक्खे अधिवत्थो पिसाचो तस्स साखापरिवारे नट्टे खन्धं निस्साय वसति, खन्धे नट्टे मूलं निस्साय वसति, मूले पन नट्टे अनिस्सयोव होति, तथा भविस्सामाति अत्थो । अथ वा मूले नट्टेति पिसाचेन किर रुक्खगच्छादीनं कज्जिदेव मूलं छिन्दित्वा अत्तनो पुत्तस्स दिन्नं, याव तं तस्स हत्थतो न विगच्छति, ताव सो तं पदेसं अदिस्समानरूपो विचरति । यदा पन तस्मिं केनचि अच्छिन्नभावेन वा सतिविप्पवासवसेन वा नट्टे मनुस्सानम्पि दिस्समानरूपो विचरति, तं सन्धायाह “मूले नट्टे पिसाचसदिसा भविस्सामा”ति ।

मं कायसक्खिं कत्वाति तं पटिपदं कायेन सच्छिकतवन्तं तस्मा तस्सा देसनाय सक्खिभूतं मं कत्वा । पटिच्छापेसि तं पटिच्छापनं कस्सपसुत्तेन दीपेतब्बं ।

२३३. चन्दनघटिकाबाहुल्लतो चन्दनचितका ।

तं सुत्वाति तं आयस्मता अनुरुद्धत्थेरेन वुत्तं देवतानं अधिप्पायं सुत्वा ।

२३४. दसिकतन्तं वाति पलिवेठितअहतकासिकवत्थानं दसठानेन तन्तुमत्तम्पि वा । दारुक्खन्धं वाति चन्दनादिचितकदारुक्खन्धं वा ।

२३५. समुदायेसु पवत्तवोहारानं अवयवेसु दिस्सनतो सरीरस्स अवयवभूतानि अट्ठीनि “सरीरानी”ति वुत्तानि ।

न विप्पकिरिंसूति सरूपेनेव ठिताति अत्थो । “सेसा विप्पकिरिंसू”ति वत्वा यथा पन ता विप्पकिण्णा अहेसुं, तं दस्सेतुं “तत्था”तिआदि वुत्तं ।

उदकधारा निक्खमित्वा निब्बापेसुन्ति देवतानुभावेन । एवं महितियो बहू उदकधारा किमत्थायाति आह “भगवतो चित्तको महन्तो”ति । महा हि सो वीसरतनसत्तिको । अट्ठदन्तकेहीति नङ्गलेहि अट्ठेव हि नेसं दन्तसदिसानि पोत्थानि होन्ति, तस्मा “अट्ठदन्तकानी”ति वुच्चति ।

धम्मकथाव पमाणन्ति अतिविय अच्छरियब्भुतभावतो पस्सन्तानं, सुणन्तानञ्च सातिसयं पसादावहभावतो, सविसेसं बुद्धानुभावदीपनतो । परिनिब्बुतस्स हि बुद्धस्स भगवतो एवरूपो आनुभावोति तं पवत्तिं कथेन्तानं धम्मकथिकानं अत्तनो जाणबलानुरूपं पवत्तियमाना धम्मकथा एवेत्थ पमाणं वण्णेत्तब्बस्स अत्थस्स महाविसयत्ता, तस्मा वण्णनाभूमि नामेसाति अधिप्पायो । चतुज्जातियगन्धपरिभण्डं कारेत्वाति तगरकुङ्कुमयवनपुष्फतमालपत्तानि पिसित्वा कतगन्धेन परिभण्डं कारेत्वा । खचित्वाति तत्थ तत्थ ओलम्बनवसेन रचेत्वा, गन्धवत्थूनि गहेत्वा गन्धितमाला गन्धदामानि रतनावळियो रतनदामानि । बहिकिलज्जपरिक्खेपस्स, अन्तोसाणिपरिक्खेपस्स करणेन साणिकिलज्जपरिक्खेपं कारेत्वा । वातग्गाहिनियो पटाका वातपटाका । सरभरूपपादको पल्लङ्को सरभमयपल्लङ्को, तस्मिं सरभमयपल्लङ्के ।

सत्तिहत्था पुरिसा सत्तियो तंसहचरणतो यथा “कुन्ता पचरन्ती”ति, तेहि समन्ततो रक्खापनं पञ्चकरणन्ति आह “सत्तिहत्थेहि पुरिसेहि परिक्खिपापेत्वा”ति । धनूहीति एत्थापि एसेव नयो । सन्नाहगवच्छिकं विय कत्वा निरन्तरावड्डितआरक्खसन्नाहेन गवच्छिजालं विय कत्वा ।

साधुकीळितन्ति सपरहितं साधनद्वेन साधू, तेसं कीळितं उळारपुञ्जपसवनतो, सम्परायिकत्थाविरोधिकं कीळाविहारन्ति अत्थो ।

### सरीरधातुविभजनवण्णना

२३६. इमिनाव नियामेनाति येन नीहारेन महातले निसिन्नो कञ्चि परिहारं अकत्वा केवलं इमिना नियामेनेव । सुपिनकोति दुस्सुपिनको । दुकूलदुपट्टं निवासेत्वाति द्वे दुकूलवत्थानि एकज्झं कत्वा निवासेत्वा । एवञ्चि तानि सोकसमप्पितस्सापि अभस्सित्वा तिड्डन्ति ।

अभिसेकसिञ्चकोति रज्जाभिसेके अभिसेकमङ्गलसिञ्चको उत्तममङ्गलभावतो । विसञ्जी जातो यथा तं भगवतो गुणविसेसामतरसञ्जुताय अवड्डितपेमो पोथुज्जनिकसद्भाय पतिड्डितपसादो कतूपकारताय सञ्जनितचित्तमद्वो ।

सुवण्णबिम्बिसकवण्णन्ति सुविरचित अपस्सेनसदिसं ।

कस्मा पनेत्थ पावेय्यका पाळियं सब्बपच्छतो गहिता, किं ते कुसिनाराय आसन्नतरापि सब्बपच्छतो उड्डिता? आम, सब्बपच्छतो उड्डिताति दस्सेतुं “तत्थ पावेय्यका”तिआदि वुत्तं ।

धातुपासनत्थन्ति सत्थु धातूनं पयिरुपासनाय । नेसं पक्खा अहेसुं “जायेन तेसं सन्तका धातुयो”ति ।

२३७. दोणगज्जितं नाम अवोच सत्थु अवत्थत्तयूपसंहितं । एतदत्थमेव हि भगवा मगं गच्छन्तो “पच्छतो आगच्छन्तो दोणो ब्राह्मणो याव मे पदवळज्जं पस्सति, ताव मा विगच्छतू”ति अधिद्वाय अज्जतरस्मिं रुक्खमूले निसीदि । दोणोपि खो ब्राह्मणो “इमानि सदेवके लोके अगगपुगलस्स पदानी”ति सल्लक्खेन्तो पदानुसारेन सत्थु सन्तिकं उपगच्छि, सत्थापिस्स धम्मं देसेसि, तेनपि सो भगवति निविड्डसद्धो अहोसि । एतदवोच, किं अवोचाति आह “सुणन्तु...पे०... अवोचा”ति ।

कायेन एकसन्निपाता वाचाय एकवचना अभिन्नवचना एवं समग्गा होथ । तस्स पनिदं कारणन्ति आह “सम्मोदमाना”ति । तेनाह “चित्तेनापि अज्जमज्जं सम्मोदमाना होथा”ति ।

२३८. ततो ततो समागतसङ्गानन्ति ततो ततो अत्तनो वसनट्ठानतो समागन्त्वा सन्निपतितभावेन समागतसङ्गानं । तथा समापतितसमूहभावेन समागतगणानं । वचनसम्पटिच्छनेन पटिस्सुणित्वा ।

### धातुथूपपूजावण्णना

२३९. यक्खग्गाहो देवतावेसो । खिपितकं धातुक्खोभं उप्पादेत्वा खिपितकरोगो । अरोचको आहारस्स अरुच्चनरोगो ।

सत्तमदिवसेति सत्तवस्ससत्तमासतो परतो सत्तमे दिवसे । बलानुरूपेणाति विभवबलानुरूपेन ।

**पच्छा सङ्गीतिकारका**ति दुतियं ततियं सङ्गीतिकारका । **धातूनं अन्तरायं दिस्वा**ति तत्थ तत्थ चेति ये यथापतिट्ठापितभावेनेव ठितानं धातूनं मिच्छादिट्ठिकानं वसेन अन्तरायं दिस्वा, महाधातुनिधानेन सम्मदेव रक्खितानं अनागते असोकेन धम्मरज्जा ततो उद्धरित्वा विथारितभावे कते सदेवकस्स लोकस्स हितसुखावहभावञ्च दिस्वाति अधिप्पायो । **परिचरणमत्तमेवा**ति गहेत्वा परिचरितब्बधातुमत्तमेव । राजूनं हत्थे **ठपेत्वा**, न चेति येसु । तथा हि पच्छा असोकमहाराजा चेति येसु धातूनं न लभति ।

पुरिमं पुरिमं कतस्स गणहनयोग्यं पच्छिमं पच्छिमं कारेन्तो **अट्ट अट्ट हरिचन्दनादिमये करण्डे च थूप्पे च कारेसि** । लोहितचन्दनमयादीसुपि एसेव नयो । **मणिकरण्डेसू**ति लोहितङ्कमसारगल्लफलिकमये ठपेत्वा अवसेसमणिविचित्तकेसु करण्डेसु ।

**थूपारामचेतियप्पमाणन्ति** देवानं पियतिस्समहाराजेन कारितचेतियप्पमाणं ।

**माला मा मिलायन्तू**ति “याव असोको धम्मराजा बहि चेतियानि कारेतुं इतो धातुयो उद्धरिस्सति, ताव माला मा मिलायन्तू”ति अधिट्ठित्वा । **आविञ्चनरज्जुयन्ति** अगगळाविञ्चनरज्जुयं । **कुञ्चिकमुद्दिकन्ति** द्वारविवरणत्थं कुञ्चिकञ्चेव मुद्दिकञ्च ।

**वाळसङ्घातयन्तन्ति** कुक्कुलं पटिभयदस्सनं अज्जमज्जपटिबद्धगमनादिताय सङ्घाटितरूपकयन्तं योजेसि । तेनाह “**कट्टरूपकानी**”ति आदि । **आणिया बन्धित्वा**ति अनेककट्टरूपविचित्तयन्तं अत्तनो देवानुभावेन एकाय एव आणिया बन्धित्वा विस्सकम्मो देवलोकमेव गतो । “**समन्ततो**”ति आदि पन तस्मिं धातुनिदाने अजातसत्तुनो किच्चविसेसानुद्धानदस्सनं ।

“असुकट्टाने नाम धातुनिधान”न्ति रज्जा पुच्छिते “तस्मिं सन्निपाते विसेसलाभिनो नाहेसु”न्ति केचि । “अत्तानं निगूहित्वा तस्स वुड्ढतरस्स वचनं निस्साय वीमंसन्तो जानिस्सतीति न कथेसु”न्ति अपरे । **यक्खदासके**ति उपहारादिविधिना देवतावेसनके भूताविगाहके ।

**इमं पदन्ति** “एवमेतं भूतपुब्ब”न्ति दुतियसङ्गीतिकारेहि ठपितं इमं पदं । महाधातुनिधानम्पि तस्स अत्थं कत्वा **ततियसङ्गीतिकारापि ठपयिंसु** ।

महापरिनिब्बानसुत्तवण्णनाय लीनत्थप्पकासना ।

## ४. महासुदस्सनसुत्तवण्णना

**कुसावतीराजधानीवण्णना**

**२४२. सोवण्णमयाति** सुवण्णमया । **अयं पाकारो**ति सब्बरतनमयो पाकारो । **तयो तयो**ति अन्तो च तयो, बहि च तयोति तयो तयो ।

**एसिकत्थम्भो** इन्द्रखीलो नगरसोभनो अलङ्कारत्थम्भो । अङ्गीयति जायति पुथुलभावो एतेनाति अङ्गं, परिक्रवेपो । तिपोरिसं अङ्गं एतिस्साति **तिपोरिसङ्गा** । तेनाह “**तेना**”तिआदि । **तेन** पञ्चहत्थप्पमाणेन तिपोरिसेन । **पण्णफलेसुपी**ति सव्वरतनमयानं तालानं पण्णफलेसुपि । **एसेव नयो**ति “पण्णेसु एकं पत्तकं सोवण्णमयं, एकं रूपियमयं । फलेसुपि एको लेखाभावो सोवण्णमयो, एको रूपियमयो”तिआदिको अयमत्थो अतिदिट्ठो । **पाकारन्तरे**ति द्विन्नं द्विन्नं पाकारानं अन्तरे । **एकेका** हुत्वा ठिता तालपन्ति ।

**छेको**ति पटु सुविसदो, सो चस्स पटुभावो मनोसारोति आह “**सुन्दरो**”ति । **रज्जेतु**न्ति रागं उप्पादेतुं । **खमतेवा**ति रोचतेव । **न बीभच्छेती**ति न तज्जेति, सोतसुखभावतो पियायितब्बो च होति । कुम्भथुणदहरिकादि **एकतलं तूरियं** । **उभयतलं** पाकटमेव । **सव्वतो परियोनद्धं** चतुरस्सअम्बणकं, पणवादि च । **वंसादी**ति आदि-सद्देन सङ्घादिकं सङ्गण्हाति । **सुमुच्छितस्सा**ति सुट्ठु परियत्तस्स । **पमाणे**ति नातिदळ्हनातिसिथिलतासङ्घाते मज्झिमे मुच्छनप्पमाणे । **हत्थं वा पादं वा चालेत्वा**ति हत्थलयपादलये सज्जेत्वा । **नच्चन्ता**ति साखानच्चं नच्चन्ता ।

### चक्करतनवण्णना

**२४३. उपोसथं** वुच्चति अट्ठङ्गसमन्नागतं सब्बदिवसेसु गहट्ठेहि रक्खितव्वसीलं, समादानवसेन तं तस्स अत्थीति उपोसथिको, तस्स **उपोसथिकस्स** । तेनाह “**समादिन्नउपोसथङ्गस्सा**”ति । तदाति तस्मिं काले । कस्मिं पन कालेति? यस्मिं काले चक्कवत्तिभावसंवत्तनियदानसीलादिपुञ्जसम्भारसमुदागमसम्पन्नो पूरितचक्कवत्तिवत्तो कालदीपदेसविसेसपच्चाजातिया चेव कुलरूपभोगाधिपतेय्यादिगुणविसेससम्पत्तिया च तदनुरूपे अत्तभावे ठितो होति, तस्मिं काले । तादिसे हि काले चक्कवत्तिभावी पुरिसविसेसो यथावुत्तगुणसमन्नागतो राजा खत्तियो मुद्धावसित्तो विसुद्धसीलो अनुपोसथं सतसहस्सविस्सज्जनादिना सम्मापटिपत्तिं पटिपज्जति, न यदा चक्करतनं उप्पज्जति, तदा एव । इमे च विसेसा सब्बचक्कवत्तीनं साधारणवसेन वुत्ता । तेनाह “**पातोव...पे... धम्मता**”ति । बोधिसत्तानं पन चक्कवत्तिभावावहगुणापि चक्कवत्तिगुणापि सातिसयाव होन्ति ।

**वुत्तप्पकारपुञ्जकम्मपच्चयन्ति** चक्कवत्तिभावावहदानदमसंयमादिपुञ्जकम्महेतुकं । **नीलमणिसङ्घातसदिसन्ति** इन्द्रनीलमणिसञ्चयसमानं । **दिब्बानुभावयुत्तत्ता**ति दस्सनेय्यता, मनुज्जघोसता, आकासगामिता, ओभासविस्सज्जना, अप्पटिघातता, रज्जो इच्छितत्थनिप्फत्तिकारणताति एवमादीहि दिब्बसदिसेहि आनुभावेहि समन्नागतत्ता, एतेन दिब्बं वियाति दिब्बन्ति दस्सेति । न हि तं देवलोकपरियापन्नं । सहस्सं अरा एतस्साति वा **सहस्सारं** । **सब्बेहि आकारेही**ति सब्बेहि सुन्दरेहि परिपुण्णावयवे लक्खणसम्पन्ने चक्के इच्छितव्वेहि आकारेहि । **परिपूरन्ति** परिपुण्णं, सा चस्सा पारिपूरिं इदानेव वित्थारेस्सति ।

**पनाळी**ति छिद्रं । **सुद्धसिनिद्धदन्तपन्तिया** निब्बिवरायाति अधिप्पायो । तस्सा पन पनाळिया समन्ततो पस्सस्स रजतमयत्ता **साररजतमया** वुत्ता । यस्मा चस्स चक्कस्स रथचक्कस्स विय अन्तोभावो नाम नत्थि, तस्मा वुत्तं “**उभोसुपि बाहिरन्तेसू**”ति । कतपरिक्रवेपा होति पनाळीति योजना । **नाभिपनाळिपरिक्रवेपपट्टेसू**ति नाभिपरिक्रवेपपट्टे चेव नाभिया पनाळिपरिक्रवेपपट्टे च ।

**तेसन्ति** अरानं । **घटका** नाम अलङ्कारभूता खुद्दकपुण्णघटा । तथा **मणिका** नाम मुत्तावळिका । **परिच्छेदलेखा** तस्स तस्स परिच्छेददस्सनवसेन ठिता परिच्छिन्नलेखा । **आदि-**सद्देन मालाकम्मादिं सङ्गण्हाति । **सुविभत्तानेवा**ति अज्जमज्जं



असंकिण्णत्ता सुट्ठु विभत्तानि ।

“सुरत्ता”तिआदीसु सुरत्तग्गहणेन महानामवण्णतं पटिक्खिपति, सुद्धग्गहणेन संङ्किलिट्ठतं, सिनिद्धग्गहणेन लूखतं । कामं तस्स चक्करतनस्स नेमिमण्डलं असन्धिकमेव निब्बत्तं, सब्बत्थकमेव पन केवलं पवाळवण्णेन च सोभतीति पकतिचक्कस्स सन्धियुत्तद्धाने सुरत्तसुवण्णपट्टादिमयाहि वट्टपरिच्छेदलेखाहि पज्जायमानाहि ससन्धिका विय दिस्सन्तीति आह “सन्धीसु पनस्सा”तिआदि ।

नेमिमण्डलपिट्ठियन्ति नेमिमण्डलस्स पिट्ठिपदेसे । आकासचारिभावतो हिस्स तत्थ वातग्गाही पवाळदण्डो होति । दसन्नं दसन्नं अरानं अन्तरेति दसन्नं दसन्नं अरानं अन्तरे समीपे पदेसे । छिद्दमण्डलखचितोति मण्डलसण्ठानछिद्दविचितो । सुकुसलसमन्नाहतस्साति सुट्ठु कुसलेन सिप्पिना पहतस्स, वादितस्साति अत्थो । वग्गूति मनोरमो । रजनीयोति सुणन्तानं रागुप्पादको । कमनीयोति कन्तो । समोसरितकुसुमदामाति ओलम्बितसुगन्धकुसुमदामा । नेमिपरिक्खेपस्साति नेमिपरियन्तपरिक्खेपस्स । नाभिपनाळिया द्विन्नं पस्सानं वसेन “द्विन्नम्पि नाभिपनाळीन”न्ति वुत्तं । एका एव हि सा पनाळि । येहीति येहि द्वीहि मुखेहि । पुन येहीति येहि मुत्तकलापेहि ।

ओधापयमानन्ति सोतुं अवहितानि कुरुमानं ।

चन्दो पुरतो चक्करतनं पच्छाति एवं पुब्बापरियेन पुब्बापरभावेन ।

अन्तेपुरस्साति अनुराधपुरे रज्जो अन्तेपुरस्स । उत्तरसीहपज्जरसदिसेति तदा रज्जो पासादे तादिसस्स उत्तरदिसाय सीहपज्जरस्स लब्भमानत्ता वुत्तं । सुखेन सक्काति किञ्चि अनारुहित्वा, सरीरज्ज्व अनुल्लङ्घित्वा यथाठितेनेव हत्थेन पुप्फमुट्ठियो खिपित्वा सुखेन सक्का होति पूजेतुं ।

नानाविरागरतनप्पभासमुज्जलन्ति नानाविधविचित्तवण्णरतनोभासपभस्सरं । आकासं अब्भुगन्त्वा पवत्तेति आगन्त्वा ठितद्धानतो उपरि आकासं अब्भुगन्त्वा पवत्ते ।

२४४. राजायुत्ताति रज्जो किच्चे आयुत्तकपुरिसा ।

सिनेरुं वामपस्सेन कत्वा तस्स धुरतरं गच्छन्तो “वामपस्सेन सिनेरुं पहाया”ति वुत्तं ।

विनिब्बेधेनाति तिरियं विनिविज्जनवसेन । सन्निवेसक्खमोति खन्धावारसन्निवेसयोग्यो । सुलभाहारुपकरणोति सुखेनेव लद्धब्बधज्जगोरसदारुतिणादिभोजनसाधनो ।

परचक्कन्ति परस्स रज्जो सेना, आणा वा ।

आगमननन्दनोति आगमनेन नन्दिजननो । गमनेन सोचेतीति गमनसोचनो । उपकप्पेथाति उपरूपरि कप्पेथ, संविदहथ उपनेथाति अत्थो । उपपरिक्खित्वाति हेतुतोपि सभावतोपि फलतोपि दिट्ठधम्मिकसम्परायिकादिआदीनवतोपि वीमंसित्वा । विभावेन्ति पज्जाय अत्थं विभूतं करोन्तीति विभाविनो, पज्जवन्तो । अनुयन्ताति अनुवत्तका, अनुवत्तकभावेनेव, पन रज्जो च महानुभावेन ते जिगुच्छनवसेन पापतो अनोरमन्तापि एकच्चे ओत्तप्पवसेन ओरमन्तीति

वेदितव्यं ।

ओगच्छमानन्ति ओसीदन्तं । योजनमत्तन्ति वित्थारतो योजनमत्तं पदेसं । गम्भीरभावेन पन यथा भूमि दिस्सति, एवं ओगच्छति । तेनाह “महासमुद्धतल”न्तिआदि । अन्ते चक्करतनं उदकेन सेनाय अनज्झोत्थरणत्थं । पुरत्थिमो महासमुद्धो परियन्तो एतस्साति पुरत्थिममहासमुद्धपरियन्तो, तं पुरत्थिममहासमुद्धपरियन्तं, पुरत्थिममहासमुद्धं परियन्तं कत्वाति अत्थो ।

चातुरन्तायाति चतुसमुद्धन्ताय, पुरत्थिमदिसादिचतुकोट्टासन्ताय वा । सोभयमानं वियाति विय-सद्धो निपातमत्तं । अत्तनो अच्छरियगुणेहि सोभन्तमेव हि तं तिड्ढति । पाळियम्पि हि “उपसोभयमानं” त्वेव वुत्तं ।

### हत्थिरतनवण्णना

२४६. हरिचन्दनादीहीति आदि-सद्धेन चतुज्जातियगन्धादिं सङ्गण्हाति । आगमनं चिन्तेथाति वदन्ति चक्कवत्तिवत्तस्स पूरितताय परिचितत्ता । काळतिलकादीनं अभावेन विसुद्धसेतसरीरो । सत्तपतिट्ठोति भूमिफुसनकेहि वालधि, वरङ्गं, हत्थोति इमेहि च तीहि, चतूहि पादेहि चाति सत्तहि अवयवेहि पतिट्ठितत्ता सत्तपतिट्ठो । सब्बकनिट्ठोति सब्बेहि छदन्तकुलहत्थीहि हीनो । उपोसथकुला सब्बजेट्ठोति उपोसथकुलतो आगच्छन्तो तत्थ सब्बप्पधानो आगच्छतीति योजना । वुत्तनयेनाति “महादानं दत्त्वा”तिआदिना वुत्तेन नयेन । चक्कवत्तीनं, चक्कवत्तिपुत्तानञ्च चक्कवत्तिं उद्दिस्स चिन्तयन्तानं आगच्छति । अपनेत्वाति अत्तनो आनुभावेन अपनेत्वा । गन्धमेव हि तस्स इतरे हत्थी न सहन्ति ।

घरधेनुवच्छको वियाति घरे परिचितधेनुया तत्थेव जातसंवद्धवच्छको विय । सकलपथविन्ति सकलं जम्बुदीपसज्जितं पथविं ।

### अस्सरतनवण्णना

२४७. सिन्धवकुलतोति सिन्धवस्साजानीयकुलतो ।

### मणिरतनवण्णना

२४८. सकटनाभिसमपरिणाहन्ति परिणाहतो महासकटस्स नाभिया समप्पमाणं । उभोसु अन्तेसूति हेट्ठा, उपरि चाति द्वीसु अन्तेसु । कण्णिकपरियन्ततोति द्विन्नं कञ्चनपदुमानं कण्णिकाय परियन्ततो । मुत्ताजालके ठपेत्वाति सुविसुद्धे मुत्तमये जालके पतिट्ठापेत्वा । अरुणुगगमनवेला वियाति अरुणुगगमनसीसेन सूरियउदयक्खणं उपलक्खेति ।

### इत्थिरतनवण्णना

२४९. “इत्थिरतनं पातुभवती”ति वत्त्वा कुतस्सा पातुभावोति दस्सेतुं “महाराजकुलतो”तिआदि वुत्तं । मद्दरुट्ठं किर जम्बुदीपे अभिरूपानं इत्थीनं उप्पत्तिट्ठानं । तथा हि “सिञ्चयमहाराजस्स देवी, वेस्सन्तरमहाराजस्स देवी, भद्दकापिलानी”ति एवमादि इत्थिरतनं मद्दरुट्ठे एव उप्पन्नं । पुज्जानुभावेनाति चक्कवत्तिरज्जो पुज्जतेजेन ।

सण्ठानपारिपूरियाति हत्थपादादिसरीरावयवानं सुसण्ठिताय । अवयवपारिपूरिया हि समुदायपारिपूरिसिद्धि । रूपन्ति

सरीरं “रूपं त्वेव सङ्खं गच्छती”ति आदीसु (म० नि० १.३०६) विय । **दस्सनीया**ति सुरुपभावेन पस्सितब्बयुत्ता । तेनाह “**दिस्समानावा**”ति आदि । **सोमनस्सवसेन चित्तं पसादेति** योनिस्सो चिन्तेन्तानं कम्मफलसद्भाय वसेन । **पसादावहत्ता**ति कारणवचनेन यथा पासादिकताय वण्णपोक्खरतासिद्धि वुत्ता, एवं दस्सनीयताय पासादिकतासिद्धि, अभिरूपताय च दस्सनीयतासिद्धि वत्तब्बाति नयं दस्सेति । पटिलोमतो वा वण्णपोक्खरताय पासादिकतासिद्धि, पासादिकताय दस्सनीयतासिद्धि, दस्सनीयताय अभिरूपतासिद्धि योजेतब्बा । एवं सरीरसम्पत्तिवसेन अभिरूपतादिके दस्सेत्वा इदानीं सरीरे दोसाभाववसेनपि ते दस्सेतुं “**अभिरूपा वा**”ति आदि वुत्तं । तत्थ यथा पमाणयुत्ता, एवं आरोहपरिणाहयोगतो च पासादिका नातिदीघतादयो, एवं मनुस्सानं दिब्बरूपतासम्पत्तिपीति “**अप्पत्ता दिब्बवण्ण**”न्ति वुत्तं ।

**आरोहसम्पत्ति** वुत्ता उब्बेधेन पासादिकभावतो । **परिणाहसम्पत्ति** वुत्ता किसथूलदोसाभावतो । **वण्णसम्पत्ति** वुत्ता विवण्णताभावतो । **कायविपत्ति**याति सरीरदोसस्स । **सतवारविहतस्सा**ति सत्तक्खत्तुं विहतस्स, “सतवारविहतस्सा”ति च इदं कप्पासपिचुवसेन वुत्तं, तूलपिचुनो पन विहननमेव नत्थि । कुङ्कुमतगरतुरुक्खयवनपुप्फानि **चतुज्जाति** । “तमालतगरतुरुक्खयवनपुप्फानी”ति अपरे ।

**अग्गिदङ्गा** वियाति आसनगतेन अग्गिना दङ्गा विय । **पठममेवा**ति राजानं दिस्वापि किच्चन्तरप्पसुता अहुत्वा किच्चन्तरतो पठममेव, दस्सनसमकालं एवाति अत्थो । रज्जो निसज्जाय पच्छा निपातनं निसीदनं सीलं एतिस्साति **पच्छानिपातिनी** । तं तं अत्तना रज्जो कातब्बकिच्चं “किं करोमी”ति पुच्छितब्बताय किं करणं पटिसावेतीति **किंकारपटिस्साविनी** ।

मातुगामो नाम येभ्य्येन सठजातिको, इत्थिरतनस्स पन तं नत्थीति दस्सेतुं “**स्वास्सा**”ति आदि वुत्तं ।

**गुणा**ति रूपगुणा चेव आचारगुणा च । **पुरिमकम्मानुभावेना**ति कतस्स पुरिमकम्मस्सानुभावेन इत्थिरतनस्स तब्भावसंवत्तनियस्स पुरिमकम्मस्स आनुभावेन । चक्कवत्तिनोपि परिवारसम्पत्तिसंवत्तनियं पुज्जकम्मं तादिसस्स फलविसेसस्स उपनिस्सयो होतियेव । तेनाह “**चक्कवत्तिनो पुज्जं उपनिस्साया**”ति, एतेन सेसेसुपि सविज्जाणकरतनेसु अत्तनो कम्मवसेन निब्बत्तेसुपि तेसं तेसं विसेसानं तदुपनिस्सयता विभाविता एवाति दट्ठब्बा । पुब्बे एकदेसवसेन लब्भमाना पारिपूरी रज्जो चक्कवत्तिभावूपगमनतो पट्टाय सब्बाकारपरिपूरा जाता ।

### गहपतिरतनवण्णना

**२५०. पकतिया** वाति सभावेनेव चक्करतनपातुभावतो पुब्बेपि । यादिसं रज्जो चक्कवत्तिस्स पुज्जबलं निस्साय यथावुत्ता चक्करतनानुभावनिब्बत्ति, तादिसं एतस्स पुज्जबलं निस्साय गहपतिरतनस्स कम्मविपाकजं दिब्बचक्खुं निब्बत्तेतीति आह “**चक्करतनानुभावसहित**”न्ति । कारणस्स हि एकसन्ततिपतितताय, फलस्स च समानकालिकताय तथावचनं ।

### परिणायकरतनवण्णना

**२५१.** “अयं धम्मो, अयं अधम्मो”ति आदिना कम्मस्सकतावबोधनसङ्घातस्स पण्डितभावस्स अत्थिताय **पण्डितो** । बाहुसच्चव्यत्तिया **व्यत्तो** । सभावसिद्ध्य मेधासङ्घाताय पकतिपज्जाय अत्थिताय **मेधावी** । अत्तनो याथावबुद्धमत्थं परेसं

विभावेतुं पकासेतुं समत्थताय विभावी। ववत्थपेतुन्ति निच्छित्तुं।

### चतुइद्धिसमन्नागतवण्णना

२५२. विपच्चनं विपाको, विपाको एव वेपाको यथा “विकतमेव वेकत”न्ति। समं नातिसीतनाच्चुण्णताय अविस्समं भुत्तस्स वेपाको एतिस्सा अत्थीति समवेपाकिनी, ताय समवेपाकिनिया।

### धम्मपासादपोक्खरणिवण्णना

२५३. जनरासिं कारेत्वा तेन जनरासिना खणित्वा न मापेसि। किञ्चरहीति आह “रञ्जो पना”तिआदि। तत्थ कारणं परतो आगमिस्सति। एकाय वेदिकाय परिकिखत्ता पोक्खरणियो। परिवेणपरिच्छेदपरियन्तेति एत्थ परिवेणं नाम समन्ततो विवटङ्गणभूतं पोक्खरणिना तीरं, तस्स परिच्छेदभूते परियन्ते एकाय वेदिकाय परिकिखत्ता पोक्खरणियो। एतदहोसीति एतं “यन्नूनाहं इमासु पोक्खरणीसू”तिआदिकं अहोसीति। सब्बोतुकन्ति सब्बेसु उतूसु पुप्फनकं। नानावण्णउप्पलबीजादीनीति रत्तनीलादिनानावण्णपुप्फेन पुप्फनकउप्पलबीजादीनि। जलजथलजमालन्ति जलजथलजपुप्फमालं।

२५४. परिचारवसेनाति तङ्कुणिकपरिचारवसेन, इदञ्च पठमं पट्टपितनियामेनेव वुत्तं, पच्छा पन यानसयनादीनि विय इत्थियोपि अत्थिकानं परिच्चत्ता एव। तेनाह “इत्थीहिपी”तिआदि। परिच्चागवसेनाति निरपेक्खपरिच्चागवसेन। दीयतीति दानं, देय्यवत्थु। तं अग्गीयति निस्सज्जीयति एत्थाति दानगं, परिवेसनट्ठानं। तादिसानि अत्थीति यादिसानि रञ्जो दानगगे खोमसुखुमादीनि वत्थानि, तादिसानि येसं अत्तनो सन्तकानि सन्ति। ओहायाति पहाय तत्थेव ठपेत्वा। अत्थो अत्थि येसं तेति अत्थिका। एवं अनत्थिकापि दट्ठब्बा।

२५५. कलहसद्दोपीति पि-सद्देन दानाधिप्पायेन गेहतो नीहतं पुन गेहं पवेसेतुं न युत्तन्ति इममत्थं समुच्चवेति। तेनाह “न खो एतं अम्हाकं पतिरूप”न्तिआदि (दी० नि० २.२५५)।

२५७. उण्हीसमत्थकेति सिखापरियन्तमत्थके। परिच्छेदमत्थकेति पासादङ्गणपरिच्छेदस्स मत्थके।

२५८. हरतीति अतिविय पभस्सरभावेन चक्खूनि पटिहरन्तं दुद्धिक्खताय दिट्ठियो हरति अपनेन्तं विय होति। तं पन हरणं नेसं परिप्फन्दनेनाति आह “फन्दापेती”ति।

पठमभाणवारवण्णना निट्ठिता।

### ज्ञानसम्पत्तिवण्णना

२६०. महतिया इद्धियाति महन्तेन इच्छित्तत्थसमिज्जनेन। तेसंयेव इच्छित्तिच्छित्तत्थानं। “अनुभवितब्बान”न्ति इमिना आनुभाव-सद्दस्स कम्मसाधनतं दस्सेति। पुब्बे सम्पन्नं कत्वा देय्यधम्मपरिच्चागस्स कतभावं दस्सेन्तो “सम्पत्तिपरिच्चागस्सा”ति आह। अत्तानं दमेति एतेनाति दमो।

### बोधिसत्तपुब्बयोगवण्णना

अस्साति महासुदस्सनरज्जो । एको थेरोति अप्पज्जातो नामगोत्ततो अज्जतरो पुथुज्जनो थेरो । थेरं दिस्वाति अज्जतरस्मिं रुक्खमूले निसिन्नं दिस्वा । कट्ठत्थरणन्ति कट्ठमयं अत्थरणं, दारुफलकन्ति अत्थो ।

परिभोगभाजनन्ति पानीयपरिभोजनीयादिपरिभोगयोग्यं भाजनं । आरकण्टकन्ति सूचिविज्जनककण्टकं । पिप्पलिकन्ति खुदकसत्थकं । उदकतुम्बकन्ति कुण्डिकं ।

कूटागारद्वारेयेव निवत्तेसीति कूटागारं पविट्टकालतो पट्टाय तेसं मिच्छावितक्कानं पवत्तिया ओकासं नादासि ।

२६१. कसिणमेव पज्जायति महापुरिसस्स तत्थ तत्थ कताधिकारत्ता, तेसज्ज पदेसानं सुपरिकम्मकतकसिणसदिसत्ता ।

२६२. चत्तारि झानानीति चत्तारि कसिणज्झानानि । कसिणज्झानप्पमज्जानंयेव वचनं तासं तदा आदरगारववसेन निब्बत्तितत्ता । महाबोधिसत्तानज्झि अरूपज्झानेसु आदरो नत्थि, अभिज्जापदट्टानतं पन सन्धाय तानिपि निब्बत्तेन्ति, तस्मा महासत्तो तापसपरिब्बाजककाले यत्तके लोकियगुणे निब्बत्तेति, ते सब्बेपि तदा निब्बत्तेसियेव । तेनाह “महापुरिसो पना”तिआदि ।

### चतुरासीतिनगरसहस्सादिवण्णना

२६३. अभिहरितब्बभत्तन्ति उपनेतब्बभत्तं ।

२६४. निबद्धवत्तन्ति पुब्बे उपनिबद्धं पाकवत्तं ।

### सुभदादेविउपसङ्कमनवण्णना

२६५. आवट्टेत्वाति अतिविसित्वा । यं यं रज्जो इच्छितं दानूपकरणज्जेव भोगूपकरणज्ज, तस्स तस्स तथेव समिद्धभावं वित्थवति ।

२६६. सचे पन राजा जीविते छन्दं जनेय्य, इतो परम्पि चिरं कालं तिट्ठेय्य महिद्धिको महानुभावोति एवं महज्झासया देवी भोगेसु, जीविते च राजानं सापेक्खं कातुं वायमि । तेन वुत्तं “मा हेव खो राजा”तिआदि । तेनेवाह “तस्स कालङ्किरियं अनिच्छमाना”तिआदि । छन्दं जनेहीति एत्थ छन्द-सद्धो तण्हापरियायोति आह “पेमं उप्पादेही”ति । अपेक्खति आरम्भणं एताय न विस्सज्जेतीति अपेक्खा, तण्हा ।

२६७. गरहिताति एत्थ केहि गरहिता, कस्मा च गरहिताति अन्तोलीनं चोदनं विस्सज्जेन्तो “बुद्धेही”तिआदिमाह, तेन विज्जुगरहितत्ता, दुगगितिसंवत्तनियतो च सापेक्खकालकिरिया परिवज्जेतब्बाति दस्सेति ।

२६८. एकमन्तं गन्त्वाति रज्जो चक्खुपथं विजहित्वा ।

### ब्रह्मलोकूपगमनवण्णना

२६९. सोणस्साति कोळिवीसस्स सोणस्स । एका भत्तपातीति एकं भत्तवड्ढितकं । तादिसं भत्तन्ति तथारूपं गरं मधुरं सिनिद्धं भत्तं । भुत्तानन्ति भुत्तवन्तानं ।

२७१. दासमनुस्साति दासा चेव आयुत्तकमनुस्सा च ।

इदानीं यथावुत्ताय रज्जो महासुदस्सनस्स भोगसम्पत्तिया कम्मसरिक्खतं उद्धरन्तो “एतानि पना”तिआदिमाह, तं सुविज्जेय्यमेव ।

२७२. आदितो पट्टायाति समुदागमनतो पट्टाय । यत्थ तं पुज्जं आयूहितं, यतो सा सम्पत्ति निब्बत्ता, ततो ततियत्तभावतो पभुति । महासुदस्सनस्स जातकदेसना हि तदा समुदागमनतो पट्टाय भगवता देसिताति । **पंस्वागारकीळं वियाति** यथा नाम दारका पंसूहि वापिगेहभोजनादीनि दस्सेन्ता यथारुचि कीळित्वा गमनकाले सब्बं तं विधंसेन्ता गच्छन्ति, एवमेव भगवा महासुदस्सनकाले अत्तना अनुभूतं दिब्बसम्पत्तिसदिसं अचिन्तेय्यानुभावसम्पत्तिं वित्थारतो दस्सेत्वा पुन अत्तनो देसनं आदीनवनिस्सरणदस्सनवसेन विवट्टाभिमुखं विपरिवत्तेन्तो “सब्बा सा सम्पत्ति अनिच्चताय विपरिणता विधंसिता”ति दस्सेन्तो **“पस्सानन्दा”**तिआदिमाह । **विपरिणताति** विपरिणामं सभावविगमं गता । तेनाह **“पकतिविजहनेना”**तिआदि । **पकतीति** सभावधम्मानं उदयवयपरिच्छिन्नो कक्खळफुसनादिसभावो, सो भङ्गक्खणतो पट्टाय जहितो, परिच्चजन्तो सब्बसो नत्थेव । तेनाह **“निब्बुतपदीपो विय अपज्जत्तिकभावं गता”**ति ।

एत्तावताति आदितो पट्टाय पवत्तेन एत्तकेन देसनामग्गेन । अनेकानि वस्सकोटिसतसहस्सानियेव उब्बेधो एतिस्साति **अनेकवस्सकोटिसतसहस्सुब्बेधा । अनिच्चलक्खणं आदायाति** तं सम्पत्तिगतं अनिच्चलक्खणं देसनाय गहेत्वा विभावेत्वा । यथा निस्सेणिमुच्चने तादिसं सतहत्थुब्बेधं रुक्खं पकतिपुरिसेन आरोहितुं न सक्का, एवं अनिच्चताविभावेनेन तस्सा सम्पत्तिया अपेक्खानिस्सेणिमुच्चने केनच आरोहितुं न सक्काति आह **“अनिच्चलक्खणं आदाय निस्सेणिं मुज्जन्तो विया”**ति । तेनेवाति यथावुत्तकारणेनेव, आदितो सातिसयं कामेसु अस्सादं दस्सेत्वापि उपरि नेसं **“पस्सानन्दा”**तिआदिना आदीनवं, ओकारं, संकिलेसं, नेक्खम्मे आनिसंसञ्च विभावेत्वा देसनाय निट्ठापितत्ता । **पुब्बेति** अतीतकाले । **वसभराजाति** वसभनामको सीहळमहाराजा ।

उदकपुप्फुळादयोति आदि-सद्देन तिणग्गे उस्सावबिन्दुआदिके सङ्गणहाति ।

महासुदस्सनस्स पनाति पन-सद्दो विसेसत्थजोतनो, तेन महासुदस्सनमहाराजा ज्ञानाभिज्जासमापत्तियो निब्बत्तेसि, तदग्गेन परिसुद्धे च समणभावे पतिट्ठितो, यतो विधुय एव कामवितक्कादिसमणभावसंकिलेसं सुज्जागारं पाविसि, एवंभूतस्सापि तस्स कालं किरियतो सत्तमे दिवसे सब्बा चक्कवत्तिसम्पत्ति अन्तरहिता, न ततो परं, अहो अच्छरियमनुस्सो अनज्जसाधारणगुणविसेसोति इमं विसेसं दस्सेति ।

अनारुळ्हन्ति “राजा किर पुब्बे गहपतिकुले निब्बत्ती”तिआदिना, (दी० नि० अट्ठ० २.२६०) “पुन थेरं आमन्तेसी”तिआदिना (दी० नि० अट्ठ० २.२७२) च वुत्तमत्थं सन्धायाह । सो हि इमस्मिं सुत्ते सङ्गीतिं अनारुळ्हो, अज्जत्थ पन आगतो इमिस्सा देसनाय पिट्ठिवत्तकभावेन । यं पनेत्थ अत्थतो न विभत्तं, तं सुविज्जेय्यं एवाति ।

महासुदस्सनसुत्तवण्णनाय लीनत्थप्पकासना ।

## ५. जनवसभसुत्तवण्णना

### नातिकियादिव्याकरणवण्णना

२७३-२७५. “परितो”ति पदं यथा समन्तत्थवाचको, एवं समीपत्थवाचकोपि होतीति समन्ता सामन्ताति अत्थो वुत्तो । आमेडितेन पन समन्तत्थो जोतितो । यस्स पन सामन्ता जनपदेसु “नातिके विहरती”ति वुत्तत्ता नातिकस्साति विज्जातो यमत्थो । यस्स परितो जनपदेसु व्याकरोति, तत्थ परिचारकारकानं व्याकरणं अवुत्तसिद्धं, निदस्सनवसेन वा तस्स वक्खमानत्ता “परितो परितो जनपदेसु” इच्चेव वुत्तं । परिचारकेति उपासके । तेनाह “बुद्धधम्मसङ्गानं परिचारके”ति । उपपत्तीसूति निब्बत्तीसु । जाणगतिपुज्जानं उपपत्तीसूति एत्थ जाणगतूपपत्ति नाम तस्स तस्स मग्गजाणगमनस्स निब्बत्ति । यं सन्धाय वुत्तं “पञ्चन्नं ओरम्भागियानं परिक्खया”तिआदि । पुज्जूपपत्ति नाम तंतदेवनिकायूपपत्ति । सब्बत्थाति “वज्जिमल्लेसू”तिआदिके सब्बत्थ चतूसुपि पदेसु । पुरिमेसूति पाळियं वुत्ते सन्धायाह । दससुयेवाति तेसु एव दससु जनपदेसु । परिचारके व्याकरोति व्यकातब्बानं बहूनं तत्थ लब्भनतो । नातिके भवा नातिकिया ।

निटुङ्गत्ताति निटुं निच्छयं उपगता ।

### आनन्दपरिकथावण्णना

२७६. यस्मा सङ्घसुप्पटिपत्ति नाम धम्मसुधम्मताय, धम्मसुधम्मता च बुद्धसुबुद्धताय, तस्मा “अहो धम्मो, अहो सङ्घो”ति धम्मसङ्घगुणकित्तनापि अत्थतो बुद्धगुणकित्तना एव होतीति “भगवन्तं कित्तयमानरूपा”ति पदस्स “अहो धम्मो”तिआदिनापि अत्थो वुत्तो ।

२७८. जाणगतीति “पञ्चन्नं ओरम्भागियानं संयोजनानं परिक्खया”तिआदिना आगतं पहातब्बपहानवसेन पवत्तं मग्गजाणगमनं । यस्मा तस्सा एव जाणगतिया वसेन तस्स तस्स अरियपुग्गलस्स ओपपातिकतादिविसेसो, तस्मा तं तादिसं तस्स अभिसम्परायं सन्धायाह “जाणाभिसम्परायमेवा”ति ।

२७९. उपसन्तं पति सम्मति आलोकीयतीति उपसन्तपतिसो । उपसन्तदस्सनो उपसन्तउस्सन्नो । भातिरिवाति एत्थ र-कारो पदसन्धिकरो, इव-सद्वो भुसत्थोति आह “अतिविय भाती”ति ।

### जनवसभयक्खवण्णना

२८०. जेडुकभावेन जने वसभसदिसोति जनवसभोति अस्स देवपुत्तस्स नामं अहोसि ।

इतो देवलोका चवित्वा सत्तक्खत्तुं मनुस्सलोके राजभूतस्स । मनुस्सलोका चवित्वा सत्तक्खत्तुं देवभूतस्स । एत्थेवाति एतस्मिंयेव चातुमहाराजिकभवे, एत्थापि वेस्सवणस्स सहव्यतावसेन ।

२८१. आसिसनं आसा, पत्थना । आसासीसेन चेत्य कत्तुकम्यताकुसलच्छन्दं वदति । तेनेवाह “सकदागामिमग्गत्थाया”तिआदि । यदग्गेति एत्थ अग्ग-सद्वो आदिपरियायोति आह “तं दिवसं आदिं कत्वा”ति ।

“पुरिमं...पे... अविनिपातो”ति इदं यथा तत्तकं कालं सुगतितो सुगतूपपत्तियेव अहोसि, तथा कतूपचितकुसलकम्मत्ता । फुस्सस्स सम्मासम्बुद्धस्स कालतो पभुति हि सम्भतविवट्टूपनिस्सयकुसलसम्भारो एस देवपुत्तो । अनच्छरियन्ति अनु अनु अच्छरियं । तेनाह “पुनप्पुनं अच्छरियमेवा”ति । सयंपरिसायाति सकाय परिसाय । भगवतो दिट्ठसदिसमेवाति आवज्जनसमनन्तरं यथा ते भगवतो चतुवीसतिसतसहस्समत्ता सत्ता जाणगतितो दिट्ठा, एवं तुम्हेहि दिट्ठसदिसमेव । वेस्सवणस्स सम्मुखा सुतं मयाति वदति ।

### देवसभावणना

२८२. वस्सूपनायिकसङ्गहत्थन्ति वस्सूपनायिकाय आरक्खासंविधानवसेन भिक्खून् सङ्गहणत्थं “वस्सूपगता भिक्खू एवं सुखेन समणधम्मं करोन्ती”ति, पवारणसङ्गहो पनस्स पवारेत्वा सत्थु सन्तिकं गच्छन्तानं भिक्खून् अन्तरामग्गे परिस्सयपरिहरणत्थं । धम्मस्सवनत्थं दूरट्ठानं गच्छन्तेसुपि एसेव नयो । अत्तनापि आगन्त्वा धम्मस्सवनत्थं सन्निपत्तियेव । एत्थेत्थाति एत्थ एत्थ अय्यानं वसनट्ठाने ।

तदापीति “पुरिमानि भन्ते दिवसानी”ति वुत्तकालेपि । एतेनेव कारणेनाति वस्सूपनायिकनिमित्तमेव । तेनाह पाळियं “तदहुपोसथे पन्नरसे वस्सूपनायिकाया”तिआदि । आसनेपि निसज्जाय सुधम्माय देवसभाय पठमं देवेसु तावत्तिसेसु निसिन्नेसु तस्सा चतूसु द्वारेसु चत्तारो महाराजानो निसीदन्ति, इदं नेसं आसने निसज्जाय चारित्तं होति ।

येनत्थेनाति येन किच्चेन येन पयोजनेन । आरक्खत्थन्ति आरक्खभूतमत्थं । वुत्तं वचनं एतेसन्ति वुत्तवचना, महाराजानो ।

२८३. अतिक्कमित्वाति अभिभवित्वा ।

### सनङ्कुमारकथावण्णना

२८४. अभिसम्भवितुं अधिगन्तुं असक्कुण्यो अनभिसम्भवनीयो । तेनाह “अप्पत्तब्बो”तिआदि । चक्खुयेव पथो रूपदस्सनस्स मग्गो उपायोति चक्खुपथो, तस्मिं चक्खुपथस्मिन्ति आह “चक्खुपसादे”ति, चक्खुस्स गोचरयोगो वा चक्खुपथोति आह “आपाथे वा”ति । नाभिभवतीति न अभिभवति, गोचरभावं न गच्छतीति अत्थो । हेट्ठा हेट्ठाति तावत्तिसतो पट्ठाय हेट्ठा हेट्ठा, न चातुमहाराजिकतो पट्ठाय, नापि ब्रह्मपारिसज्जतो पट्ठाय । “चातुमहाराजिका हि तावत्तिसानं यथा जातिरूपानि पस्सितुं सक्कोन्ति, तथा ब्रह्मानो हेट्ठिमा उपरिमान”न्ति केचि, तं न युत्तं । न हि हेट्ठिमा ब्रह्मानो उपरिमानं मूलपटिसन्धिरूपं पस्सितुं सक्कोन्ति, मापितमेव पस्सितुं सक्कोन्तीति दट्ठब्बं ।

सुणन्तोव निदं ओक्कमीति गतियो उपधारेन्तो बहि विसटवितक्कविच्छेदेन सङ्कोचं आपन्नचित्तताय । मय्हं अय्यकस्साति भगवन्तं सन्धाय वदति ।

पञ्च सिखा एतस्साति पञ्चसिखो, पञ्चसिखो विय पञ्चसिखोति आह “पञ्चसिखगन्धब्बसदिसो”ति । ममायन्तीति पियायन्ति ।

२८५. सुमुत्तोति सरदोसेहि सुट्ठु मुत्तो । येहि पित्तसेम्हादीहि पलिबुद्धत्ता सरो अविस्सट्ठो सिया, तदभावतो विस्सट्ठोति



दस्सेन्तो आह “अपलिबुद्धो”ति । विज्जापेतीति विज्जेय्यो, अन्तो गधहेतु अत्थो कत्तुसाधनो एस विज्जेय्यसद्दोति आह “अत्थविज्जापनो”ति । सरस्स मधुरता नाम मध्वन्ति आह “मधुरो मुदू”ति । सवनं अरहतीति सवनीयो । सवनारहताय च आपाथसुखतायाति आह “कण्णसुखो”ति । बिन्दूति पिण्डितो । आकोटितभिन्नकंससद्दो विय अनेकावयवो अहुत्वा निरवयवो, एकभावोति अत्थो । तेनाह “एकगधनो”ति, एतेनेवस्स अविसारिता संवण्णिता दडुब्बा । गम्भीरुप्पत्तिट्ठानताय चस्स गम्भीरताति आह “नाभिमूलतो”ति आदि । एवं समुट्ठितोति जीव्हादिप्पहारमत्तसमुट्ठितो । अमधुरो च होति उप्पत्तिट्ठाननं परिलहुभावतो । न च दूरं सावेति वीरभावाभावतो । निन्नादी सुविपुलभावतो सविसेसं निन्नादो, पासंसनिन्नादो वा । तेनाह “महामेघ...पे०... युत्तो”ति ।

पच्छिमं पच्छिमन्ति दुतियं, चतुत्थं, छट्ठं, अट्ठमञ्च पदं । पुरिमस्स पुरिमस्साति यथाक्कमं पठमस्स, ततियस्स, पञ्चमस्स, सत्तमस्स च । अत्थोयेवाति अत्थनिद्देशो एव । विस्सट्ठता हिस्स विज्जेय्यताय वेदितब्बा, मज्जुभावो सवनीयताय, बिन्दुभावो अविसारिताय, गम्भीरभावो निन्नादितायाति । यथापरिसन्ति एत्थ यथा-सद्दो परिमाणवाची, न पकारादिवाचीति आह “यत्तका परिसा”ति, तेन परिसप्पमाणं एवस्स सरो निच्छरति, अयमस्स धम्मताति दस्सेति । तेनाह “तत्तकमेवा”ति आदि ।

“ये हि केची”ति आदि “यावञ्च सो भगवा”ति आदिना वुत्तस्स अत्थस्स हेतुकित्तनवसेन समत्थनं सरणोसु नेसं निच्चसेवनेन, सीलेसु च पतिट्ठापनेन छकामसग्गसम्पत्ति अनुप्पादनतो । तेनाह “ये हि केचि...पे०... वदती”ति । निब्बेमतिकगहितसरणेति मग्गेनागतसरणगमने । ते हि सब्बसो समुग्धातितविचिकिच्छताय रतनत्तये अवेच्चप्पसादेन समन्नागतायेव, पोथुज्जनिकसद्भाय वसेन बुद्धादीनं गुणे ओगाहेत्वा जानन्ति, अपरनेय्यबुद्धिनो ते परियायतो निब्बेमतिकगहितसरणा वेदितब्बा । गन्धब्बदेवगणन्ति गन्धब्बदेवसमूहं । तुका वुच्चति खीरिणी या तुकातिपि वुच्चति । तस्सा चुण्णं तुकापिट्ठं । तं कोट्टेत्वा पक्खित्तं घनं निरन्तरचितं हुत्वा तिट्ठति ।

### भावितइद्धिपादवण्णना

२८७. सुपञ्जत्ताति सुट्ठु पकारेहि जापिता बोधिता, असङ्करतो वा ठपिता, तं पन बोधनं, असङ्करतो ठपनञ्च अत्थतो देसना एवाति आह “सुकथिता”ति । इज्झनट्टेनाति समिज्झनट्टेन, निप्पज्जनस्स कारणभावेनाति अत्थो । पतिट्ठानट्टेनाति अधिट्ठानट्टेन । इद्धिया पादोति इद्धिपादो, इद्धिया अधिगमुपायोति अत्थो । तेन हि यस्मा उपरूपरि विसेससङ्घातं इद्धि पज्जन्ति पापुणन्ति, तस्मा “पादो”ति वुच्चति । इज्झतीति इद्धि, समिज्झति निप्पज्जतीति अत्थो । इद्धि एव पादो इद्धिपादो, इद्धिकोट्टासोति अत्थो । एवं ताव “चत्तारो इद्धिपादा”ति एत्थ अत्थो वेदितब्बो । इद्धिपहोनकतायाति इद्धिया निष्पादने समत्थभावाय । इद्धिविसवितायाति इद्धिया निष्पादने योग्यभावाय । अनेकत्थत्ता हि धातूनं योग्यत्थो वि-पुब्बो सु-सद्दो, विसवनं वा पज्जनं विसविता, तत्थ कामकारिता विसविता । तेनाह “पुनप्पुन”न्ति आदि । इद्धिविकुब्बनतायाति विकुब्बनिद्धिया विविधरूपकरणाय । तेनाह “नानप्पकारतो कत्वा दस्सनत्थाया”ति ।

“छन्दञ्च भिक्खु अधिपतिं करित्वा लभति समाधिं, लभति चित्तस्सेकगगतं, अयं वुच्चति छन्दसमाधी”ति (विभ० ४३२) इमाय पाळिया छन्दाधिपति समाधि छन्दसमाधीति अधिपतिसद्दलोपं कत्वा समासो वुत्तोति विज्जायति, अधिपतिसद्दत्थदस्सनवसेन पन “छन्दहेतुको, छन्दाधिको वा समाधि छन्दसमाधी”ति अट्ठकथायं वुत्तन्ति वेदितब्बं । “पधानभूताति वीरियभूता”ति केचि वदन्ति । सङ्खत्तसङ्खारादिनिवत्तनत्थज्झि पधानगगहणन्ति । अथ वा तं तं विसेसं सङ्खरोतीति सङ्खारो, सब्बम्पि वीरियं । तत्थ चतुकिच्चसाधकतो अज्जस्स निवत्तनत्थं पधानगगहणन्ति पधानभूता

सेट्टभूताति अत्थो । चतुब्धिस्स पन वीरियस्स अधिपेतत्ता बहुवचननिद्देशो कतो । विसुं समासयोजनवसेन यो पुब्बे इद्धिपादत्थो पादस्स उपायत्थत्तं, कोट्टासत्थत्तञ्च गहेत्वा यथायोगवसेन इध वुत्तो, सो वक्खमानानं पटिलाभपुब्बभागानं कत्तुकरणिद्धिभावं, उत्तरचूळभाजनीये वा वुत्तेहि छन्दादीहि इद्धिपादेहि साधेतब्बाय इद्धिया कत्तिद्धिभावं, छन्दादीनञ्च करणिद्धिभावं सन्धाय वुत्तोति वेदितब्बो, तस्मा “इज्झनट्टेन इद्धी”ति एत्थ कत्तुअत्थो, करणत्थो च एकज्झं गहेत्वा वुत्तोति कत्तुअत्थं ताव दस्सेतुं “निष्फत्तिपरियायेन इज्झनट्टेन वा”ति वत्त्वा इतरं दस्सेन्तो “इज्झन्ति एताया”तिआदिमाह । वुत्तन्ति कत्थ वुत्तं? इद्धिपादविभङ्गपाठे । (विभ० ४३४) **तथाभूतस्साति** तेनाकारेन भूतस्स, ते छन्दादिधम्मे पटिलभित्वा ठितस्साति अत्थो । “वेदनाक्खन्धो”तिआदीहि छन्दादयो अन्तोक्त्वा चत्तारोपि खन्धा कथिता । **सेसेसूति** सेसिद्धिपादेसु ।

वीरियिद्धिपादनिद्देशे “वीरियसमाधिपधानसङ्खारसमन्नागत”न्ति द्विक्खत्तुं वीरियं आगतं । तत्थ पुरिमं समाधिविसेसनं “वीरियाधिपति समाधि वीरियसमाधी”ति, दुतियं समन्नागमङ्गदस्सनं । द्वेयेव हि सब्बत्थ समन्नागमङ्गानि, समाधि, पधानसङ्खारो च । छन्दादयो हि समाधिविसेसनानि, पधानसङ्खारो पन पधानवचनेनेव विसेसितो, न छन्दादीहीति न इध वीरियाधिपतिता पधानसङ्खारस्स वुत्ता होति । वीरियञ्च समाधिं विसेसेत्वा ठितमेव, समन्नागमङ्गवसेन पन पधानसङ्खारवचनेन वुत्तन्ति नापि द्वीहि वीरियेहि समन्नागमो वुत्तो होति । यस्मा पन छन्दादीहि विसिद्धो समाधि, तथाविसिद्धेनेव च तेन सम्पयुत्तो पधानसङ्खारो, सेसधम्मा च, तस्मा समाधिविसेसनानं वसेन चत्तारो इद्धिपादा वुत्ता, विसेसनभावो च छन्दादीनं तंतं अवस्सयदस्सनवसेन होतीति “छन्दसमाधि...पे०... इद्धिपाद”न्ति एत्थ निस्सयत्थेपि पाद-सदे उपायत्थेन छन्दादीनं इद्धिपादता वुत्ता होति । तेनेव हि अभिधम्मे **उत्तरचूळभाजनीये** (विभ० ४५६) “चत्तारो इद्धिपादा छन्दिद्धिपादो”तिआदिना छन्दादीनमेव इद्धिपादता वुत्ता । **पहपुच्छके** (विभ० ४५७ आदयो) “चत्तारो इद्धिपादा इध भिक्खु छन्दसमाधी”तिआदिना च उद्देशं कत्वापि पुन छन्दादीनयेव कुसलादिभावो विभत्तो । उपायिद्धिपाददस्सनत्थमेव हि निस्सयिद्धिपाददस्सनं कत्तं, अज्जथा चतुब्धिधता न सियाति । अयमेत्थ पाळिवसेन अत्थविनिच्छयो वेदितब्बो । इदानि पटिलाभपुब्बभागानं वसेन इद्धिपादे विभजित्वा दस्सेतुं “अपिचा”तिआदि वुत्तं, तं सुविज्जेय्यमेव । इध इद्धिपादकथा सङ्खेपेनेव वुत्ताति आह “**वित्थारेन पन...पे०... वुत्ता**”ति ।

**केचीति** अभयगिरिवासिनो । तेसु हि एकच्चे “इद्धि नाम अनिष्फन्ना”ति वदन्ति, एकच्चे “इद्धिपादो पन अनिष्फन्नो”ति वदन्ति, **अनिष्फन्नोति** च परमत्थतो असिद्धो, नत्थीति अत्थो । **आभत्तोति** अभिधम्मपाठतो (विभ० ४५८) **दीघनिकायदुकथायं** (दी० नि० अट्ठ० २.२८७) आनीतो पुरिमनयतो अज्जेनाकारेन देसनाय पवत्तत्ता । छन्दो एव इद्धिपादो **छन्दिद्धिपादो** । एसेव नयो सेसेसुपि । **इमे पनाति** इमस्मिं सुत्ते आगता इद्धिपादा । **रट्टपालत्थेरो** (म० नि० २.२९३; अ० नि० अट्ठ० १.१.२१०; अप० अट्ठ० २.रट्टपालत्थेरअपदानवण्णनाय वित्थारो) “छन्दे सति कथं नानुजानिस्सन्ती”ति सत्ताहं भत्तानि अभुज्जित्वा मातापितरो अनुजानापेत्वा पब्बजित्वा छन्दमेव अवस्साय लोकुत्तरं धम्मं निब्बत्तेसीति आह “**रट्टपालत्थेरो...पे०... निब्बत्तेसी**”ति । **सोणत्थेरो** (महाव० २४३; अ० नि० ६.५५; थेरगा० अट्ठ० तेरसनिपात; अप० अट्ठ० २.सोणकोटिवीसत्थेरअपदानवण्णनाय वित्थारो) भावनमनुयुत्तो आरद्धवीरियो परमसुखुमालो पादेसु फोटेसु जातेसुपि वीरियं नप्पटिपस्सम्भेसीति आह “**सोणत्थेरो वीरियं धुरं कत्वा**”ति । **सम्भूतत्थेरो** (थेरगा० अट्ठ० २.सम्भूतत्थेरगाथावण्णनाय वित्थारो) “चित्तवतो किं नाम न सिज्झती”ति चित्तं पुब्बङ्गमं कत्वा भावनं आराधेसीति आह “**सम्भूतत्थेरो चित्तं धुरं कत्वा**”ति । **मोघत्थेरो** वीमंसं अवस्सयि, तस्मा तस्स भगवा “सुज्जतो लोकं अवेक्खस्सू”ति (सु० नि० ११२५; बु० वं० ५४.३५३; महा० नि० १८६; चूळनि० मोघराजमाणवपुच्छा १४४; मोघराजमाणवपुच्छानिद्देशे ८८; नेत्ति० ५; पेटको० २२, ३१) सुज्जताकथं कथेसि, पज्जानिस्सितमाननिग्गहत्थं, पज्जाय परिग्गहत्थञ्च द्विक्खत्तुं पुच्छितो समानो पज्जं कथेसि । तेनाह “**आयस्मा मोघराजा वीमंसं धुरं कत्वा**”ति ।

पुनप्पुनं छन्दुप्पादनं पेसनं विय होतीति छन्दस्स उपट्ठानसदिसता वुत्ता ।

**परक्कमेनाति** परक्कमसीसेन सूरभावं वदति । थामभावतो च वीरियस्स सूरभावसदिसता दट्ठब्बा ।

चिन्तनप्पधानत्ता चित्तस्स मन्तसंविधानसदिसता वुत्ता ।

**जातिसम्पत्ति** नाम विसिद्धजातिता । “सब्बधम्मेषु च पज्जा सेट्ठा”ति वीमंसाय जातिसम्पत्तिसदिसता वुत्ता । **सम्मोहविनोदनियं** (विभ० अट्ठ० ४३३) पन चित्तिद्विपादस्स जातिसम्पत्तिसदिसता, वीमंसिद्धिपादस्स मन्तबलसदिसता च योजिता ।

अनेकं विहितं विधं एतस्साति **अनेकविहितन्ति** आह “अनेकविध”न्ति । **विध-**सद्वो कोट्टासपरियायो “एकविधेन जाणवत्थू”तिआदीसु (विभ० ७५१) वियाति आह “इद्धिविधन्ति इद्धिकोट्टास”न्ति ।

### तिविधओकासाधिगमवण्णना

२८८. “**सुखस्सा**”ति इदं तिण्णम्पि सुखानं साधारणवचनन्ति आह “**ज्ञानसुखस्स मग्गसुखस्स फलसुखस्सा**”ति । नानप्पनापत्तताय पन अप्पधानत्ता उपचारज्ज्ञानसुखस्स, विपस्सनासुखस्स चेत्य अग्गहणं । पुरिमेसु ताव द्वीसु ओकासाधिगमेसु तीणिपि सुखानि लब्धन्ति, ततिये पन कथन्ति? तत्थ कामं तीणि न लब्धन्ति, द्वे पन लब्धन्तियेव । यथालाभवसेन हेतं वुत्तं । “सक्खरकथलम्पि मच्छगुम्बम्पि चरन्तम्पि तिट्ठन्तम्पी”तिआदीसु (दी० नि० १.२४९; म० नि० १.४३३; २.२५९; अ० नि० १.४५, ४६) विय । **संसट्ठोति** संसग्गं उपगतो समङ्गीभूतो, सो पन तेहि समन्नागतचित्तोपि होतीति वुत्तं “**सम्पयुत्तचित्तो**”ति । **अरियधम्मन्ति** अरियभावकरं धम्मं । **उपायतोति** विधितो । **पथतोति** मग्गतो । **कारणतोति** हेतुतो । येन हि विधिना धम्मानुधम्मपटिपत्ति होति, सो उपेति एतेनाति **उपायो**, सो तदधिगमस्स मग्गभावतो **पथो**, तस्स करणतो **कारणन्ति** च वुच्चति ।

“अनिच्चन्तिआदिवसेन मनसि करोती”ति सङ्खेपतो वुत्तमत्थं विवरितुं “**योनिसो मनसिकारो नामा**”तिआदि वुत्तं । तत्थ **उपायमनसिकारोति** कुसलधम्मप्पवत्तिया कारणभूतो मनसिकारो । **पथमनसिकारोति** तस्स एव मग्गभूतो मनसिकारो । **अनिच्चेति** आदिअन्तवन्तताय, अनच्चन्तिकताय च अनिच्चे तेभूमके सङ्खारे “अनिच्च”न्ति मनसिकारोति योजना । एसेव नयो सेसेसुपि । अयं पन विसेसो तस्मियेव उदयब्बयपटिपीळनताय दुक्खनतो, दुक्खमतो च **दुक्खे**, अवसवत्तनत्थेन, अनत्तसभावताय च **अनत्तनि**, असुचिसभावताय **असुभे** । सब्बम्पि हि तेभूमकं सङ्खतं किलेसासुचिपग्घरणतो “असुभ”न्त्वेव वत्तुं अरहति । **सच्चानुलोमिकेन वाति** सच्चाभिसमयस्स अनुलोमनवसेन । “**चित्तस्स आवट्टना**”तिआदिना आवज्जनाय पच्चयभूता ततो पुरिमुप्पन्ना मनोद्वारिका कुसलजवनप्पवत्ति फलवोहारेनेव तथा वुत्ता । तस्सा हि वसेन सा कुसलुप्पत्तिया उपनिस्सयो होतीति । आवज्जना हि भवङ्गचित्तं आवट्टेतीति **चित्तस्स आवट्टना**, अनु अनु आवट्टेतीति **अन्वावट्टना** । भवङ्गारम्मणतो अज्जं आभुजतीति **आभोगो** । समन्नाहरतीति **समन्नाहारो** । तदेवारम्मणं अत्तानं अनुबन्धित्वा अनुबन्धित्वा उप्पज्जमाने मनसि करोति ठपेतीति **मनसिकारो** । अयं वुच्चतीति अयं उपायमनसिकारलक्खणो **योनिमनसिकारो** नाम वुच्चति, यस्स वसेन पुग्गलो दुक्खादीनि सच्चानि आवज्जितुं सक्कोति ।

**असंसट्ठोति** न संसट्ठो कामादीहि विवित्तो विनाभूतो । कामादिविसंसग्गहेतु उप्पज्जनकसुखं नाम विवेकजं

पीतिसुखन्ति आह “**पठमज्झानसुखं**”न्ति । कामं पठमज्झानसुखम्पि सोमनस्समेव, सुत्तेसु पन तं कायिकसुखस्सापि पच्चयभावतो विसेसतो “सुखं”न्त्वेव वुच्चतीति इधापि ज्ञानभूतं सोमनस्सं सुखन्ति, इतरं सोमनस्सं । तेन वुत्तं “**सुखा**”ति । हेतुमिह निस्सक्कवचनन्ति आह “**ज्ञानसुखपच्चया**”ति । अपरापरं सोमनस्सन्ति ज्ञानाधिगमहेतु पच्चवेक्खणादिवसेन पुनप्पुनं उप्पज्जनकसोमनस्सं ।

पमोदनं पमुदो, तरुणपीति, ततो **पमुदा** । “पामोज्जं पीतत्थाया”ति आदीसु तरुणपीति “पामोज्जं”न्ति वुच्चति, इध पन पकट्टो मुदो **पमुदो** पामोज्जन्ति अधिप्पेतं, तच्च सोमनस्सरहितं नत्थीति अविनाभाविताय “**बलवतरं पीतिसोमनस्सं**”न्ति वुत्तं । ज्ञानस्स उज्जुविपच्चनीकतं सन्धाय “**पच्च नीवरणानि विक्खम्भेत्वा**”ति वुत्तं । ज्ञानं पन तदेकट्ठे सब्बेपि किलेसे, सब्बेपि अकुसले धम्मे विक्खम्भेतियेव, **अत्तनो ओकासं गहेत्वा तिट्ठति** पटिपक्खधम्मोहि अनभिभवनीयतो । **तस्माति** ओकासगगहणतो, लद्धोकासतायाति अत्थो । मग्गफलसुखाधिगमाय ओकासभावतो वा **ओकासो**, अस्स अधिगमो **ओकासाधिगमो** । पुरिमपक्खे पन ओकासं अवसरं अधिगच्छति एतेनाति **ओकासाधिगमो** ।

रूपसभावताय, एकन्तरूपाधीनवुत्तिताय, सविप्फारिकताय च आनापानवितक्कविचारानं थूलभावं अनुजानन्तो “**कायवचीसङ्खारा ताव ओळारिका होन्तू**”ति आह । तब्बिधुरताय पन एकच्चानं वेदनासञ्ज्ञानं थूलतं अननुजानन्तो “**चित्तसङ्खारा कथं ओळारिका**”ति आह । इतरो “अप्पहीनत्ता”ति कारणं वत्वा “**कायसङ्खारा ही**”ति आदिना तमत्थं विवरति । तेति चित्तसङ्खारा । अप्पहीना सङ्खारा लब्भमानसङ्खारनिमित्तताय “ओळारिका”ति वत्तुं अरहन्ति, पहीना पन तदभावतो “सुखुमा”ति आह “**पहीने उपादाय अप्पहीनत्ता ओळारिका नाम जाता**”ति । पाळियं “कायसङ्खारानं पटिप्पस्सद्धिया”ति वुत्तत्ता “**सुखन्ति चतुत्थज्झानिकफलसमापत्तिसुखं**”न्ति वुत्तं । “चित्तसङ्खारानं पटिप्पस्सद्धिया”ति पन वुत्तत्ता “**निरोधा वुट्ठहन्तस्सा**”ति वुत्तं । वचीसङ्खारपटिप्पस्सद्धि कायसङ्खारपटिप्पस्सद्धियाव सिद्धाति वेदितब्बा । तेनेवाह “**दुतिय...पे... विसुं न वुत्तानी**”ति । पाळियं पन अत्थतो सिद्धापि सुपाकटभावेन विभावेतुं सरूपतो गण्हाति । न हि अरियविनये अत्थापत्तिविभावना अभिधम्मदेसनाय पकतीति । यथा नीवरणविक्खम्भनच्च पठमस्स ज्ञानस्स अधिगमाय उपायो, एवं सुखदुक्खविक्खम्भनं चतुत्थस्स ज्ञानस्स अधिगमाय उपायोति “**चतुत्थज्झानं सुखं दुक्खं विक्खम्भेत्वा**”ति वुत्तं । सेसं हेट्ठा वुत्तनयमेव ।

अविज्जारागादीहि सह वज्जेहीति **सावज्जं**, अकुसलं, तदभावतो **अनवज्जं** कुसलं । अत्तनो हितसुखं आकङ्खन्तेन सेवनीयतो **सेवितब्बं**, कुसलं, तब्बिपरियायतो **न सेवितब्बं**, अकुसलं । लामकभावेन **हीनं**, अकुसलं, सेट्ठभावेन **पणीतं**, कुसलन्ति **सावज्जदुकादयो** तयोपि दुका यथारहं **एतेसं** कुसलाकुसलकम्मपथानं **वसेनेव वेदितब्बा** । सब्बन्ति यथावुत्तं सब्बं चतूहि दुकेहि सङ्गहितं धम्मजातं । यथारहं कण्हच्च सुक्कच्च पटिद्वन्दिभावतो, सप्पटिभागच्च अप्पटिभागच्च अद्वयभावतो । **वट्टपटिच्छादिका अविज्जा पहीयति** चतुन्नं अरियसच्चानं सम्मदेव पटिविज्जनतो । ततो एव **अरहत्तमग्गविज्जा उप्पज्जति** । **सुखन्ति** एवं कम्मपथमुखेन तेभूमकधम्मे सम्मसित्वा विपस्सनं उस्सुक्कापेत्वा मग्गपटिपाटिया अरहत्ते पटिद्वहन्तस्स यं अरहत्तमग्गसुखञ्चेव अरहत्तफलसुखञ्च, तं इध “सुखं”न्ति अधिप्पेतं । **अन्तो गधा एव नानन्तरियभावतो** ।

**अट्ठतिसारम्मणवसेनाति** पाळियं आगतानं अट्ठतिसाय कम्मट्ठानानं वसेन । **वित्थारेत्वा कथेतब्बा** पठमज्झानादिवसेन आगतत्ताति अधिप्पायो । “**कथं**”न्ति आदिना तमेव वित्थारेत्वा कथनं नयतो दस्सेति । “**चतुवीसतिया ठानेसू**”ति आदीसु यं वत्तब्बं, तं **महापरिनिब्बानवण्णनायं** (दी० नि० अट्ठ० २.२१९) वुत्तमेव ।

“निरोधसमापत्तिं पापेत्वा”ति इमिना अरूपज्ज्ञानानिपि गहितानि होन्ति तेहि विना निरोधसमापत्तिसमापज्जनस्स असम्भवतो, चतुत्थज्ज्ञानसभावत्ता च तेसं । **दस उपचारज्ज्ञानानीति** ठपेत्वा कायगतासतिं आनापानञ्च अट्ठ अनुस्सतियो, सञ्जाववत्थानञ्चाति दस उपचारज्ज्ञानानि । अधिसीलं नाम समाधिसंवत्तनियन्ति तस्स हेट्ठिमन्तेन पठमज्ज्ञानं परियोसानन्ति वुत्तं “**अधिसीलसिक्खा पठमं ओकासाधिगमं भजती**”ति । अधिचित्तं नाम चतुत्थज्ज्ञाननिट्ठं तदन्तो गधत्ता अरूपज्ज्ञानानं, तप्परियोसानत्ता फलज्ज्ञानानन्ति वुत्तं “**अधिचित्तसिक्खा दुतिय**”न्ति । मत्थकप्पत्ता अधिपज्जासिक्खा नाम अगमगगविज्जाति आह “**अधिपज्जासिक्खा ततिय**”न्ति । सिक्खत्तयवसेन तयो ओकासाधिगमे नीहरन्तेन यथारहं तंतं सुत्तवसेनपि नीहरितव्वन्ति दस्सेन्तो “**सामञ्जफलेपी**”ति आदिमाह ।

यदग्गेन च तिस्सो सिक्खा यथाक्कमं तयो ओकासाधिगमे भजन्ति, तदग्गेन तप्पधानत्ता यथाक्कमं तीणि पिटकानि ते भजन्तीति दस्सेतुं “**तीसु पना**”ति आदि वुत्तं । तीणि पिटकानि विभजित्वाति तिण्णं ओकासाधिगमानं वसेन यथानुपुब्बं तीणि पिटकानि वित्थारेत्वा कथेतुं लभिस्सामाति । **समोधानेत्वाति** समायोजेत्वा तत्थ वुत्तमत्थं इमस्स सुत्तस्स अत्थभावेन समानेत्वा । **दुक्कथितन्ति** असम्बन्धकथनेन, अतिपपञ्चकथनेन वा दुट्ठु कथितन्ति **न सक्का वत्तुं** तथाकथनस्सेव सुकथनभावतोति आह “**तेपिटकं... पे०... सुकथितं होती**”ति ।

### चतुसतिपट्टानवण्णना

**२८९.** न केवलं अभिधम्मपरियायेनेव कुसलट्ठो गहेतव्वो, अथ खो बाहितिकपरियायेन पीति आह “**फलकुसलस्स चा**”ति । **खेमट्ठेनाति** चतूहिपि योगेहि अनुपदवभावेन । **सम्मा समाहितोति** समथवसेन चेव विपस्सनावसेन च सुट्ठु समाहितो । **एकगगचित्तोति** विक्खेपस्स दूरसमुस्सारितत्ता एकगगतं अविक्खेपं पत्तचित्तो । **अत्तनो कायतोति** अज्झत्तं काये कायानुपस्सनावसेन सम्मा समाहितचित्तो समानो “**समाहितो यथाभूतं पजानाति पस्सती**”ति (सं० नि० ३.५; ५.१०७१, १०७२; नेत्ति० ४०; मि० प० १.१४) वचनतो । तत्थ जाणदस्सनं निब्बत्तेन्तो ततो बहिद्वा परस्स कायेपि जाणदस्सनं निब्बत्तेति । तेनाह “**परस्स कायाभिमुखं जाणं पेसेती**”ति । **सम्मा विप्पसीदतीति** सम्मा समाधानपच्चयेन अभिप्पसादेन जाणूपसज्जितेन अज्झत्तं कायं ओकप्पेति । **सब्बत्थाति** सब्बट्टानेसु । सति कथिताति योजना । **लोकियलोकुत्तरमिस्सका कथिता** अनुपस्सनाजाणदस्सनानं तदुभयसाधारणभावतो ।

### सत्तसमाधिपरिक्खारवण्णना

**२९०.** एत्थाति इमिस्सा कथाय । ज्ञानक्खस्स वीरियचक्कस्स अरियमग्गरथस्स सीलं विभूसनभावेन वुत्तन्ति आह “**अलङ्कारो परिक्खारो नामा**”ति । **सत्तहि नगरपरिक्खारेहीति** नगरं परिवारेत्वा रक्खणकेहि कतपरिक्खेपो, परिखा, उद्दापो, पाकारो, एसिका, पलिघा, पाकारपक्खण्डिलन्ति इमेहि सत्तहि नगरपरिक्खारेहि । सम्भरीयति फलं एतेनाति **सम्भारो**, कारणं । भेसज्जहि ब्याधिवूपसमनेन जीवितस्स कारणं । **परिवारपरिक्खारवसेनाति** परिवारसङ्घातपरिक्खारवसेन । परिक्खारो हि सम्मादिट्ठियादयो मग्गधम्मा सम्मासमाधिस्स सहजातादिपच्चयभावेन परिकरणतो अभिसङ्खरणतो । उपेच्च निस्सीयतीति **उपनिसा**, सह उपनिसायाति **सउपनिसोति** आह “**सउपनिस्सयो**”ति, सहकारीकारणभूतो धम्मसमूहो इध “**उपनिस्सयो**”ति अधिप्पेतो । सम्मा पसत्था सुन्दरा दिट्ठि एतस्साति सम्मादिट्ठि, पुग्गलो, तस्स **सम्मादिट्ठिस्स** । सो पन यस्मा पतिट्ठितसम्मादिट्ठिको, तस्मा वुत्तं “**सम्मादिट्ठियं ठितस्सा**”ति । **सम्मासङ्कप्पो पहातीति** मग्गसम्मादिट्ठिया दुक्खादीसु परिजाननादिकिच्चं साधेन्तिया कामवितक्कादिके समुग्घाटेन्तो सम्मासङ्कप्पो यथा अत्तनो किच्चसाधने पहाति, तथा पवत्तिं पनस्स दस्सेन्तो आह “**सम्मासङ्कप्पो पवत्तती**”ति । **एस**

**नयो सब्बपदेसूति** “सम्मासङ्कप्पस्स सम्मावाचा पहोती”तिआदीसु सेसपदेसु यथावुत्तमत्थं अतिदिसति ।

एत्थ च यस्मा निब्बानाधिगमाय पटिपन्नस्स योगिनो बहूपकारा सम्मादिट्ठि । तथा हि सा “पज्जापज्जोतो, पज्जासत्थ”न्ति च वुत्ता । तां हि सो अविज्जन्धकारं विधमित्वा किलेसचोरे घातेन्तो खेमेन निब्बानं पापुणाति, तस्मा अरियमग्गकथायं सम्मादिट्ठि आदितो गय्हति, इध पन पुग्गलाधिट्ठानदेसनाय “सम्मादिट्ठिस्सा”ति वुत्तं । यस्मा पन सम्मादिट्ठिपुग्गलो नेक्खम्मसङ्कप्पादिवसेन सम्मदेव सङ्कप्पेति, न मिच्छाकामसङ्कप्पादिवसेन, तस्मा सम्मादिट्ठिस्स सम्मासङ्कप्पो पहोति । यस्मा च सम्मासङ्कप्पो सम्मावाचाय उपकारको । यथाह “पुब्बे खो गहपति वितक्केत्वा विचारेत्वा पच्छा वाचं भिन्दती”ति, (सं० नि० २.३४८) तस्मा सम्मासङ्कप्पस्स सम्मावाचा पहोति । यस्मा पन “इदञ्चिदञ्च करिस्सामा”ति हि पठमं वाचाय संविदहित्वा येभ्य्येन ते ते कम्मन्ता सम्मा पयोजीयन्ति, तस्मा वाचा कायकम्मस्स उपकारिकाति सम्मावाचस्स सम्माकम्मन्तो पहोति । यस्मा पन चतुब्बिधं वचीदुच्चरितं, तिविधञ्च कायदुच्चरितं पहाय उभयं सुचरितं पूरेन्तस्सेव आजीवट्ठमकसीलं पूरति, न इतरस्स, तस्मा सम्मावाचस्स सम्माकम्मन्तस्स च सम्माआजीवो पहोति । विसुद्धिदिट्ठिसमुदागतसम्माआजीवस्स योनिस्सो पधानस्स सम्भवतो सम्माआजीवस्स सम्मावायामो पहोति । योनिस्सो पदहन्तस्स कायादीसु चतूसु वत्थूसु सति सूपड्डिता होतीति सम्मावायामस्स सम्मासति पहोति । यस्मा एवं सूपड्डिता सति समाधिस्स उपकारानुपकारानं धम्मनं गतियो समन्नेसित्वा पहोति एकत्तारम्मणे चित्तं समाधातुं, तस्मा सम्मासतिस्स सम्मासमाधि पहोतीति । अयञ्च नयो पुब्बभागे नानाक्खणिकानं सम्मादिट्ठिआदीनं वसेन वुत्तो, मग्गक्खणे पन सम्मादिट्ठिआदीनं तस्स तस्स सहजातादिवसेन वुत्तो “सम्मादिट्ठिस्स सम्मासङ्कप्पो पहोती”तिआदीनं पदानमत्थो युत्तो, अयमेव च इधाधिप्पेत्तो । तेनाह “अयं पनत्थो”तिआदि ।

**मग्गजाणेति** मग्गपरियापन्नजाणे ठितस्स तंसमङ्गिनो । मग्गपज्जा हि चतुन्नं सच्चानं सम्मादस्सनट्ठेन “मग्गसम्मादिट्ठी”ति वुत्ता, सा एव नेसं याथावतो जाननतो पटिविज्जनतो इध “मग्गजाण”न्तिपि वुत्ता । **मग्गविमुत्तीति** मग्गेन किलेसानं विमुच्चनं समुच्छेदप्पहानमेव । फलसम्मादिट्ठि एव “फलसम्माजाण”न्ति परियायेन वुत्तं, परियायवचनञ्च वुत्तनयानुसारेण वेदितब्बं । **फलविमुत्ति** पन पटिप्पस्सद्धिप्पहानं दट्ठब्बं ।

**अमतस्स** द्वाराति अरियमग्गमाह । सो पन विना च आचरियमुट्ठिना अनन्तरं अबाहिरं करित्वा यावदेव मनुस्सेहि सुप्पकासितत्ता विवटो । **धम्मविनीताति** अरियधम्मे विनीता । सो पनेत्थ किलेसानं समुच्छेदविनयवसेन वेदितब्बोति आह “सम्मानिय्यानेन निय्याता”ति ।

**अत्थीति** पुथुत्थविसयं निपातपदं “अत्थि इमस्मिं काये केसा”तिआदीसु (दी० नि० २.३७७; म० नि० १.११०; ३.१५४; सं० नि० ४.१२७; अ० नि० ६.२९; १०.६०; विभ० ३५६; खु० पा० २.१.द्वत्तिसआकार; नेत्ति० ४७) वियाति आह “अनागामिनो च अत्थी”ति । तेनेवाह “अत्थि चेवेत्थ सकदागामिनो”ति । बहिद्धा संयोजनपच्चयो निब्बत्तिहेतुभूतो पुज्जभागो एतस्सा अत्थीति पुज्जभागा, अतिसयविसिद्धो चेत्थ अत्थिअत्थो वेदितब्बो । **ओत्तप्पमानोति** उत्तसन्तो भायन्तो । **न पन नत्थि**, अत्थि एवाति दीपेति ।

**२९१. अस्साति** वेस्सवणस्स । **लद्धि पन न अत्थि** पटिविद्धसच्चत्ता । “अभिसमये विसेसो नत्थी”ति एतेन सब्बेपि सब्बज्जुगुणा सब्बबुद्धानं सदिसा एवाति दस्सेति ।

**२९२. कारणस्स** एकरूपत्ता **इमानि पन पदानीति** न केवलं “तयिदं ब्रह्मचरिय”न्तिआदीनि पदानि, अथ खो

“इममत्थं जनवसभो यक्खो”तिआदीनि पदानि पीति ।

जनवसभसुत्तवण्णनाय लीनत्थप्पकासना ।

## ६. महागोविन्दसुत्तवण्णना

२९३. पञ्चकुण्डलिकोति विस्सट्ठपञ्चवेणिको । चतुमग्गट्टानेसूति चतुन्नं मग्गानं विनिविज्झित्वा गतट्टानेसु । तत्थ हि कता सालादयो चतूहि दिसाहि आगतमनुस्सानं उपभोगक्खमा होन्ति । “एवरूपानी”ति इमिना रुक्खमूलसोधनादीनि चेव यथासत्ति अन्नदानादीनि च पुज्जानि सङ्गण्हाति । “सुवण्णक्खन्धसदिसो अत्तभावो इट्ठो कन्तो मनापो अहोसी”ति पाठो । सकटसहस्समत्तन्ति वाहसहस्समत्तं, वाहो पन वीसति खारी, खारी सोळसदोणमत्ता, दोणं सोळस नाळियो वेदितब्बा । कुम्भं दसम्बणानि । “सहस्सनाळियो”ति केचि । रत्तसुवण्णकण्णिकन्ति रत्तसुवण्णमयं वटंसकं ।

यस्मा मज्झिमयामे एव देवता सत्थारं उपसङ्कमितुं अवसरं लभन्ति, तस्मा “एककोट्टासं अतीताया”ति वुत्तं । अतिक्कन्तवण्णोति अतिविय कमनीयरूपो, केवलकप्पन्ति वा मनं ऊनं अवसेसं, ईसकं असमत्तन्ति अत्थो भगवतो हि समीपट्टानं मुज्चित्वा सब्बो गिज्झकूटविहारो तेन ओभासितो । तेनाह “चन्दिमा विया”तिआदि ।

### देवसभावण्णना

२९४. रतनमत्तकण्णिकरुक्खनिस्सन्देनाति रतनप्पमाणरुक्खमयकूटदानपुज्जनिसन्देन, तस्स वा पुज्जस्स निस्सन्दफलभावेन । निब्बत्तसभायन्ति समुट्ठितउपट्टानसालायं । मणिमयाति पदुमरागादिमणिमया । आणियोति थम्भतुलासङ्घाटकादीसु वाळरूपादिसङ्घाटनकआणियो ।

गन्धब्बराजाति गन्धब्बकायिकानं देवतानं राजा । ये तावत्तिसानं आसन्नवासिनो चातुमहाराजिका देवा, ते पुरतो करोन्तो “द्वीसु देवलोकेसु देवता पुरतो कत्वा निसिन्नो”ति वुत्तो । सेसेसुपि तीसु ठानेसु एसेव नयो ।

नागराजाति नागानं अधिपति, न पन सयं नागजातिको ।

आसति निसीदति एत्थाति आसनं, निसज्जट्टानन्ति आह “निसीदितुं ओकासो”ति । “एत्था”ति पदं निपातमत्तं, एत्थाति वा एतस्मिं पाठे । अत्थुद्धारनयेन वत्तब्बं पुब्बे वुत्तं चतुब्बिधमेव । तावत्तिसा, एकच्चे च चातुमहाराजिका यथालब्धाय सम्पत्तिया थावरभावाय, आर्यातिं सोधनाय च पञ्च सीलानि रक्खन्ति, ते तस्स विसोधनत्थं पवारणासङ्गहं करोन्ति । तेन वुत्तं “महापवारणाया”तिआदि ।

वस्ससहस्सन्ति मनुस्सगणनाय वस्ससहस्सं ।

पन्नपलासोति पतितपत्तो । खारकजातोति जातखुद्दकमकुळो । ये हि नीलपत्तका अतिविय खुद्दका मकुळा, ते “खारका”ति वुच्चन्ति । जालकजातोति तेहियेव खुद्दकमकुळेहि जातजालको सब्बसो जालो विय जातो । केचि पन “जालकजातोति एकजालो विय जातो”ति अत्थं वदन्ति । पारिच्छत्तको किर खारकग्गहणकाले सब्बत्थकमेव पल्लविको होति, ते चस्स पल्लवा पभस्सरपवाळवण्णसमुज्जला होन्ति, तेन सो सब्बसो समुज्जलन्तो तिट्ठति । कुटुमलकजातोति

सज्जातमहामकुळो । कोरकजातोति सज्जातसूचिभेदो सम्पति विकसमानावत्थो । **सब्बपालिफुल्लो**ति सब्बसो फुल्लितविकसितो ।

**कन्तनकवातो**ति देवानं पुञ्जकम्मपच्चया पुष्फानं छिन्दनकवातो । **कन्तती**ति छिन्दति । **सम्पटिच्छनकवातो**ति छिन्नानं छिन्नानं पुष्फानं सम्पटिगणहनकवातो । **नच्चन्तो**ति नानाविधभत्तिं सन्निवेसवसेन नच्चनं करोन्तो । **अज्जतरदेवतानन्ति** नामगोत्तवसेन अप्पज्जातदेवतानं ।

**रेणुवट्ठी**ति रेणुसङ्घातो । **कण्णिकं आहच्चाति** सुधम्माय कूटं आहन्त्वा ।

**अट्ठ दिवसे**ति पञ्चमिया सद्धिं पक्खे चत्तारो दिवसे सन्धाय वुत्तं । यथावुत्तेसु अट्ठसु दिवसेसु धम्मस्सवनं निबद्धं तदा पवत्ततीति ततो अज्जदा कारितं सन्धायाह “**अकालधम्मस्सवनं कारितं**”न्ति । चेतिये छत्तस्स हेट्ठा कातब्बवेदिका **छत्तवेदिका** । चेतियं परिक्खिपित्वा पदक्खिणकरणट्ठानं अन्तोक्त्वा कातब्बवेदिका **पुटवेदिका** । चेतियस्स कुच्छिं परिक्खिपित्वा तं सम्बन्धमेव कत्वा कातब्बवेदिका **कुच्छिवेदिका** । सीहरूपपादकं आसनं **सीहासनं** । उभोसु पस्सेसु सीहरूपयुत्तं सोपानं **सीहसोपानं** ।

**अत्तमना होन्ति** अनियामनकभावतो । तेनेवाह “**महापुञ्जे पुरक्खत्वा**”तिआदि । **पवारणासङ्गहत्थाय सन्निपतिताति वेदितब्बा** “तदहुपोसथे पन्नरसे पवारणाय पुण्णाय पुण्णमाय रत्तिया”ति (दी० नि० २.२९४) वचनतो ।

**२९५. नवहि कारणेहीति** “इतिपि सो भगवा अरह”न्तिआदिना (दी० नि० १.१५७, २५५) वुत्तेहि अरहत्तादीहि नवहि बुद्धानुभावदीपनेहि कारणेहि । **धम्मस्स चाति** एत्थ च-सद्धो अवुत्तसमुच्चयत्थोति तेन सम्पिण्डितमत्थं दस्सेन्तो “**उजुप्पटिपन्नतादिभेदं सङ्गस्स च सुप्पटिपत्तिं**”न्ति आह ।

### अट्ठयथाभुच्चवण्णना

**२९६.** यथा अनन्तमेव आनञ्चं, भिसक्कमेव भेसज्जं, एवं यथाभूता एव **यथाभुच्चाति** पाळियं वुत्तन्ति आह “**यथाभुच्चेति यथाभूते**”ति । वण्णेत्तब्बतो कित्तेत्तब्बतो **वण्णा**, गुणा । **कथं पटिपन्नोति** हेतुअवत्थायं, फलअवत्थायं, सत्तानं उपकारा वत्थायन्ति तीसुपि अवत्थासु लोकनाथस्स बहुजनहिताय पटिपत्तिया कथेतुकम्यतापुच्छा । तथा हि नं आदितो पट्टाय याव परियोसाना सद्धेपेनेव दस्सेन्तो “**दीपङ्करपादमूले**”तिआदिमाह । तत्थ **अभिनीहरमानोति** अभिनीहारं करोन्तो । यं पनेत्थ महाभिनीहारे, पारमीसु च वत्तब्बं, तं **ब्रह्मजालटीकायं** (दी० नि० टी० १.७) वुत्तं एवाति तत्थ वुत्तनयेनेव वेदितब्बं ।

“**खन्तिवादितापसकाले**”तिआदि (जा० १.खन्तीवादीजातक) हेतुअवत्थायमेव अनज्जसाधारणाय सुदुक्कराय बहुजनहिताय पटिपत्तिया विभावनं । यथाधिप्पेतं हितसुखं याय किरियाय विना न इज्झति, सापि तदत्था एवाति दस्सेतुं “**तुसितपुरे यावतायुकं तिट्ठन्तोपी**”तिआदि वुत्तं ।

**धम्मचक्कप्पवत्तनादि** (सं० नि० ५.१०८१; महाव० १३; पटि० म० ३.३०) पन निब्बत्तिता बहुजनहिताय पटिपत्ति । **आयुसङ्कारोस्सज्जनम्पि** “एत्तकं कालं तिट्ठामी”ति पवत्तिया बहुजनहिताय पटिपत्ति । अनुपादिसेसाय निब्बानधातुया परिनिब्बानवसेन बहुजनहिताय पटिपत्ति । तेनाह “**यावस्सा**”तिआदि । **सेसपदानीति** “बहुजनसुखाया”तिआदीनि पदानि ।



पच्छिमन्ति “अत्थाय हिताय सुखाया”ति पदत्तयं । **पुरिमस्सा**ति ततो पुरिमस्स पदत्तयस्स । **अत्थो**ति अत्थनिद्देशो ।

यदिपि अतीतेनङ्गेन समन्नागता सत्थारो अहेसुं, तेपि पन बुद्धा एवाति अत्थतो अम्हाकं सत्था अनज्जोति आह “अतीतेपि बुद्धतो अज्जं न समनुपस्सामा”ति । यथा च अतीते, एवं अनागते चाति अयमत्थो नयतो लब्भतीति कत्वा वुत्तं “अनागतेपि न समनुपस्सामा”ति । सक्को पन देवराजा तमत्थं अत्थापन्नमेव कत्वा “न पनेतरहि” इच्चेवाह । किं सक्को कथेतीति विचारेत्वाति “नेव अतीतंसे समनुपस्समा”ति वदन्तो सक्को किं कथेती”ति विचारणं समुदुपेत्वा । यस्मा अतीते बुद्धा अहेसुं, अनागते भविस्सन्तीति नायमत्थो सक्केन देवराजेन परिज्जातो, ते पन बुद्धसामज्जेन अम्हाकं भगवता सद्धिं गहेत्वा एतरहि अज्जस्स सब्बेन सब्बं अभावतो तथा वुत्तन्ति दस्सेतुं “एतरही”तिआदि वुत्तं । **स्वाक्खातादीनी**ति स्वाक्खातपदादीनि । **कुसलादीनी**ति “इदं कुसल”न्तिआदीनि पदानि ।

गङ्गायमुनानं असमागमद्धाने उदकं भिन्नवण्णं होन्तमिपि समागमद्धाने अभिन्नवण्णं एवाति आह “**वण्णेनपि संसन्दति समेती**”ति । तत्थ किर गङ्गोदकसदिसमेव यमुनोदकं । यथा निब्बानं केनचि किलेसेन अनुपक्किलिडुताय परिसुद्धं, एवं निब्बानगामिनिपटिपदापि केनचि किलेसेन अनुपक्किलिडुताय परिसुद्धाव इच्छितब्बा । तेनाह “**न ही**”तिआदि । येन परिसुद्धत्थेन निब्बानस्स, निब्बानगामिनिया पटिपदाय च आकासूपमता, सो केनचि अनुपलेपो, अनुपक्किलेसो चाति आह “**आकासमिपि अलग्गं परिसुद्ध**”न्ति । इदानीं तमत्थं निदस्सनेन विभूतं कत्वा दस्सेतुं “**चन्दिमसूरियान**”न्तिआदि वुत्तं । **संसन्दति** युज्जति पटिपज्जितत्त्वतापटिपज्जनेहि अज्जमज्जानुच्छविकताय ।

**पटिपदाय ठितानन्ति** पटिपदं मग्गपटिपत्तिं पटिपज्जमानानं । **वुसितवतन्ति** ब्रह्मचरियवासं वुसितवन्तानं एतेसं । **लद्धसहायो**ति एतासं पटिपदानं वसेन लद्धसहायो । **तत्थ तत्थ** सावकेहि सत्थु कातब्बकिच्चे । **इदं पन** “अदुतियो”तिआदि सुत्तन्तरे आगतवचनं अज्जेहि **असदिसट्ठेन वुत्तं**, न यथावुत्तसहायाभावतो । **अपनुज्जा**ति अपनीय विवज्जेत्वा । “**अपनुज्जा**”ति च अन्तोग्धावधारणं इदं वचनं एकन्तिकत्ता तस्स अपनोदस्साति वुत्तं “**अपनुज्जेवा**”ति ।

लब्भतीति **लाभो**, सो पन उक्कंसगतिविजाननेन सातिसयो, विपुलो एव च इधाधिप्पेतीति आह “**महालाभो उप्पन्नो**”ति । **उस्सन्नपुज्जनिस्सन्दसमुप्पन्नो**ति यथावुत्तकालं सम्भतसुविपुलउळारतरपुज्जाभिसन्दतो निब्बत्तो । “इमे निब्बत्ता, इतो परं मय्हं ओकासो नत्थी”ति उस्साहजातो विय उपरूपरि वड्डमानो उदपादि । सब्बदिसासु हि यमकमहामेघो उट्ठहित्वा महामेघं विय सब्बपारमियो “एकस्मिं अत्तभावे विपाकं दस्सामा”ति सम्पिण्डिता विय भगवतो इदं लाभसक्कारसिलोकं निब्बत्तयिंसु, ततो अन्नपानवत्थयानमालागन्धविलेपनादिहत्था खत्तियब्राह्मणादयो उपगन्त्वा “कहं बुद्धो, कहं भगवा, कहं देवदेवो, कहं नरासभो, कहं पुरिससीहो”ति भगवन्तं परियेसन्ति, सकटसतेहिपि पच्चये आहरित्वा ओकासं अलभमाना समन्ता गावुत्तप्पमाणमिपि सकटधुरेन सकटधुरं आहच्च तिडुन्ति चेव अनुबन्धन्ति च अन्धकविन्दब्राह्मणादयो विय । सब्बं खन्धके, तेसु तेसु च सुत्तेसु आगतनयेन वेदितब्बं । तेनाह “**लाभसक्कारो महोघो विया**”तिआदि ।

**पटिपाटिभत्तन्ति** बहूसु “दानं दस्सामा”ति आहटपटिपाटिकाय उट्ठितेसु अनुपटिपाटिया दातब्ब भत्तं ।

**मत्थकं पत्तो** अनज्जसाधारणत्ता तस्स दानस्स । **उपायं आचिक्खि** नागरानं असक्कुणेय्यरूपेन दानं दापेतुं । सालकल्याणिरुक्खा राजपरिग्गहा अज्जेहि असाधारणा, तस्मा तेसं पदरेहि मण्डपो कारितो, हत्थिनो च राजभण्डभूता नागरेहि न सक्का लद्धन्ति तेहि छत्तं धारापितं, तथा खत्तियधीताहि वेय्यावच्चं कारितं । “**पज्ज आसनसतानी**”ति इदं

सालकल्याणिमण्डपे पञ्जत्ते सन्धाय वुत्तं, ततो बहिं पन बहूनि पञ्जत्तानि अहेसुं। चतुज्जातियगन्धं पिसति बुद्धप्पमुखस्स सङ्घस्स पूजनत्थञ्चेव पत्तस्स उब्बटनत्थञ्च। उदकन्ति पत्तधोवनउदकं। अनग्घानि अहेसुं अनग्घरतनाभिसङ्घत्तत्ता।

सत्तथा मुद्धा फलिस्सति अनादरकारणादिना। काळं ओलोकेस्सामीति काळं एवं अनुपेक्खिस्सामि, तस्स उप्पज्जनकं अनत्थं परिहरिस्सामीति अत्थो।

कदरियाति थद्धमच्छरिनो पुज्जकम्मविमुखा। देवलोकं न वजन्ति पुज्जस्स अकतत्ता, मच्छरिभावेन च पापस्स पसुतत्ता। बालाति दुच्चिन्तितचिन्तनादिना बाललक्खणयुत्ता। नप्पसंसन्ति दानं पसंसितुम्पि न विसहन्ति। धीरोति धीतिसम्पन्नो उल्लारपज्जो परेहि कतं दानं अनुमोदमानोपि, तेनेव दानानुमोदनेनेव। सुखी परत्थाति परलोके कायिकचेतसिकसुखसमङ्गी होति।

वररोजो नाम तस्मिं काले एको खत्तियो, तस्स वररोजस्स। अनवज्ज...पे०... फलेय्य अभूतवादिभावतोति अधिप्पायो। अतिरेकपदसहस्सेन तिसाधिकेन अट्टतेय्यगाथासतेन वण्णमेव कथेसि रूपप्पसन्नताय च।

याव मज्जे खत्तियाति एत्थ यावाति अवधिपरिच्छेदवचनं, अज्जेति निपातमत्तं, याव खत्तिया खत्तिये अवधिं कत्वा सब्बे देवमनुस्साति अधिप्पायो। तेनाह “खत्तिया ब्राह्मणा”ति आदि। मदपमत्तोति लाभसक्कारसिलोकमदेन पमत्तो चेव तदन्वयेन पमादेन पमत्तो च हुत्वा।

तदन्वयमेवाति तदनुगतमेव। वाचा...पे०... समेतीति वचीकम्मकायकम्मानि अज्जमज्जं अविरुद्धानि, अज्जदत्थु संसन्दन्ति। अजा एव मिगाति अजामिगा, ते अजामिगे।

तिण्णविचिकिच्छो सब्बसो अतिक्कन्तविचिकिच्छाकन्तारो। ननु च सब्बेपि सोतापन्ना तिण्णविचिकिच्छा, विगतकथं कथा च? सच्चमेतं, इदं पन न तादिसं तिण्णविचिकिच्छतं सन्धाय वुत्तं, अथ खो सब्बस्मिं जेय्यधम्मो सब्बाकारावबोधसङ्गातसन्निट्ठानवसेन सब्बसो निराकतं सन्धायाति दस्सेन्तो “यथा ही”ति आदिमाह। उस्सन्नुस्सन्नत्ताति परोपरभावतो, अयज्ज अत्थो भगवतो अनेकधातुनानाधातुजाणबलेनपि इज्झति। सब्बत्थ विगतकथं कथो सब्बदस्साविभावतो। सब्बेसं परमत्थधम्मानं सच्चाभिसमयवसेन पटिविद्धत्ता वुत्तं “वोहारवसेना”ति वा नामगोत्तादिवसेनाति अत्थो।

परियोसितसङ्कप्पोति सब्बसो निट्ठितमनोरथो। ननु च अरियमग्गेन परियोसितसङ्कप्पता नाम सोळसकिच्चसिद्धिया कतकरणीयभावेन, न सब्बजेय्यधम्मावबोधेनाति चोदनं सन्धायाह “पुब्बे अननुस्सुतेसू”ति आदि। सावकानं सावकपारमिजाणं विय, हि पच्चेकबुद्धानं पच्चेकबोधिजाणं विय च सम्मासम्बुद्धानं सब्बज्जुतज्जाणं चतुसच्चाभिसम्बोधपुब्बकमेवाति। अननुस्सुतेसूति न अनुस्सुतेसु। सामन्ति सयमेव। पदद्वयेनापि परतो घोसेन विनाति दस्सेति। तत्थाति निमित्तत्थे भुम्मं, सच्चाभिसम्बोधनिमित्तन्ति अत्थो। सच्चाभिसम्बोधो च अगमगवसेनाति दट्ठब्बं। बलेसु च वसीभावन्ति दसन्नं बलजाणानं यथारुचि पवत्ति। जातत्ता जाताति सम्मासम्बुद्धे वदति।

२९७. तत्थ तत्थ राजधानिआदिके निबद्धवासं वसन्तो। तीसु मण्डलेसु यथाकालं चारिकं चरन्तो।

२९८. अस्साति फलस्स । तन्ति कारणं । द्विन्मि एकतो उप्पत्तिया **कारणं नत्थि**, पगेव तिण्णं, चतुन्नं वाति । “**एत्थ चा**”तिआदि “एकिस्सा लोकधातुया”ति वुत्तलोकधातुया पमाणपरिच्छेददस्सनत्थं आरब्धं ।

यावताति यत्तकेन ठानेन । **परिहरन्तीति** सिनेरुं परिक्खिपन्ता परिवत्तन्ति । **दिसाति** दिसासु, भुम्मत्थे एतं पच्चत्तवचनं । **भन्ति** दिब्बन्ति । **विरोचनाति** ओभासन्ता, **विरोचना** वा सोभमाना **चन्दिमसूरिया भन्ति**, ततो एव **दिसा च भन्ति** । ताव **सहस्सधाति** तत्तको सहस्सलोको ।

एत्तकन्ति इमं चक्कवाळं मज्झे कत्वा इमिनाव सद्धिं चक्कवाळं दससहस्सं । यं पनेत्थ वत्तब्बं, तं **महापदानवण्णनायं** वुत्तमेव । न **पज्जायतीति** तीसु पिटकेसु अनागतत्ता ।

### सनङ्कुमारकथावण्णना

३००. **वण्णेनाति** रूपसम्पत्तिया । सुविज्जेय्यत्ता तं अनामसित्वा यससहस्सेव अत्थमाह । **अलङ्कारपरिवारेनाति** अलङ्कारेन च परिवारेन च । **पुज्जसिरियाति** पुज्जिद्धिया ।

३०१. **सम्पसादनेति** सम्पसादजनने । संपुब्बो खा-सद्धो जाननत्थो “सङ्घायेतं पटिसेवती”तिआदीसु (म० नि० २.१६८) वियाति आह “**जानित्वा मोदामा**”ति ।

### गोविन्दब्राह्मणवत्थुवण्णना

३०४. याव दीघरत्तन्ति याव परिमाणतो, अपरिमितकालपरिदीपनमेतन्ति आह “**एत्तकन्ति...पे०... अतिचिररत्त**”न्ति । **महापज्जोव सो भगवाति** तेन ब्रह्मना अनुमतिपुच्छावसेन देवानं वुत्तन्ति दस्सेन्तो “**महापज्जोव सो भगवा । नोति कथं तुम्हे मज्जथा**”ति आह । सयमेवेतं पज्जं ब्याकातुकामो “भूतपुब्बं भो”ति आदिं आहाति सम्बन्धो । एवं पन ब्याकरोन्तेन अत्थतो अयम्पि अत्थो वुत्तो नाम होतीति दस्सेन्तो “**अनच्छरियमेत**”न्ति आदिमाह । **तिण्णं मारानन्ति** किलेसाभिसङ्घारदेवपुत्तमारानं । “अनच्छरियमेत”न्ति वुत्तमेवत्थं निगमनवसेन “**किमेत्थ अच्छरिय**”न्ति पुनपि वुत्तं ।

रज्जो दिट्ठधम्मिकसम्परायिकअत्थानं पुरो धानतो पुरे पुरे संविधानतो **पुरोहितोति** आह “**सब्बकिच्चाणि अनुसासनपुरोहितो**”ति । **गोविन्दियाभिसेकेनाति** गोविन्दस्स ठाने ठपनाभिसेकेन । तं किर तस्स ब्राह्मणस्स कुलपरम्परागतं ठानन्तरं । **जोतितत्ताति** आवुधानं जोतितत्ता । **पालनसमत्थतायाति** रज्जो, अपरिमितस्स च सत्तकायस्स अनत्थतो परिपालनसमत्थताय ।

**सम्मा वोस्सज्जित्वाति** सुट्ठु तस्सेवागारवभावेन विस्सज्जित्वा निव्यातेत्वा । तं तमत्थं किच्चं पस्सतीति **अत्थदसो** ।

३०५. भवनं वड्डनं **भवो**, भवति एतेनाति वा **भवो**, वड्डिकारणं सन्धिवसेन म-कारागमो, ओ-कारस्स च अ-कारादेसं कत्वा “**भवमत्थू**”ति वुत्तं । **भवन्तं जोतिपालन्ति** पन सामिअत्थे उपयोगवचनन्ति आह “**भोतो**”ति । **मा पच्चब्याहासीति** मा पटिक्खिपीति अत्थो । सो पन पटिक्खेपो पटिवचनं होतीति आह “**मा पटिब्याहासी**”ति । **अभिसम्भोसीति** कम्मन्तानं संविधाने समत्थो होतीति आह “**संविदहित्वा**”ति । भवाभवं, पज्जज्ज विन्दि पटिलभीति

गोविन्दो, महन्तो गोविन्दो महागोविन्दो। “गो”ति हि पञ्जायेतं अधिवचनं गच्छति अत्थे बुझतीति।

### रज्जसंविभजनवण्णना

३०६. एकपितिका वेमातुका कनिट्टभातरो। अयं अभिसित्तोति अयं रेणु राजकुमारो पितु अच्चयेन रज्जे अभिसित्तो। राजकारकाति राजपुत्तं रज्जे पतिट्ठापेतारो।

३०७. मदेन्तीति मदनीयाति कत्तुसाधनतं दस्सेन्तो “मदकरा”ति आह। मदकरणं पन पमादस्स विसेसकारणन्ति वुत्तं “पमादकरा”ति।

३०८. रेणुस्स रज्जसमीपे दसगावुतमत्तवित्थतानि हुत्वा अपरभागे तियोजनसतं वित्थतत्ता सब्बानि छ रज्जानि सकटमुखानि पट्टपेसि। वितानसदिसं चतुरस्सभावतो।

३१०. सहाति गाथाय पदपरिपूरणत्थं वुत्तं। तस्स अत्थं दस्सेन्तो “तेनेव सहा”ति आह। सहाति वा अविनाभावत्थे निपातो, सो सह आसुं सत्त भारधाति योजेतब्बो, तेन ते देसन्तरे वसन्ता विचित्तेन सहभाविनो अविनाभाविनोति दीपेति। रज्जभारं धारेन्ति अत्तनि आरोपेन्ति वहन्तीति भारधा।

पठमभाणवारवण्णना निट्ठिता।

### कित्तिसद्वअब्भुग्गमनवण्णना

३११. अनुपुरोहिते ठपेसीति अनुपुरोहिते कत्वा ठपेसि, अनुपुरोहिते वा ठाने ठपेसि। तिसवनं करोन्ते सन्धाय “दिवसस्स तिक्खत्तु”न्ति वुत्तं। द्वीसु सन्धीसु सवनं करोन्ते सन्धाय “सायं, पातो वा”ति वुत्तं। ततो पट्टायाति वतचरियं मत्थकं पापेत्वा न्हातकालतो पभुति।

३१२. अभिउग्गच्छीति उट्ठहि उदपादि। अचिन्तेत्वाति “कथं खो अहं ब्रह्मना सद्धिं मन्तेय्य”न्ति अचिन्तेत्वा एवं चित्तम्पि अनुप्पादेत्वा। तेन समागमनस्सेव अभावतो अमन्तेत्वा। तं दिस्वाति तं करुणाब्रह्मविहारभावनं ब्रह्मदस्सनूपायं दिस्वा जाणचक्खुना।

३१३. एवन्ति एवं रज्जो आरोचेत्वा पटिसल्लानं उपगते। सब्बत्थाति सब्बेसु छन्नं खत्तियानं, सत्तन्नं ब्राह्मणमहासालानं, सत्तन्नं नाटकसतानं, चत्तारीसाय च भरियानं आपुच्छनवारेसु।

३१६. सादिसियोति जातिया सादिसियोति आह “समवण्णा समजातिका”ति।

३१७. सन्थागारन्ति ज्ञानमनसिकारेन बहि विसटवितक्कवूपसमनेन चित्तस्स सन्थम्भनं अगारं, ज्ञानसालन्ति अत्थो। गहितावाति भावनानुयोगेन महासत्तेन अत्तनो चित्तसन्ताने उप्पादनवसेन गहिता एव। नत्थि ज्ञानेनेव विक्खम्भितत्ता। विसेसतो हिस्स करुणाय भावितत्ता अनभिरति उक्कण्ठना नत्थि, मेत्ताय भावितत्ता भयपरितस्सना नत्थि। उक्कण्ठनाति पन ब्रह्मदस्सने उस्सुककं, परितस्सनाति तदभिपत्थनाति आह “ब्रह्मनो पना”तिआदि।

### ब्रह्मनासाकच्छावण्णना

३१८. चित्तुत्रासोति चित्तस्स उत्रासनमत्तं । कथन्ति सत्तनिकायनिवासद्वाननामगोत्तादीनं वसेन केन पकारेन । तेनाह “कि”न्तिआदि ।

सोति ये ते पनकनसनन्तबन्धसतनसनङ्कुमारकालनामका लोके पाकटा पञ्जाता ब्रह्मानो, तेसु सनङ्कुमारो नामाहन्ति दस्सेति ।

अगघन्ति गरुट्टानियानं दातब्बंआहारं । मधुसाकन्ति मधुराहारं, यं किञ्चि अतिथिनो दातब्बं आहारं उपचारवसेन एवं वदति । तेनाह “मधुसाकं पना”तिआदि । पुच्छामाति निमन्तनवसेन पुच्छाम ।

३१९. महासत्तो चत्तारो ब्रह्मविहारे भावेत्वा ठितोपि तेसु “ब्रह्मसहब्यताय मग्गो”ति अनिब्बेमतिकताय “कङ्खी”ति अवोच । केचि पन “तपोकम्मेन परिकखीणसरीरताय, ब्रह्मसमागमेन भयादिसमुप्पत्तिया च पटिलद्धमत्तेहि ब्रह्मविहारेहि परिहीनो अहोसि, तस्मा अविकखम्भितविचिकिच्छताय ‘कङ्खी’ति अवोचा”ति वदन्ति । परस्स वेदिया विदिता परवेदिया, ते पन तस्स पाकटा विभूताति आह “परस्स पाकटेसु परवेदियेसू”ति । तत्थ कारणमाह “परेन सयं अभिसङ्खतत्ता”ति । ममाति कम्मं ममंकारो, ममत्तन्ति आह “इदं मम...पे... तण्ह”न्ति । “मम”न्ति करोति एतेनाति हि ममंकारो, तथापवत्ता तण्हा । मनुजेसूति निद्धारणे भुम्मं, न विसयेति आह “मनुजेसु यो कोची”ति । “एकोदिभूतो”ति पदस्स भावत्थं ताव दस्सेन्तो “एकीभूतो”ति वत्वा पुन तं विवरन्तो “एको तिट्ठन्तो एको निसीदन्तो”ति आह । तादिसोति एको हुत्वा पवत्तनको । भूतोति जातो । झाने अधिमुत्ति नाम तस्मिं निब्बत्तिते, अनिब्बत्तिते कुतो अधिमुत्तीति आह “झानं निब्बत्तेत्वाति अत्थो”ति । विस्सगन्धो नाम कोधादिकिलेसपरिभावनाति तेसं विक्खम्भनेन विस्सगन्धविरहितो । एतेसु धम्मेसूति पब्बज्जानं विवेकवासकरुणाब्रह्मविहारादिधम्मेसु ।

३२०. अविद्धाति न विदितवा । आवरिताति कुसलानं उत्तरिमनुस्सधम्मानं उप्पत्तिनिवारणेन आवरिता । पूतिकाति ब्यापन्नचित्ततादिना पूतिभूता । किलेसवसेन दुग्गन्धं विस्सगन्धं वायति । निरयादिअपायेसु निब्बत्तनसीलताय आपायिकाति आह “अपायूपगा”ति । चोरादीहि उपदुत्तस्स पविसितुकामस्स पाकारकवाटपरिखादीहि विय नगरं कोधादीहि निवुतो पिहितो ब्रह्मलोको अस्साति निवुतब्रह्मलोको । पुच्छति “केनावटा”ति वदन्तो ।

मुसावादोव मोसवज्जं यथा भिसक्कमेव भेसज्जं । कुज्झनं दुस्सनं । दिट्ठादीसु अदिट्ठादिवादितावसेन परेसं विसंवादनं परविसंवादनं । सदिसं पतिरूपं दस्सेत्वा पलोभनं सदिसं दस्सेत्वा वज्जनं । मित्तानं विहिंसनं मेत्तिभेदो मित्तदुब्भनं । दळ्हमच्छरिता थद्धमच्छरियं । अत्तनि विज्जमानं निहीनतं, सदिसतं वा अतिक्कमित्वा मज्जनं । परेसं सम्पत्तिया असहनं खीयनं । अत्तसम्पत्तिया निगूहनवसेन, परेहि साधारणभावासहनवसेन च विविधा इच्छा रुचि एतस्साति विविच्छा । कदरियताय मुदुकं मच्छरियं । यत्थ कत्थचीति सकसन्तके, परसन्तके, हीनातिके चाति यत्थ कत्थचि आरम्मणे । लुब्भनं आरम्मणस्स गहणं अभिगिज्जनं । मज्जनं सेय्यादिवसेन मदनं सम्पग्गहो । मुद्धनं आरम्मणस्स अनवबोधो । एतेसूति एतेसु यथावुत्तेसु कोधादीसु सत्तसन्तानस्स किलिस्सनतो विबाधनतो, उपतापनतो च किलेससज्जितेसु पापधम्मेसु । युत्ता पयुत्ता सम्पयुत्ता अविरहिता ।

एत्थ चायं ब्रह्मा महासत्तेन आमगन्धे सुपुट्ठो अत्तनो यथाउपट्ठिते पापधम्मे चुहसहि पदेहि विभजित्वा कथेसि, ते पन

तादिसं पवत्तिविसेसं उपादाय वुत्तापि केचि पुन वुत्ता, आमगन्धसुत्ते (सु० नि० २४२) पन वुत्तापि केचि इध सब्बसो न वुत्ता, एवं सन्तोपि लक्खणहारनयेन, तदेकद्वुत्ताय वा तेसं पेत्य सङ्गहो दद्वब्बो। तेनाह “इदं पन सुत्त”न्तिआदि। तत्थ आमगन्धसुत्तेन दीपेत्वाति इध सरूपतो अवुत्ते आमगन्धेपि वुत्तेहि एकलक्खणतादिना आमगन्धसुत्तेन पकासेत्वा कथेतब्बं तत्थ नेसं सरूपतो कथितत्ता। आमगन्धसुत्तम्पि इमिना दीपेतब्बं इध वुत्तानम्पि केसज्जि आमगन्धानं तत्थ अवुत्तभावतो। यस्मा आमगन्धसुत्ते वुत्तापि आमगन्धा अत्थतो इध सङ्गहं समोसरणं गच्छन्ति, तस्मा इध वुत्ते परिहरणवसेन दस्सेन्तेन यस्मा चेत्थ केचि अभिधम्मनयेन अकिलेससभावापि सत्तसन्तानस्स विबाधनट्ठेन “किलेसा”ति वत्तब्बतं अरहन्ति, तस्मा “चुद्वससु किलेसेसू”ति वुत्तं।

निम्मादं मिलापनं खेपनन्ति आह “निम्मादेतब्बा पहातब्बा”ति। बुद्धतन्तीति बुद्धभावीनं पवेणी, बुद्धभाविनोपि “बुद्धा”ति वुच्चन्ति यथा “अगमा राजगहं बुद्धो”ति। महापुरिसस्स दळ्हीकम्मं कत्वाति महापुरिसस्स “पब्बजिस्सामह”न्ति पवत्तचित्तुप्पादस्स दळ्हीकम्मं कत्वा।

### रेणुराजआमन्तनावण्णना

३२१. मम मनं हरित्वाति मम चित्तं अपनेत्वा तस्स वसेन अवत्तित्वा।

एकीभावं उपगन्त्वा वुत्थस्साति कायविवेकपरिबूहनेन एकीभावं उपगन्त्वा तपोकम्मवसेन वुत्थस्स। कुसपत्तेहि परित्थतोति बरिहिसेहि वेदिया समन्ततो सन्थरितो। अकाचोति वणो वणसदिसखण्डिच्चविरहितो। तेनाह “अकक्कसो”ति।

### छत्थत्तियआमन्तनावण्णना

३२२. सिक्खेय्यामाति सिक्खापेय्याम, सिक्खापनज्जेत्थ अत्थिभावापादनन्ति आह “उपलापेय्यामा”ति।

३२३. यस्स वीरियारम्भस्स, खन्तिबलस्स च अभावेन पब्बजितानं समणधम्मो परिपुण्णो, परिसुद्धो च न होति, तेसु वीरियारम्भखन्तिबलेसु ते ते नियोजेतुं “आरम्भहो”तिआदि वुत्तं।

करुणाझानमग्गोति करुणाझानसङ्घातो मग्गो। उजुमग्गोति ब्रह्मलोकगमने उजुभूतो मग्गो। अनुत्तरोति सेट्ठो ब्रह्मविहारसभावतो। तेनाह “उत्तममग्गो नामा”ति। सब्धि रक्खितो साधूहि यथा परिहानि न होति, एवं पटिपक्खदूरीकरणेन रक्खितो गोपितो। “सद्धम्मो सब्धि वक्खितो”ति केचि पठन्ति, तेसं सपरहितसाधनेन साधूहि बुद्धादीहि कथितो पवेदितोति अत्थो।

तद्धणविद्धंसनधम्मन्ति यस्मिं खणे विरोधिधम्मसमायोगो, तस्मिंयेव खणे विनस्सनसभावं, यो वा सो गमनस्सादानं देवपुत्तानं हेट्ठुपरियेन पटिमुखं धावन्तानं सिरसि, पादे च बद्धखुरधारासमागमनतोपि सीघतरताय अतिइत्तरो पवत्तिक्खणो, तेनेव विनस्सनसभावं। तस्स जीवितस्स। गतिन्ति निट्ठं। मन्तायन्ति मन्तेय्यन्ति वुत्तं होतीति आह “मन्तेतब्ब”न्ति। करणत्थे वा भुम्मन्ति “मन्ताय”न्ति इदं भुम्मं करणत्थे दद्वब्बं यथा “जाताय”न्ति। सब्बपलिबोधेति सब्बेपि कुसलकिरियाय विबन्धे उपरोधे।

## ब्राह्मणमहासालादीनं आमन्तनावण्णना

३२४. अप्पेसक्खाति अप्पानुभावाति आह “पब्बजितकालतो पट्टाया”तिआदि ।

चक्कवत्ति राजा विय सम्भावितो ।

## महागोविन्दपब्बज्जावण्णना

३२८. समापत्तीनं आजाननं नाम अत्तपच्चक्खता, सच्छिकिरियाति आह “न सक्खिंसु निब्बत्तेतु”न्ति ।

३२९. इमिनाति “सरामह”न्ति इमिना पदेन । “सरामह”न्ति हि वदन्तेन भगवतो महाब्रह्मना कथितं “तथेव त”न्ति भगवता पटिज्जातमेव जातन्ति । न वट्टे निब्बिन्दनत्थाय चतुसच्चकम्मट्टानकथाय अभावतो । असति पन वट्टे निब्बिदाय विरागानं असम्भवो एवाति आह “न विरागाया”तिआदि । एकन्तमेव वट्टे निब्बिन्दनत्थाय अनेकाकारवोकारवट्टे आदीनवविभावनतो ।

“निब्बिदाया”ति इमिना पदेन विपस्सना वुत्ता । एस नयो सेसेसुपि । ववत्थानकथाति विपस्सनामगनिब्बानानं तंतंपदेहि ववत्थपेत्वा कथा । अयमेत्थ निप्परियायकथाति आह “परियायेन पना”तिआदि ।

३३०. परिपूरेतुन्ति भावनापारिपूरिवसेन परिपुण्णे कातुं, निब्बत्तेतुन्ति अत्थो । ब्रह्मचरियचिण्णकुलपुत्तानन्ति चिण्णमगब्रह्मचरियानं कुलपुत्तानन्ति उक्कट्टनिद्वेसेन अरहत्तनिकूटेन देसनं निट्टपेसि ।

अभिनन्दनं नाम सम्पटिच्छनं “अभिनन्दन्ति आगत”न्तिआदीसु विय, तज्जेत्थ अत्थतो चित्तस्स अत्तमनताति आह “चित्तेन सम्पटिच्छन्तो अभिनन्दित्वा”ति । “साधु साधू”ति वाचाय सम्पहंसना अनुमोदनाति आह “वाचाय सम्पहंसमानो अनुमोदित्वा”ति ।

महागोविन्दसुत्तवण्णनाय लीनत्थप्पकासना ।

## ७. महासमयसुत्तवण्णना

### निदानवण्णना

३३१. उदानन्ति रज्जा ओक्काकेन जातिसम्भेदपरिहारनिमित्तं पवत्तितं उदानं पटिच्च । एकोपि जनपदो रुळ्हिसदेन “सक्का”ति वुच्चतीति एत्थ यं वत्तब्बं, तं महानिदानवण्णनायं वुत्तनयेन वेदितब्बं । अरोपितेति केनचि अरोपिते ।

आवरणेनाति सेतुना । बन्धापेत्वाति पंसुपलासपासाणमत्तिकाखण्डादीहि आळि थिरं कारापेत्वा ।

“जातिं घट्टेत्वा कलहं वट्ठयिंसू”ति सङ्खेपेन वुत्तमत्थं पाकटतरं कातुं “कोलियकम्मकरा वदन्ती”तिआदि वुत्तं ।

तीणि जातकानीति फन्दनजातकपथवीउन्द्रियजातकलटुकिकजातकानि द्वे जातकानीति रुक्खधम्म वट्टकजातकानि ।

तेनाति भगवता । कलहकारणभावोति कलहकारणस्स अत्थिभावो ।

अट्टानेति अकारणे । वेरं कत्वाति विरोधं उप्पादेत्वा । “कुठारिहत्थो पुरिसो”तिआदिना फन्दनजातकं कथेसि । “दुहुभायति भदन्ते”तिआदिना पथवीउन्द्रियजातकं कथेसि । “वन्दामि तं कुञ्जरा”तिआदिना लटुकिकजातकं कथेसि ।

“साधू सम्बहुला जाती; अपि रुक्खा अरञ्जजा ।  
वातो वहति एकट्ठं, ब्रहन्तम्पि वनप्पति”न्ति ॥ —

आदिना रुक्खधम्मजातकं कथेसि ।

“सम्मोदमाना गच्छन्ति, जालं आदाय पक्खिनो ।  
यदा ते विवदिस्सन्ति, तदा एहिन्ति मे वस”न्ति ॥ —

आदिना वट्टकजातकं कथेसि ।

“अत्तदण्डा भयं जातं, जनं पस्सथ मेधगं ।  
संवेगं कित्तियिस्सामि, यथा संविजितं मया”ति ॥ (सु० नि० १.९४१) ।

आदिना अत्तदण्डसुत्तं कथेसि ।

तंतंपलोभनकिरिया कायवाचाहि परक्कमन्तियो “उक्कण्ठन्तू”ति सासनं पेसेन्ति ।

कुणालदहेति कुणालदहतीरे पतिट्ठाय । पुच्छितपुच्छितं कथेसि (जा० २.कुणालजातक) “अनुक्कमेन कुणालसकुणाराजस्स पुच्छनप्पसङ्गेन कुणालजातकं कथेस्सामी”ति । अनभिरतिं विनोदेसि इत्थीनं दोसदस्सनमुखेन कामानं आदीनवोकारसंकिलेसविभावेन ।

कोसज्जं विधमित्वा पुरिसथामपरिब्रूहनेन “उत्तमपुरिससदिसेहि नो भवितुं वट्ठती”ति उप्पन्नचित्ता ।

अविस्सट्ठकम्मन्ताति अरतिविनोदनतो पट्ठाय अविस्सट्ठसमणकम्मन्ता, अपरिचत्तकम्मट्ठानाति अत्थो । निसीदितुं वट्ठतीति भगवा चिन्तेसीति योजना ।

पदुमिनियन्ति पदुमस्सरे । विकसिंसु गुणगणविबोधेन । “अयं इमस्स...पे०... न कथेसी”ति इमिना सब्बेपि ते भिक्खू तावदेव पटिपाटिया आगतत्ता अज्जमज्जस्स लज्जमाना अत्तना पटिविद्धविसेसं भगवतो नारोचेसुन्ति दस्सेति । “खीणासवान”न्तिआदिना तत्थ कारणमाह ।



ओसीदमत्तेति भगवतो सन्निकं उपगतमत्ते । अरियमण्डलेति अरियसमूहे । पाचीनयुगन्धरपरिक्खेपतोति युगन्धरपब्बतस्स पाचीनपरिक्खेपतो, न बाहिरकेहि उच्चमानउदयपब्बततो । रामणेय्यकदस्सनत्थन्ति बुद्धुप्पादपटिमण्डितत्ता विसेसतो रमणीयस्स लोकस्स रमणीयभावदस्सनत्थं । उल्लङ्घित्वाति उद्धित्वा । एवरूपे खणे लये मुहुत्तेति यथावुत्ते चन्दमण्डलस्स उद्धितक्खणे उद्धितवेलायं उद्धितमुहुत्तेति उपरूपरि कालस्स वद्धितभावदस्सनत्थं वुत्तं ।

तथा तेसं भिक्खून् जातिआदिवसेन भगवतो अनुरूपपरिवारितं दस्सेन्तो “तत्था”ति आदिमाह ।

समापन्नदेवताति आसन्नद्वाने ज्ञानसमापत्ति समापन्नदेवता । चलिंसूति उद्धिंसु । कोसमत्तं ठानं सद्दन्तरं । जम्बुदीपे किर आदितो तेसद्धिमत्तानि नगरसहस्सानि उप्पन्नानि, तथा दुतियं, तथा ततियं, तं सन्धायाह “तिक्खत्तुं तेसद्धिया नगरसहस्सेसू”ति । ते पन सम्पिण्डेत्वा सतसहस्सतो परं असीतिसहस्सानि, नवसहस्सानि च होन्ति । नवनवुतिया दोणमुखसतसहस्सेसूति नवसतसहस्साधिकेसु नवुतिसतसहस्सेसु दोणमुखेसु । दोणमुखन्ति च महानगरस्स आयुप्पत्तिद्वानभूतं पादनगरं वुच्चति । छन्नवुतिया पट्टनकोटिसतसहस्सेसूति छकोटिअधिकनवुतिकोटिसतसहस्सपट्टनेसु । तम्बपणिदीपादीसु छपण्णासाय रतनाकरेसु । एवं पन नगरदोणिमुखपट्टनरतनाकरादिविभागेन कथनं तंतंअधिवत्थाय वसन्तीनं देवतानं बहुभावदस्सनत्थं । यदि दससहस्सचक्कवाळेसु देवता सन्निपतिता, अथ कस्मा पाळियं “दसहि च लोकधातूही”ति वुत्तन्ति आह “दससहस्स... पे०... अधिप्पेता”ति, तेन सहस्सिलोकधातु इध “एका लोकधातू”ति वुत्ताति वेदितब्बं ।

लोहपासादेति आदितो कते लोहपासादे । ब्रह्मलोकेति हेट्ठिमे ब्रह्मलोके । यदि ता देवता एवं निरन्तरा, पच्छा आगतानं ओकासो एव न भवेय्याति चोदनं सन्धायाह “यथा खो पना”तिआदि । सुद्धावासकायं उपपन्ना सुद्धावासकायिका, तासं पन यस्मा सुद्धावासभूमि निवासद्वानं, तस्मा वुत्तं “सुद्धावासवासीन”न्ति । आवासाति आवासनद्वानभूता, देवता पन ओरम्भागियानं, इतरेसञ्च संयोजनानं समुच्छिन्दनेन सुद्धो आवासो एतेसन्ति सुद्धावासा ।

३३२. पुरत्थिमचक्कवाळमुखवट्टियं ओतरि अञ्जत्थ ओकासं अलभमानो । एवं सेसापि । बुद्धानं अभिमुखमगो बुद्धवीथि । याव चक्कवाळा ओत्थरितुं ओवरितुं न सक्का । पहटबुद्धवीथियावाति बुद्धानं सन्निकं उपसङ्कमन्तेहि तेहि देवब्रह्मेहि वळज्जितवीथियाव । समिति सङ्गति सन्निपातो समयो, महन्तो समयो महासमयोति आह “महासमूहो”ति । पवद्धं वनं पवनन्ति आह “वनसण्डो”ति । देवघटाति देवसमूहा ।

समादहंसूति समादहितं लोकुत्तरसमाधिना सुट्ठु अप्पितं अकंसु, यथासमाहितं पन समाधिना योजितं नाम होतीति वुत्तं “समाधिना योजेसु”न्ति । सब्बेसं गोमुत्तवङ्कादीनं दूरसमूहनितत्ता सब्बे...पे०... अकरिंसु । नयति अस्से एतेहीति नेत्तानि, योत्तानि । अवीथिपटिपन्नानं अस्सानं वीथिपटिपादनं रस्मिगहणेन पहीतीति “सब्बयोत्तानि गहेत्वा अचोदेन्तो”ति वत्वा तं पन अचोदनं अवारणं एवाति आह “अचोदेन्तो अवारेन्तो”ति ।

यथा खीलं भित्तिं वा भूमियं वा आकोटितं दुन्नीहरणं, यथा च पलिघं नगरप्पवेसनिवारणं, यथा च इन्दखीलं गम्भीरनेमि सुनिखातं दुन्नीहरणं, एवं रागादयो सत्तसन्तानतो दुन्नीहरणा, निब्बाननगरप्पवेसनिवारणा चाति ते “खीलं, पलिघं, इन्दखील”न्ति च वुत्ता । तण्हाएजाय अभावेन अनेजा परमसन्तुड्ढभावेन चातुदिसत्ता अप्पटिहतचारिकं चरन्ति ।

गतासेति गता एव, न पन गमिस्सन्ति परिनिद्धितसरणगमनत्ताति । लोकुत्तरसरणगमनं अधिप्पेतन्ति आह “निब्बेमतिकसरणगमनेन गता”ति । ते हि नियमेन अपायभूमिं न गमिस्सन्ति, देवकायञ्च परिपूरेस्सन्ति । ये पन लोकियेन सरणगमनेन बुद्धं सरणं गतासे, न ते गमिस्सन्ति अपायभूमिं, सति च पच्चयन्तरसमवाये पहाय मानुसं देहं, देवकायं परिपूरेस्सन्तीति अयमेत्थ अत्थो ।

### देवतासन्निपातवण्णना

३३३. एतेसन्ति देवतासन्निपातानं । इदानीति इमस्मिं काले । बुद्धानन्ति अज्जेसं बुद्धानं अभावा । चित्तकल्लता चित्तमह्वं ।

किं पन भगवताव महन्ते देवतासमागमे तेसं नामगोत्तं कथेतुं सक्काति? आम सक्काति दस्सेतुं “बुद्धा नाम महन्ता”तिआदि वुत्तं । तत्थ दिट्ठन्ति रूपायतनमाह, सुतन्ति सद्दायतनं, मुतन्ति सम्पत्तग्गाहिइन्द्रियविसयं गन्धरसफोटुब्बायतनं, विज्जातन्ति वुत्तावसेसं सब्बं जेय्यं, पत्तन्ति परियेसित्वा, अपरियेसित्वा वा सम्पत्तं, परियेसितन्ति पत्तं, अप्पत्तं वा परियिट्ठं । अनुविचरितं मनसाति केवलं मनसा आलोचितं । कत्थचि नीलादिवसेन विभत्तरूपारम्मणेति अभिधम्मे (ध० स० ६१५) “नीलं पीतक”न्तिआदिना विभत्ते यत्थ कत्थचि रूपारम्मणे किञ्चि रूपारम्मणं वा न अत्थीति योजना । भेरिसद्दादिवसेनाति एत्थापि एसेव नयो । यन्ति यं आरम्मणं । एतेसन्ति बुद्धानं ।

इदानी यथावुत्तमत्थं पाळिया समत्थेतुं “यथाहा”तिआदि वुत्तं । तदा जाननकिरियाय अपरियोसितभावदस्सनत्थं “जानामी”ति वत्वा यस्मा यं किञ्चि नेय्यं नाम, सब्बं तं भगवता अज्जातं नाम नत्थि, तस्मा वुत्तं “तमहं अब्भज्जासि”न्ति ।

न ओलोकेन्ति पयोजनाभावतो । विपरीता “न कम्मावरणेन समन्नागता”तिआदिना नयेन वुत्ता । “यस्स मङ्गला समूहता”ति (सु० नि० ३६२) आरभित्वा “रागं विनयेथ मानुसेसु दिब्बेसु कामेसु चा”तिआदिना (सु० नि० ३६३) च रागनिग्गहकथाबाहुल्लतो सम्मापरिब्बाजनीयसुत्तं रागचरितानं सप्पायं, “पियमप्पियभूता कलह विवादा परिदेवसोका सहमच्छरा चा”तिआदिना (सु० नि० ८६९; महानि० ९८) कलहादयो यतो दोसतो समुट्ठहन्ति, सो च दोसो यतो पियभावतो, सो च पियभावो यतो छन्दतो समुट्ठहन्ति, इति फलतो, कारणपरम्परतो च दोसे आदीनवविभावनबाहुल्लतो कलहविवादसुत्तं (सु० नि० ८६९; महानि० ९८) दोसचरितानं सप्पायं —

“अप्पज्झि एतं न अलं समाय,  
दुवे विवादस्स फलानि बूमि ।  
एतम्पि दिस्वा न विवादयेथ,  
खेमाभिपस्सं अविवादभूमि”न्ति ॥ (सु० नि० ९०२; महानि० १३१) —

आदिना नयेन सम्मोहविधमनतो, पज्जापरिवूहनतो च महाब्बूहसुत्तं मोहचरितानं सप्पायं —

“परस्स चे धम्मं अनानुजानं,  
बालो, मगो होति निहीनपज्जो ।  
सब्बेव बाला सुनिहीनपज्जा,

सब्बेविमे दिट्ठिपरिब्वसाना'ति ॥ (सु० नि० ८८६; महानि० ११५) —

आदिना नयेन सन्दिट्ठिपरामासितापनयनमुखेन सविसयेसु दिट्ठिग्गहणेसु विसटवितक्कविच्छिन्दनवसेन पवत्तता  
चूळब्यूहसुत्तं वितक्कचरितानं सप्पायं —

“मूलं पपञ्चसङ्गाय (इति भगवा),  
मन्ता अस्मीति सब्बं उपरुन्धे ।  
या काचि तण्हा अज्झत्तं,  
तासं विनया सदा सतो सिक्खे'ति ॥ (सु० नि० ९२२; महानि० १५१) —

**पपञ्चसङ्गाय मूलं** अविज्जादिकिलेसजातं **अस्मीति** पवत्तमानज्जाति **सब्बं मन्ता** पञ्जाय उपरुन्धेय्य । **या काचि**  
**अज्झत्तं** रूपतण्हादिभेदा **तण्हा** उप्पज्जेय्य, **तासं विनया** वूपसमाय **सदा सतो** उपट्ठितस्सति हुत्वा सिक्खेय्याति एवमादि  
उपदेसस्स सद्भोव भाजनं । तस्स हि सो अत्थावहोति **तुवट्ठकसुत्तं** सद्भाचरितानं सप्पायं —

“वीततण्हो पुरा भेदा (इति भगवा),  
पुब्बमन्तमनिस्सितो ।  
वेमज्झे नुपसङ्खेय्यो,  
तस्स नत्थि पुरक्खत'न्ति ॥ (सु० नि० ८५५; महानि० ८४) —

यो सरीरभेदतो पुब्बेव पहीनतण्हो, ततो एव अतीतद्भसज्जितं पुरिमकोट्टासं तण्हानिस्सयेन अनिस्सितो, वेमज्झे  
पच्चुप्पन्नेपि अद्भनि “रत्तो'ति आदिना उपसङ्गातब्बो, तस्स अरहतो तण्हादिट्ठिपुरक्खारानं अभावा अनागते अद्भनि  
किञ्चि पुरक्खतं नत्थीति आदिना एवं गम्भीरकथाबाहुल्लतो **पूराभेदसुत्तं** (सु० नि० ८५५; महानि० ८४) बुद्धिचरितानं  
सप्पायन्ति कत्वा वुत्तं “अथ नेसं सप्पायं ...पे०... ववत्थपेत्वा'ति । **मनसाकासीति** एवं चरियाय वसेन मनसि कत्वा  
पुन तं सदिसं अत्तनो देसनानिक्खेपयोग्यतावसेन मनसि अकासि । **अत्तज्झासयेन नु खो जानेय्याति** परज्झासयादिं  
अनपेक्खित्वा मय्हंयेव अज्झासयेन आरब्ध देसनं जानेय्य नु खो । **परज्झासयेनाति** सन्निपतिताय परिसाय कस्सचि  
अज्झासयेन । **अट्ठुप्पत्तिकेनाति** इध समुट्ठितअट्ठुप्पत्तिया । **पुच्छावसेनाति** कस्सचि पुच्छन्तस्स पुच्छावसेन । **आरब्धदेसनं**  
**जानेय्याति** । “सचे पच्चेकबुद्धो भवेय्या'ति इदं इमेसं सुत्तानं देसनाय पुच्छा पच्चेकबुद्धानं भारिया, अविसया चाति  
दस्सनत्थं वुत्तं । तेनाह “सोपि न सक्कुणेय्या'ति ।

एत्थ च यस्मा न अनुमतिपुच्छा, कथेतुकम्यतापुच्छा वा युत्ता, अथ खो दिट्ठसंसन्दनपुच्छासदिसी वा  
विमतिच्छेदनपुच्छासदिसी वा पुच्छा युत्ता, ताव पुगलज्झासयवसेन पवत्तिता नाम होन्ति, न यथाधम्मवसेन, तत्थ यदि  
भगवा तथा सयमेव पुच्छित्वा सयमेव विस्सज्जेय्य, सुणन्तीनं देवतानं सम्मोहो भवेय्य “किं नामेतं भगवा पठमं एवमाह,  
पुनपि एवमाहा'ति, अन्धकारं पविट्ठा विय होन्ति, तस्मा वुत्तं “एवं पेता देवता न सक्खिस्सन्ति पटिविज्झितु'न्ति ।  
यथाधम्मदेसनायं पन कथेतुकम्यतावसेन पुच्छनेन सम्मोहो होतीति । **सूरियो उग्गतोति** आह देवसङ्घो आसन्नतरभावेन  
ओभासस्स विपुलउळारभावतो । **एकिस्सा लोकधातुयाति** सुत्ते (दी० नि० ३.१६१; म० नि० ३.१२९; अ० नि० १.२७७;  
विभ० ८०९; नेत्ति० ५७; मि० प० ५.१.१) आगतनयेन सब्बत्थेव पन अपुब्बं अचरिमं द्वे बुद्धा न होन्तेव । तेनेवाह —  
“अनन्तासु...पे०... अहसा'ति ।

गाथायं पुच्छामीति निमित्तबुद्धो भगवन्तं पुच्छितुं ओकासं कारापेसि । मुनिन्ति बुद्धमुनिं । पहूतपञ्जन्ति महापञ्जं । तिण्णन्ति चतुरोधतिण्णं । पारङ्गतन्ति निब्बानप्पत्तं, सब्बस्स वा जेय्यस्स पारं परियन्तं गतं । परिनिब्बुतं सउपादिसेसनिब्बानवसेन । ठित्तन्ति अवट्ठितचित्तं लोकधम्मोहि अकम्पनेय्यताय । निक्खम्म घरा पनुज्ज कामेति वत्थुकामे पनूदित्वा घरावासा निक्खम्म । कथं भिक्खु सम्मा सो लोके परिब्बजेय्याति सो भिक्खु कथं सम्मा परिब्बजेय्य गच्छेय्य विहरेय्य, अनुपलित्तो हुत्वा लोकं अतिक्कमेय्याति अत्थो ।

३३४. सिलोकं अनुकस्सामीति एत्थ सिलोको नाम पादसमुदयो, इसीहि वुच्चमाना गाथातिपि वुच्चति । पादोव नियतवण्णानुपुब्बिकानं पदानं समूहो, तं सिलोकं अनुकस्सामि पवत्तयिस्सामीति अत्थोति आह “अक्खर...पे०... पवत्तयिस्सामी”ति । यत्थाति अधिकरणे भुम्मं । आमोडितलोपेनायं निद्देशोति आह “येसु येसु ठानेसू”ति । भुम्माति भूमिपटिबद्धनिवासा । तं तं निस्सिता तं तं ठानं निस्सितवन्तो निस्साय वसमाना, तेहि सद्धिं सिलोकं अनुकस्सामीति अधिप्पायो । “ये सिता गिरिगम्भर”न्ति इमिना तेसं विवेकवासं दस्सेति, “पहितत्ता समाहिता”ति इमिना भावनाभियोगं ।

बहुजना पञ्चसतसङ्ख्यत्ता । पटिपक्खाभिभवनतो, तेजुस्सदताय च सीहा विय पविवित्तताय निलीना । एकत्तन्ति एकीभावं । ओदातचित्ता हुत्वा सुद्धाति अरहत्तमग्गाधिगमेन परियोदातचित्ता हुत्वा सुद्धा, न केवलं सरीरसुद्धियाव । विप्पसन्नाति अरियमग्गप्पसादेन विसेसतो पसन्ना । चित्तस्स आविलभावकरानं किलेसानं अभावेन अनाविला ।

भिक्खू जानित्वाति भिन्नकिलेसे भिक्खू “इमे दिब्बचक्खुना एते देवकाये पस्सन्तीति जानित्वा । सवनन्ते जातत्ताति धम्मस्सवनपरियोसाने अरियजातिया जातत्ता । इदं सब्बन्ति इदं “भिय्यो पञ्चसते”तिआदिकं सब्बं ।

तदत्थाय वीरियं करिंसूति दिब्बचक्खुजाणाभिनीहारवसेन वीरियं उस्साहं अकंसु । तेनाह “न तं तेही”तिआदि । सत्तरिन्ति त-कारस्स र-कारादेसं कत्वा वुत्तं, सत्ततिन्ति अत्थो । “सहस्स”न्ति पन अनुवत्तति, सत्ततियोगेन बहुवचनं । तेनाह “एके सहस्सं । एके सत्ततिसहस्सानी”ति ।

अनन्तन्ति अन्तरहितं, तं पन अतिविय महन्तं नाम होतीति आह “विपुल”न्ति ।

अवेक्खित्वाति जाणचक्खुना विसुं विसुं अवेक्खित्वा “ववत्थित्वाना”तिपि पठन्ति, सो एवत्थो । तं अवेक्खनं निच्छयकरणं होतीति आह “ववत्थपेत्वा”ति । पुब्बे वुत्तगाथासु ततियगाथाय पच्छिमद्दं, चतुत्थगाथाय पुरिमद्दञ्च सन्धायाह “पुब्बे वुत्तगाथमेवा”ति ।

विजाननम्पि दस्सनं एवाति आह “पस्सथ ओलोकेथा”ति । वाचायतपवत्तितभावतो “अनुपटिपाटियाव कित्तयिस्सामी”ति वदति ।

३३५. सत्त सहस्सानि सङ्ख्यायाति सत्त सहस्सा । यक्खायेवाति यक्खजातिका एव । आनुभावसम्पन्नाति महेसक्खा । इद्धिमन्तोति वा महानुभावा । जुतिमन्तोति महप्पभा । वण्णवन्तोति अतिक्कन्तवण्णा । यस्सिस्सिनोति महापरिवारा चेव पत्थट्ठित्तिसद्दा च । समिति-सद्दो समीपत्थोति अधिप्पायेनाह “भिक्खूनं सन्तिक”न्ति ।

हेमवतपब्बतेति हिमवतो समीपे ठितपब्बते ।

एते सब्बेपीति एते सत्तसहस्सा कापिलवत्थवा, छसहस्सा हेमवता, तिसहस्सा सातागिराति यथावुत्ता सब्बेपि सोळससहस्सा ।

राजगहनगरेति राजगहनगरस्स समीपे । तन्ति कुम्भीरं ।

३३६. कामं पाचीनदिसं पसासति, तथापि चतूसुपि दिसासु सपरिवारदीपेसु चतूसुपि महादीपेसु गन्धब्बानं जेट्ठको, कथं? सब्बे ते तस्स वसे वत्तन्ति । कुम्भण्डानं अधिपतीति आदीसुपि एसेव नयो ।

तस्सापि विरुळहस्स । तादिसायेवाति धतरट्ठस्स पुत्तसदिसा एव पुथुत्थतो, नामतो, बलतो, इद्धिआदिविसेसतो च ।

सब्बसङ्गाहिकवसेनाति दससहस्सिलोकधातुया पच्चेकं चत्तारो चत्तारो महाराजानोति तेसं सब्बेसं सङ्गणहनवसेन । तेनाह “अयञ्चेत्था”तिआदि ।

चतुरो दिसाति चतूसु दिसासु । चतुरो दिसा जलमाना समुज्जलन्ता ओभासेन्ता । यदि एवं महतिया परिसाय आगतानं कथं कापिलवत्थवे वने ठिताति आह “ते पना”तिआदि ।

३३७. तेसं महाराजानं दासाति योजना । मायाय युत्ता, तस्मा मायाविनो । वञ्चनं एतेसु अत्थि, वञ्चने वा नियुत्ताति वञ्चनिका । केराटियसाठेय्येनाति निहीनसठेन कम्मेन । माया एतेसं अत्थीति माया, ते च परेसं वञ्चनत्थं येन मायाकरणेन “माया”ति वुत्ता, तं दस्सेन्तो “मायाकारका”ति आह ।

एत्तका दासाति एत्तका कुटेण्डुआदिका निघण्डुपरियोसाना अट्टमहाराजानं दासा ।

देवराजानोति देवा हुत्वा तंतंदेवकायस्स राजानो । चित्तो च सेनो च चित्तसेनो चाति तयो एते देवपुत्ता पाळियं एकसेसनयेन वुत्ताति आह “चित्तो चा”तिआदि ।

भिक्षुसङ्घो समितो सन्निपतितो एत्थाति भिक्षुसङ्घसमिति, इमं वनं ।

३३८. नागसदहवासिकाति नागसदहनिवासिनो । तत्थेको किर नागराजा, चिरकालं वसतो तस्स परिसा महती परम्परागता अत्थि, तं सन्धायाह “तच्छकनागपरिसाया”ति ।

यमुनवासिनोति यमुनायं वसनकनागा । नागवोहारेनाति हत्थिनागवोहारेन ।

वुत्तप्पकारेति कम्बलस्सतरे ठपेत्वा इतरे वुत्तप्पकारनागा । लोभाभिभूताति आहारलोभेन अभिभूता । दिब्बानुभावताति दिब्बानुभावतो, दिब्बानुभावहेतु वा दिब्बा । “चित्रसुपण्णा”ति नामं विचित्रसुन्दरपत्तवन्तताय ।

उपव्हयन्ताति उपेच्च कथेन्ता । काकोलूकअहिनकुलादयो विय अज्जमज्जं जातिसमुदागतवेरापि समाना मित्ता विय... पे०... हट्ठुट्ठुचित्ता अज्जमज्जस्मिन्ति अधिप्पायो । बुद्धंयेव ते सरणं गता “बुद्धानुभावेनेव मयं अज्जमज्जस्मिं मेत्तिं पटिलभिम्हा”ति ।

३३९. भातरोति मेथुनभातरो । तेनाह “सुजाय असुरकञ्जाय कारणा”ति ।

तेसूति असुरेसु । कालकञ्जाति एवं नामा । महाभिस्माति भिंसनकमहासरीरा । अभब्बाति सम्मत्तनियामं ओक्कमितुं न भब्बा अच्छन्दिकत्ता तादिसस्स छन्दस्सेव अभावतो ।

बलिनो महाअसुरस्स अब्भतीतत्ता तस्स पुत्ते एव कित्तेन्तो भगवा “सतज्ज बलिपुत्तान”न्ति आदिमाह । सो किर सुखुमं अत्तभावं मापेत्वा उपगच्छि ।

३४०. कम्मं कत्वाति परिकम्मं कत्वा । निब्बत्ताति उपचारज्झानेन निब्बत्ता । अप्पनाझानेन पन निब्बत्ता ब्रह्मानो होन्ति, ते परतो वक्खति “सुब्रह्मा”ति आदिना (दी० नि० २.३४१), अयज्ज कामावचरदेवता वुच्चति । तेनेवाह — “मेत्ताकरुणाकायिकाति मेत्ताझाने च करुणाझाने च परिकम्मं कत्वा निब्बत्तदेवा”ति । मेत्ताझाने करुणाझानेति मेत्ताझाननिमित्तं करुणाझाननिमित्तं, तदत्थन्ति अत्थो ।

ते आपोदेवादयो यथासकं वग्गवसेन ठितत्ता दसधा ठिता । याव करुणाकायिका दस देवकाया । नानत्तवण्णाति नानासभाववण्णवन्तो ।

वेण्डुदेवताति वेण्डु नाम देवता, एवं सहलि देवता । असमदेवता, यमकदेवताति “द्वे अयनियो”ति वदन्ति, तप्पमुखा द्वे देवनिकायाति । चन्दस्सूपनिसा देवा चन्दस्स उपनिस्सयतो वत्तमाना तस्स पुरतो च पच्छतो च पस्सतो च धावनकदेवा । तेनाह “चन्दनिस्सितका देवा”ति । सूरियस्सूपनिसा, नक्खत्तनिस्सिताति एत्थापि एसेव नयो । केवलं वातवायनहेतवो देवता वातवलाहका । तथा केवलं अब्भपटलसञ्चरणहेतवो अब्भवलाहका । उण्हप्पवत्तिहेतवो उण्हवलाहका । वस्सवलाहका पन पज्जुन्नसदिसाति । ते इध न वुत्ता । वसुदेवता नाम एको देवनिकायो, तेसं पुब्बङ्गमत्ता वासवो, सक्को ।

दसेतेति एते वेण्डुदेवतादयो वासवपरियोसाना दस देवकाया ।

इमानीति “जलमग्गी”ति च “सिखारिवा”ति च इमानि तेसं नामानि । केचि पन म-कारो पदसन्धिकरो “जला”ति च “अग्गी”ति च “सिखारिवा”ति च इमानि तेसं नामानीति वदन्ति । एतेति तेसु एव “अरिड्डका, रोजा”ति च वुत्तदेवेसु एकच्चे, उमापुप्फनिभासिनो वण्णतो उमापुप्फसदिसाति एवमत्थो गहेतब्बो, अज्जथा एकादस देवकाया सियुं ।

दसेतेति एते दस सहभूदेवादयो वासवनेसिपरियोसाना दस देवकाया । तेनेव निकायभेदवसेन दसधा आगता ।

“समाना”ति आदि तेसं देवानं निकायसमुदायगतं नामं । एवं सेसानम्पि ।

दसेतेति एते समानादिका महापारगपरियोसाना दस देवकाया । तेनेव निकायभेदेन दसधा आगता ।

सुक्कादयो तयो देवकाया । पामोक्खदेवाति पमुखा पधानभूता देवा ।

दिसाति दिसासु । देवोति मेघो । दसेतेति एते सुक्कादयो पज्जुन्नपरियोसाना दस देवकाया, ते देवनिकायभेदेन दसधा आगता ।

दसेतेति एते खेमियादयो परनिम्मितपरियोसाना दस देवकाया, ते देवनिकायभेदेन **दसधाव आगता**। तत्थ “खेमिया, कट्टकादयो च पञ्चापि सदेवकाया तावतिसकायिका”ति वदन्ति। **नामन्वयेनाति** नामानुगमेन “आपोदेवता”ति आदिनामसभागेन। तेनेवाह “**नामभागेन नामकोट्टासेना**”ति। **सब्बा देवताति** दससहस्सिलोकधातूसु सब्बापि देवता। **निद्विसति** तंतं नामसभागेन एकज्झं कत्वा।

पवुत्थाति पवासं गता विय अपेताति आह “**विगता**”ति। पवुत्था वा पकारतो वुत्था वुसिता, तेन जाति वुसितब्बा अस्साति **पवुट्टजाति**। **काळकभावा** संकिलेसधम्मा, सब्बसो तदभावतो **काळकभावातीतं दसबलं**। लज्चनाभावेन वा **असितातिगो** काळकभावातीताय सिरिया चन्दो, तादिसं चन्दं विय **सिरिया विरोचमानं**।

**३४१. एको ब्रह्माति** सगाथकवग्गे (सं० नि० १.९८) आगतो सुब्रह्मदेवपुत्तो। ब्रह्मलोके निब्बत्तित्वा हेट्ठिमेसु पतिट्ठिता **अरियब्रह्मानो**, न सुद्धावासब्रह्मानो। **तिस्समहाब्रह्मा** पुथुज्जनो, यो अपरभागे मनुस्सेसु निब्बत्तित्वा मोग्गलिपुत्ततिस्सत्थेरो जातो।

**सहस्सं ब्रह्मलोकानन्ति** ब्रह्मलोको एतेसन्ति ब्रह्मलोका, ब्रह्मानो, तेसं ब्रह्मलोकानं सहस्सं सत्तलोकपरियायो चायं लोकसद्दोति आह “**महाब्रह्मानं सहस्सं आगतं**”न्ति। अनन्तरगाथायं “आगता”ति वुत्तपदमेव अत्थवसेन वदति। **यत्थाति** यस्मिं ब्रह्मसहस्से। **अज्जे ब्रह्मेति** तदज्जे ब्रह्मानो। **अभिभवित्वा तिट्ठति** वण्णेन, यससा आयुना च।

**इस्सराति** तेनेव वसपवत्तनेन सेसब्रह्मानं अधिपतिनो।

**३४२. काळकधम्मसमन्नागतो काळकस्स** पापिमस्स **मारस्स बालभावं पस्सथ**, यो अत्तनो अविसये निरत्थकं परक्कमितुं वायमति।

वीतरागभावावहस्स धम्मस्सवनस्स अन्तरायकरणेन अवीतरागा रागेन बद्धा एव नाम होन्तीति वुत्तं “**रागेन बद्धं होतू**”ति।

**भयानकं सरज्ज कत्वाति** भेरवं महन्तं सद्दं समुट्ठपेत्वा।

इदानीं तं सद्दं उपमाय दस्सेन्तो “**यथा**”ति आदिमाह। **कज्जीति** तस्मिं समागमे कज्जि देवतं, मानुसकं वा अत्तनो वसे वत्तेतुं **असक्कोन्तो असयंवसे** सयज्ज न अत्तनो वसे ठितो। तेनाह “**असयंवसी**”ति आदि।

**३४३. “वीतरागेही”**ति देसनासीसमेतं। सब्बायपि हि तत्थ समागतपरिसाय मारसेना अपक्कन्ताव। **नेसं लोमप्पि** **इज्जयुं** तेसं लोममत्तम्पि न चालेसुं, कुतो अन्तरायकरणं। इति यत्तका तत्थ विसेसं अधिगच्छिंसु, तेसं सब्बेसम्पि अन्तरायाकरणवसेन अत्थो विभावेतब्बो, वीतरागगहणेन वा सरागवीतरागविभाविनो च तत्थ सङ्गहिताति वेदितब्बं। **मारो इमं गाथं अभासि** अच्छरियब्भुतचित्तजातो। कथज्हि नाम ताव घोरतरं महतिं विभिंसकं मयि करोन्तेपि सब्बे पिमे निब्बिकारा समाहिता एव। कस्मा? विजिताविनो इमे उत्तमपुरिसाति। तेनाह “**सब्बे**”ति आदि। यादिसो अरियानं धम्मनिस्सितो पमोदो, न कदाचि तादिसो अनरियानं होतीति “सासने भूतेहि अरियेहि” इच्चेतं वुत्तं। वि-सद्देन विना केवलोपि सुत-सद्दो विख्यातत्थवचनो होति “**सुतधम्मस्सा**”ति आदीसु (महाव० ५; उदा० ११) वियाति आह “**जने विस्सुता**”ति।

दूरेति दूरे पदेसे। दहरस्स अन्तरायं परिहरन्ती “न सक्का भन्ते सकलं कायं दस्सेतु”न्ति अवोचाति।

महासमयसुत्तवण्णनाय लीनत्थप्पकासना।

## ८. सक्कपञ्चसुत्तवण्णना

### निदानवण्णना

३४४. अम्बसण्डानं अदूरभवत्ता एकोपि सो ब्राह्मणगामो “अम्बसण्डा”त्वेव बहुवचनवसेन वुच्चति, यथा “वरणा नगर”न्ति। वेदि एव वेदिको, वेदिको एव वेदियो क-कारस्स य-कारं कत्वा, तस्मिं वेदियके। तेनाह “मणिवेदिकासदिसेना”तिआदि, इन्दनीलादिमणिमयवेदिकासदिसेनाति अत्थो। पुब्बेपीति लेणकरणतो पुब्बे, गुहारूपेन ठिता, द्वारे इन्दसालरुक्खवती च, तस्मा “इन्दसालगुहा”ति वुत्ता पुरिमवोहारेन।

उस्सुक्कं वुच्चति अभिरुचि, तं पन बुद्धदस्सनकामतावसेन, तथा उस्साहनवसेन च पवत्तिया “धम्मिको उस्साहो”ति वुत्तं। सक्केन सदिसो...पे०... नत्थीति। यथाह “अप्पमादेन मघवा, देवानं सेट्ठतं गतो”ति (ध० प० ३०)। परित्तकेनाति अपरापरं बहुं पुञ्जकम्मं अकत्वा अप्पमत्तकेनेव पुञ्जकम्मेन।

सक्कोपि कामं महापुञ्जकतभीरुत्तानो होति, सातिसयाय पन दिब्बसम्पत्तिया वियोगहेतुकेन सोकेन दिगुणितेन मरणभयेन संतज्जितो जातो। तेनाह “सक्को पन मरणभयाभिभूतो अहोसी”ति।

दिब्बचक्खुना देवतानं दस्सनं नाम पटिविज्झनसदिसन्ति आह “पटिविज्झी”ति। पाटियेक्को वोहारोति आवेणिको पियसमुदाहारो। मरिसनियसम्पत्तिकाति मारिसा। तेसज्झि सम्पत्तियो महानुभावताय सहन्ति उपट्ठहन्ति, अज्जे अयोनिमोमनसिकारताय चेव अप्पहुकाय च न सहन्तियेव, सा पन नेसं मरिसनियसम्पत्तिकता दुक्खविरहितायाति वुत्तं “निहुक्खातिपि वुत्तं होती”ति। एक्को वाति देवपरिसाय विना आगतत्ता वुत्तं, मातलिआदयो पन तादिसा सहाया तदापि अहेसुंयेव। तथा हि वक्खति “अपि चायं आयस्मतो चक्कनेमिसद्देन तम्हा समाधिम्हा वुट्ठितो”ति (दी० नि० अट्ठ० २.३५२)। ओकासं नाकासि सक्कस्स जाणपरिपाकं आगमेन्तो, अज्जेसज्ज बहूनां देवानं धम्माभिसमयं उपपरिक्खमानो। सोति सक्को।

एवन्ति वचनसम्पटिच्छने निपातोति आह “एवं होतू”तिआदि। भदंतवाति पन सक्कं उद्दिस्स नेसं आसि वादो।

३४५. वल्लभो...पे०... धम्मं सुणातीति अयमत्थो गोविन्दसुत्तादीहि (दी० नि० २.२९४) दीपेतब्बो। इमिना कतोकासेति इमिना पञ्चसिखेन कतोकासे भगवति।

अनुचरियन्ति अनुचरणभावं, तं पनस्स अनुचरणं नाम सद्धिं गमनमेवाति आह “सहचरणं एकतो गमन”न्ति।

सोवण्णमयन्ति सुवण्णमयं। पोक्खरन्ति वीणाय दोगिमाह। दण्डोति वीणदण्डो। वेठकाति तन्तीनं बन्धनाय चेव उप्पीळनाय च धमेतब्बा वेठका। पत्तकन्ति पोक्खरं। समपज्जासमुच्छना मुच्छेत्वाति यथा समपज्जासमुच्छना कमतो तत्थ संमुच्छनं कातुं सक्का, एवं तं सज्जेत्वाति अत्थो। “समपज्जासमुच्छना संमुच्छेत्वा”ति च इदं देवलोके नियतं



वीणावादनविधिं सन्धाय वुत्तं । मनुस्सलोके पन एकवीसति मुच्छना । तेनेवाह वीणोपमसुत्तवण्णनायं —

“सत्त सरा तयो गामा, मुच्छना एकवीसति ।

ताना चेकूनपज्जास, इच्चेते सरमण्डला”ति ॥ (अ० नि० अट्ठ० ३.५५; सारत्थ० टी० ३.२४३) ।

तत्थ छज्जो, उसभो, गन्धारो, मज्झिमो, पञ्चमो, धेवतो, निसादोति एते सत्त सरा । छज्जगामो, मज्झिमगामो, साधारणगामोति तयो गामा, सरसमूहाति अत्थो । मनुस्सलोके वादनविधिना एकेकस्सेव च सरस्स वसेन तयो तयो मुच्छना कत्वा एकवीसति मुच्छना । एकेकस्सेव च सरस्स सत्त सत्त तानभेदा, यतो सरस्स मन्दतरववत्थानं होति, ते एकूनपज्जास तानविसेसाति, तिस्सो दुवे चतस्सो, चतस्सो तिस्सो दुवे चतस्सोति द्वावीसति सुतिभेदा इच्छिता, अयं पन एकेकस्स सरस्स वसेन सत्त सत्त मुच्छना, अन्तरसरस्स च एकाति समपज्जासाय मुच्छनानं योग्यभावेन वीणं वज्जेसि । तेन वुत्तं “समपज्जास मुच्छना संमुच्छेत्वा”ति । सेसदेवे जानापेन्तो सक्कस्स गमनकालन्ति योजना ।

३४६. अतिरिवाति र-कारो पदसन्धिकरो, अतीव अतिवियाति वुत्तं होति । पकति ...पे०... अगमासि मरणभयसंतज्जितत्ता तरमानरूपो । तेनेवाह “ननु चा”तिआदि ।

३४७. बुद्धा नाम महाकारुणिका, सदेवकस्स लोकस्स हितसुखत्थाय एव उप्पन्ना, ते कथं अत्थिकेहि दुरुपसङ्कमाति आह “अहं सरागो”तिआदि । तदन्तरं पटिसल्लीनाति येन अन्तरेन येन खणेन उपसङ्कमेय्य, तदन्तरं पटिसल्लीना ज्ञानं समापन्ना । तदन्तर-सद्दो वा “एतरही”ति इमिना समानत्थोति आह “सम्पति पटिसल्लीना वा”ति ।

### पञ्चसिखगीतगाथावण्णना

३४८. सावेसीति यथाधिप्पेतमुच्छनं पट्टपेत्वा वीणं वादेन्तो तंतंठानुप्पत्तिया पाकटीभूतमन्दताववत्थं दस्सेन्तो सुमधुरकोमलमधुपानमत्तमधुकारविरुतापहासिनिलक्खणो पसन्नभानी समरवं तन्तिस्सरं सावेसि ।

“सक्क्यपुत्तोव ज्ञानेन, एकोदि निपको सतो ।

अमतं मुनि जिगीसानो... ॥

यथापि मुनि नन्देय्य, पत्वा सम्बोधिं उत्तम”न्ति ॥ (दी० नि० २.३४८) ।

च एवं बुद्धूपसज्जिता । बुद्धूपसज्जिता पन बुद्धानं धम्मसरीरं आरब्ध निस्सयं कत्वा पवत्तिताति आह “धम्मो अरहतां इवा”ति । धम्मूपसज्जिता, अरहतूपसज्जिता च वेदितब्बा ।

सूरियसमानसरीराति सूरियसमानप्पभासरीरा । तेनाह “तस्सा किरा”तिआदि । यस्मा तिम्वरुनो गन्धब्बदेवराजस्स सूरियवच्छ सा अङ्गे जाता, तस्मा आह “यं तिम्वरुं देवराजानं निस्साय त्वं जाता”ति । कल्याणङ्गताय “कल्याणी”ति वुत्ताति आह “सब्बङ्गसोभना”ति ।

रागावेसवसेन पुब्बे वुत्ता गाथा इदानीपि तमेव आरब्ध पुरतो ठितं विय आलपन्तो वदति ।

थनुदरन्ति पयोधरञ्च उदरञ्च अधिप्पेतन्ति आह “थनवेमज्झं उदरञ्चा”ति ।

किञ्चि कारणन्ति किञ्चि पीळं ।

पकतिं जहित्वा ठितं अभिरत्तभावेन ।

वामरूति रुचिरऊरू । तेनाह “**वामाकारेना**”तिआदि । वामविकसितरुचिरसुन्दराभिरूपचारुसद्वा हि एकत्था दट्टब्बा । **न तिखिणन्ति** न तिकखं न लूखं न कक्खळं । **मन्दन्ति** मुदु सिनिद्धं ।

**अनेकभावो**ति अनेकसभावो, सो पन बहुविधो नाम होतीति आह “**अनेकविधो जातो**”ति । **अनेकभागो**ति अनेककोट्टासो ।

**तया सद्धिं विपच्चतन्ति** तथा सहितयेव मे तं कम्मं विपच्चतु, तथा सहेव तस्स कम्मस्स फलं अनुभवेय्यन्ति अधिप्पायो । **तया सद्धिमेवा**ति यथा चक्कवत्तिसंवत्तनियकम्मं तस्स निस्सन्दफलभूतेन इत्थिरतनेन सद्धियेव विपाकं देति, एवं तं मे कम्मं तथा सद्धियेव मय्हं विपाकं देतु ।

**एकोदी**ति एकोदिभावं गतो, समाहितोति अत्थो । **जिगीसानो**ति जिगीसमानो होति । तथाभूतोव जिगीसति नामाति तथा पठमविकप्पो वुत्तो । दुतियविकप्पे पन “**विचरती**”ति किरियापदं आहरित्वा अत्थो वुत्तो ।

**नन्देय्यन्ति** समागमं पत्थेन्तो वदति अतिसस्सिरिकरूपसोभाय ।

**३४९. संसन्दती**ति समेति, याय मुच्छनाय, येन च आकारेन तन्तिस्सरो पवत्तो, तं मुच्छनं अनतिवत्तेन्तो, तेनेव च आकारेन गीतस्सरोपि पवत्तोति अत्थो । येन अज्झासयेन भगवा पञ्चसिखस्स गन्धब्बे वण्णं कथेसि, यदत्थञ्च कथेसि, तं सब्बं विभावेतुं “**कस्मा**”तिआदिमाह । **नत्थि** बोधिमूले एव समुच्छिन्नत्ता । **उपेक्खको भगवा** अनुपलित्तभावतो । **सुविमुत्तचित्तो भगवा** छन्दरागतो, सब्बस्मा च किलेसा । यदि एवं कस्मा पञ्चसिखस्स गन्धब्बे वण्णं कथेसीति आह “**सचे पना**”तिआदि ।

**गन्थिता**ति सन्दहिता, ता पन निरन्तरं कथियमाना रासिकता विय होन्तीति आह “**पिण्डिता**”ति । **वोहारवचनन्ति** भगवतो, भिक्खूनञ्च पुरतो वत्तब्बं उपचारवचनं ।

**उपनच्चन्ति**याति उपगन्त्वा नच्चन्ति या ।

### सक्कूपसङ्कमनवण्णना

**३५०.** “कदा संयूळ्हा”तिआदीनि वदन्तो **पटिसम्मोदति** । **विप्पकारम्पि दस्सेय्या**ति अट्टकताभिनयवसेन नच्चम्पि दस्सेय्य ।

**३५१.** “अभिवदितो सक्को देवानमिन्दो”तिआदीनं “तेन खो पन समयेना”तिआदीनं (पारा० १६, २४) विय सङ्गीतिकारवचनभावे संसयो नत्थि, “एवञ्च पन तथागता”ति इध पन सिया संसयोति “धम्मसङ्गाहकत्थेरेहि ठपितवचन”न्ति वत्त्वा इतरस्सापि तथाभावं दस्सेतुं “**सब्बमेत**”न्तिआदि वुत्तं । **वुट्ठिवचनेन वुत्तो**ति “सुखी होतु पञ्चसिख सक्को देवानं इन्दो”ति आसीसवादं वुत्तो । “भगवतो पादे सिरसा वन्दती”ति वदन्तो अभिवादेति नाम “सुखी

होतूँ”ति आसीसवादस्स वदापनतो । तथा पन आसीसवादं वदन्तो अभिवदति नाम सब्बकालं तथेव तिष्ठन्तो ।

उरुं वेपुल्लं दस्सति दक्खतीति उरुन्दा विभत्तिअलोपेन । विवटा अङ्गणट्टानं । यो पकतिया गुहायं अन्धकारो, सो अन्तरहितोति यो तस्सं गुहायं सत्थु समन्ततो असीतिहत्थतो अयं पाकतिको अन्धकारो, सो देवानं वत्थाभरणसरीरोभासेहि अन्तरहितो, आलोको सम्पज्जि । असीतिहत्थे पन बुद्धालोकेनेव अन्धकारो अन्तरहितो, न च समत्थो देवानं ओभासो बुद्धानं अभिभवितुं ।

३५२. चिरप्पटिकाहन्ति चिरप्पभुतिको अहं । अडुकरणं नाम नत्थि अविवादाधिकरणट्टाने निब्बत्तत्ता । कीळादीनिपीति आदि-सद्देन धम्मस्सवनादिं सङ्गहति ।

सलळमयगन्धकुटियन्ति सलळरुक्खेहि रज्जा पसेनदिना कारितगन्धकुटियं । तेनस्साति तेन फलद्वयाधिगमेन पहीनओळारिककामरागताय अस्सा भूजतिया देवलोके अभिरतियेव नत्थि । चक्कनेमिसद्देन तम्हा समाधिम्हा वुट्ठितोति एत्थ अधिप्पायं अजानन्ता “आरम्मणस्स अधिमत्तताय समापत्तितो वुट्ठानं जात”न्ति मज्जेय्युन्ति तं पटिक्खिपन्तो “समापन्नो सद्दं सुणातीति नो वत रे वत्तब्बे”ति आह । सति च आरम्मणसङ्घट्टनायं गहणेनपि भवितव्वन्ति अधिप्पायेन “सुणाती”ति वुत्तं, इतरो “पठमं ज्ञानं समापन्नस्स सद्दो कण्टको”ति वचनमत्तं निस्साय सब्बस्सापि ज्ञानस्स सद्दो कण्टकोति अधिप्पायेन पटिक्खेपं असहन्तो “ननु भगवा...पे०... भणती”ति इममेव सुत्तपदं उद्धरि । तत्थ यथा दोसदस्सनपटिपक्खभावनावसेन पटिघसज्जानं सुप्पहीनत्ता महतापि सद्देन अरूपसमापत्तितो न वुट्ठानं, एवं “उप्पादो भयं, अनुप्पादो खेम”न्तिआदिना सम्मदेव दोसदस्सनपटिपक्खभावनावसेन सब्बासम्पि लोकियसज्जानं अगमग्गेन समतिक्कन्तत्ता आरम्मणाधिगमताय न कदाचि फलसमापत्तितो वुट्ठानं होतीति । तथा पन न सुप्पहीनत्ता पटिघसज्जानं सब्बरूपसमापत्तितो वुट्ठानं होति, पठमज्ज्ञानं पन अप्पकम्पि सद्दं न सहतीति तंसमापन्नस्स “सद्दो कण्टको”ति वुत्तं । यदि पन पटिघसज्जानं विक्खम्भितत्ता महतापि सद्देन अरूपसमापत्तितो न वुट्ठानं होति, पगेव मग्गफलसमापत्तितो । तेनाह “चक्कनेमिसद्देना”तिआदि । चक्कनेमिसद्देनाति च नयिदं करणवचनं हेतुम्हि, करणे वा अथ खो सहयोगे । इममेव हि अत्थं दस्सेतुं “भगवा पना”तिआदि वुत्तं ।

### गोपकवत्थुवण्णना

३५३. परिपूरकारिनीति परिपुण्णानि, परिसुद्धानि च कत्वा रक्खितवती । “इत्थित्त”न्तिआदि तत्थ विरज्जनाकारदस्सनं । धित्थिभावंइत्थिभावस्स धिक्कारो हेतूति अत्थो । अलन्ति पटिक्खेपवचनं, पयोजनं नत्थीति अत्थो । विराजेतीति जिगुच्छति । एता सम्पत्तियोति चक्कवत्तिसिरिआदिका एता यथावुत्तसम्पत्तियो । तस्मा पुब्बपरिचयेन उपट्ठितनिकन्तिवसेन । उपट्ठानसालन्ति सुधम्मदेवसभं ।

सोति गोपकदेवपुत्तो । वट्टेत्वा वट्टेत्वाति तोमरादिं वत्तेन्तेन विय चोदनवचनं परिवट्टेत्वा परिवट्टेत्वा । गाळ्हं विज्झितव्वाति गाळ्हतरं घट्टेत्वा ।

कुतो मुखाति कुतो पवत्तजाणमुखा । तेनाह “अज्जविहितका”ति । कतपुज्जेति सम्मा कतपुज्जे धम्मे ।

दायोति लाभो । सो हि दीयति तेहि दातव्वत्ता दायो, येसं दीयति, तेहि लद्धत्ता लाभोति च वुच्चति । सङ्गारे...पे०... पतिट्ठहिंसु कताधिकारत्ता । तत्थ तावत्तिसभवने ठितानयेव निब्बत्तो यथा सक्कस्स इन्दसालगुहायं ठितस्सेव

सक्कत्तभावो ।

निकन्तिं तस्मिं गन्धब्बकाये आलयं समुच्छिन्दितुं न सक्कोन्तो ।

३५४. अत्तनाव वेदितब्बोति अत्तनाव अधिगन्त्वा वेदितब्बो, न परप्पच्चयिकेन । तुम्हेहि वुच्चमानानीति केवलं तुम्हेहि वुच्चमानानि ।

वियायामाति विस्सट्ठं वीरियं सन्ताने पवत्तेम । पकतियाति रूपावचरभावेन, “अनुस्सर”न्ति वा पाठो ।

कामरागो एव “छन्दो रागो छन्दरागो”तिआदि पवत्तिभेदेन संयोजनद्वेन “कामरागसंयोजनानी”ति, योगगन्थादिपवत्तिआकारभेदेन “कामबन्धनानी”ति च वुत्तो । पापिमयोगानीति एत्थ पन सेसयोगगन्थानमि वसेन अत्थो वेदितब्बो ।

दुविधानन्ति वत्थुकामकिलेसकामवसेन दुविधानं ।

“एत्थ किं, तत्थ किं”न्ति च पदद्वये किन्ति निपातमत्तं । चातुदिसभावेति तेसं बुद्धादीनं तिण्णं रतनानं चतुदिसयोग्यभावे अप्पटिहटभावे । बुद्धरतनज्झि महाकारुणिकताय, अनावरणजाणताय, परमसन्तुडुताय च चातुदिसं, धम्मरतनं स्वाक्खातताय, सङ्गरतनं सुप्पटिपन्नताय । तेनाह “सब्बदिसासु असज्जमानो”ति ।

मज्झिमस्स पठमज्झानस्स अधिगतत्ता तावदेव कायं ब्रह्मपुरोहितं अधिगन्त्वा तावदेव पुरिमं ज्ञानसत्तिं पटिलभित्वा तं ज्ञानं पादकं कत्वा विपस्सनं वट्ठेत्वा ओरम्भागियसंयोजनसमुच्छिन्दनेन मग्गफलविसेसं अनागामिफलसङ्घातं विसेसं अज्झगंसु अधिगच्छिंसु । केचि पन “कामावचरत्तभावेन मग्गफलानि अधिगच्छिंसूति अधिप्पायेन पञ्चमस्स ज्ञानस्स अनधिगतत्ता सुद्धावासेसु न उप्पज्जिंसु, पठमज्झानलाभिताय पन ब्रह्मपुरोहितेसु निब्बत्तिंसू”ति वदन्ति ।

### मघमाणववत्थुवण्णना

३५५. विसुद्धोति विसुद्धअज्झासयो, उपनिस्सयसम्पन्नोति अधिप्पायो । गामकम्मकरणट्टानन्ति गामिकानं उपट्टानट्टानं वदति । तावतकेनेवाति अत्तना सोधितट्टानेव अज्जस्स आगन्त्वा अवट्टानेनेव । सत्तिं पटिलभित्वाति “अहो मया कतकम्मं सफलं जात”न्ति योनिसो चित्तं उप्पादेत्वा ।

पासाणेति मग्गमज्झे उच्चतरभावेन ठितपासाणे । उच्चालेत्वाति उद्धरित्वा । एतस्स सग्गस्स गमनमग्गन्ति एतस्स चन्दादीनं उप्पत्तिट्टानभूतस्स सग्गस्स गमनमग्गं पुज्जकम्मं ।

सुगतिवसेन लद्धब्बं, कहापणज्चाति कहापणं, दण्डवसेन लद्धब्बं बलि दण्डबलि । गहपतिका किं करिस्सन्तीति गहपतिका नाम अटविका विय विसमनिस्सिता, ते न कज्चि अनत्थं करिस्सन्ति, एवं तथा जानमानेन कस्मा मय्हं न कथितन्ति यदिपि पुब्बे न कथितं, एतरहि पन भयेन कथितं, मा मय्हं दोसं करेय्याथ, आरोचितकालतो पट्टाय न मय्हं दोसोति वदति ।

निबद्धन्ति एकन्तिकं ।

पिसुणेसीति पिसुणकम्ममकासि, तुम्हाकं अन्तरे मय्हं पेसुज्जं उपसंहरतीति अत्थो । पुन अहरणीयं ब्रह्मदेय्यं कत्वा । मय्हम्पीति मय्हम्पि अत्थाय मं उद्दिस्स पुञ्जकम्मं करोथ । नीलुप्पलं नाम विकसमानं उदकतो उगगन्त्वाव विकसति, एवं अहुत्वा अन्तोउदके पुण्फितं नीलुप्पलं विय । अम्हाकं पनिदं पुञ्जकम्मं भवन्तरूपपत्तिया विना इमस्मिंयेव अत्तभावे विपाकं देतीति योजना । चिन्तामत्तकम्पीति दोमनस्सवसेन चिन्तामत्तकम्पि ।

पगेवाति कालस्सेव, अतिविय पातोति अत्थो । कण्णिकूपगन्ति कण्णिकयोग्यं । तच्छेत्वा मट्ठं कत्वा कण्णिकाय कत्तब्बं सब्बं निट्ठपेत्वा । तथा हि सा वत्थेन वेठेत्वा ठपिता ।

चयबन्धनं सालाय अधिट्ठानसज्जनं । कण्णिकमञ्चबन्धनं कण्णिकारोहनकाले आरुहित्वा अवट्ठानअट्ठकरणं ।

यस्स अत्थते फलके यस्स फलके अत्थतेति योजना ।

अविदूरेति सालाय, कोविळाररुक्खस्स च अविदूरे । सब्बजेट्टिकाति सब्बासं तस्स भरियानं जेट्टिका सुजाता ।

तस्सेवाति सक्कस्सेव । सन्तिकेति समीपे सन्तिकावचरा हुत्वा निब्बत्ता । धजेन सद्धिं सहस्सयोजनिको पासादो ।

कक्कटकविज्झनसूलसदिसन्ति कक्कटके गण्हितुं तस्स बिलपरियन्तस्स विज्झनसूचिसदिसं ।

मच्छरूपेनाति मतमच्छरूपेन । ओसरतीति पिलवन्तो गच्छति । तस्सापि बकसकुणिकाय पञ्च वस्ससतानि आयु अहोसि देवनेरयिकानं विय मनुस्सपेततिरच्छानानं आयुनो अपरिच्छिन्नत्ता ।

उक्कुट्टिमकासीति उच्चासद्वमकासि ।

पुब्बसन्निवासेनाति पुरिमजातीसु चिरसन्निवासेन । एवज्झि एकच्चानं दिट्ठमत्तेनपि सिनेहो उप्पज्जति । तेनाह भगवा

“पुब्बेव सन्निवासेन, पच्चुप्पन्नहितेन वा ।

एवं तं जायते पेमं, उप्पलंव यथोदके”ति ॥ (जा० १.२.१७४) ।

अवसेसेसूति असुरे, सक्कं ठपेत्वा द्वीसु देवलोकेसु देवेव सन्धाय वदति ।

अत्थनिस्सितन्ति अत्तनो, परेसञ्च अत्थमेव हितमेव निस्सितं, तं पन हितं सुखस्स निदानन्ति आह “कारणनिस्सित”न्ति ।

### पञ्चवेय्याकरणवण्णना

३५७. किंसंयोजनाति कीदिससंयोजना । सत्ते अनत्थे संयोजेन्ति बन्धन्तीति संयोजनानीति आह “किंबन्धना, केन बन्धनेन बद्धा”ति । पुथुकायाति बहू सत्तकायाति आह “बहू जना”ति । वेरं वुच्चति दोसोति आह “अवेराति अप्पटिघा”ति । आवुधेन सरीरे दण्डो आवुधदण्डो, धनस्स दापनत्थेन दण्डो धनदण्डो, तदुभयाकरणेन ततो विनिमुत्तो

अदण्डो, सम्पत्तिहरणतो, सह अनत्थुप्पत्तितो च सपत्तो, पटिसत्तूति आह “असपत्ताति अपच्चत्थिका”ति ।  
 व्यापज्झं वुच्चति चित्तदुक्खं, तब्बिरहिता अब्यापज्झाति आह “विगतदोमनस्सा”ति । पुब्बे “अवेरा”ति पदेन  
 सम्बद्धाघातकाभावो वुत्तो । तेनाह “अप्पटिघा”ति । “अवेरिनो”ति पन इमिनापि कोपमत्तस्सपि अनुप्पादनं । तेनाह  
 “कत्थचि कोपं न उप्पादेत्वा”ति । “विहरेमू”ति च पदं पुरिमपदेहिपि योजेतब्बं “अवेरा विहरेमू”तिआदिना । अयञ्च  
 अवेरादिभावो संविभागेन पाकटो होतीति दस्सेतुं “अच्छराया”ति आदिं वत्वा “इति चे नेसं होती”ति वुत्तं । चित्तुप्पत्ति  
 दळ्हतरापि हुत्वा पवत्ततीति दस्सेतुं “दानं दत्वा, पूजं कत्वा च पत्थयन्ती”ति वुत्तं । इति चेति चे-सद्दो अन्वयसंसग्गेन  
 परिकप्पेतीति आह “एवञ्च नेस”न्ति ।

याय कायचि परेसं सम्पत्तिया खीयनं उसूयनं असहनं लक्खणं एतिस्साति परसम्पत्तिखीयनलक्खणा, यदग्गेन  
 अत्तसम्पत्तिया परेहि साधारणभावं असहनलक्खणं, तदग्गेनस्स “निगूहनलक्खण”न्तिपि वत्तब्बं । तथा हिस्स पोराणा “मा  
 इदं अच्छरियं अज्जेसं होतु, मय्हमेव होतूति मच्छरिय”न्ति निब्बचनं वदन्ति । अभिधम्मे “या  
 परलाभसक्कारगरुकारमाननवन्दनपूजनासु इस्सा इस्सायना”तिआदिना (ध० स० ११२६) निक्खेपकण्डे, “या एतेसु परेसं  
 लाभादीसु किं इमिना इमेस”न्तिआदिना तंसंवण्णनायञ्च वुत्तानेव, तस्मा तत्थ वुत्तनयेनेव वेदितब्बानीति अधिप्पायो ।

यस्मा पन इस्सामच्छरियानि बह्वादीनवानि, तेसं विभावना लोकस्स बहुकारा, तस्मा अभिधम्मट्टकथायं (ध० स०  
 अट्ठ० ११२५) विभावितानम्पि तेसं दिट्ठधम्मिकेपि सम्परायिके पिआदीनवे दस्सेन्तो “आवासमच्छरियेन  
 पना”तिआदिमाह । एत्थाति एतेसु इस्सामच्छरियेसु, एतेसु वा आवासमच्छरियादीसु पञ्चसु मच्छरियेसु । सङ्कारं सीसेन  
 उक्खिपित्वाव विचरति तत्थ लग्गचित्तताय, निहीनज्झासयताय च । ममाति मया, अयमेव वा पाठो । लोहितम्पि मुखतो  
 उग्गच्छति चित्तविधातेन संतत्तहदयताय । कुच्छिविरेचनम्पि होति अतिजलगिनो । अज्जो विभवपटिवेधधम्मो  
 अरियानंयेव होति, ते च तं न मच्छरायन्ति मच्छरियस्स सब्बसो पहीनत्ता । पटिवेधधम्मे मच्छरियस्स असम्भवो एवाति  
 आह “परियत्तिधम्ममच्छरियेन चा”ति । वण्णमच्छरियेन दुब्बण्णो, धम्ममच्छरियेन एळमूगो दुप्पज्जो होति ।

“अपिचा”तिआदि पञ्चन्नं मच्छरियानं वसेन कम्मसरिक्खकविपाकदस्सनं । आवासमच्छरियेन लोहगेहे पच्चति  
 परेसं आवासपच्चयहितसुखनिसेधनतो । कुलमच्छरियेन अप्पलाभो होति परेहि कुलेसु लद्धब्बलाभनिसेधनतो,  
 अप्पलाभोति च अलाभोति अत्थो । लाभमच्छरियेन गूथनिरये निब्बत्तति लाभहेतु परेहि लद्धब्बस्स अस्सादनिसेधनतो ।  
 सब्बथापि निरस्सादो हि गूथनिरयो । वण्णो नाम न होतीति सरीरवण्णो, गुणवण्णोति दुविधोपि वण्णो नाममत्तेनपि न  
 होति, तत्थ तत्थ निब्बत्तमानो विरूपो एव होति । सम्पत्तिनिगूहनसभावेन मच्छरियेन विरूपिते सन्ताने येभ्य्येन गुणा  
 पतिट्ठमेव न लभन्ति, ये च पतिट्ठहेय्युं, तेसम्पि वसेनस्स वण्णो न भवेय्य । ते हि तस्स लोके रत्तिं खित्ता सरा विय न  
 पज्जायन्ति । धम्ममच्छरियेन कुक्कुळनिरये । सोतापत्तिमग्गेन पहीयति अपायगमनीयभावतो । वेरादीहि न  
 परिमुच्चन्तियेव तप्परिमुच्चनाय इच्छाय अप्पत्तब्बत्ता जातिआदिधम्मानं सत्तानं जातिआदीहि विय ।

तिण्णा मेत्थ कङ्काति म-कारो पदसन्धिकरो । एतस्मिं पज्हेति एतस्मिं “किंसंयोजना नु खो”ति एवं जातुं इच्छिते  
 अत्थे । तुम्हाकं वचनं सुत्वाति “इस्सामच्छरियसंयोजना”ति एवं पवत्तं तुम्हाकं विस्सज्जनवचनं सुत्वा । कङ्का तिण्णाति  
 यथापुच्छिते अत्थे संसयो तरितो विगतो देसनानुस्सरणमत्तेन, न समुच्छेदवसेनाति आह “न मग्गवसेना”तिआदि ।  
 अयम्पि कथंकथा विगताति कङ्काय विगतत्ता एव तस्सा पवत्तिआकारविसेसभूता “इदं कथ इदं कथ”न्ति अयम्पि  
 कथंकथा विगता अपगता ।

**३५८. निदानादीनि** महानिदानसुत्तवण्णनायं (दी० नि० अट्ठ० २.९५) **वुत्तत्थानेव**। पियानं अत्तनो परिग्गहभूतानं सत्तसङ्खारानं परेहि साधारणभावासहनवसेन, निगूहनवसेन च पवत्तनतो **पियसत्तसङ्खारनिदानं मच्छरियं**, अप्पियानं परिग्गहभूतानं सत्तानं, सङ्खारानञ्च असहनवसेन पवत्तिया **अप्पियसत्तसङ्खारनिदाना इस्सा**। यच्चि किञ्चि अप्पियसम्बन्धं भदकम्पि तं कोधनस्स अप्पियमेवाति। **उभयन्ति मच्छरियं**, इस्सा चाति उभयं। **उभयनिदानन्ति** पियनिदानञ्चेव अप्पियनिदानञ्च। **पियाति** इट्ठा। **केळायिताति** धनायिता। **ममायिताति** ममत्तं कत्वा परिग्गहिता। **इस्सं करोतीति** “किं इमस्स इमिना”ति तस्स पियसत्तलाभासहनवसेन उस्सूयति, **तमेव पियसत्तं याचितो**। **अहो वतस्साति** साधु वत अस्स। “इमस्स पुग्गलस्स एवरूपं पियवत्थु न भवेय्या”ति **इस्सं करोति** उसूयं उप्पादेति। **ममायन्ताति** केळायन्ता। **अप्पियेति** अप्पिये सत्ते तेसं सतापतो। **अस्साति** पुग्गलस्स, येन ते लद्धा। **तेति** सत्तसङ्खारा, **सचेपि अमनापा होन्ति** अप्पियेहि समुदागतत्ता। **विपरीतवुत्तितायाति** अयाथावगाहिताय। **को अज्जो एवरूपस्स लाभीति** तेन अत्तानं सम्भावेन्तो **इस्सं वा करोति**। अज्जस्स तादिसं उप्पज्जमानम्पि “अहो वतस्स एवरूपं न भवेय्या”ति **इस्सं वा करोति**, अयञ्च नयो हेट्ठा वुत्तनयत्ता न गहितो।

वत्थुकामानं परियेसनवसेन पवत्तो छन्दो **परियेसनछन्दो**। पटिलाभपच्चयो छन्दो **पटिलाभछन्दो**। परिभुज्जनवसेन पवत्तो छन्दो **परिभोगछन्दो**। पटिलद्धानं सन्निधापनवसेन, सङ्गोपनवसेन च पवत्तो छन्दो **सन्निधिछन्दो**। दिट्ठधम्मिकमेव पयोजनं चिन्तेत्वा विस्सज्जनवसेन पवत्तो छन्दो **विस्सज्जनछन्दो**। तेनाह “कतमो”तिआदि।

अयं पञ्चविधोपि अत्थतो तण्हायनमेवाति आह “**तण्हामत्तमेवा**”ति।

**एवं वुत्तो** “लाभं पटिच्च विनिच्छयो”ति एवं महानिदानसुत्ते (दी० नि० २.१०३) वुत्तो **विनिच्छयवितक्को वितक्को नाम**, न यो कोचि वितक्को। इदानि यथावुत्तं विनिच्छयवितक्कं अत्थुद्धारनयेन नीहरित्वा दस्सेतुं “**विनिच्छयो**”तिआदि वुत्तं। **अट्ठसतन्ति** अट्ठाधिकं सतं, तञ्च खो तण्हाविचरितानं सतं, न यस्स कस्सचीति दस्सेतुं “**तण्हाविचरित**”न्ति वुत्तं। **तण्हाविनिच्छयो नाम** तण्हाय वसेन वक्खमाननयेन आरम्भणस्स विनिच्छिननतो। दिट्ठिदस्सनवसेन “इदमेव सच्चं, मोघं अज्ज”न्ति विनिच्छिननतो **दिट्ठिविनिच्छयो नाम**। **इट्ठं** पणीतं, **अनिट्ठं** अप्पणीतं, पियायितब्बं **पियं**, अप्पियायितब्बं **अप्पियं**, तेसं **ववत्थानं** तण्हावसेन **न होति**। तण्हावसेन हि एकच्चो किञ्चि वत्थुं पणीतं मज्जति, एकच्चो हीनं, एकच्चो पियायति, एकच्चो नप्पियायति। तेनाह “**तदेव ही**”तिआदि। “**दस्सामी**”ति इदं विस्सज्जनछन्दे वुत्तनयेन चेव वट्ठूपनिस्सयदानवसेन च वेदितब्बं। तम्पि हि तण्हाछन्दहेतुकन्ति।

यत्थ सयं उप्पज्जन्ति, तं सन्तानं संसारे पपज्जेन्ति वित्थारयन्तीति **पपज्जा**। यस्स च उप्पन्ना, तं “रत्तो”ति वा “सत्तो”ति वा “मिच्छाभिनिविट्ठो”ति वा पपज्जेन्ति ब्यज्जेन्तीति **पपज्जा**। यस्मा तण्हादिट्ठियो अधिमत्ता हुत्वा पवत्तमाना तंसमङ्गीपुग्गलं पमत्ताकारं पापेन्ति, मानो पन जातिमदादि वसेन मत्ताकारम्पि, तस्मा “**मत्तपमत्ताकारपापनट्ठेना**”ति वुत्तं। **सङ्खा वुच्चति कोट्टासो** भागसो सङ्खायति उपट्ठातीति। यस्मा पपज्जसज्जा तंतद्वारवसेन, आरम्भणवसेन च भागसो वितक्कस्स पच्चया होन्ति, न केवला, तस्मा **पपज्जसज्जासङ्खानिदानो वितक्को** वुत्तो, पपज्जसज्जानं वा अनेकभेदभिन्नत्ता तंसमुदायो “पपज्जसज्जासङ्खा”ति वुत्तो। पपज्जसज्जासङ्खाग्गहणेन च अनवसेसो दुक्खसमुदयो वुत्तो तंतं निमित्तत्ता वट्ठुदुक्खस्साति।

**यो निरोधो वूपसमोति** निरोधसच्चमाह। **तस्स सारुप्पन्ति** तस्स पपज्जसज्जासङ्खाय निरोधस्स वूपसमस्स अधिगमुपायताय सारुप्पं अनुच्छविकं, एतेन विपस्सनं वदति। तत्थ यथावुत्तनिरोधे आरम्भणकरणवसेन गच्छति

पवत्ततीति तत्थगामिनी, एतेन मग्गं । तेनाह “सह विपस्सनाय मग्गं पुच्छती”ति ।

### वेदनाकम्मट्टानवण्णना

**३५९. पुच्छितमेव कथितं ।** यस्मा सक्केन देवानं इन्देन पपञ्चसञ्जासङ्खानिरोधगामिनिपटिपदा पुच्छिताव, भगवा च तदधिगमुपायं अरूपकम्मट्टानं तस्स अज्झासयवसेन वेदनामुखेन कथेन्तो तिस्सो वेदना आरभि, इति पुच्छितमेव कथेन्तेन पुच्छानुसन्धिवसेन **सानुसन्धिमैव** च कथितं । न हि बुद्धानं अननुसन्धिका कथा नाम अत्थि । इदानिस्स वेदनामुखेन अरूपकम्मट्टानस्सेव कथने कारणं दस्सेतुं “**देवतानञ्ही**”तिआदि वुत्तं । करजकायस्स सुखुमतावचनेनेव अच्चन्तमुदुसुखुमालभावापि वुत्ता एवाति दडुब्बं । **कम्मजन्ति** कम्मजतेजं । तस्स बलवभावो उळारपुञ्जकम्मनिब्बत्तत्ता, अतिविय गरुमधुरसिनिद्धसुद्धाहारजीरणतो च । **एकाहारम्पी**ति एकाहारवारम्पि । “**विलीयन्ती**”ति एतेन करजकायस्स मन्दताय कम्मजतेजस्स बलवभावेन आहारवेलातिक्कमेन नेसं बलवती दुक्खवेदना उप्पज्जमाना सुपाकटा होतीति दस्सेति । निदस्सनमत्तञ्चेतं, सुखवेदनापि पन नेसं उळारपणीतेसु आरम्मणेषु उपरूपरि अनिग्गहणवसेन पवत्तमाना सुपाकटा हुत्वा उपट्ठातियेव । उपेक्खापि तेसं कदाचि उप्पज्जमाना सन्तपणीतरूपा एव इट्ठमज्जत्ते एव आरम्मणे पवत्तनतो । तेनेवाह “**तस्मा**”तिआदि ।

**रूपकम्मट्टानन्ति** रूपपरिग्गहं, रूपमुखेन विपस्सनाभिनिवेसन्ति अत्थो । **अरूपकम्मट्टानन्ति** एत्थापि एसेव नयो । तत्थ रूपकम्मट्टानेन समथाभिनिवेसोपि सङ्गहति, विपस्सनाभिनिवेसो पन इधाधिप्पेतीति दस्सेन्तो “**रूपपरिग्गहो अरूपपरिग्गहोतिपि एतदेव वुच्चती**”ति आह । **चतुधातुववत्थानन्ति** एत्थ येभ्य्येन चतुधातुववत्थानं वित्थारेन्तो रूपकम्मट्टानं कथेतीति अधिप्पायो । **रूपकम्मट्टानं दस्सेत्वाव कथेति** “एवं रूपकम्मट्टानं वुच्चमानं सुट्ठु विभूतं पाकटं हुत्वा उपट्ठाती”ति । “एतेन इधापि रूपकम्मट्टानं एकदेसेन विभावितमेवा”ति वदन्ति ।

कामञ्चेत्थ वेदनावसेन अरूपकम्मट्टानं आगतं, तदज्जधम्मवसेनपि अरूपकम्मट्टानं लब्धतीति तं विभागेन दस्सेतुं “**तिविधो ही**”तिआदि वुत्तं । तत्थ **अभिनिवेसो**ति अनुप्पवेसो, आरम्भोति अत्थो । आरम्भे एव हि अयं विभागो, सम्मसनं पन अनवसेसतोव धम्मे परिग्गहेत्वा पवत्ततीति । “**परिग्गहिते रूपकम्मट्टाने**”ति इदं रूपमुखेन विपस्सनाभिनिवेसं सन्धाय वुत्तं, अरूपमुखेन पन विपस्सनाभिनिवेसो येभ्य्येन समथयानिकस्स इच्छितब्बो, सो च पठमं ज्ञानङ्गानि परिग्गहेत्वा ततो परं सेसधम्मे परिग्गण्हाति । **पठमाभिनिपातो**ति सब्बे चेतसिका चित्तायत्ता चित्तकिरियाभावेन वुच्चन्तीति फस्सो चित्तस्स पठमाभिनिपातो वुत्तो । **तं आरम्मणन्ति** यथापरिग्गहितं रूपकम्मट्टानसज्जितं आरम्मणं । उप्पन्नफस्सो पुग्गलो, चित्तचेतसिकरासि वा आरम्मणेन फुट्ठो फस्ससहजाताय वेदनाय तंसमकालमेव वेदेति, फस्सो पन ओभासस्स विय पदीपो वेदनादीनं पच्चयविसेसो होतीति पुरिमकालो विय वुच्चति, या तस्स आरम्मणाभिनिरोपनलक्खणता वुच्चति । **फुसन्तो**ति आरम्मणस्स फुसनाकारेन । अयज्झि अरूपधम्मत्ता एकदेसेन अनल्लीयमानोपि रूपं विय चक्खुं, सदो विय च सोतं, चित्तं, आरम्मणञ्च फुसन्तो विय, सङ्खट्टेन्तो विय च पवत्ततीति । तथा हेस “**सङ्खट्टनरसो**”ति वुच्चति ।

**आरम्मणं अनुभवन्ती**ति इस्सरवताय विसविताय सामिभावेन आरम्मणरसं संवेदेन्ती । फस्सादीनज्झि सम्पयुत्तधम्मनं आरम्मणे एकदेसेनेव पवत्ति फुसनादिमत्तभावतो, वेदनाय पन इट्ठाकारसम्भोगादिवसेन पवत्तनतो आरम्मणे निप्पदेसतो पवत्ति । फुसनादिभावेन हि आरम्मणगहणं एकदेसानुभवनं, वेदयितभावेन गहणं यथाकामं सब्बानुभवनं, एवंसभावानेव तानि गहणानीति न वेदनाय विय फस्सादीनम्पि यथा सककिच्चकरणेन सामिभावानुभवनं



चोदेतब्बं । विजानन्तन्ति परिच्छिन्दनवसेन विसेसतो जानन्तं । विज्जाणहि मिनितब्बवत्थुं नाळिया मिनन्तो पुरिसो विय आरम्मणं परिच्छिज्ज विभावेन्तं पवत्तति, न सज्जा विय सज्जाननमत्तं हुत्वा । तथा हि अनेन कदाचि लक्खणत्तयविभावनापि होति, इमेसं पन फस्सादीनं तस्स तस्स पाकटभावो पच्चयविसेससिद्धस्स पुब्बभागस्स वसेन वेदितब्बो ।

एवं तस्स तस्सेव पाकटभावेपि “सब्बं, भिक्खवे, अभिज्जेय्य”न्ति (सं० नि० ४.४६; पटि० म० १.३), “सब्बञ्च खो, भिक्खवे, अभिजान”न्ति (सं० नि० ४.२७) च एवमादि वचनतो सब्बे सम्मसनुपगा धम्मा परिग्गहेतब्बाति दस्सेन्तो “तत्थ यस्सा”तिआदिमाह । तत्थ फस्सपञ्चमकेयेवाति अवधारणं तदन्तो गधत्ता तग्गहणेनेव गहितत्ता चतुन् अरूपक्खन्धानं । फस्सपञ्चमकग्गहणहि तस्स सब्बस्स सब्बचित्तुप्पादसाधारणभावतो । तत्थ च फस्सचेतनाग्गहणेन सब्बसङ्खारक्खन्धम्मसङ्गहो चेतनप्पधानत्ता तेसं । तथा हि सुत्तन्तभाजनीये सङ्खारक्खन्धविभङ्गे “चक्खुसम्फस्सजा चेतना”तिआदिना (विभ० २१) चेतनाव विभत्ता, इतरे पन खन्धा सरूपेनेव गहिता ।

वत्थुनिस्सिताति एत्थ वत्थु-सद्दो करजकायविसयो, न छब्बत्थुविसयोति । कथमिदं विज्जायतीति आह “यं सन्धाय वुत्त”न्ति । कत्थ पन वुत्तं? सामञ्जफलसुत्ते । सोति करजकायो । “पञ्चक्खन्धविनिमुत्तं नामरूपं नत्थी”ति इदं अधिकारवसेन वुत्तं । अज्जथा हि खन्धविनिमुत्तम्पि नामं अत्थेवाति । अविज्जादिहेतुकाति अविज्जातण्डुपादानादिहेतुका । “विपस्सनापटिपाटिया अनिच्चं दुक्खं अनत्ताति सम्मसन्तो विचरती”ति इमिना बलवविपस्सनं वत्वा पुन तस्स उस्सुक्कापनं, विसेसाधिगमञ्च दस्सेन्तो “सो”तिआदिमाह ।

इथाति इमस्मिं सक्कपज्जसुत्ते । वेदनावसेन चेत्थ अरूपकम्मट्ठानकथने कारणं हेट्ठा वुत्तनयमेव । यथावुत्तेसु च तीसु कम्मट्ठानाभिनिवेसेसु वेदनावसेन कम्मट्ठानाभिनिवेसो सुकरो वेदनानं विभूतभावतोति दस्सेतुं “फस्सवसेन ही”तिआदि वुत्तं । “न पाकटं होती”ति इदं सक्कपमुखानं तेसं देवानं यथा वेदना विभूता हुत्वा उपट्ठाति, न एवं इतरद्वयन्ति कत्वा वुत्तं । वेदनाय एव च नेसं विभूतभावो वेदनामुखेनेवेत्थ भगवता देसनाय आरद्धत्ता । “वेदनानं उप्पत्तिया पाकटताया”ति इदं सुखदुक्खवेदनानं वसेन वुत्तं । तासज्जि पवत्ति ओळारिका, न इतराय । तदुभयग्गहणमुखेन वा गहेतब्बत्ता इतरायपि पवत्ति विज्जनं पाकटा एवाति सुखदुक्खवेदनानज्जी”ति विसेसग्गहणं दट्ठब्बं । “यदा सुखं उप्पज्जती”तिआदि सुखवेदनाय पाकटभावविभावनं, तयिदं असमाहितभूमिवसेन वेदितब्बं । तत्थ “सकलं सरीरं खो भन्ते”न्तिआदिना कामं पवत्तिओळारिकताय अवूपसन्तसभावमेतं सुखं, सातलक्खणताय पन सम्पयुत्तधम्मे, निस्सयञ्च अनुग्गहन्तमेव पवत्ततीति दस्सेति । “यदा दुक्खं उप्पज्जती”तिआदीसु वुत्तविपरियायेन अत्थो वेदितब्बो ।

दुट्ठीपनाति जाणेन दीपेतुं असक्कुण्य्या, दुब्बिज्जेय्याति अत्थो । तेनाह “अन्धकारा अभिभूता”ति । अन्धकाराति अन्धकारगतसदिसी, जानितुकामे च अन्धकारिनी । पुब्बापरं समं सुकरे सुपलक्खितमग्गवसेन पासाणतले मिग्गतमग्गो विय इट्ठानिद्वारम्मणेषु सुखदुक्खानुभवनेहि मज्झत्तारम्मणेषु अनुमिनितब्बताय वुत्तं “सा सुखदुक्खानं...पे०... पाकटा होती”ति । तेनाह “यथा”तिआदि । नयतो गणहन्तस्साति एत्थायं नयो — यस्मा इट्ठानिद्विविसयाय आरम्मणूपलब्धिया अनुभवनतो निद्वामज्झत्तविसया च उपलब्धि, तस्मा न ताय निरनुभवनाय भवितब्बं, यं तत्थानुभवनं, सा अदुक्खमसुखा । तथा अनुपलब्धमानं रूपादिअनुभूयमानं दिट्ठं उपलब्धति, यो पन मज्झत्तारम्मणं तब्बिसयस्स विज्जाणप्पवत्तियं, तस्मा अननुभूयमानेन तेन न भवितब्बं । सक्का हि वत्तुं अनुभवमाना मज्झत्तविसयुपलब्धि उपलब्धिभावतो । इट्ठानिद्विविसयुपलब्धिविसयं पन निरनुभवनं तं अनुपलब्धिसभावमेव दिट्ठं, तं यथारूपन्ति । निवत्तेत्वाति नीहरित्वा,

“सोमनस्संपाह”न्ति आदिना समानजातियम्पि भिन्दन्तो अज्जेहि अरूपधम्मोहि विवेचेत्वा असंसदुं कत्वाति अत्थो ।

अयञ्च रूपकम्मट्टानं कथेत्वा अरूपकम्मट्टानं वेदनावसेन निवत्तेत्वा देसना तथाविनेतब्बपुग्गलापेक्खाय सुत्तन्तरेसुपि (दी० नि० २.३७३; म० नि० १.१०६, ३९०, ४१३, ४५०, ४६५, ४६७; म० नि० २.३०६, २०९; ३.६७, ३४२; सं० नि० ४.२४८) आगता एवाति दस्सेन्तो “न केवल”न्ति आदिमाह । तत्थ महासतिपट्टाने (दी० नि० २.२७३) तथा देसनाय आगतभावो अनन्तरमेव आवि भविस्सति, मज्झिमनिकाये सतिपट्टानदेसनापि (म० नि० १.१०६) तादिसी एव । चूलतण्हासङ्ख्ये “एवं चेत्तं, देवानं इन्द, भिक्खुनो सुत्तं होति ‘सब्बे धम्मा नालं अभिनिवेसाया’ति, सो सब्बं धम्मं अभिजानाति, सब्बं धम्मं अभिज्जाय सब्बं धम्मं परिजानाति, सब्बं धम्मं परिज्जाय यं किञ्चि वेदनं वेदेति सुखं वा दुक्खं वा अदुक्खमसुखं वा, सो तासु वेदनासु अनिच्चानुपस्सी विहरति, विरागानुपस्सी”ति आदिना (म० नि० १.३९०) आगतं । तेन वुत्तं “अरूपकम्मट्टानं वेदनावसेन निवत्तेत्वा दस्सेसी”ति । महातण्हासङ्ख्ये पन “सो एवं अनुरोधविरोधविप्पहीनो यं किञ्चि वेदनं वेदेति सुखं वा दुक्खं वा अदुक्खमसुखं वा, सो तं वेदनं नाभिनन्दति नाभिवदति नाज्झोसाय तिडुति । तस्स तं वेदनं अनभिनन्दतो अनभिवदतो अनज्झोसाय तिडुतो या वेदनासु नन्दी सा निरुज्झती”ति आदिना (म० नि० १.४१४) आगतं । चूलवेदल्ले “कति पनाय्येवेदना”ति आदिना (म० नि० १.४६५) आगतं । महावेदल्ले “वेदनाति, आवुसो, वुच्चति, कित्तावता नु खो, आवुसो, ‘वेदना’ति वुच्चती”ति आदिना (म० नि० १.४५०) आगतं । एवं रट्टपालसुत्तादीसुपि (म० नि० २.३०५) वेदनाकम्मट्टानस्स आगतट्टानं उद्धरित्वा वत्तब्बं ।

“पठमं रूपकम्मट्टानं कथेत्वा”ति वुत्तं, कथं तमेत्थ कथितन्ति आह “रूपकम्मट्टान”न्ति आदि । सङ्घित्तं, कथं सङ्घित्तं? वेदनाय आरम्मणमत्तकंयेव, येभ्य्येन वेदना रूपधम्ममारम्मणा पञ्चद्वारवसेन पवत्तनतो । तेन चस्सा पुरिमसिद्धा एव आरम्मणन्ति वेदनं वदन्तेन तस्सारम्मणधम्मा अत्थतो पठमतरं गहिता एव नाम होन्तीति इमाय अत्थापत्तिया रूपकम्मट्टानस्सेवेत्थ पठमं गहितता जोतिता, न सरूपेनेव गहितत्ता । तेनाह “तस्मा पाळियं नारुळ्हं भविस्सती”ति ।

३६०. द्वीहि कोट्टासेहीति सेवितब्बासेवितब्बभागेहि । एवरूपन्ति यं अकुसलानं अभिबुद्धिया, कुसलानञ्च परिहानाय संवत्तति, एवरूपं, तं पन कामूपसज्झितताय “गेहनिस्सित”न्ति वुच्चतीति आह “गेहसितसोमनस्स”न्ति । इट्टानन्ति पियानं । कन्तानन्ति कमनीयानं । मनापानन्ति मनवट्टनकानं । ततो एव मनो रमेन्तीति मनोरमानं । लोकामिसपटिसंयुत्तानन्ति तण्हासन्निस्सितानं कामूपसज्झितानं । पटिलाभतो समनुपस्सतोति “अहो मया इमानि लब्धानी”ति यथालब्धानि रूपारम्मणादीनि अस्सादयतो । अतीतन्ति अतिक्कन्तं । निरुद्धन्ति निरोधप्पत्तं । विपरिणतन्ति सभावविगमेन विगतं । समनुस्सरतोति अस्सादनवसेन अनुचिन्तयतो । गेहसितन्ति कामगुणनिस्सितं । कामगुणा हि कामरागस्स गेहसदिसत्ता इध “गेह”न्ति अधिप्पेता ।

एवरूपन्ति यं अकुसलानं परिहानाय, कुसलानञ्च अभिबुद्धिया संवत्तति, एवरूपं, तं पन पब्बज्जादिवसेन पवत्तिया नेक्खम्मूपसज्झितन्ति आह “नेक्खम्मसितं सोमनस्स”न्ति । इदानीं तं पाळिवसेनेव दस्सेतुं “तत्थ कतमानी”ति आदि वुत्तं । तत्थ विपस्सनालक्खणे नेक्खम्मे दस्सिते इतरानि तस्स कारणतो, फलतो, अत्थतो च दस्सितानेव होन्तीति विपस्सनालक्खणमेव तं दस्सेन्तो “रूपानन्त्वेवा”ति आदिमाह । विपरिणामविरागनिरोधन्ति जराय विपरिणामेतब्बतज्जेव जरामरणेहि पलुज्जनं निरुज्जनञ्च विदित्वाति योजना । उप्पज्जति सोमनस्सन्ति विपस्सनाय वीथिपटिपत्तिया कमेन उप्पन्नानं पामोज्जपीतिपस्सद्धीनं उपरि अनप्पकं सोमनस्सं उप्पज्जति । यं सन्धाय वुत्तं —

“सुज्जागारं पविट्ठस्स, सन्तचित्तस्स भिक्खुनो ।

अमानुसी रति होति, सम्मा धम्मं विपस्सतो ॥

यतो यतो सम्मसति, खन्धानं उदयब्बयं ।

लभती पीतिपामोज्जं, अमतं तं विजानत”न्ति ॥ (ध० प० ३७४) च —

नेक्खम्मवसेनाति पब्बज्जादिवसेन । “वट्टदुक्खतो नित्थरिस्सामी”ति पब्बजितुं भिक्खून् सन्तिकं गच्छन्तस्स, पब्बजन्तस्स, चतुपारिसुद्धिसीलं अनुतिट्ठन्तस्स, तं सोधेन्तस्स, धुतगुणे समादाय वत्तन्तस्स, कसिणपरिकम्मादीनि करोन्तस्स च या पटिपत्ति, सब्बा सा इध “नेक्खम्म”न्ति अधिप्पेता । येभ्य्येन अनुस्सतिया उपचारज्झानं निट्ठातीति कत्वा “अनुस्सतिवसेना”ति वत्वा “पठमज्झानादिवसेना”ति वुत्तं । एत्थ च यथा पब्बज्जा घरबन्धनतो निक्खमनट्ठेन नेक्खम्मं, एवं विपस्सनादयोपि तंपटिपक्खतो । तेनाह —

“पब्बज्जा पठमं ज्ञानं, निब्बानञ्च विपस्सना ।

सब्बोपि कुसला धम्मा, नेक्खम्मन्ति पवुच्चरे”ति ॥ (इतिवु० अट्ठ० १०९) ।

यं चेति एत्थ चेति निपातमतं सोमनस्सस्स अधिप्पेतत्ता । चतुक्कनयवसेनेव च सुत्तन्तेसु ज्ञानकथाति वुत्तं “दुतियततियज्झानवसेना”ति । द्वीसूति “सवितक्कं सविचारं अवितक्कं अविचार”न्ति वुत्तेसु द्वीसु सोमनस्सेसु ।

सवितक्कसविचारे सोमनस्सेति परित्तभूमिके, पठमज्झाने वा सोमनस्से । अभिनिविट्ठसोमनस्सेसूति विपस्सनं पट्टपितसोमनस्सेसु । पि-सहेन सम्मट्ठसोमनस्सेसु पीति इममत्थं दस्सेति । सोमनस्सविपस्सनातोपीति सवितक्कसविचारसोमनस्सपवत्तिविपस्सनातोपि । अवितक्कअविचार विपस्सना पणीततरा सम्मसितधम्मवसेनपि विपस्सनाय विसेससिद्धितो, यतो मग्गेपि तथारूपा विसेसा इज्झन्ति । अयं पनत्थो “अरियमग्ग बोज्झङ्गादिविसेसं विपस्सनाय आरम्मणभूता खन्धा नियमेन्ती”ति एवं पवत्तेन मोरवापीवासिमहादत्तत्थेरवादेन दीपेतब्बो ।

३६१. गेहसितदोमनस्सं नाम कामगुणानं अप्पटिलाभनिमित्तं, विगतनिमित्तञ्च उप्पज्जनकदोमनस्सं ।

अप्पटिलाभतो समनुपस्सतोति अप्पटिलाभेन “अहमेव न लभामी”ति परितस्सनतो । समनुस्सरतोति “अहु वत मे तं वत नत्थी”तिआदिना अनुस्सरणवसेन चिन्तयतो । तेनाह “एवं छसु द्वारेसू”तिआदि ।

अनुत्तरेसु विमोक्खेसूति सुज्जतफलादिअरियफलविमोक्खेसु । पिहन्ति अपेक्खं, आसन्ति अत्थो । कथं पन लोकुत्तरधम्मे आरब्ध आसा उप्पज्जतीति? न खो पनेतं एवं दट्ठब्बं “यं आरम्मणकरणवसेन तत्थ पिहा पवत्तती”ति अविसयत्ता, पुगलस्स च अनधिगतभावतो । अनुस्सवूपलद्धे पन अनुत्तरविमोक्खे उट्ठिस्स पिहं उपट्ठपेन्तो “तत्थ पिहं उपट्ठपेती”ति वुत्तो । तेनाह “कुदास्सु नामाह”न्तिआदि । छसु द्वारेसु इट्ठारम्मणे आपाथगते अनिच्चादिवसेन विपस्सनं पट्ठपेत्वाति योजना । “इट्ठारम्मणे”ति च इमिना नयिदं दोमनस्सं सभावतो अनिट्ठधम्मेयेव आरब्ध उप्पज्जनकं, अथ खो इच्छितालाभहेतुकं इच्छाभिघातवसेन यत्थ कत्थचि आरम्मणे उप्पज्जनकन्ति दस्सेति । एवं “कुदास्सु नामाह”न्ति वुत्ताकारेन पिहं उपट्ठपेत्वा एवं इमम्पि पक्खं...पे०... नासक्खिन्ति अनुसोचतोति योजना । “इमस्मिं पक्खे, इमस्मिं मासे, इमस्मिं संवच्चरे पब्बजितुं नालद्धं, कसिणपरिकम्मं कातुं नालद्ध”न्तिआदिवसेन पवत्तिं सन्धाय “नेक्खम्मवसेना”ति वुत्तं । “विपस्सनावसेना”तिआदीसुपि इमिना नयेन योजना वेदितब्बा ।

यतो एव-कारो, ततो अञ्जत्थ नियमोति कत्वा “तस्मिं...पे०... गेहसितदोमनस्समेवा”ति वुत्तं। न हेत्थ गेहसितदोमनस्सता सवितक्कसविचारे नियता, अथ खो गेहसितदोमनस्से सवितक्कसविचारता नियता पटियोगिनिवत्तनत्थत्ता एव-कारस्स। “गेहसितदोमनस्सं सवितक्कसविचारमेव, न अवितक्कअविचार”न्ति। नेक्खम्मसितदोमनस्सं पन सिया सवितक्कसविचारं, सिया अवितक्कअविचारं। सवितक्कसविचारस्सेव कारणभूतं दोमनस्सं **सवितक्कसविचारदोमनस्सं**। किं तं? गेहसितदोमनस्सं, यं पन नेक्खम्मादिवसेन उप्पन्नं, तं अवितक्कअविचारस्स कारणभूतं **अवितक्कअविचारदोमनस्सन्ति**। अयञ्च नयो परियायवसेन वुत्तोति आह “**निप्परियायेन पना**”तिआदि। यदि एवं कस्मा “यं चे अवितक्कं अविचार”न्ति पाळियं वुत्तन्ति आह “**एतस्स पना**”तिआदि। **मञ्जनवसेनाति** परिकप्पनवसेन। **वुत्तं** पाळियं।

तत्राति तस्मिं मञ्जने। **अयं** इदानी वुच्चमानो **नयो**। **दोमनस्सपच्चयभूतेति** दोमनस्सस्स पच्चयभूते। उपचारज्झानञ्हि पठमज्झानादीनि वा पादकानि कत्वा मग्गफलानि निब्बत्तेतुकामस्स तेसं अलाभे दोमनस्सस्स उप्पज्जने तानि तस्स पच्चया नाम होन्ति इति ते धम्मा फलूपचारेन “**दोमनस्स**”न्ति वुत्ता। यो पन तथा उप्पन्नदोमनस्सो धुरनिक्खेपं अकत्वा अनुक्कमेन विपस्सनं उस्सुक्कापेत्वा मग्गफलधम्मे निब्बत्तेति, ते कारणूपचारेन “**दोमनस्स**”न्ति वुत्ताति इममत्थं दस्सेन्तो “**इध भिक्खू**”तिआदिमाह। ननु एतस्स तदा दोमनस्समेव उप्पन्नं, न दोमनस्सहेतुका विपस्सनामग्गफलधम्मा उप्पन्ना, तत्थ कथं दोमनस्ससमञ्जं आरोपेत्वा वोहरतीति आह “**अञ्जेसं पटिपत्तिदस्सनवसेन दोमनस्सन्ति गहेत्वा**”तिआदि। **सवितक्कसविचारदोमनस्सेति** सवितक्कसविचारनिमित्ते दोमनस्से। तीहि मासेहि निब्बत्तेतब्बा तेमासिका, तं **तेमासिकं**। इमा च तेमासिकादयो पटिपदा तथापवत्तउक्कट्टुमज्झिममुदिन्द्रियवसेन वेदितब्बा, अधिकमज्झिममुदुस्साहवसेन वा। **जग्गतीति** जागरिकं अनुयुज्जति।

### महासिवत्थेरवत्थुवण्णना

सहस्सद्विसहस्ससङ्ख्यत्ता **महागणे**।

**अट्ठकथाथेराति** अट्ठकथाय अत्थपटिपुच्छनकथेरा। **अन्तरामग्गेति** भिक्खं गहेत्वा गामतो विहारं पटिगमनमग्गे। **तयो...पे०... गाहापेत्वाति** तीणि चत्तारि उण्हापनानि।

**केनचि पपञ्चेनाति** केनचि सरीरकिच्चभूतेन पपञ्चेन। **सञ्जं अकासि** रत्तियं पच्छतो गच्छन्तं असल्लक्खेन्तो।

कस्मा पन थेरो अन्तेवासिकानं अनारोचेत्वाव गतोति आह “**थेरो किरा**”तिआदि। **अरहत्तं नाम** किन्ति तदधिगमस्स अदुक्करभावं सन्धाय वदति। **चतूहि इरियापथेहीति** चतूहिपि इरियापथेहि पवत्तमानस्स, तस्मा याव अरहत्ताधिगमा सयनं पटिक्खिपामीति अधिप्पायो।

“**अनुच्छविकं नु खो ते एत**”न्ति संवेगजातो वीरियं समुत्तेजेन्तो **अरहत्तं अग्गहेसि** एतकं कालं विपस्सनाय सुचिण्णभावतो जाणस्स परिपाकं गतत्ता।

**परिमज्जीति** परिमसि। केचि पन “**परिमज्जीति** परिवत्तेत्वा थेरेन धोवियमानं परिग्गहेत्वा धोवी”ति अत्थं वदन्ति।

**विपस्सनाय आरम्माणं** नाम उपचारज्झानपठमज्झानादि।

“सवितक्कसविचारदोमनस्से”तिआदीसु वत्तब्बं सोमनस्सेसु वुत्तनयानुसारेण वेदितब्बं ।

३६२. एवरूपाति या अकुसलानं अभिबुद्धिया, कुसलानं परिहानाय च संवत्तति, एवरूपा, सा पन कामूपसज्जितताय “गेहसिता”ति वुच्चतीति आह “गेहसितउपेक्खा”ति । “बालस्सा”तिआदीसु बालकरधम्मयोगतो बालस्स अत्तहितपरहितब्यामूळहताय मूळहस्स पुथूनं किलेसादीनं जननादीहि कारणेहि पुथुज्जनस्स किलेसोधीनं मग्गोधीहि अजितत्ता अनोधिजिनस्स, ओधिजिनो वायपेक्खा, ओधिसो च किलेसानं जितत्ता, तेनस्स सेक्खभावं पटिक्खिपति । सत्तमभवादितो उद्धं पवत्तनविपाकस्स अजितत्ता अविपाकजिनस्स, विपाकजिना वा अरहन्तो अप्पटिसन्धिकत्ता, तेनस्स असेक्खत्तं पटिक्खिपति । अनेकादीनवे सब्बेसम्पि पापधम्मानं मूलभूते सम्मोहे आदीनवानं अदस्सनसीलताय अनादीनवदस्साविनो । आगमाधिगमाभावा अस्सुतवतो । एदिसो एकंसेन अन्धपुथुज्जनो नाम होतीति तस्स अन्धपुथुज्जनभावं दस्सेतुं पुनपि “पुथुज्जनस्सा”ति वुत्तं । एवरूपाति वुत्तप्पकारा सम्मोहपुब्बिका । रूपं सा नातिवत्ततीति रूपानं समतिक्कमनाय कारणं न होति, रूपारम्माणे किलेसे नातिक्कमतीति अधिप्पायो । अज्जाणाविभूतताय आरम्माणे अज्जुपेक्खनवसेन पवत्तमाना लोभसम्पयुत्तउपेक्खा इधाधिप्पेताति तस्स लोभस्स अनुच्छविकमेव आरम्माणं दस्सेन्तो “इट्ठारम्माणे”ति आह । अनतिवत्तमाना अनादीनवदस्सिताय । ततो एव अस्सादानुपस्सनतो तत्थेव लगा । अभिसङ्गस्स लोभस्स वसेन, दुम्मोचनीयताय च तेन लग्गिता विय हुत्वा उप्पन्ना ।

एवरूपाति या अकुसलानं पहानाय, कुसलानञ्च अभिबुद्धिया संवत्तति, एवरूपा, सा पन पब्बज्जादिवसेन पवत्तिया नेक्खम्मूपसज्जिताति आह “नेक्खम्मसिता”ति । इदानि तं पाळिवसेन दस्सेतुं “तत्थ कतमा”तिआदि वुत्तं, तस्सत्थो हेट्ठा वुत्तनयानुसारेण वेदितब्बो । रूपं सा अतिवत्ततीति रूपस्मिं सम्मदेव आदीनवदस्सनतो । रूपनियाताति किलेसेहि अनभिभवनीयतो । इट्ठेति सभावतो, सङ्कप्पतो च इट्ठे आरम्माणे । अरज्जन्तस्साति न रज्जन्तस्स रागं अनुप्पादेन्तस्स । अनिट्ठे अदुस्सन्तस्साति एत्थ वुत्तनयेन अत्थो वेदितब्बो । समं सम्मा योनिस्सो न पेक्खनं असमपेक्खनं, तं पन इट्ठानिट्ठमज्झत्ते विय इट्ठानिट्ठेसुपि बालस्स होतीति “इट्ठानिट्ठमज्झत्ते”ति अवत्वा “असमपेक्खनेन असम्मुहन्तस्सा”ति वुत्तं, तिविधेपि आरम्माणे असमपेक्खनवसेन मुहन्तस्साति अत्थो । विपस्सनाजाणसम्पयुत्ता उपेक्खा । नेक्खम्मसिता उपेक्खा वेदनासभागाति उदासिनाकारेण पवत्तिया, उपेक्खा वेदनाय च सभागा । एत्थ उपेक्खा वाति एत्थ एतस्मिं उपेक्खानिदेसे “उपेक्खा”ति गहिता एव । तस्माति तत्रमज्झत्तुपेक्खायपि इध उपेक्खाग्गहणेन गहितत्ता । तज्हि सन्धाय “पठमदुतियततियचतुत्थज्झानवसेन उप्पज्जनकउपेक्खा”ति वुत्तं ।

तायपि नेक्खम्मसितउपेक्खायाति निद्वारणे भुम्मं । “यं नेक्खम्मवसेना”तिआदि हेट्ठा वुत्तनयत्ता उत्ता नत्थमेव ।

३६३. यदि सक्कस्स तदा सोतापत्तिफलपत्तियाव उपनिस्सयो, अथ कस्मा भगवा याव अरहत्तं देसनं वट्ठेसीति आह “बुद्धानज्ही”तिआदि । तरुणसक्कोति अभिनवो अधुना पातुभूतो सक्को । सम्पति पातुभावज्जि सन्धाय “तरुणसक्को”ति वुत्तं, न तस्स कुमारता, वुद्धता वा अत्थि । गतागतट्ठानन्ति गमनागमनकारणं । न पज्जायति न उपलब्धति । गम्भसेय्यकानज्जि चवन्तानं कम्मजरूपं विगच्छति अनुदेव चित्तजं, आहारजञ्च पच्चयाभावतो, उतुजं पन सुचिरम्पि कालं पवेणिं घट्टेन्तं भस्सन्तं वा सोसन्तं वा किलेसन्तं वा विट्ठतं वा होति, न एवं देवानं । तेसज्जि ओपपातिकत्ता कम्मजरूपे अन्तरधायन्ते सेसतिसन्ततिरूपम्पि तेन सद्धिं अन्तरधायति । तेनाह “दीपसिखागमनं विय होती”ति । सेसदेवता न जानिंसु पुनपि सक्कत्तभावेन तस्मिंयेव ठाने निब्बत्तत्ता । तीसु ठानेसूति सोमनस्सदोमनस्सउपेक्खाविस्सज्जनावसानट्ठानेसु । निब्बत्तितफलमेवाति सप्पिम्हा सप्पिमण्डो विय आगमनीयपटिपदाय

निब्बत्तितफलभूतं लोकुत्तरमगगफलमेव कथितं । सकुणिकाय विय किञ्चि गय्हूपगं उण्णित्वा उड्डेत्वा उल्लङ्घित्वा । अस्साति मगगफलसज्जितस्स अरियस्स धम्मस्स ।

### पातिमोक्खसंवरवण्णना

३६४. पातिमोक्खसंवरायाति पातिमोक्खभूतसीलसंवरायाति अयमेत्थ अत्थोति आह

“उत्तमजेट्ठकसीलसंवराया”ति । “पातिमोक्खसीलज्झि सब्बसीलतो जेट्ठकसील”न्ति दीघवापीविहारवासि सुमत्थेरो वदति, अन्तेवासिको पनस्स तेपिटकचूळनागत्येरो “पातिमोक्खसंवरो एव सीलं, इतरानि पन ‘सीलन्ति वुत्तट्ठानं नाम अत्थी’ति अननुजानन्तो इन्द्रियसंवरो नाम छद्धाररक्खामत्तकं, आजीवपारिसुद्धि धम्मेन समेन पच्चयुष्पादनमत्तकं, पच्चयसन्निस्सितं पटिलद्धपच्चये ‘इद मत्थ’न्ति पच्चवेक्खित्वा परिभुञ्जनमत्तकं, निप्परियायेन पातिमोक्खसंवरोव सीलं । तथा हि यस्स सो भिन्नो, सो इतरानि रक्खितुं अभब्बत्ता असीलो होति । यस्स पन सब्बसो अरोगो सेसानं रक्खितुं भब्बत्ता सम्पन्नसीलो”ति वदति, तस्मा इतरेसं तस्स परिवारभावतो, सब्बसो एकदेसेन च तदन्तोगधभावतो तदेव पधानसीलं नामाति आह “उत्तमजेट्ठकसीलसंवराया”ति । तत्थ यथा हेट्ठा पपञ्चसज्जासङ्खानिरोधसारुप्पगामिनिं पटिपदं पुच्छितेन भगवता पपञ्चसज्जानं, पटिपदाय च मूलभूतं वेदनं विभजित्वा पटिपदा देसिता सक्कस्स अज्झासयवसेन संकिलेसधम्मप्पहानमुखेन वोदानधम्मपारिपूरीति, एवं तस्सा एव पटिपदाय मूलभूतमि सीलसंवरं पुच्छितेन भगवता यतो सो विसुज्झति, यथा च विसुज्झति, तदुभयं सक्कस्स अज्झासयवसेन विभजित्वा दस्सेतुं “कायसमाचारम्पी”तिआदि वुत्तं संकिलेसधम्मप्पहानमुखेन वोदानधम्मपारिपूरीति कत्वा । सीलकथायं असेवितब्बकायसमाचारादिकथने कारणं वुत्तमेव, तस्मा कम्मपथवसेनाति कुसलाकुसलकम्मपथवसेन ।

कम्मपथवसेनाति च कम्मपथविचारवसेन । कम्मपथभावं अपत्तानमि हि कायदुच्चरितादीनं असेवितब्बकादीनं असेवितब्बकायसमाचारादिभावो इध वुच्चतीति । पण्णत्तिवसेनाति सिक्खापदपण्णत्तिवसेन । यतो यतो हि या या वेरमणी, तदुभयेपि विभावेन्तो पण्णत्तिवसेन कथेति नाम । तेनाह “कायद्वारे”तिआदि । सिक्खापदं वीतिक्कमति एतेनाति सिक्खापदवीतिक्कमो, सिक्खापदस्स वीतिक्कमनाकारेन पवत्तो अकुसलधम्मो यं, तस्स असेवितब्बकायसमाचारादिता । वीतिक्कमपटिपक्खो अवीतिक्कमो, न वीतिक्कमति एतेनाति अवीतिक्कमो, सीलं ।

मिच्छा सम्मा च परियेसति एतायाति परियेसना, आजीवो, अत्थतो पच्चयगवेसनब्यापारो कायवचीद्वारिको । यदि एवं कस्मा विसुं गहणन्ति आह “यस्मा”तिआदि । अरिया निद्दोसा परियेसना गवेसनाति अरियपरियेसना, अरियेहि साधूहि परियेसितब्बातिपि अरियपरियेसनाति । वुत्तविपरियायतो अनरियपरियेसना वेदितब्बा ।

जातिधम्मोति जायनसभावो जायनपकतिको । जराधम्मोति जीरणसभावो । ब्याधिधम्मोति ब्याधिसभावो । मरणधम्मोति मीयनसभावो । सोकधम्मोति सोचनकसभावो । संकिलेसधम्मोति संकिलिस्सनसभावो ।

पुत्तभरियन्ति पुत्ता च भरिया च । एस नयो सब्बत्थ । द्वन्द्वेकत्तवसेन तेसं निद्वेसो । जातरूपरजतन्ति एत्थ पन यतो विकारं अनापज्जित्वा सब्बं जातरूपमेव होतीति जातरूपं नाम सुवण्णं । धवलसभावताय रजतीति रजतं, रूपियं । इध पन सुवण्णं ठपेत्वा यं किञ्चि उपभोगपरिभोगारहं “रजत”न्त्वेव गहितं वोहारूपगमासकादि । जातिधम्मा हेते, भिक्खवे, उपधयोति एते कामगुणूपधयो नाम होन्ति, ते सब्बेपि जातिधम्माति दस्सेति ।

ब्याधिधम्मवारादीसु जातरूपरजतं न गहितं । न हेतस्स सीसरोगादयो ब्याधयो नाम सन्ति, न सत्तानं विय चुतिसङ्घातं मरणं, न सोके उप्पज्जति, **चुतिसङ्घातं मरणन्ति** च एकभवपरियापन्नखन्धनिरोधो, सो तस्स नत्थि, खणिकनिरोधो पन खणे खणे लब्धतेव । रागादीहि पन संकिलेसेहि संकिलिस्सतीति **संकिलेसधम्मवारे** गहितं जातरूपं, तथा उतुसमुट्ठानत्ता **जातिधम्मवारे**, मलं गहेत्वा **जीरणतो जराधम्मवारे च** । अरियेहि न अरणीया, परियेसनातिपि **अनरियपरियेसना** ।

इदानी अनेसनावसेनापि तं दस्सेतुं “**अपिचा**”तिआदि वुत्तं । इमिना नयेन सुक्कपक्खेपि अत्थो वेदितब्बो ।

**सम्भारपरियेसनं** पहरणविसादिगवेसनं, पयोगवसेन **पयोगकरणं** तज्जावायामजननं तादिसं उपक्कमनिब्बत्तनं, पाणातिपातादिअत्थं **गमनं**, पच्चेकं **काल-**सद्दो योजेतब्बो “सम्भारपरियेसनकालतो पट्ठाय, पयोगकरणकालतो पट्ठाय, गमनकालतो पट्ठाय”ति । इतरोति “सेवितब्बो”ति वुत्तकायसमाचारादिको । **चित्तम्पि उप्पादेतब्बं** । तथा उप्पादितचित्तो हि सति पच्चयसमवाये तादिसं पयोगं परक्कमं करोन्तो पटिपत्तिया मत्थकं गण्हाति । तेनाह “चित्तुप्पादम्पि खो अहं, भिक्खवे, कुसलेसु धम्मेषु बहुपकारं वदामी”ति (म० नि० १.८४) ।

इदानी तं मत्थकप्पत्तं असेवितब्बं, सेवितब्बञ्च दस्सेतुं “**अपिचा**”तिआदि वुत्तं । **सङ्गभेदादीनन्ति आदि-**सद्देन लोहितुप्पादनादिं सङ्गण्हाति । बुद्धरतनसङ्गरतनुपट्ठानेहेव धम्मरतनुपट्ठानसिद्धीति आह “**दिवसस्स द्वत्तिक्खत्तुं तिण्णं रतनानं उपट्ठानगमनादिवसेना**”ति । **धनुग्गहपेसनं** धनुग्गहपुरिसानं उय्योजनं । **आदि-**सद्देन पञ्चवरयाचनादिं सङ्गण्हाति । “अजातसत्तुं पसादेत्वा लाभुप्पादवसेन परिहीनलाभसक्कारस्स कुलेसु विज्जापन”न्ति एवमादिं अनरियपरियेसनं परियेसन्तानं ।

**पारिपूरियाति** पारिपूरिअत्थं । अग्गमग्गफलवसेनेव हि सेवितब्बानं पारिपूरीति तदत्थं सब्बा पुब्बभागपटिपदा, पातिमोक्खसंवरोपि अग्गमग्गेनेव परिपुण्णो होतीति तदत्थं पुब्बभागपटिपदं वत्वा निगमेन्तो “**पातिमोक्खो...पे०...होती**”ति आह ।

### इन्द्रियसंवरवण्णना

**३६५. इन्द्रियानं पिधानायाति** इन्द्रियानं पिदहनत्थाय । **इन्द्रियानि** च चक्खादीनि द्वारानि, तेसं **पिधानं** संवरणं अकुसलुप्पत्तितो गोपनाति आह “**गुत्तद्वारताया**”ति । असेवितब्बरूपादिवसेन इन्द्रियेषु अगुत्तद्वारता असंवरो, संकिलेसधम्मविष्णहानवसेन वोदानधम्मपारिसुद्धीति । कामं पाळियं असेवितब्बम्पि रूपादि दस्सितं, सक्केन पन इन्द्रियसंवराय पटिपत्ति पुच्छिताति तमेव निवत्तेत्वा दस्सेतुं **अट्ठकथायंवुत्तं “चक्खुविज्जेय्यं रूपम्पीतिआदि सेवितब्बरूपादिवसेन इन्द्रियसंवरदस्सनत्थं वुत्तं”**न्ति । “तुण्ही अहोसी”ति वत्वा तुण्हीभावस्स कारणं ब्यतिरेकमुखेन विभावेतुं “**कथेतुकामोपी**”तिआदि वुत्तं । अयन्ति सक्को देवानं इन्दो ।

**रूपन्ति** रूपायतनं, तस्स असेवनं नाम अदस्सनं एवाति आह “**न सेवितब्बं न दट्ठब्बं**”न्ति । यं पन सत्तसन्तानगतं रूपं **पस्सतो** पटिकूलमनसिकारवसेन, **असुभसज्जा वा सण्ठाति** दस्सनानुत्तरियवसेन । अथ वा कम्मफलसद्देहनवसेन **पसादो वा उप्पज्जति** । हुत्वा अभावाकारसल्लक्खणेन **अनिच्चसज्जापटिलाभो वा होति** ।

परियायक्खरणतो **अक्खरं**, वण्णो, सो एव निरन्तरुप्पत्तिया समुद्धितो पदवाक्यसज्जितो, अधिप्पेतमत्थं ब्यज्जेतीति **ब्यज्जनं**, तयिदं काव्यनाटकादिगतवेवचनवसेन, उच्चारणवसेन च विचित्तसन्निवेसताय तथापवत्तविकप्पनवसेन

चित्तविचित्तभावेन उपतिट्टनकं सन्धायाह “यं चित्तक्खरं चित्तव्यञ्जनमि सद्दं सुणतो रागादयो उप्पज्जन्ती”ति ।  
अत्थनिस्सितन्ति सम्परायिकत्थनिस्सितं । धम्मनिस्सितन्ति विवदुधम्मनिस्सितं, लोकुत्तररतनत्तयधम्मनिस्सितं वा ।  
पसादोति रतनत्तयसद्भा, कम्मफलसद्भापि । निब्बिदा वाति अनिच्चसज्जादिवसेन वट्टतो उक्कण्ठा वा ।

गन्धरसाविपरोधादिवसेन सेवियमानं अयोनिस्सो पटिपन्नत्ता असेवितब्बं नाम । योनिस्सो पच्चवेक्खित्वा सेवियमानं  
सम्पज्जवसेन गहणतो सेवितब्बं नाम । तेन वुत्तं “यं गन्धं घायतो”तिआदि ।

यं पन फुसतोति यं पन सेवितब्बं फोटुब्बं अनिप्फन्नस्सेव फुसतो । आसवक्खयो चेव होति जागरियानुयोगस्स  
मत्थकप्पत्तितो । वीरियञ्च सुपग्गहितं होति चतुत्थस्स अरियवंसस्स उक्कंसनतो । पच्छिमा च...पे०... अनुग्गहिता  
होति सम्पापटिपत्तियं नियोजनतो ।

ये मनोविज्जेय्ये धम्मे इट्ठादिभेदे समन्नाहरन्तस्स आवज्जन्तस्स आपाथं आगच्छन्ति । “मनोविज्जेय्या धम्मा”ति  
विभत्ति विपरिणामेतब्बा, मेत्तादिवसेन समन्नाहरन्तस्स ये मनोविज्जेय्या धम्मा आपाथं आगच्छन्ति, एवरूपा सेवितब्बाति  
योजना । आदि-सद्देन करुणादीनञ्चेव अनिच्चादीनञ्च सङ्गहो दट्टब्बो । तिण्णं थेरानं धम्माति इदानीं वुच्चमानपटिपत्तीनं  
तिण्णं थेरानं मनोविज्जेय्या धम्मा । बहि धावितुं न अदासिन्ति अन्तोपरिवेणं आगतमेव रूपादिं आरब्ध इमस्मिं तेमासे  
कम्मट्ठानविनिमुत्तं चित्तं कदाचि उप्पन्नपुब्बं, अन्तोपरिवेणे च विसभागरूपादीनं असम्भवो एव, तस्मा विसटवितक्कवसेन  
चित्तं बहि धावितुं न अदासिन्ति दस्सेति । निवासगेहतो निवासनगम्भतो । नियकज्झत्तखन्धपञ्चकतो विपस्सनागोचरतो ।  
थेरो किर सब्बमि अत्तना कातब्बकिरियं कम्मट्ठानसीसेनेव पटिपज्जति ।

३६६. असम्मोहसम्पज्जवसेन अद्वेज्जाभावतो एको अन्तो एतस्साति एकन्तो, एकन्तो वादो एतेसन्ति  
एकन्तवादा । तेनाह “एकंयेव वदन्ती”ति, अभिन्नवादाति अत्थो । एकाचाराति समानाचारा । एकलद्धिकाति  
समानलद्धिका । एकपरियोसानाति समाननिट्ठाना ।

इति सक्को पुब्बे अत्तना सुतं पृथुसमणब्राह्मणानं नानावादा चारलद्धिनिट्ठानं इदानीं सच्चपटिवेधेन असारतो जत्वा  
ठितो, तस्स कारणं जातुकामो तमेव ताव ब्यतिरेकमुखेन पुच्छति “सब्बेव धम्मा नु खो”तिआदिना ।

धातूति अज्झासयधातु उत्तरपदलोपेन वुत्ता, अज्झासयधातूति च अत्थतो अज्झासयो एवाति आह  
“अनेकज्झासयो नानज्झासयो”ति । “एकस्मिं गन्तुकामे एको ठातुकामो होती”ति इदं निदस्सनवसेन वुत्तं  
इरियापथेपि नाम सत्ता एकज्झासया दुल्लभा, पगेव लद्धीसूति दस्सनत्थं । यं यदेव अज्झासयन्ति यं यमेव  
सस्सतादिअज्झासयं । अभिनिविसन्तीति तं तं लद्धिं दिट्ठाभिनिवेसवसेन अभिमुखा हुत्वा दुप्पटिनिस्सग्गिभावेन  
निविसन्ति, आदानग्गाहं गण्हन्ति । थामेन च परामासेन चाति दिट्ठिथामेन च दिट्ठिपरामासेन च । सुट्ठु गण्हित्वाति  
अतिविय दळ्हग्गाहं गण्हित्वा । वोहरन्तीति यथाभिनिविट्ठं दिट्ठिवादं पज्जापेन्ति परे हि गाहेन्ति पतिट्ठपेन्ति । तेनाह  
“कथेन्ति दीपेन्ति कित्तेन्ती”ति, उग्घोसेन्तीति अत्थो ।

अन्तं अतीता अच्चन्ता, अच्चन्ता निट्ठा एतेसन्ति अच्चन्तनिट्ठा । सब्बेसन्ति सब्बेसं समणब्राह्मणानं ।  
योगक्खेमोतिपि निब्बानं चतूहिपि योगेहि अनुप्पदुट्ठत्ता । “अच्चन्तयोगक्खेमा”ति वत्तब्बे इ-कारेन निद्वेसेन  
“अच्चन्तयोगक्खेमी”ति वुत्तं, अच्चन्तयोगक्खेमो वा एतेसं अत्थीति अच्चन्तयोगक्खेमीति । चरन्ति उपगच्छन्ति,



अधिगच्छन्तीति अत्थो । परियस्सति परिकिस्सति वट्टदुक्खन्तं आगम्माति परियोसानन्तिपि निब्बानस्स नामं ।

**सङ्घिणातीति** समुच्छिन्दनेन खेपेति । **विनासेतीति** ततो एव सब्बसो अदस्सनं पापेति । **विमुत्ताति** वट्टदुक्खतो अच्चन्तनिग्गमेन विसेसेन मुत्ता ।

“इस्सामच्छरियं एको पज्जो”ति कस्मा वुत्तं, ननु इस्सामच्छरियं विस्सज्जनन्ति? सच्चमेतं, यो पन जातुं इच्छितो अत्थो, सो पज्जो । सो एव च विस्सज्जीयतीति नायं दोसो, अज्जथा अम्बं पुट्टस्स लबुजं ब्याकरणं विय सिया, एवं पज्जसीसेन पज्जब्याकरणं वदति । तथा हि “पियाप्पियं”न्तिआदिना विस्सज्जनपदानेव गहितानि, “**पियाप्पियं एको**”तिआदीसुपि एसेव नयो । **पपञ्चसज्जाति** सज्जासीसेन पपञ्चा एव वुत्ताति आह “**पपञ्चो एको**”ति । एत्थ च यथा पातिमोक्खसंवरपुच्छा कायसमाचारादिविभागेन विस्सज्जितत्ता तयो पज्जा जाता, एवं इन्द्रियसंवरपुच्छा रूपादिविभागेन विस्सज्जितत्ता छ पज्जा सियुं । तथा सति एकूनवीसति पुच्छा सियुं, अथ इन्द्रियसंवरतासामज्जेन एकोव पज्जो कतो, एवं सति पातिमोक्खसंवरपुच्छाभावसामज्जेन तेषि तयो एकोव पज्जोति सब्बेव द्वादसेव पज्जा भवेय्युन्ति? नयिदमेवं । यस्मा कायसमाचारादीसु विभज्ज वुच्चमानेसु महाविसयताय अपरिमाणो विभागो सम्भवति विस्सज्जेतुं । सकलम्पि विनयपिटकं तस्स निद्वेसो । रूपादीसु पन विभज्ज वुच्चमानेसु अप्पविसयताय न तादिसो विभागो सम्भवति विस्सज्जेतुं । इति महाविसयताय पातिमोक्खसंवरपुच्छा तयो पज्जा कता, इन्द्रियसंवरपुच्छा पन अप्पविसयताय एकोव पज्जो कतो । तेन वुत्तं “चुट्ठस महापज्जा”ति ।

**३६७. चलनट्टेनाति** कम्पनट्टेन । तण्हा हि कामरागरूपरागअरूपरागादिवसेन पवत्तिया अनवट्टितताय सयम्पि चलति, यत्थ उप्पन्ना, तम्पि सन्तानं भवादीसु परिकट्टेनेन चालेति, तस्मा चलनट्टेन तण्हा एजा नाम । **पीळनट्टेनाति** विबाधनट्टेन तस्स तस्स दुक्खस्स हेतुभावेन । **पदुस्सनट्टेनाति** अधम्मरागादिभावेन, सम्मुखपरंमुखेन, किलेसासुचिपगघरणेन च पकारतो दुस्सनट्टेन **गण्डो** । **अनुप्पविट्टेनाति** आसयस्स दुन्नीहरणीयभावेन अनुप्पविसनट्टेन । **कट्टति** अत्तनो च रुचिया उपनेति । **उच्चावचन्ति** पणीतभावं, निहीनभावञ्च । **येसु** समणब्राह्मणेसु । “येसाह”न्तिपि पाळि, तस्सा केचि “येसं अह”न्ति अत्थं वदन्ति । **एवन्ति** सुतानुरूपं, उग्गहानुरूपञ्च । “अहं खो पन भन्ते अज्जेसं समणब्राह्मणानं धम्माचरियो होन्तोपि भगवतो सावको...पे०... सम्बोधिपरायणो”ति एवं **अत्तनो सोतापन्नभावं जानापेति** ।

### सोमनस्सपटिलाभकथावण्णना

**३६८. समापन्नोति** समोगाळ्हो पवत्तसम्पहारो वियातिब्यूळ्हो । **जिनिंसूति** यथा असुरा पुन सीसं उक्खिपितुं नासक्खिंसु, एवं देवा विजिनिंसुयेवाति दस्सेन्तो आह “**देवा पुन अपच्चागमनाय असुरे जिनिंसू**”ति । तादिसो हिस्स जयो सातिसयं वेदपटिलाभाय अहोसि । **दुविधम्पि ओजन्ति** दिब्बं, असुरं चाति द्विप्पकारम्पि ओजं । **देवायेव परिभुज्जिस्सन्ति** असुरानं पवेसाभावतो । दण्डस्स अवचरणं आवरणं **दण्डावचरो**, सह दण्डावचरेनाति **सदण्डावचरो**, दण्डेन पहरित्वा वा आवरित्वा वा साधेतब्बन्ति अत्थो ।

**३६९. इमस्मिंयेव ओकासेति** इमिस्समेव इन्दसालगुहायं । **देवभूतस्स** मेति पुब्बेपि देवभूतस्स सक्कस्सेव मे भूतस्स । **सतोति** इदानिपि सक्कस्सेव सतो पुनरायु च मे लद्धो ।

दिविया कायाति दिब्बा, खन्धपञ्चकसङ्घाता कायाति आह “दिब्बा अत्तभावा”ति । “अमूळ्हो गब्भं एस्सामी”ति इमिना अरियसावकानं अन्धपुथुज्जनानं विय सम्मोहमरणं, असम्पजानगब्भोक्कमनञ्च नत्थि, अथ खो असम्मोहमरणञ्चेव सम्पजानगब्भोक्कमनञ्च होतीति दस्सेति । अरियसावका नियतगतिकत्ता सुगतीसु एव उप्पज्जन्ति, तत्थापि मनुस्सेसु उप्पज्जन्ता उळारेसु एव कुलेसु पटिसन्धिं गण्हिस्सन्ति, सक्कस्सापि तादिसो अज्झासयो । तेन वुत्तं पाळियं “यत्थ मे रमती मनो”ति, तं सन्धायाह “यत्थ मे”तिआदि । सक्को पन अत्तनो दिब्बानुभावेनापि तादिसं जानितुं सक्कोतियेव ।

कारणेनाति युत्तेन अरियसावकभावस्स अनुच्छविकेन । तेनाह “समेना”ति ।

सकदागामिमगं सन्धाय वदति छट्टे अत्थवसे अनागामिमगस्स वक्खमानत्ता । आजानितुकामोति अप्पत्तं विसेसं पटिविज्झितुकामो । मनुस्सलोके अन्तो भविस्सति पुन मानुस्सूपपत्तिया अभावतो ।

पुनदेवाति मनुस्सेसु उप्पन्नो ततो चवित्वा पुनदेव । इमस्मिं तावतिसदेवलोकस्मिं । उत्तमो, कीदिसोति आह “सक्को”तिआदि ।

अन्तिमे भवेति मम सब्बभवेसु अन्तिमे सब्बपरियोसाने भवे । “आयुना”ति इमिना च तंसहभाविनो सब्बेपि वण्णादिके सङ्गणहाति । “पञ्जाया”ति च इमिना सब्बेपि सद्भासतिवीरियादिके । तस्मिं अत्तभावेति तस्मिं सब्बन्तिमे सक्कत्तभावे । अकनिट्टगामी हुत्वाति अन्तरायपरिनिब्बायिआदिभावं अनुपगन्त्वा एकंसतो उद्धंसतो अकनिट्टगामी एव हुत्वा । ततो एव अनुक्कमेन अविहादीसु निब्बत्तन्तो । एवमाहाति “सो निवासो भविस्सती”ति एवमाह । “अविहादीसु... पे०... निब्बत्तिस्सती”ति सङ्केपतो वुत्तमत्थं विवरितुं “एस किरा”तिआदि वुत्तं । अयञ्च नयो न केवलं सक्कस्सेव, अथ खो महासेट्ठिमहाउपासिकानम्पि होतियेवाति दस्सेन्तो “सक्को देवराजा”तिआदिमाह ।

३७०. भवसम्पत्तिनिब्बानसम्पत्तीनं वसेन अपरिपुण्णज्झासयताय अनिट्ठितमनोरथो तं तं पत्तुकामोयेव हुत्वा ठितो । ये च समणेति ये च पब्बजिते । पविवित्तविहारिनोति “अनेकविवेकत्तयं परिब्रूहेत्वा विहरन्ती”ति मज्जामि ।

सम्पादनाति मगगस्स उपसम्पादनं तस्स सम्पापनं सम्मदेव पापनं । विराधनाति अनाराधना अनुपायपटिपत्ति । न सम्भोन्तीति अनभिसम्भुणन्ति । यथापुच्छिते अत्थे अनभिसम्भुणनं नाम सम्मा कथेतुं असमत्थता एवाति आह “सम्पादेत्वा कथेतुं न सक्कोन्ती”ति ।

तस्माति यस्मा आदिच्चैन समानगोत्तताय । तेनेवाह “आदिच्च नाम गोत्तेना”ति, तस्मा । आदिच्चो बन्धु एतस्साति आदिच्चबन्धु, अथ वा आदिच्चस्स बन्धूति आदिच्चबन्धु, भगवा, तं आदिच्चबन्धुनं । आदिच्चो हि सोतापन्नताय भगवतो ओरसपुत्तो । तेनेवाह —

“यो अन्धकारे तमसि पभङ्करो,  
वेरोचनो मण्डली उगगतेजो ।  
मा राहु गिली चरं अन्तलिक्खे,  
पजं ममं राहु पमुञ्च सूरिय”न्ति ॥ (सं० नि० १.९१) ।

सामन्ति सामंपयोगं, सत्थु पन सावकस्स सामंपयोगो नाम सनिपातो एवाति आह “नमक्कारं करोमा”ति ।

३७१. परामसित्वाति “इमाय नाम पथवियं निसिन्नेन मया अयं अच्छरियधम्मो अधिगतो”ति सोमनस्सजातो, “इमाय नाम पथवियं एवं अच्छरियब्भुतं बुद्धरतनं उप्पन्न”न्ति अच्छरियब्भुतचित्तजातो च पथविं परामसित्वा । पत्थितपज्हाति दीघरत्तानुसयितसंसयसमुग्धातत्थं “कदा नु खो भगवन्तं पुच्छितुं लभामी”ति एवं अभिपत्थितपज्हा । यं पनेत्थ अत्थतो न विभत्तं, तं सुविज्जेय्यमेवाति ।

सक्कपज्हुसुत्तवण्णनाय लीनत्थप्पकासना ।

## ९. महासतिपट्टानसुत्तवण्णना

### उद्देसवारकथावण्णना

३७३. “कस्मा भगवा इदं सुत्तमभासी”ति असाधारणं समुद्धानं पुच्छति, साधारणं पन “पाकट”न्ति अनामसित्वा “कुरुरट्टवासीन”न्तिआदि वुत्तं । समुद्धानन्ति हि देसनानिदानं, तं साधारणासाधारणभेदतो दुविधं, साधारणम्पि अज्झत्तिकबाहिरभेदतो दुविधं । तत्थ साधारणं अज्झत्तिकं समुद्धानं नाम भगवतो महाकरुणा । ताय हि समुस्साहितस्स भगवतो वेनेय्यानं धम्मदेसनाय चित्तं उदपादि । यथाह “सत्तेसु च कारुज्जतं पटिच्च बुद्धचक्खुना लोकं वोलोकेसी”तिआदि । (दी० नि० २.६९; म० नि० १.२८३; २.३३९; सं० नि० १.१७२; महाव० ९) बाहिरं पन साधारणं समुद्धानं नाम दससहस्समहाब्रह्मपरिवारस्स सहम्पतिमहाब्रह्मनो अज्झेसनं । तथा चाह “ब्रह्मनो च अज्झेसनं विदित्वा”ति । (दी० नि० २.६९; म० नि० १.२८३; २.३३९; सं० नि० १.१७९; महाव० ९) तदज्झेसनुत्तरकालज्हि धम्मपच्चवेक्खणाजनितं अप्पोस्सुक्कतं पटिपस्सम्भेत्वा भगवा धम्मं देसेतुं उस्साहजातो अहोसि । यथा च महाकरुणा, एवं दसबलजाणादयो च देसनाय अज्झत्तसमुद्धानभावे वत्तब्बा । सब्बज्हि जेय्यधम्मं, तेसं देसेतव्वप्पकारं, सत्तानज्च आसयानुसयादिं याथावतो जानित्वा भगवा ठानाट्टानादीसु कोसल्लेन वेनेय्यज्झासयानुरूपं विचित्तनयदेसनं पवत्तेसीति । असाधारणम्पि अज्झत्तिकबाहिरभेदतो दुविधमेव । तत्थ अज्झत्तिकं याय महाकरुणाय, येन च देसनाजाणेन इदं सुत्तं पवत्तितं, तदुभयं वेदितव्वं, बाहिरं पन दस्सेतुं “कुरुरट्टवासीन”न्तिआदिमाह । तेन वुत्तं “असाधारणं समुद्धानं पुच्छती”ति, तेन “अत्तज्झासयादीसु चतूसु सुत्तनिक्खेपेसु कतरोय”न्ति सुत्तनिक्खेपो पुच्छितो होतीति इतरो “कुरुरट्टवासीन”न्तिआदिना “परज्झासयोयं सुत्तनिक्खेपो”ति दस्सेति ।

कुरुरट्टं किर तदा तंनिवासिसत्तानं योनिसोमनसिकारवन्ततादिना येभुय्येन सुप्पटिपन्नताय, पुब्बे च कतपुज्जताबलेन तदा उतुआदिसम्पत्तियुत्तमेव अहोसि । तेन वुत्तं “उतुपच्चयादिसम्पन्नता”ति । आदि-सद्देन भोजनादिसम्पत्तिं सङ्गण्हाति । केचि पन “पुब्बे पवत्तकुरुवत्तधम्मनुद्धानवासनाय उत्तरकुरु विय येभुय्येन उतुआदिसम्पन्नमेव होन्तं भगवतो काले सातिसयं उतुसप्पायादियुत्तं तं रट्ठं अहोसी”ति वदन्ति । चित्तसरीरकल्लतायाति चित्तस्स, सरीरस्स च अरोगताय । अनुगगहितपज्जाबलाति लद्धूपकारजाणानुभावा, अनु अनु वा आचिण्णपज्जातेजा । एकवीसतिया ठानेसुति कायानुपस्सनावसेन चुद्धससु ठानेसु, वेदनानुपस्सनावसेन एकस्मिं ठाने, तथा चित्तानुपस्सनावसेन, धम्मनुपस्सनावसेन पच्चसु ठानेसूति एवं एकवीसतिया ठानेसु । कम्मद्धानं अरहत्ते पक्खिपित्वाति चतुसच्चकम्मद्धानं यथा अरहत्तं पापेति, एवं देसनावसेन अरहत्ते पक्खिपित्वा । सुवण्णचङ्कोटकसुवण्णमज्जूसासु पक्खित्तानि सुमनचम्पकादिनानापुप्फानि, मणिमुत्तादिसत्तरतनानि च यथा भाजनसम्पत्तिया सविसेसं सोभन्ति, किच्चकरानि च होन्ति मनुज्जभावतो, एवं

सीलदस्सनादिसम्पत्तिया भाजनविसेसभूताय कुरुरद्वुवासिपरिसाय देसिता भगवतो अयं देसना भिख्योसो मत्ताय सोभति, किच्चकारी च होतीति इममत्थं दस्सेति “**यथा हि पुरिसो**”ति आदिना। **एत्था**ति कुरुरद्वे।

**पकतिया**ति सरसतोपि, इमिस्सा सतिपट्टानसुत्तदेसनाय पुब्बेपीति अधिप्पायो। **अनुयुत्ता विहरन्ति** सत्थु देसनानुसारतो भावनानुयोगं।

**विस्सट्ठअत्तभावेना**ति अनिच्चादिवसेन किस्मिञ्च योनिसोमनसिकारे चित्तं अनियोजेत्वा रूपादिआरम्भणे अभिरतिवसेन विस्सट्ठचित्तेन **भवितुं न वट्टति**, पमादविहारं पहाय अप्पमत्तेन भवितव्वन्ति अधिप्पायो।

**एकायनो**ति एत्थ **अयन-**सद्दो मग्गपरियायो। न केवलं अयनमेव, अथ खो अज्जेपि बहू मग्गपरियायाति पदुद्धारं करोन्तो “मग्गस्स ही”ति आदिं वत्वा यदि मग्गपरियायो अयन-सद्दो, कस्मा पुन “मग्गो”ति वुत्तन्ति चोदनं सन्धायाह “**तस्मा**”ति आदि। तत्थ **एकमग्गो**ति एको एव मग्गो। न हि निब्बानगामिमग्गो अज्जो अत्थीति। ननु सतिपट्टानं इध मग्गोति अधिप्पेतं, तदज्जे च बहू मग्गधम्मा अत्थीति? सच्चं अत्थि, ते पन सतिपट्टानग्गहणेनेव गहिता तदविनाभावतो। तथा हि जाणवीरियादयो निद्वेसे गहिता, उद्वेसे पन सतिया एव गहणं वेनेय्यज्झासयवसेनाति दट्ठब्बं। “**न द्विधापथभूतो**”ति इमिना इमस्स मग्गस्स अनेकमग्गभावाभावं विय अनिब्बानगामिभावाभावञ्च दस्सेति। **एकेना**ति असहायेन। असहायता च दुविधा अत्तदुतियताभावेन वा, या “वूपकट्टकायता”ति वुच्चति, तण्हादुतियताभावेन वा, या “पविवित्तचित्ता”ति वुच्चति। तेनाह “**वूपकट्टेन पविवित्तचित्तेना**”ति। सेट्ठोपि लोके “एको”ति वुच्चति “याव परे एकाहं वो करोमी”ति आदीसूति आह “**एकस्साति सेट्ठस्सा**”ति। यदि संसारतो निस्सरणद्वो अयनद्वो, अज्जेसम्पि उपनिस्सयसम्पन्नानं साधारणतो, कथं भगवतोति आह “**किञ्चापी**”ति आदि। **इमस्मिं खो**ति एत्थ **खो-**सद्दो अवधारणे, तस्मा इमस्मिं येवाति अत्थो। **देसनाभेदोयेव हेसो**, यदिदं “मग्गो”ति वा “अयनो”ति वा। **अयन-**सद्दो वा कम्मकरणादिविभागो। तेनाह “**अत्थतो पन एको वा**”ति।

**नानामुखभावाननयप्पवत्तो**ति कायानुपस्सनादिमुखेन तत्थापि आनापानादिमुखेन भावनानयेन पवत्तो। **एकायनन्ति** एकगामिनं, निब्बानगामिनन्ति अत्थो। निब्बानज्झि अदुतियभावतो, सेट्ठभावतो च “एक”न्ति वुच्चति। यथाह “एकज्झि सच्चं न दुतीयमत्थी”ति (सु० नि० ८९०)। “यावता भिक्खवे धम्मा सङ्गता वा असङ्गता वा विरागो तेसं अग्गं अक्खायती”ति। (अ० नि० ४.३४; इतिवु० ९०) खयो एव अन्तोति **खयन्तो**, जातिया खयन्तं दिट्ठवाति **जातिखयन्तदस्सी**। अविभागेन सब्बेपि सत्ते हितेन अनुकम्पतीति **हितानुकम्पी**। **अतरिंसूति** तरिंसु। **पुब्बे**ति पुरिमका बुद्धा, पुब्बे वा अतीतकाले।

तन्ति तेसं वचनं, तं वा किरियावुत्तिवाचकत्तं **न युज्जति**। न हि सङ्खेय्यप्पधानताय सत्तवाचिनो एकसद्दस्स किरियावुत्तिवाचकता अत्थि। “सकिम्पि उद्धं गच्छेय्या”ति आदीसु (अ० नि० ७.७२) विय **सकिं अयनोति इमिना व्यज्जेनेन भवितव्वं**। **एवमत्थं योजेत्वा**ति “एकं अयनं अस्सा”ति एवं समासपदत्थं योजेत्वा। **उभयथापीति** पुरिमनयेन, पच्छिमनयेन च। **न युज्जति** इधाधिप्पेतमग्गस्स अनेकवारं पवत्तिसम्भावतो। तेनाह “**कस्मा**”ति आदि। “**अनेकवारम्पि अयती**”ति पुरिमनयस्स अयुत्ततादस्सनं, “**अनेकज्जस्स अयनं होती**”ति पच्छिमनयस्स।

**इमस्मिं पदे**ति “एकायनो अयं भिक्खवे मग्गो”ति इमस्मिं वाक्ये, इमस्मिं वा “पुब्बभागमग्गो, लोकुत्तरमग्गो”ति विधानपदे। **मिस्सकमग्गो**ति लोकियेन मिस्सको लोकुत्तरमग्गो। विसुद्धिआदीनं निप्परियायहेतुकं सङ्गहन्तो

आचरियथेरो “मिस्सकमग्गो”ति आह । इतरो परियायहेतु इधाधिप्पेतीति “पुब्बभागमग्गो”ति अवोच ।

सदं सुत्वाति “कालो भन्ते धम्मसवनाया”ति कालारोचनसदं पच्चक्खतो, परम्पराय च सुत्वा । एवं उक्खिपित्वाति एवं “सुन्दरं मनोहरं इमं कथं छड्डेमा”ति अछड्डेन्ता उच्छुभारं विय पग्गहेत्वा न विचरन्ति । आलुळेतीति विलुळितो आकुलो होतीति अत्थो । एकायनमग्गो वुच्चति पुब्बभागसतिपट्टानमग्गोति एत्तावता इधाधिप्पेतत्थे सिद्धे तस्सेव अलङ्कारत्थं सो पन यस्स पुब्बभागमग्गो, तं दस्सेतुं “मग्गानट्टङ्गिको”ति आदिका गाथापि पटिसम्भिदामग्गतोव आनेत्वा ठपिता ।

निब्बानगमनट्टेनाति निब्बानं गच्छति अधिगच्छति एतेनाति निब्बानगमनं, सोयेव अविपरीतसभावताय अत्थो, तेन निब्बानगमनट्टेन, निब्बानाधिगमूपायतायाति अत्थो । मग्गनीयट्टेनाति गवेसितब्बताय । “गमनीयट्टेना”ति वा पाठो, उपगन्तब्बतायाति अत्थो । “रागादीही”ति इमिना रागदोसमोहानंयेव गहणं “रागो मलं, दोसो मलं, मोहो मलं”न्ति (विभ० ९२४) वचनतो । “अभिज्झाविसमलोभादीही”ति पन इमिना सब्बेसम्पि उपक्किलेसानं सङ्गहनत्थं ते विसुं उद्धटा । “सत्तानं विसुद्धिया”ति वुत्तस्स अत्थस्स एकन्तिकतं दस्सेन्तो “तथा ही”ति आदिमाह । कामं “विसुद्धिया”ति सामञ्जजोतना, चित्तस्सेव पन विसुद्धि इधाधिप्पेताति दस्सेतुं “रूपमलवसेन पना”ति आदि वुत्तं । न केवलं अट्टकथावचनमेव, अथ खो इदं एत्थ आहच्च भासितन्ति दस्सेन्तो “तथा ही”ति आदिमाह ।

सा पनायं चित्तविसुद्धि सिज्झमाना यस्मा सोकादीनं अनुप्पादाय संवत्तति, तस्मा वुत्तं “सोकपरिदेवानं समतिक्कमाया”ति आदि । तत्थ सोचनं जातिव्यसनादिनिमित्तं चेतसो सन्तापो अन्तोनिज्झानं सोको । जातिव्यसनादिनिमित्तमेव सोकावतिण्णतो “कहं एकपुत्तक कहं एकपुत्तका”ति आदिना (म० नि० २.३५३, ३५४; सं० नि० २.६३) परिदेवनवसेन वाचाविप्पलापो परिदवनं परिदेवो । आर्यति अनुप्पज्जनं इध समतिक्कमोति आह “पहानाया”ति । तं पनस्स समतिक्कमावहतं निदस्सनवसेन दस्सेन्तो “अयज्ही”ति आदिमाह ।

तत्थ यं पुब्बे, तं विसोधेहीति अतीतेसु खन्धेसु तण्हासंकिलेसविसोधनं वुत्तं । पच्छाति परतो । तेति तुय्हुं । माहूति मा अहु । किञ्चनन्ति रागादिकिञ्चनं, एतेन अनागतेसु खन्धेसु संकिलेसविसोधनं वुत्तं । मज्झेति तदुभयवेमज्झे । नो चे गहेस्ससीति न उपादियिस्ससि चे, एतेन पच्चुप्पन्ने खन्धप्पबन्धे उपादानप्पवत्ति वुत्ता । उपसन्तो चरिस्ससीति एवं अद्धत्तयगतसंकिलेसविसोधने सति निब्बुतसब्बपरिळाहताय उपसन्तो हुत्वा विहरिस्ससीति अरहत्तनिकूटेन गाथं निट्ठपेसि । तेनाह “इमं गाथ”न्ति आदि ।

पुत्ताति ओरसा, अज्जेपि वा दिन्नककित्तिमादयो ये केचि । पिताति जनको, अज्जेपि वा पितुट्टानिया । बन्धवाति जातका । अयज्हेत्थ अत्थो — पुत्ता वा पिता वा बन्धवा वा अन्तकेन मच्चुना अधिपन्नस्स अभिभूतस्स मरणतो ताणाय न होन्ति । कस्मा? नत्थि जातीसु ताणताति । न हि जातीनं वसेन मरणतो आरक्खा अत्थि, तस्मा पटाचारे “उभो पुत्ता कालङ्कता”ति आदिना (अप० थेरी १.४९८) मा निरत्थकं परिदेवि, धम्मंयेव पन याथावतो पस्साति अधिप्पायो । सोतापत्तिफले पतिट्ठिताति यथानुलोमं पवत्तिताय सामुक्कंसिकाय धम्मदेसनाय परियोसाने सहस्सनयपटिमण्डिते सोतापत्तिफले पतिट्ठिहि । कथं पनायं सतिपट्टानमग्गवसेन सोतापत्तिफले पतिट्ठासीति आह “यस्मा पना”ति आदि । न हि चतुसच्चकम्मट्टानकथाय विना सावकानं अरियमग्गाधिगमो अत्थि । “इमं गाथं सुत्वा”ति पनिदं सोकविनोदनवसेन पवत्तिताय गाथाय पठमं सुतत्ता वुत्तं, सापि हि सच्चदेसनाय परिवारबन्धा एव अनिच्चताकथाति कत्वा । इतरगाथायं पन वत्तब्बमेव नत्थि । भावनाति पज्जाभावना । सा हि इध अधिप्पेता । तस्माति यस्मा रूपादीनं अनिच्चादितो अनुपस्सनापि

सतिपट्टानभावनाव, तस्मा । तेपीति सन्ततिमहामत्तपटाचारापि ।

**पञ्चसते चोरे**ति सतसतचोरपरिवारे पञ्चचोरे पटिपाटिया **पेसेसि**, ते अरञ्जं पविसित्वा थेरं परियेसन्ता अनुक्कमेन थेरस्स समीपे समागच्छिंसु । तेनाह “**ते गन्त्वा थेरं परिवारेत्वा निसीदिंसू**”ति । **वेदनं विक्खम्भेत्वा**ति ऊरुट्ठिभेदपच्चयं दुक्खवेदनं अमनसिकारेण विनोदेत्वा । **पीतिपामोज्जं उप्पज्जि** विप्पटिसारलेसस्सपि असम्भवतो । तेनाह “**परिसुद्धं सीलं निस्साया**”ति । थेरस्स हि सीलं पच्चवेक्खतो परिसुद्धं सीलं निस्साय उळारं पीतिपामोज्जं उप्पज्जमानं ऊरुट्ठिभेदजनितं दुक्खवेदनं विक्खम्भेसि । **तियामरत्तिन्ति** अच्चन्तसंयोगे उपयोगवचनं, तेनस्स विपस्सनायं अप्पमादं, पटिपत्तिउस्सुक्कापनञ्च दस्सेति । **पादानीति** पादे । **संयमेस्सामीति** सञ्जपेस्सामि, सञ्जत्तिं करिस्सामीति अत्थो । **अट्टियामीति** जिगुच्छामि । **हरायामीति** लज्जामि । **विपस्सिसन्ति** सम्पस्सिं ।

**पचलायन्तानन्ति** पचलायिकानं निद्वं उपगतानं । **अगतित्ति** अगोचरं । **वतसम्पन्नोति** धुतगुणसम्पन्नो । **पमादन्ति** पचलायनं सन्धायाह । **ओरुद्धमानसोति** उपरुद्धअधिचित्तो । **पञ्जरस्मिन्ति** सरीरे । सरीरज्झि न्हारुसम्बन्धअट्टिसङ्घाटताय इध “**पञ्जर**”न्ति वुत्तं ।

पीतवण्णाय पन पटाकाय कायं परिहरणतो, मल्लयुद्धचित्तकताय च “**पीतमल्लो**”ति पञ्जातो पब्बजित्वा **पीतमल्लत्थेरो नाम** जातो । **तीसु रज्जेसूति** पण्डुचोळगोळरज्जेसु । “**सब्बमल्ला सीहळदीपे सक्कारसम्मानं लभन्ती**”ति **तम्बपण्णिदीपं आगम्म** । **तंयेव अङ्कुसं कत्वा**ति “रूपादयो ‘ममा’ति न गहेतब्बा”ति नतुम्हाकवग्गेण पकासितमत्थं अत्तनो चित्तमत्तहत्थिनो अङ्कुसं कत्वा । **पादेसु अवहन्तेसूति** अतिवेलं चङ्कमनेन अक्कमितुं असमत्थेसु । **जण्णुकेहि चङ्कमति** “**निसिन्ने निद्वाय अवसरो होती**”ति । **ब्याकरित्वा**ति अत्तनो वीरियारम्भस्स सफलतापवेदनमुखेन सब्रह्मचारीनं तत्थ उस्साहं जनेन्तो अञ्जं ब्याकरित्वा । **भासितन्ति** वचनं, कस्स पन तन्ति आह “**बुद्धसेट्ठस्स सब्बलोकगगवादिनो**”ति । “**न तुम्हाक**”न्तिआदि तस्स पवत्तिआकारदस्सनं । तयिदं मे सङ्घारानं अच्चन्तवूपसमकारणन्ति दस्सेन्तो “**अनिच्चा वता**”ति गाथमाहरि, तेन इदानाहं सङ्घारानं खणे खणे भङ्गसङ्घातस्स रोगस्स अभावेन अरोगो परिनिब्बुतोति दस्सेति ।

**अस्साति** सक्कस्स । **उपपत्तीति** देवूपपत्ति । **पुन पाकतिकाव अहोसि** सक्कभावेनेव उपपन्नत्ता ।

**सुब्रह्माति** एवंनामो । अच्छरानं निरयूपपत्तिं दिस्वा ततो पभुति सततं पवत्तमानं अत्तनो चित्तुत्रासं सन्धायाह “**निच्चं उत्रस्तमिदं चित्तं**”न्तिआदि । तत्थ **उत्रस्तन्ति** सन्तस्तं भीतं । **उब्बिग्गन्ति** संविग्गं । **उत्रस्तन्ति** वा संविग्गं । **उब्बिग्गन्ति** भयवसेन सह निस्सयेन सञ्चलितं । **अनुप्पन्नेसूति** अनागतेसु । **किच्चेसूति** तेसु तेसु इतिकत्तब्बेसु । “**किच्चेसू**”ति वा पाठो, दुक्खेसूति अत्थो, निमित्तत्थे चेतं भुम्मं, भाविदुक्खनिमित्तन्ति अत्थो । **उप्पतितेसूति** उप्पन्नेसु किच्चेसूति योजना । तदा अत्तनो परिवारस्स उप्पन्नं दुक्खं सन्धाय वदति ।

**बोज्झाति** बोधितो, अरियमग्गतोति अत्थो । “**अञ्जत्रा**”ति च पदं अपेक्खित्वा निस्सक्कवचनं, बोधिं ठपेत्वाति अत्थो । सेसेसुपि एसेव नयो । **तपसाति** तपोकम्मतो, तेन मग्गाधिगमस्स उपायभूतं सल्लेखपटिपदं दस्सेति । **इन्द्रियसंवराति** मनच्छट्ठानं इन्द्रियानं संवरणतो, एतेन सतिसंवरसीसेन सब्बम्पि संवरसीलं, लक्खणहारनयेन वा सब्बम्पि चतुपारिसुद्धिसीलं दस्सेति । **सब्बनिस्सग्गाति** सब्बस्सपि निस्सज्जनतो सब्बकिलेसप्पहानतो । किलेसेसु हि निस्सट्ठेसु कम्मवट्ठं, विपाकवट्ठञ्च निस्सट्ठमेव होतीति । **सोत्थिन्ति** खेमं अनुपह्वतं ।

जायति निच्छयेन कमति निब्बानं, तं वा जायति पटिविज्झीयति एतेनाति जायो, अरियमग्गोति आह “जायो वुच्चति अरियो अट्ठङ्गिको मग्गो”ति । तण्हावानविरहितत्ताति तण्हासङ्घातवानविवित्तत्ता । तण्हा हि खन्धेहि खन्धं, कम्मुना फलं, सत्तेहि च दुक्खं विनति संसिब्बतीति “वान”न्ति वुच्चति, तयिदं नत्थि एत्थ वानं, न वा एतस्मिं अधिगते पुग्गलस्स वानन्ति निब्बानं, असङ्घता धातु । परप्पच्चयेन विना पच्चक्खकरणं सच्छिकिरियाति आह “अत्तपच्चक्खताया”ति ।

ननु “विसुद्धिया”ति चित्तविसुद्धिया अधिप्पेतत्ता विसुद्धिगहणेनेवेत्थ सोकसमतिक्कमादयोपि गहिता एव होन्ति, ते पुन कस्मा गहिताति अनुयोगं सन्धाय “तत्थ किञ्चापी”तिआदि वुत्तं । सासनयुत्तिकोविदेति सच्चपटिच्चसमुप्पादादिलक्खणायं धम्मनीतियं छेके । तं तमत्थं जापेतीति ये ये बोधनेय्यपुग्गला सङ्खेपवित्थारादिवसेन यथा यथा बोधेतब्बा, अत्तनो देसनाविलासेन भगवा ते ते तथा तथा बोधेन्तो तं तमत्थं जापेति । तं तं पाकटं कत्वा दस्सेन्तोति अत्थापत्तिं अगणेन्तो तं तमत्थं पाकटं कत्वा दस्सेन्तो । न हि सम्मासम्बुद्धो अत्थापत्तिजापकादिसाधनीयवचनाति । संवत्ततीति जायति, होतीति अत्थो । यस्मा अनतिक्कन्तसोकपरिदेवस्स न कदाचि चित्तविसुद्धि अत्थि सोकपरिदेवसमतिक्कमनमुखेनेव चित्तविसुद्धिया इज्जनतो, तस्मा आह “सोकपरिदेवानं समतिक्कमेन होती”ति । यस्मा पन दोमनस्सपच्चयेहि दुक्खधम्मोहि फुट्ठं पुथुज्जनं सोकादयो अभिभवन्ति, परिज्जातेसु च तेसु ते न होन्ति, तस्मा वुत्तं “सोकपरिदेवानं समतिक्कमो दुक्खदोमनस्सानं अत्थङ्गमेना”ति । जायस्साति अग्गमग्गस्स, ततियमग्गस्स च । तदधिगमेन हि यथाक्कमं दुक्खदोमनस्सानं अत्थङ्गमो । सच्छिकिरियाभिसमयसहभावीपि इतराभिसमयो तदविनाभावतो सच्छिकिरियाभिसमयहेतुको विय वुत्तो । जायस्साधिगमो निब्बानस्स सच्छिकिरियायाति फलजाणेन वा पच्चक्खकरणं सन्धाय वुत्तं, “निब्बानस्स सच्छिकिरियाया”ति सम्पदानवचनञ्चेतं दट्ठब्बं ।

वण्णभणनन्ति पसंसावचनं । तयिदं न इधेव, अथ खो अज्जत्थापि सत्थु आचिण्णं एवाति दस्सेन्तो “यथेव ही”तिआदिमाह । तत्थ आदिमिह कल्याणमादि वा कल्याणं एतस्साति आदिकल्याणं । सेसपदद्वयेपि एसेव नयो । अत्थसम्पत्तिया सात्थं । ब्यज्जनसम्पत्तिया सब्यज्जनं । सीलादिपञ्चधम्मक्खन्धपारिपूरितो, उपनेतब्बस्स अभावतो च केवलपरिपुण्णं । निरुपक्विकलेसतो अपनेतब्बस्स च अभावतो परिसुद्धं । सेट्ठचरियभावतो सासनब्रह्मचरियं, मग्गब्रह्मचरियञ्च वो पकासेस्सामीति । अयमेत्थ सङ्खेपो, वित्थारो पन विसुद्धिमग्गे (विसुद्धि १.१४७) वुत्तनयेनेव वेदितब्बो । अरियवंसाति अरियानं बुद्धादीनं वंसा पवेणियो । अग्गज्जाति अग्गाति जानितब्बा सब्बवंसेहि सेट्ठभावतो । रत्तज्जाति चिररत्ताति जानितब्बा । वंसज्जाति बुद्धादीनं वंसाति जानितब्बा । पोराणाति पुरातना अनधुनातनत्ता । असङ्किण्णाति अविकिण्णा अनपनीता । असङ्किण्णपुब्बाति “किं इमेही”ति अरियेहि न अपनीतपुब्बा । न सङ्कीयन्तीति इदानीपि तेहि न अपनीयन्ति । न सङ्कीयिस्सन्तीति अनागतेपि तेहि न अपनीयिस्सन्ति । अप्पटिकुट्टा...पे०... विज्जूहीति ये लोके विज्जू समणब्राह्मणा, तेहि अप्पच्चक्खता अनिन्दिता, अगर्हिताति अत्थो । “विसुद्धिया”तिआदीहीति विसुद्धिआदिदीपनेहि । पदेहीति वाक्येहि, विसुद्धिअत्थतादिभेदभिन्नेहि वा धम्मकोट्टासेहि । उपद्वेति अनत्थे । विसुद्धिन्ति विसुज्जनं संकिलेसप्पहानं । वाचुग्गतकरणं उग्गहो । परियापुणनं परिचयो । अत्थस्स हृदये ठपनं धारणं । परिवत्तनं वाचनं ।

गन्धारकोति गन्धारदेसे उप्पन्नो । प्होन्तीति सक्कोन्ति । अनिय्यानिकमग्गाति मिच्छामग्गा, मिच्छत्तनियतानियतमग्गापि वा । सुवण्णन्ति कूटसुवण्णम्मि वुच्चति । मणीति काचमणिपि, मुत्ताति वेळुजापि, पवाळन्ति पल्लवोपि वुच्चतीति रत्तजम्बुनदादिपदेहि ते विसेसिता ।

न ततो हेट्ठाति इधाधिपेतकायादीनं वेदनादिसभावत्ताभावा, कायवेदनाचित्तविमुत्तस्स तेभूमकधम्मस्स विसुं विपल्लासवत्थन्तरभावेन गहितत्ता च हेट्ठा गहणेसु विपल्लासवत्थूनं अनिद्वानं सन्धाय वुत्तं, पञ्चमस्स पन विपल्लासवत्थुनो अभावा “न उद्ध”न्ति आह। आरम्भणविभागेन हेत्थ सतिपट्टानविभागोति। तयो सतिपट्टानाति सतिपट्टान-सदस्स अत्थुद्धारदस्सनं, न इध पाळियं वुत्तस्स सतिपट्टान-सदस्स अत्थदस्सनन्ति। आदीसु हि सतिगोचरोति एत्थ आदि-सद्वेन “फस्ससमुदया वेदनानं समुदयो, नामरूपसमुदया चित्तस्स समुदयो, मनसिकारसमुदया धम्मानं समुदयो”ति (सं० नि० ५.४०८) “सतिपट्टाना”ति वुत्तानं सभिगोचरानं पकासके सुत्तप्पदेसे सङ्गण्हाति। एवं “पटिसम्भिदापाळिय”म्पि (पटि० म० २.३४) अवसेसपाळिप्पदेसदस्सनत्थो आदि-सद्वो दट्ठब्बो। सतिया पट्टानन्ति सतिया पतिट्ठातब्बट्टानं। दानादीनि करोन्तस्स रूपादीनि सतिया ठानं होन्तीति तंनिवारणत्थमाह “पधानं ठान”न्ति। प-सद्वो हि इध “पणीता धम्मा”तिआदीसु (ध० सं० मातिका १४) विय पधानत्थदीपकोति अधिप्पायो।

अरियोति अरियं सब्बसत्तसेट्ठं सम्मासम्बुद्धमाह। एत्थाति एतस्मिं सळायतनविभङ्गसुत्ते। (म० नि० ३.३१०) सुत्तेकदेसेन हि सुत्तं दस्सेति। तत्थ हि —

“तयो सतिपट्टाना यदरियो...पे०... अरहतीति इति खो पनेतं वुत्तं, किञ्चेतं पटिच्च वुत्तं। इध, भिक्खवे, सत्था सावकानं धम्मं देसेति अनुकम्पको हितेसी अनुकम्पं उपादाय ‘इदं वो हिताय इदं वो सुखाया’ति। तस्स सावका न सुस्सूसन्ति। न सोतं ओदहन्ति, न अज्जा चित्तं उपट्ठपेन्ति, वोक्कम्म च सत्थु सासना वत्तन्ति। तत्र, भिक्खवे, तथागतो न चेव अनत्तमनो होति, न च अनत्तमनतं पटिसंवेदेति, अनवस्सुतो च विहरति सतो सम्पजानो। इदं, भिक्खवे, पठमं सतिपट्टानं। यदरियो सेवति...पे०... अरहति।

पुन चपरं, भिक्खवे, सत्था...पे०...इदं वो सुखायाति। तस्स एकच्चे सावका न सुस्सूसन्ति...पे०... न च वोक्कम्म सत्थु सासना वत्तन्ति। तत्र, भिक्खवे, तथागतो न चेव अनत्तमनो होति, न च अनत्तमनतं पटिसंवेदेति, न च अत्तमनो होति, न च अत्तमनतं पटिसंवेदेति, अनत्तमनता च अत्तमनता च तदुभयं अभिनिवज्जेत्वा उपेक्खको विहरति सतो सम्पजानो। इदं वुच्चति, भिक्खवे, दुतियं।

पुन चपरं, भिक्खवे...पे०... सुखायाति, तस्स सावका सुस्सूसन्ति...पे०... वत्तन्ति। तत्र, भिक्खवे, तथागतो अत्तमनो चेव होति, अत्तमनतज्ज पटिसंवेदेति, अनवस्सुतो च विहरति सतो सम्पजानो। इदं वुच्चति, भिक्खवे, ततिय”न्ति (म० नि० ३.३११)।

एवं पटिघानुनयेहि अनवस्सुतता, निच्चं उपट्ठितस्सतिताय तदुभयवीतिवत्तता “सतिपट्टान”न्ति वुत्ता। बुद्धानंयेव हि निच्चं उपट्ठितस्सतिता होति आवेणिकधम्मभावतो, न पच्चेकबुद्धादीनं। प-सद्वो आरम्भं जोतेति, आरम्भो च पवत्तीति कत्वा आह “पवत्तयितब्बतोति अत्थो”ति। सतिया करणभूताय पट्टानं पट्टपेतब्बं सतिपट्टानं। अन-सद्वो हि बहुलंवचनेन कम्मत्थोपि होतीति। तथास्स कत्तुअत्थोपि लब्भतीति “पट्टातीति पट्टान”न्ति वुत्तं। पट्टातीति एत्थ प-सद्वो भुसत्थविसिट्ठं पक्खन्दनं दीपेतीति “ओक्कन्दित्वा पक्खन्दित्वा पत्थरित्वा पवत्ततीति अत्थो”ति आह। पुन भावत्थं सति, सद्वं, पट्टानसद्वज्ज वण्णेन्तो “अथ वा”तिआदिमाह, तेन पुरिमविकप्पे सति, सद्वो, पट्टान-सद्वो च कत्तुअत्थोति विज्जायति। सरणट्ठेनाति चिरकतस्स, चिरभासितस्स च अनुस्सरणट्ठेन। इदन्ति यं “सतियेव सतिपट्टान”न्ति वुत्तं, इदं। इध इमस्मिं सुत्तपदेसे अधिप्पेतं।



यदि एवन्ति । यदि सति एव सतिपट्टानं, सति नाम एको धम्मो, एवं सन्ते कस्मा “सतिपट्टाना”ति बहुवचनन्ति आह “सतिबहुत्ता”ति आदि । यदि बहुका ता सतियो, अथ कस्मा “मग्गो”ति एकवचनन्ति योजना । मग्गट्टेनाति निय्यानट्टेन । निय्यानिको हि मग्गधम्मो, तेनेव निय्यानिकभावेन एकतूपगतो एकन्ततो निब्बानं गच्छति, अत्थिकेहि च तदत्थं मग्गीयतीति आह “वुत्तज्जेत”न्ति, अत्तनाव पुब्बे वुत्तं पच्चाहरति । तत्थ चतस्सोपि चेताति कायानुपस्सनादिवसेन चतुब्बिधापि च एता सतियो । अपरभागेति अरियमग्गकखणे । किच्चं साधयमानाति पुब्बभागे कायादीसु सुभसज्जादिविधमनवसेन विसुं विसुं पवत्तित्वा मग्गकखणे सतियेव तत्थ चतुब्बिधस्सपि विपल्लासस्स समुच्छेदवसेन पहानकिच्चं साधयमाना आरम्भणकरणवसेन निब्बानं गच्छति । चतुकिच्चसाधनेनेव हेत्थ बहुवचननिद्देशो । एवज्ज सतीति एवं मग्गट्टेन एकत्तं उपादाय “मग्गो”ति एकवचनेन, आरम्भणभेदेन चतुब्बिधत्तं उपादाय “चत्तारो”ति च वत्तब्बताय सति विज्जमानत्ता । वचनानुसन्धिना “एकायनो अय”न्ति आदिका देसना सानुसन्धिकाव, न अननुसन्धिकाति अधिष्ठायो । वुत्तमेवत्थं निदस्सनेन पटिपादेतुं “मारसेनप्पमद्दन”न्ति (सं० नि० ५.२२४) सुत्तपदं आनेत्वा “यथा”ति आदिना निदस्सनं संसन्दति । “तस्मा”ति आदि निगमनं ।

विसेसतो कायो, वेदना च अस्सादस्स कारणन्ति तप्पहानत्थं तेसु तण्हावत्थुसु ओळारिकसुखुमेसु असुभदुक्खभावदस्सनानि मन्दतिक्खपज्जेहि तण्हाचरितेहि सुकरानीति तानि तेसं “विसुद्धिमग्गो”ति वुत्तानि । तथा “निच्चं अत्ता”ति अभिनिवेसवत्थुताय दिट्ठिया विसेसकारणेषु चित्तधम्मेषु अनिच्चानत्तादस्सनानि सरागादिवसेन, सज्जाफस्सादिवसेन, नीवरणादिवसेन च नातिप्पभेदातिप्पभेदगतेसु तेसु तप्पहानत्थं मन्दतिक्खपज्जानं दिट्ठिचरितानं सुकरानीति तेसं तानि “विसुद्धिमग्गो”ति वुत्तानि । एत्थ च यथा चित्तधम्मानम्पि तण्हाय वत्थुभावो सम्भवति, तथा कायवेदनानम्पि दिट्ठियाति सतिपि नेसं चतुन्नम्पि तण्हादिट्ठिवत्थुभावे यो यस्सा सातिसयपच्चयो, तं दस्सनत्थं विसेसगगहणं कतन्ति दट्ठब्बं । तिक्खपज्जसमथयानिको ओळारिकारम्भणं परिगणहन्तो तत्थ अट्ठत्वा ज्ञानं समापज्जित्वा उट्ठाय वेदनं परिगणहातीति वुत्तं “ओळारिकारम्भणे असण्ठहनतो”ति । विपस्सनायानिकस्स पन सुखुमे चित्ते, धम्मेषु च चित्तं पक्खन्दतीति चित्तधम्मानुपस्सनानं मन्दतिक्खपज्जविपस्सनायानिकानं विसुद्धिमग्गता वुत्ता ।

तेसं तत्थाति एत्थ तत्थ-सदस्स “पहानत्थ”न्ति एतेन योजना । परतो तेसं तत्थाति एत्थापि एसेव नयो । पज्ज कामगुणा सविसेसा काये लब्धन्तीति विसेसेन कायो कामोघस्स वत्थु, भवेसु सुखगगहणवसेन भवस्सादो होतीति भवोघस्स वेदना वत्थु, सन्ततिघनगगहणवसेन विसेसतो चित्ते अत्ताभिनिवेसो होतीति दिट्ठोघस्स चित्तं वत्थु, धम्मेषु विनिब्भोगस्स दुक्करत्ता, धम्मानं धम्ममत्तताय दुप्पटिविज्झत्ता च सम्मोहो होतीति अविज्जोघस्स धम्मा वत्थु, तस्मा तेसु तेसं पहानत्थं चत्तारोव वुत्ता ।

एवं कायादीनं कामोघादिवत्थुभावकथनेनेव कामयोगकामासवादीनम्पि वत्थुभावो दीपितो होति ओघेहि तेसं अत्थतो अनज्जत्ता । यदग्गेन च कायो कामोघादीनं वत्थु, तदग्गेन अभिज्झाकायगन्थस्स वत्थु । “दुक्खाय वेदनाय पटिघानुसयो अनुसेतो”ति दुक्खदुक्खविपरिणामदुक्खसङ्खारदुक्खभूता वेदना विसेसेन ब्यापादकायगन्थस्स वत्थु । चित्ते निच्चगगहणवसेन सस्सतस्स अत्तनो सीलेन सुद्धीति आदि परामसनं होतीति सीलब्बतपरामासस्स चित्तं वत्थु । नामरूपपरिच्छेदेन भूतं भूततो अपस्सन्तस्स भवविभवदिट्ठिसङ्घातो इदं सच्चाभिनिवेसो होतीति तस्स धम्मा वत्थु । कायस्स कामुपादानवत्थुता वुत्तनयाव । यदग्गेन हि कायो कामोघस्स वत्थु, तदग्गेन कामुपादानस्सपि वत्थु अत्थतो अभिन्नत्ता । सुखवेदनस्सादवसेन परलोकनिरपेक्खो “नत्थि दिन्न”न्ति आदिकं (दी० नि० १.१७१; म० नि० १.४४५; २.९५, २२५; ३.९१, ११६; सं० नि० ३.२१०; ध० स० १२२१; विभ० ९३८) परामासं उप्पादेतीति दिट्ठुपादानस्स वेदना वत्थु । चित्तधम्मानं

इतरुपादानवत्थुता ततियचतुत्थगन्थयोजनायं वुत्तनया एव । कायवेदनानं छन्ददोसागतिवत्थुता कामोघब्यापादकायगन्थयोजनायं वुत्तनया एव । सन्ततिघनगहणवसेन सरागादिचित्ते सम्मोहो होतीति मोहागतिया चित्तं वत्थु । धम्मसभावानवबोधे भयं होतीति भयागतिया धम्मा वत्थु ।

आहारसमुदया कायस्स समुदया, फस्ससमुदया वेदनानं समुदयो, (सं० नि० ५.४०८) सङ्खारपच्चया विज्जाणं, विज्जाणपच्चया नामरूपन्ति (मं० नि० ३.१२६; उदा० १; विभ० २२५) वचनतो कायादीनं समुदयभूता कबळीकारफस्समनोसज्चेतनाविज्जाणाहारा कायादिपरिजाननेन परिज्जाता होन्तीति आह “चतुब्बिधाहारपरिज्जत्थ”न्ति । पकरणनयोति नेत्तिपकरणवसेन सुत्तन्तसंवण्णनानयो ।

सरणवसेनाति कायादीनं, कुसलादिधम्मानज्च उपधारणवसेन । सरन्ति गच्छन्ति निब्बानं एतायाति सतीति इमस्मिं अत्थे एकत्ते एकसभावे निब्बाने समोसरणं समागमो एकत्तसमोसरणं । एतदेव हि दस्सेतुं “यथा ही”तिआदि वुत्तं ।

एकनिब्बानपवेसहेतुभूतो वा समानताय एको सतिपट्टानसभावो एकत्तं, तत्थ समोसरणं एकत्तसमोसरणं, तंसभागताव, एकनिब्बानपवेसहेतुभावं पन दस्सेतुं “यथा”तिआदिमाह । एतस्मिं अत्थे सरणेकत्तसमोसरणानि सहेव सतिपट्टानेकभावस्स कारणत्तेन वुत्तानीति दट्ठब्बानि, पुरिमस्मिं विसुं । सरणवसेनाति वा गमनवसेनाति अत्थे सति तदेव गमनं समोसरणन्ति, समोसरणे वा सति-सद्वत्थवसेन अवुच्चमाने धारणताव सतीति सति-सद्वत्थन्तराभावा पुरिमं सतिभावस्स कारणं, पच्छिमं एकभावस्साति निब्बानसमोसरणेपि सहितानेव तानि सतिपट्टानेकभावस्स कारणानि वुत्तानि होन्ति ।

“चुद्दसविधेन, नवविधेन, सोळसविधेन, पञ्चविधेन”ति इदं उपरि पाळियं (दी० नि० २.३७४) आगतानं आनापानपब्बादीनं वसेन वुत्तं, तेसं पन अनन्तरभेदवसेन, तदनुगतभेदवसेन च भावनाय अनेकविधता लब्धतियेव, चतूसु दिसासु उट्टानकभण्डसदिसता कायानुपस्सनादितंतंसतिपट्टानभावानानुभावस्स दट्ठब्बा ।

कथेतुकम्यतापुच्छा इतरासं पुच्छानं इध असम्भवतो, निद्वेसादिवसेन देसेतुकम्यताय च तथा वुत्तता । “इधा”ति वुच्चमानपटिपत्तिसम्पादकस्स भिक्खुनो सन्निस्सयदस्सनं, सो चस्स सन्निस्सयो सासनतो अज्जो नत्थीति वुत्तं “इधाति इमस्मिं सासने”ति । धम्म... पे०... लपनमेतं तेसं अत्तनो सम्मुखाभिमुखभावकरणत्थं, तज्ज धम्मस्स सक्कच्चसवनत्थं । “गोचरे भिक्खवे चरथ सके पेत्तिके विसये”तिआदि (दी० नि० ३.८०; सं० नि० ५.३७२) वचनतो भिक्खुगोचरा एते धम्मा, यदिदं कायानुपस्सनादयो । तत्थ यस्मा कायानुपस्सनादिपटिपत्तिया भिक्खु होति, तस्मा “कायानुपस्सी विहरती”तिआदिना भिक्खुं दस्सेति भिक्खुम्हि तंनियमतोति आह “पटिपत्तिया भिक्खुभावदस्सनतो”ति । सत्थुचरियानुविधायकत्ता, सकलसासनसम्पटिग्गाहकत्ता च सब्बप्पकाराय अनुसासनिया भाजनभावो । तस्मिं गहितेति भिक्खुम्हि गहिते । भिक्खुपरिसाय जेट्टभावतो राजगमनजायेन इतरा परिसापि अत्थतो गहिताव होन्तीति आह “सेसा”तिआदि । एवं पठमं कारणं विभजित्वा इतरम्पि विभजितुं “यो च इम”न्तिआदि वुत्तं ।

समं चरेय्याति कायादि विसमचरियं पहाय कायादीहि समं चरेय्य । रागादिवूपसमेन सन्तो, इन्द्रियदमेन दन्तो, चतुमगगनियामेन नियतो, सेट्टुचरिताय ब्रह्मचारी, सब्बत्थ कायदण्डादिओरोपनेन निधाय दण्डं । अरियभावे ठितो सो एवरूपो बाहितपापसमितपापभिन्नकिलेसताहि “ब्राह्मणो, समणो, भिक्खू”ति च वेदितब्बो ।

“अयञ्चेव कायो, बहिद्धा च नामरूप”न्ति आदीसु खन्धपञ्चकं, तथा “सुखञ्च कायेन पटिसंवेदेती”ति आदीसु (म० नि० १.२७१, २८७; पारा० ११), “या तस्मिं समये कायस्स पस्सद्भि पटिप्पस्सद्भी”ति आदीसु च वेदनादयो चेतसिका खन्धा कायोति वुच्चन्तीति ततो विसेसनत्थं “कायेति रूपकाये”ति आह । केसादीनञ्च धम्मानन्ति केसादिसञ्जितानं भूतुपादाधम्मानं । एवं “चयड्ढो सरीरड्ढो कायड्ढो”ति सदनयेन काय-सदं दस्सेत्वा इदानीं निरुत्तिनयेनपि तं दस्सेतुं “यथा चा”ति आदि वुत्तं । आयन्तीति उप्पज्जन्ति ।

असम्मिस्सतोति वेदनादयोपि एत्थ सिता, एत्थ पटिबद्धाति काये वेदनादिअनुपस्सनापसङ्गेपि आपन्ने ततो असम्मिस्सतोति अत्थो । समूहविसयताय चस्स काय-सदस्स, समुदायुपादानताय च असुभाकारस्स “काये”ति एकवचनं, तथा आरम्भणादिविभागेन अनेकभेदभिन्नमपि चित्तं चित्तभावसामञ्जेन एकज्झं गहेत्वा “चित्ते”ति एकवचनं, वेदना पन सुखादिभेदभिन्ना विसुं विसुं अनुपस्सितब्बाति दस्सेन्तेन “वेदनासू”ति बहुवचनेन वुत्ता, तथेव च निद्वेसो पवत्तितो, धम्मा च परोपण्णासभेदा, अनुपस्सितब्बाकारेण च अनेकभेदा एवाति तेषि बहुवचनवसेनेव वुत्ता ।

अवयवीगाहसमञ्जातिधावनसारादानाभिनिवेशनिसेधनत्थं कायं अङ्गपच्चङ्गेहि, तानि च केसादीहि, केसादिके च भूतुपादायरूपेहि विनिम्भुज्जन्तो “तथा न काये”ति आदिमाह । पासादादिनगरावयवसमूहे अवयवीवादिनोपि अवयवीगाहं न करोन्ति, “नगरं नाम कोचि अत्थो अत्थी”ति पन केसञ्चि समञ्जातिधावनं सियाति इत्थिपुरिसादिसमञ्जातिधावने नगरनिदस्सनं वुत्तं । अङ्गपच्चङ्गसमूहो, केसलोमादिसमूहो, भूतुपादायसमूहो च यथावुत्तसमूहो, तब्बिनिमुत्तो कायोपि नाम कोचि नत्थि, पगेव इत्थिआदयोति आह “कायो वा इत्थी वा पुरिसो वा अज्जो वा कोचि धम्मो दिस्सती”ति । “कोचि धम्मो”ति इमिना सत्तजीवादिं पटिक्खिपति, अवयवी पन कायपटिक्खेपेनेव पटिक्खित्तोति । यदि एवं कथं कायादिसमञ्जातिधावनानीति आह “यथावुत्तधम्म...पे०... करोन्ती”ति । तथा तथाति कायादिआकारेण ।

यं पस्सतीति यं इत्थिं, पुरिसं वा पस्सति । ननु चक्खुना इत्थिपुरिसदस्सनं नत्थीति? सच्चमेतं, “इत्थिं पस्सामि, पुरिसं पस्सामी”ति पन पवत्तसञ्जाय वसेन “यं पस्सती”ति वुत्तं मिच्छादस्सनेन वा दिट्ठिया यं पस्सति, न तं दिट्ठं तं रूपायतनं न होतीति अत्थो विपरीतगाहवसेन मिच्छापरिकप्पितरूपत्ता । अथ वा तं केसादिभूतुपादायसमूहसङ्घातं दिट्ठं न होति, अचक्खुविज्जाणविज्जेय्यत्ता दिट्ठं वा तं न होति । यं दिट्ठं, तं न पस्सतीति यं रूपायतनं केसादिभूतुपादायसमूहसङ्घातं दिट्ठं, तं पज्जाचक्खुना भूततो न पस्सतीति अत्थो । अपस्सं बज्झतेति इमं अत्तभावं यथाभूतं पज्जाचक्खुना अपस्सन्तो “एतं मम, एसो हमस्मि, एसो मे अत्ता”ति किलेसबन्धनेन बज्झति ।

न अज्जधम्मानुपस्सीति न अज्जसभावानुपस्सी, असुभादितो अज्जाकारानुपस्सी न होतीति अत्थो । “किं वुत्तं होती”ति आदिना तं एवत्थं पाकटं करोति । पथवीकायन्ति केसादिकोट्टासं पथविं धम्मसमूहत्ता “कायो”ति वदति, लक्खणपथविमेव वा अनेकप्पभेदं सकलसरीरगतं, पुब्बापरियभावेन च पवत्तमानं समूहवसेन गहेत्वा “कायो”ति वदति । “आपोकाय”न्ति आदीसुपि एसेव नयो ।

एवं गहेतब्बस्साति “अहं मम”न्ति एवं अत्तत्तनियभावेन अन्धबालेहि गहेतब्बस्स ।

इदानीं सत्तन्नं अनुपस्सनाकारानमपि वसेन कायानुपस्सनं दस्सेतुं “अपिचा”ति आदि आरब्धं । तत्थ अनिच्चतो अनुपस्सतीति चतुसमुद्धानिकं कायं “अनिच्च”न्ति अनुपस्सति, एवं पस्सन्तो एवञ्चस्स अनिच्चाकारमपि “अनुपस्सती”ति वुच्चति । तथाभूतस्स चस्स निच्चगाहस्स लेसोपि न होतीति वुत्तं “नो निच्चतो”ति । तथा हेस

“निच्चसज्जं पजहती”ति (पटि० म० ३.३५) वुत्तो। एत्थ च “अनिच्चतो एव अनुपस्सती”ति एव-कारो लुत्तनिद्धितोति तेन निवत्तितमत्थं दस्सेतुं “नो निच्चतो”ति वुत्तं। न चेत्थ दुक्खतो अनुपस्सनादिनिवत्तनं आसङ्कितब्बं पटियोगीनिवत्तनपरत्ता एव-कारस्स, उपरि देसनारुहत्ता च तासं। “**दुक्खतो अनुपस्सती**”ति आदीसुपि एसेव नयो। अयं पन विसेसो — अनिच्चस्स दुक्खत्ता तमेव च कायं दुक्खतो अनुपस्सति, दुक्खस्स अनत्तत्ता अनत्ततो अनुपस्सति। यस्मा पन यं अनिच्चं दुक्खं अनत्ता, न तं अभिनन्दितब्बं, यच्च न अभिनन्दितब्बं, न तत्थ रज्जितब्बं, तस्मा वुत्तं “**निब्बिन्दति, नो नन्दति। विरज्जति, नो रज्जती**”ति। सो एवं अरज्जन्तो रागं निरोधेति, नो समुदेति समुदयं न करोतीति अत्थो। एवं पटिपन्नो च **पटिनिस्सज्जति, नो आदियति**। अयञ्चि अनिच्चादिअनुपस्सना तदङ्गवसेन सङ्घि कायं तन्निस्सयखन्थाभिसङ्घारेहि किलेसानं परिच्चजनतो, सङ्घतदोसदस्सनेन तब्बिपरीते निब्बाने तन्निन्ताय पक्खन्दनतो “परिच्चागपटिनिस्सग्गो चेव पक्खन्दनपटिनिस्सग्गो चा”ति वुच्चति, तस्मा ताय समन्नागतो भिक्खु वुत्तनयेन किलेसे परिच्चजति, निब्बाने च पक्खन्दति, तथाभूतो च निब्बत्तनवसेन किलेसे न आदियति, नापि अदोसदस्सितावसेन सङ्घतारम्मणं, तेन वुत्तं “पटिनिस्सज्जति, नो आदियती”ति। इदानिस्स ताहि अनुपस्सनाहि येसं धम्मानं पहानं होति, तं दस्सेतुं “**अनिच्चतो अनुपस्सन्तो निच्चसज्जं पजहती**”ति आदि वुत्तं। तत्थ **निच्चसज्जन्ति** “सङ्घारा निच्चा”ति एवं पवत्तं विपरीतसज्जं। दिट्ठिचित्तविपल्लासप्पहानमुखेनेव सज्जाविपल्लासप्पहानन्ति सज्जागहणं, सज्जासीसेन वा तेसम्पि गहणं दट्ठब्बं। **नन्दिन्ति** सप्पीतिकतण्हं। सेसं वुत्तनयमेव।

“**विहरती**”ति इमिना कायानुपस्सनासमङ्गिनो इरियापथविहारो वुत्तोति आह “**इरियती**”ति, इरियापथं पवत्तेतीति अत्थो। आरम्मणकरणवसेन अभिब्यापनतो “**तीसु भवेसू**”ति वुत्तं, उप्पज्जनवसेन पन किलेसा परित्तभूमका एवाति। यदिपि किलेसानं पहानं आतापनन्ति तं सम्मादिट्ठिआदीनम्पि अत्थेव, आतप्प-सद्दो विय पन आतापसद्दो वीरियेयेव निरुहोति वुत्तं “**वीरियस्सेतं नाम**”न्ति। अथ वा पटिपक्खप्पहाने सम्पयुत्तधम्मानं अब्भुस्सहनवसेन पवत्तमानस्स वीरियस्स सातिसयं तदातापनन्ति वीरियमेव तथा वुच्चति, न अज्जे धम्मा। **आतापी**ति चायमीकारो पसंसाय, अतिसयस्स वा दीपकोति आतापीगहणेन सम्मप्पधानसमङ्गितं दस्सेति। सम्मा, समन्ततो, सामञ्च पजानन्तो **सम्पजानो**, असम्पिस्सतो ववत्थाने अज्जधम्मानुपस्सिताभावेन सम्मा अविपरीतं, सब्बाकारपजाननेन समन्ततो, उपरूपरि विसेसावहभावेन पवत्तिया सामं पजानन्तोति अत्थो। यदि पज्जाय अनुपस्सति, कथं सतिपट्टानताति आह “**न ही**”ति आदि। **सब्बत्थिकन्ति** सब्बत्थ भवं सब्बत्थ लीने, उद्धते च चित्ते इच्छितब्बत्ता। सब्बे वा लीने, उद्धते च भावेतब्बा बोज्झङ्गा अत्थिका एतायाति **सब्बत्थिका**। सतिया लद्धुपकाराय एव पज्जाय एत्थ यथावुत्ते काये कम्मट्ठानिको भिक्खु कायानुपस्सी विहरति। अन्तो **सङ्खेपो** अन्तोओलीयनो, कोसज्जन्ति अत्थो। **उपायपरिग्गहेति** एत्थ सीलविसोधनादि, गणनादि, उग्गहकोसल्लादि च उपायो, तब्बिपरियायतो **अनुपायो** वेदितब्बो। यस्मा च उपट्ठितस्सति यथावुत्तं उपायं न परिच्चजति, अनुपायञ्च न उपादियति, तस्मा वुत्तं “**मुट्ठस्सती ...पे०... असमत्थो होती**”ति। तेनाति उपायानुपायानं परिग्गहपरिवज्जनेसु, परिच्चागापरिग्गहेसु च असमत्थभावेन। **अस्स** योगिनो।

यस्मा सतियेवेत्थ सतिपट्टानं वुत्तं, तस्मास्स सम्पयुत्तधम्मा वीरियादयो अङ्गन्ति आह “**सम्पयोगङ्गञ्चस्स दस्सेत्वा**”ति। **अङ्ग**-सद्दो चेत्थ कारणपरियायो दट्ठब्बो। सतिगहणेनेव चेत्थ समाधिस्सापि गहणं दट्ठब्बं तस्सा समाधिक्खन्धे सङ्गहितत्ता। यस्मा वा सतिसीसेनायं देसना। न हि केवलाय सतिया किलेसप्पहानं सम्भवति, निब्बानाधिगमो वा, नापि केवला सति पवत्तति, तस्मास्स ज्ञानदेसनायं सवितक्कादिवचनस्स विय सम्पयोगङ्गदस्सनताति अङ्ग-सद्दस्स अवयवपरियायता दट्ठब्बा। **पहानङ्गन्ति** “विविच्चेव कामेही”ति आदीसु (दी० नि० १.२२६; म० नि० १.२७१, २८७, २९७; सं० नि० २.१५२; अ० नि० ४.१२३; पारा० ११) विय पहातब्बङ्गं **दस्सेतुं**। यस्मा एत्थ लोकियमग्गो

अधिप्येतो, न लोकोत्तरमगो, तस्मा पुब्बभागियमेव विनयं दस्सेन्तो “तदङ्गविनयेन वा विक्खम्भनविनयेन वा”ति आह। तेसं धम्मानन्ति वेदनादिधम्मानं। तेसङ्गि तत्थ अनधिप्येतत्ता “अत्थुद्धारनयेनेतं वुत्त”न्ति वुत्तं। तत्थाति विभङ्गे। एत्थाति “लोके”ति एतस्मिं पदे।

अविसेसेन द्वीहिपि नीवरणप्पहानं वुत्तन्ति कत्वा पुन एकेकेन वुत्तं पहानविसेसं दस्सेतुं “विसेसेना”ति आह। अथ वा “विनेय्य नीवरणानी”ति अवत्वा अभिज्झादोमनस्सविनयवचनस्स पयोजनं दस्सेन्तो “विसेसेना”ति आदिमाह। कायानुपस्सनाभावनाय हि उजुविपच्चनीकानं अनुरोधविरोधादीनं पहानदस्सनं एतस्स पयोजनन्ति। कायसम्पत्तिमूलकस्साति रूपबलयोब्बनारोग्यादिसरीरसम्पदानिमित्तस्स। वुत्तविपरियायतो कायविपत्तिमूलको विरोधो वेदितब्बो। कायभावनायाति कायानुपस्सनाभावनाय। सा हि इध कायभावनाति अधिप्येता। सुभसुखभावादीनन्ति आदि-सद्वेन मनुज्जनिच्चतादिसङ्गहो दट्टब्बो। असुभासुखभावादीनन्ति एत्थ पन आदि-सद्वेन अमनुज्जनिच्चतादीनं। तेनाति अनुरोधादिप्पहानवचनेन। “योगानुभावो ही”ति आदि वुत्तस्सेवत्थस्स पाकटकरणं। योगानुभावो हि भावनानुभावो। योगसमत्थोति योगमनुयुज्जितुं समत्थो। पुरिमेन हि “अनुरोधविरोधविप्पमुत्तो”ति आदिवचनेन भावनं अनुयुत्तस्स आनिसंसो वुत्तो, दुतियेन भावनं अनुयुज्जन्तस्स पटिपत्ति। न हि अनुरोधविरोधादीहि उपहुतस्स भावना इज्झति।

अनुपस्सीति एत्थाति “अनुपस्सी”ति एतस्मिं पदे लब्धमानाय अनुपस्सनाय अनुपस्सनाजोतनाय कम्मट्ठानं वुत्तन्ति एवमत्थो दट्टब्बो, अज्जथा “अनुपस्सनाया”ति करणवचनं न युज्जेय्य। अनुपस्सना एव हि कम्मट्ठानं, न एत्थ आरम्भणं अधिप्येतं, युज्जति वा। कायपरिहरणं वुत्तन्ति सम्बन्धो। कम्मट्ठानपरिहरणस्स चेत्थ अत्थसिद्धत्ता “कायपरिहरण”न्त्वेव वुत्तं। कम्मट्ठानिकस्स हि कायपरिहरणं यावदेव कम्मट्ठानं परिहरणत्थन्ति। कम्मट्ठानपरिहरणस्स वा “आतापी”ति आदिना (दी० नि० २.३७३) वुच्चमानत्ता “कायपरिहरण”न्त्वेव वुत्तं। कायगगहणेन वा नामकायस्सापि गहणं, न रूपकायस्सेव, तेनेव कम्मट्ठानपरिहरणम्पि सङ्गहितं होति, एवञ्च कत्वा “विहरतीति एत्थ वुत्तविहारेना”ति एत्थगगहणञ्च समत्थितं होति “कायानुपस्सी विहरती”ति विहारस्स विसेसेत्वा वुत्तत्ता। “आतापी”ति आदि पन सङ्खेपतो वुत्तस्स कम्मट्ठानपरिहरणस्स सह साधनेन वित्थारेत्वा दस्सनं। आतापेनाति आतापगगहणेन। “सतिसम्पजज्जेना”ति आदीसुपि एसेव नयो। सब्बत्थककम्मट्ठानन्ति बुद्धानुस्सति, मेत्ता, मरणस्सति, असुभभावना च। इदङ्गि चतुक्कं योगिना परिहरियमानं “सब्बत्थककम्मट्ठान”न्ति वुच्चति, सब्बत्थ कम्मट्ठानानुयोगस्सारक्खभूतत्ता सतिसम्पजज्जबलेन अविच्छिन्नस्स परिहरितब्बत्ता सतिसम्पजज्जगगहणेन तस्स वुत्तत्ता वुत्ता। सतिया वा समत्थो वुत्तो तस्सा समाधिक्खन्धेन सङ्गहितत्ता।

विभङ्गे(विभ० कायानुपस्सनानिद्वेसे) पन अत्थो वुत्तोति योजना। तेनाति सद्वत्थं अनादियित्वा भावत्थस्सेव विभजनवसेन पवत्तेन विभङ्गपाठेन सह। अट्टकथानयोति सद्वत्थस्सापि विवरणवसेन यथारहं वुत्तो अत्थसंवण्णनानयो। यथा संसन्दतीति यथा अत्थतो, अधिप्पायतो च अविलोमेन्तो अज्जदत्थु संसन्दति समेति, एवं वेदितब्बो।

वेदनादीनं पुन वचनेति एत्थ निस्सयपच्चयभाववसेन चित्तधम्मानं वेदनासन्निस्सितत्ता, पञ्चवोकारभवे अरूपधम्मानं रूपपटिबद्धवुत्तितो च वेदनाय कायादिअनुपस्सनाप्पसङ्गेपि आपन्ने ततो असम्मिस्सतो ववत्थानं दस्सनत्थं, घनविनिब्भोगादिदस्सनत्थञ्च दुतियं वेदनागगहणं, तेन न वेदनायं कायानुपस्सी, चित्तधम्मानुपस्सी वा, अथ खो वेदनानुपस्सी एवाति वेदनासङ्घाते वत्थुस्मिं वेदनानुपस्सनाकारस्सेव दस्सनेन असम्मिस्सतो ववत्थानं दस्सितं होति। तथा

“यस्मिं समये सुखा वेदना, न तस्मिं समये दुःखा, अदुःखमसुखा वा वेदना, यस्मिं वा पन समये दुःखा, अदुःखमसुखा वा वेदना, न तस्मिं समये इतरा वेदना”ति वेदनाभावसामञ्जे अवत्वा तं तं वेदनं विनिष्पुज्जित्वा दस्सनेन घनविनिष्पुगो ध्रुवभावविवेको दस्सितो होति, तेन तासं खणमत्तावद्धानदस्सनेन अनिच्चताय, ततो एव दुःखताय, अनत्ताय च दस्सनं विभावितं होति । **घनविनिष्पुगादीति आदि-**सद्देन अयम्पि अत्थो वेदितब्बो । अयञ्हि वेदनायं वेदानुपस्सी एव, न अज्जधम्मनुपस्सी । किं वुत्तं होति — यथा नाम बालो अमणिसभावेपि उदकपुब्बुळके मणिआकारानुपस्सी होति, न एवं अयं ठितिरमणीयेपि वेदयिते, पगेव इतरस्मिं मनुज्जाकारानुपस्सी, अथ खो खणपभङ्गुरताय, अवसवत्तिताय किलेसासुचिपगघरणताय च अनिच्चअनत्तअसुभाकारानुपस्सी, विपरिणामदुःखताय, सङ्खारदुःखताय च विसेसतो दुःखानुपस्सी येवाति । एवं चित्त धम्मेषुपि यथारहं पुनवचने पयोजनं वत्तब्बं । **लोकिया एव** सम्मसनचारस्स अधिपेतता । **“केवलं पणिधा”**तिआदिना **“इध एत्तकं वेदितब्ब”**न्ति वेदितब्बपरिच्छेदं दस्सेति । **“एस नयो”**ति इमिना यथा चित्तं, धम्मा च अनुपस्सितब्बा, तथा तानि अनुपस्सन्तो चित्ते चित्तानुपस्सी, धम्मेषु धम्मनुपस्सीति वेदितब्बोति इममत्थं अतिदिसति । **दुःखतोति** दुःखसभावतो, दुःखन्ति अनुपस्सितब्बाति अत्थो । सेसपदद्वयेपि एसेव नयो ।

**यो सुखं दुःखतो** अद्वाति यो भिक्खु सुखं वेदनं विपरिणामदुःखताय **“दुःखा”**ति पज्जाचक्खुना अद्दक्खि । **दुःखं अद्दक्खि सल्लतोति** दुःखं वेदनं पीळाजननतो, अन्तोतुदनतो, दुन्नीहरणतो च सल्लतो अद्दक्खि पस्सि । **अदुःखमसुखन्ति** उपेक्खावेदनं । **सन्तन्ति** सुखदुःखानि विय अनोळारिकताय, पच्चयवसेन वूपसन्तसभावताय च सन्तं । **अनिच्चतोति** हुत्वाअभावतो, उदयवयवन्ततो, तावकालिकतो, निच्चपटिपक्खतो च **“अनिच्च”**न्ति यो अद्दक्खि । **स वे सम्मदसो भिक्खु** एकसेन, परिब्यत्तं वा वेदनाय सम्पापस्सनकोति अत्थो ।

**दुःखातिपीति** सङ्खारदुःखताय दुःखा इतिपि । **तं दुःखस्मिन्ति** सब्बं तं वेदयितं दुःखस्मिं अन्तोगधं परियापन्नं वदामि सङ्खारदुःखतानतिवत्तनतो । **सुखदुःखतोपि चाति** सुखादीनं ठितिविपरिणामजाणसुखताय, विपरिणामठितिअज्जाणदुःखताय च वुत्तत्ता तिस्सोपि च सुखतो, तिस्सोपि च दुःखतो **अनुपस्सितब्बाति** अत्थो । सत्त अनुपस्सना हेट्ठा पकासिता एव । **सेसन्ति** यथावुत्तं सुखादिविभागतो सेसं सामिसनिरामिसादिभेदं वेदानुपस्सनायं वत्तब्बं ।

**आरम्मण...पे०... भेदानन्ति** रूपादिआरम्मणनानत्तस्स नीलादितब्भेदस्स, छन्दादिअधिपतिनानत्तस्स हीनादितब्भेदस्स, जाणझानादिसहजातनानत्तस्स ससङ्खारिकासङ्खारिकसवितक्कादितब्भेदस्स, कामावचरादिभूमिनानत्तस्स उक्कट्टमज्झिमादितब्भेदस्स, कुसलादिकम्मनानत्तस्स देवगतिसंवत्तनियतादितब्भेदस्स, कण्हसुक्कविपाकनानत्तस्स दिट्ठधम्मवेदनीयतादितब्भेदस्स, परित्तभूमकादिकिरियानानत्तस्स तिहेतुकादितब्भेदस्स वसेन अनुपस्सितब्बन्ति योजना । **आदि-**सद्देन सवत्थुकावत्थुकादिनानत्तस्स पुगलत्तयसाधारणादितब्भेदस्स च सङ्गहो दट्ठब्बो ।

**सलक्खणसामज्जलक्खणानन्ति** फुसनादितंतलक्खणानज्जेव अनिच्चतादिसामज्जलक्खणानज्ज वसेनाति योजना । **सुज्जतधम्मस्साति** अनत्ततासङ्खातसुज्जतासभावस्स । यं विभावेतुं **अभिधम्मे**“तस्मिं खो पन समये धम्मा होन्ति, खन्था होन्ती”तिआदिना (ध० स० १२१) सुज्जतावारदेसना पवत्ता, तं पहीनमेव पुब्बे पहीनत्ता, तस्मा तस्स तस्स पुन पहानं न वत्तब्बं । न हि किलेसा पहीयमाना आरम्मणविभागेन पहीयन्ति अनागतानंयेव उप्पज्जनारहानं पहातब्बत्ता, तस्मा अभिज्झादीनं एकत्थ पहानं वत्वा इतरत्थ न वत्तब्बं एवाति इममत्थं दस्सेति **“कामज्जेत्था”**तिआदिना । अथ वा मग्गचित्तक्खणे एकत्थ पहीनं सब्बत्थ पहीनमेव होतीति विसुं विसुं पहानं न वत्तब्बं । मग्गेन हि पहीनाति वत्तब्बतं अरहन्ति । तत्थ पुरिमाय चोदनाय नानापुगलपरिहारो, न हि एकस्स पहीनं ततो अज्जस्स पहीनं नाम होति । पच्छिमाय

नानाचित्तक्खणिकपरिहारो । नानाचित्तक्खणेति हि लोकियमगगचित्तक्खणेति अधिप्पायो । पुब्बभागमगगो हि इधाधिप्पेतो । लोकियभावनाय च काये पहीनं न वेदनादीसु विक्खम्भितं होति । यदिपि नप्पवत्तेय्य, पटिपक्खभावनाय सुप्पहीनत्ता तत्थ सा “अभिज्झादोमनस्सस्स अप्पवत्ती”ति न वत्तब्बा, तस्मा पुनपि तप्पहानं वत्तब्बमेव । एकत्थ पहीनं सेसेसुपि पहीनं होतीति लोकुत्तरसतिपट्टानभावनं, लोकियभावनाय वा सब्बत्थ अप्पवत्तिमत्तं सन्धाय वुत्तं । “पञ्चपि खन्धा उपादानक्खन्धा लोको”ति (विभ० ३६२, ३६४, ३६६) हि विभङ्गेचतूसुपि ठानेसु वुत्तन्ति ।

उद्देसवारवण्णनाय लीनत्थप्पकासना ।

## कायानुपस्सना

### आनापानपब्बवण्णना

३७४. आरम्मणवसेनाति अनुपस्सितब्बकायादिआरम्मणवसेन । चतुथा भिन्दित्वाति उद्देसवसेन चतुथा भिन्दित्वा । ततो चतुब्बिधसतिपट्टानतो एकेकं सतिपट्टानं गहेत्वा कायं विभजन्तोति पाठसेसो ।

कथञ्चाति एत्थ कथन्ति पकारपुच्छा, तेन निद्विसियमाने कायानुपस्सनापकारे पुच्छति । च-सद्दो ब्यतिरेको, तेन उद्देसवारेन अपाकटं निद्वेसवारेन विभावियमानं विसेसं जोतेति । बाहिरकेसुपि इतो एकदेसस्स सम्भवतो सब्बप्पकारगगहणं कतं “सब्बप्पकारकायानुपस्सनानिब्बत्तकस्सा”ति, तेन ये इमे आनापानपब्बादिवसेन आगता चुद्धसप्पकारा, तदन्तो गधा च अज्झत्तादिअनुपस्सनाप्पकारा, तथा कायगतासतिसुत्ते (म० नि० ३.१५३) वुत्ता केसादिवण्णसण्ठानकसिणारम्मणचतुक्कज्झानप्पकारा, लोकियादिप्पकारा च, ते सब्बेपि अनवसेसतो सङ्गण्हाति । इमे च पकारा इमस्मियेव सासने, न इतो बहिद्वाति वुत्तं “सब्बप्पकार...पे०... पटिसेधनो चा”ति । तत्थ तथाभावपटिसेधनोति सब्बप्पकारकायानुपस्सनानिब्बत्तकस्स पुगलस्स अज्जसासनस्स निस्सयभावपटिसेधनो, एतेन इध भिक्खवेति एत्थ इध-सद्दो अन्तो गधेवसद्दत्थोति दस्सेति । सन्ति हि एकपदानिपि अवधारणानि यथा “वायुभक्खो”ति । तेनाह “इधेव भिक्खवे समणो”तिआदि । परिपुण्णसमणप्पकरणधम्मो हि सो पुगलो, यो सब्बप्पकारकायानुपस्सनानिब्बत्तको । परप्पवादाति परेसं अज्जतित्थियानं नानप्पकारा वादा तित्थायतनानि ।

अरज्जादिकस्सेव भावनानुरूपसेनासनतं दस्सेतुं “इमस्सही”तिआदि वुत्तं । दुद्धमो दमथं अनुपगतो गोणो कूटगोणो । दोहनकाले यथा थनेहि अनवसेसतो खीरं न पग्घरति, एवं दोहपटिबन्धिनी कूटधेनु । रूप-सद्दादिके पटिच्च उप्पज्जनकअस्सादो रूपारम्मणादिरसो । पुब्बे आचिण्णारम्मणन्ति पब्बज्जतो पुब्बे, अनादिमति वा संसारे परिचितारम्मणं । निबन्धेय्याति बन्धेय्य । सतियाति सम्मदेव कम्मट्टानस्स सल्लक्खणवसेन पवत्ताय सतिया । आरम्मणेति कम्मट्टानारम्मणे । दळ्हन्ति थिरं, यथा सतोकारिस्स उपचारप्पनाभेदो समाधि इज्झति, तथा थामगतं कत्वाति अत्थो ।

विसेसाधिगमदिदुधम्मसुखविहारपदट्टानन्ति सब्बेसं बुद्धानं, एकच्चानं पच्चेकबुद्धानं, बुद्धसावकानज्ज विसेसाधिगमस्स अज्जेन कम्मट्टानेन अधिगतविसेसानं दिदुधम्मसुखविहारस्स पदट्टानभूतं ।

वत्थुविज्जाचरियो विय भगवा योगीनं अनुरूपनिवासट्टानुपदिसनतो । भिक्खु दीपिसदिसो अरज्जे एकको विहरित्वा पटिपक्खनिम्मथनवसेन इच्छितत्थसाधनतो फलमुत्तमन्ति सामज्जफलं सन्धाय वदति । परक्कमजवयोग्गभूमिन्ति भावनुस्साहजवस्स योग्गकरणभूमिभूतं ।

अद्धानवसेन पवत्तानं अस्सासपस्सासानं वसेन दीघं वा अस्ससन्तो, इत्तरवसेन पवत्तानं अस्सासपस्सासानं वसेन रस्सं वा अस्ससन्तोति योजना । एवं सिक्खतोति अस्सासपस्सासानं

दीघरस्सतापजाननसब्बकायप्पटिसंवेदनओळारिकोळारिकपटिप्पस्सम्भनवसेन भावनं सिक्खतो, तथाभूतो वा हुत्वा तिस्सो सिक्खा पवत्तयतो । अस्सासपस्सासनिमित्तेति अस्सासपस्साससन्निस्सयेन उपट्ठितपटिभागनिमित्ते ।

**अस्सासपस्सासे परिग्गण्हाति** रूपमुखेन विपस्सनं अभिनिविसन्तो, यो “अस्सासपस्सासकम्मिको”ति वुत्तो । **ज्ञानङ्गानि परिग्गण्हाति** अरूपमुखेन विपस्सनं अभिनिविसन्तो । **वत्थु नाम करजकायो** चित्तचेतसिकानं पवत्तिट्ठानभावतो । **अज्जो सत्तो वा पुग्गलो वा नत्थीति** विसुद्धिदिट्ठि “तयिदं धम्ममत्तं, न अहेतुकं, नापि इस्सरादिविसमहेतुकं, अथ खो अविज्जादिहेतुक”न्ति अद्धान्तयेपि कङ्खावितरणेन **वितिण्णकङ्खो** । “यं किञ्चि भिक्खु रूप”न्तिआदिना (म० नि० १.३६१; २.११३; ३.८६, ८९; पटि० म० १.५४) नयेन कलापसम्मसनवसेन **तिलक्खणं आरोपेत्वा** ।

उदयवयानुपस्सनादिवसेन **विपस्सनं वट्ठेन्तो** । **अनुक्कमेन** मग्गपटिपाटिया ।

“**परस्स वा अस्सासपस्सासकाये**”ति इदं सम्मसनवारवसेनायं पाळि पवत्ताति कत्वा वुत्तं, समथवसेन पन परस्स अस्सासपस्सासकाये अप्पनानिमित्तुप्पत्ति एव नत्थि । **अट्ठपेत्वाति** अन्तरन्तरा न ठपेत्वा । **अपरापरं सञ्चरणकालोति** अज्झत्तबहिद्धान्धमेसुपि निरन्तरं वा भावनाय पवत्तनकालो **कथितो** । **एकस्मिं काले पनिदं उभयं न लब्भतीति** “अज्झत्तं, बहिद्धान्ध”ति च वुत्तं इदं धम्मद्वयं घटितं एकस्मिं काले एकतो आरम्भणभावेन न लब्भति, एकज्झं आलम्बितुं न सक्काति अत्थो ।

समुदेति एतस्माति **समुदयो**, सो एव कारणट्ठेन धम्मोति **समुदयधम्मो** । अस्सासपस्सासानं उप्पत्तिहेतु करजकायादि, तस्स अनुपस्सनसीलो **समुदयधम्मानुपस्सी**, तं पन समुदयधम्मं उपमाय दस्सेन्तो “**यथा नामा**”तिआदिमाह । तत्थ **भस्तन्ति** रुत्ति । **गग्गरनाळिन्ति** उक्कापनाळि । तेति करजकायादिके । यथा अस्सासपस्सासकायो करजकायादिसम्बन्धी तंनिमित्तताय, एवं करजकायादयोपि अस्सासपस्सासकायसम्बन्धिनो तंनिमित्तभावेनाति “समुदयधम्मा कायस्मि”न्ति वत्तब्बतं लभन्तीति वुत्तं “**समुदय...पे०... वुच्चती**”ति । पकतिवाची वा **धम्म**-सद्दो “जातिधम्मान”न्तिआदीसु (म० नि० १.१३१; ३.३१०; पटि० म० १.३३) वियाति कायस्स पच्चयसमवाये उप्पज्जनकपकतिकायानुपस्सी वा “समुदयधम्मानुपस्सी”ति वुत्तो । तेनाह “करजकायज्जा”तिआदि । एवञ्च कत्वा **कायस्मिन्ति** भुम्मवचनं सुट्ठतरं युज्जति ।

**वयधम्मानुपस्सीति** एत्थ अहेतुकत्तेपि विनासस्स येसं हेतुधम्मानं अभावे यं न होति, तदभावो तस्स अभावस्स हेतु विय वोहरीयतीति उपचारतो करजकायादिअभावो अस्सासपस्सासकायस्स वयकारणं वुत्तो । तेनाह “**यथा भस्ताया**”तिआदि । अयं तावेत्थ पठमविकप्पवसेन अत्थविभावना । दुतियविकप्पवसेन उपचारेन विनायेव अत्थो वेदितब्बो ।

अज्झत्तबहिद्धानुपस्सना विय भिन्नवत्थुविसयताय समुदयवयधम्मानुपस्सनापि एककाले न लब्भतीति आह “**कालेन समुदयं कालेन वयं अनुपस्सन्तो**”ति । “अत्थि कायो”ति एव-सद्दो लुत्तनिद्धिद्वोति “**कायोव अत्थी**”ति वत्वा अवधारणेन निवत्तितं दस्सेन्तो “**न सत्तो**”तिआदिमाह । तस्सत्थो — यो रूपादीसु सत्तविसत्तताय, परेसञ्च सज्जापनट्ठेन, सत्त्वगुणयोगतो वा “**सत्तो**”ति परेहि परिकप्पितो, तस्स सत्तनिकायस्स पूरणतो च चवनुपपज्जनधम्मताय गलनतो च “**पुग्गलो**”ति, थीयति संहज्जति एत्थ गब्भोति “**इत्थी**”ति, पुरि पुरे भागे सेति पवत्ततीति “**पुरिसो**”ति, आहितो अहं



मानो एत्थाति “अत्ता”ति, अत्तनो सन्तकभावेन “अत्तनिय”न्ति, परो न होतीति कत्वा “अह”न्ति, मम सन्तकन्ति कत्वा “ममा”ति, वुत्तप्पकारविनिमुत्तो अज्जोति कत्वा “कोची”ति, तस्स सन्तकभावेन “कस्सची”ति, विकप्पेतब्बो कोचि नत्थि, केवलं “कायो एव अत्थी”ति । दसहिपि पदेहि अत्तत्तनियसुज्जतमेव कायस्स विभावेति । एवन्ति “कायोव अत्थी”ति आदिना वुत्तप्पकारेन ।

**जाणपमाणत्थायाति** कायानुपस्सनाजाणं परं पमाणं पापनत्थाय । **सतिपमाणत्थायाति** कायपरिग्गाहिकं सतिं पवत्तनसतिं परं पमाणं पापनत्थाय । इमस्स हि वुत्तनयेन “अत्थि कायो”ति अपरापरुप्पत्तिवसेन पच्चुपट्ठिता सति भिय्योसो मत्ताय तत्थ जाणस्स, सतिया च परिबूहनाय होति । तेनाह “सतिसम्पजज्जानं वुड्ढत्थाया”ति । इमिस्सा भावनाय तण्हादिट्ठिग्गाहानं उजुपटिपक्खत्ता वुत्तं “तण्हा...पे... विहरती”ति । तथाभूतो च लोके किञ्चिपि “अह”न्ति वा “मम”न्ति वा गहेतब्बं न पस्सति, कुतो गणहेय्याति आह “न च किञ्ची”ति आदि । एवम्पीति एत्थ पि-सदो हेट्ठा निद्धिद्वस्स तादिसस्स अत्थस्स अभावतो अवुत्तसमुच्चयत्थोति दस्सेन्तो “उपरि अत्थं उपादाया”ति आह यथा “अन्तमसो तिरच्छानगतायपि, अयम्पि पाराजिको होती”ति । (पारा० ४२) एवन्ति पन निद्धिद्वकारस्स पच्चामसनं निगमनवसेन कतन्ति आह “इमिना पन...पे... दस्सेती”ति ।

पुब्बभागसतिपट्टानस्स इध अधिप्पेतत्ता वुत्तं “सति दुक्खसच्च”न्ति । सा पन सति यस्मिं अत्तभावे, तस्स समुट्ठापिका तण्हा, तस्सापि समुट्ठापिका एव नाम होति तदभावे अभावतोति आह “तस्सा समुट्ठापिका पुरिमतण्हा”ति, यथा “सङ्खारपच्चया”ति (म० नि० ३.१२६; उदा० १; विभ० ४८४) । तंविज्जाणबीजतंसन्ततिसम्भूतो सब्बोपि लोकियो विज्जाणप्पबन्धो “सङ्खारपच्चया विज्जाणं” त्वेव वुच्चति सुत्तन्तनयेन । अप्पवत्तीति अप्पवत्तिनिमित्तं, उभिन्नं अप्पवत्तिया निमित्तभूतोति अत्थो । न पवत्तति एत्थाति वा अप्पवत्ति । “दुक्खपरिजाननो”ति आदि एकन्ततो चतुकिच्चसाधनवसेनेव अरियमग्गस्स पवत्तीति दस्सेतुं वुत्तं । अवुत्तसिद्धो हि तस्स भावनापटिवेधो । चतुसच्चवसेनाति चतुसच्चकम्मट्टानवसेन । उस्सक्कित्वाति विसुद्धिपरम्पराय आरुहित्वा, भावनं उपरि नेत्वाति अत्थो । निय्यानमुखन्ति वट्टदुक्खतो निस्सरणूपायो ।

आनापानपब्बवण्णना निट्ठिता ।

### इरियापथपब्बवण्णना

**३७५. इरियापथवसेनाति** इरियनं इरिया, किरिया, इध पन कायिकपयोगो वेदितब्बो । इरियानं पथो पवत्तिमग्गोति **इरियापथो**, गमनादिवसेन पवत्ता सरीरावत्था । गच्छन्तो वा हि सत्तो कायेन कातब्बकिरियं करोति ठितो वा निसिन्नो वा निपन्नो वाति, तेसं इरियापथानं वसेन, इरियापथविभागेनाति अत्थो । पुन चपरन्ति पुन च अपरं, यथावुत्तआनापानकम्मट्टानतो भिय्योपि अज्जं कायानुपस्सनाकम्मट्टानं कथेमि, सुणाथाति वा अधिप्पायो । “गच्छन्तो वा”ति आदि गमनादिमत्तजाननस्स, गमनादिगतविसेसजाननस्स च साधारणवचनं, तत्थ गमनादिमत्तजाननं न इध नाधिप्पेतं, गमनादिगतविसेसजाननं पन अधिप्पेतन्ति तं विभजित्वा दस्सेतुं “तत्थ काम”न्ति आदि वुत्तं । सत्तूपलब्धिन्ति “सत्तो अत्थी”ति उपलब्धिं सत्तग्गाहं । न पजहति न परिच्चजति “अहं गच्छामि, मम गमन”न्ति गाहसम्भावतो । ततो एव अत्तसज्जं “अत्थि अत्ता कारको वेदको”ति एवं पवत्तं विपरीतसज्जं न उग्घाटेति नापनेति अप्पटिपक्खभावतो, अननुबूहनतो वा । एवं भूतस्स चस्स कुतो कम्मट्टानादिभावोति आह “कम्मट्टानं वा सतिपट्टानभावना वा न होती”ति । “इमस्स पना”ति आदि सुक्कपक्खो, तस्स वुत्तविपरियायेन अत्थो वेदितब्बो । तमेव हि अत्थं विवरितुं “इदज्ही”ति आदि

वृत्तं ।

तत्थ को गच्छतीति साधनं, किरियञ्च अविनिब्भुत्तं कत्वा गमनकिरियाय कत्तुपुच्छा, सा कत्तुभावविसिद्धुअत्तपटिक्खेपत्था धम्ममत्तस्सेव गमनसिद्धिदस्सनतो । कस्स गमनन्ति तमेवत्थं परियायन्तरेण वदति साधनं, किरियञ्च विनिब्भुत्तं कत्वा गमनकिरियाय अकत्तुसम्बन्धीभावविभावनतो । पटिक्खेपत्थज्झि अन्तोनीतं कत्वा उभयत्थं किं-सद्दो पवत्तो । किं कारणाति पन पटिक्खित्तकत्तुकाय गमनकिरियाय अविपरीतकारणपुच्छा । इदज्झि गमनं नाम अत्ता मनसा संयुज्जति, मनो इन्द्रियेहि, इन्द्रियानि अत्तेहीति एवमादि मिच्छाकारणविनिमुत्तानुरूपपच्चयहेतुको धम्मनं पवत्तिआकारविसेसो । तेनाह “तत्था”तिआदि ।

न कोचि सत्तो वा पुग्गलो वा गच्छति धम्ममत्तस्सेव गमनसिद्धितो, तब्बिनिमुत्तस्स च कस्सचि अभावतो । इदानि धम्ममत्तस्सेव गमनसिद्धि दस्सेतुं “चित्तकिरियावायोधातुविष्कारेणा”तिआदि वृत्तं । तत्थ चित्तकिरिया च सा, वायोधातुया विष्कारो विष्फन्दनञ्चाति चित्तकिरियावायोधातुविष्कारो, तेन । एत्थ च चित्तकिरियग्गहणेन अनिन्द्रियबद्धवायोधातुविष्कारं निवत्तेति, वायोधातुविष्कारग्गहणेन चेतनावचीविज्जत्तिभेदं चित्तकिरियं निवत्तेति, उभयेन पन कायविज्जत्तिं विभावेति । “गच्छती”ति वत्वा यथा पवत्तमाने काये “गच्छती”ति वोहारो होति, तं दस्सेतुं “तस्मा”तिआदि वृत्तं । तन्ति गन्तुकामतावसेन पवत्तचित्तं । वायं जनेतीति वायोधातुअधिकं रूपकलापं उप्पादेति, अधिकता चेत्थ सामत्थियतो, न पमाणतो । गमनचित्तसमुद्धितं सहजातरूपकायस्स थम्भनसन्धारणचलनानं पच्चयभूतेन आकारविसेसेन पवत्तमानं वायोधातुं सन्धायाह “वायो विज्जत्तिं जनेती”ति । अधिप्पायसहभावी हि विकारो विज्जत्ति । यथावृत्तअधिकभावेनेव च वायोगहणं, न वायोधातुया एव जनकभावतो, अज्जथा विज्जत्तिया उपादायरूपभावो दुरुपपादो सिया । पुरतो अभिनीहारो पुरतोभागेन कायस्स पवत्तनं, यो “अभिवक्कमो”ति वुच्चति ।

“एसेव नयो”ति अतिदेसेन सङ्खेपतो वत्वा तमत्थं विवरितुं “तत्रापि ही”तिआदि वृत्तं । कोटितो पट्टायाति हेट्टिमकोटितो पट्टाय पादतलतो पट्टाय । उस्सितभावोति उब्बिद्धभावो ।

एवं पजानतोति एवं चित्तकिरियवायोधातुविष्कारेनेव गमनादि होतीति पजानतो । तस्स एवं पजाननाय निच्छयगमनत्थं “एवं होती”ति विचारणा वुच्चति लोके यथाभूतं अजानन्तेहि मिच्छाभिनिवेसवसेन, लोकवोहारवसेन वा । अत्थि पनाति अत्तनो एवं वीमंसनवसेन पुच्छावचनं । नत्थीति निच्छयवसेन सत्तस्स पटिक्खेपवचनं । “यथा पना”तिआदि तस्सेव अत्थस्स उपमाय विभावनं, तं सुविज्जेय्यमेव ।

नावा मालुतवेगेनाति यथा अचेतना नावा वातवेगेन देसन्तरं याति, यथा च अचेतनो तेजनं कण्डो जियावेगेन देसन्तरं याति, तथा अचेतनो कायो वाताहतो यथावृत्तवायुना नीतो देसन्तरं यातीति एवं उपमासंसन्दनं वेदितब्बं । सचे पन कोचि वदेय्य “यथा नावातेजनानं पेल्लकस्स पुरिसस्स वसेन देसन्तरगमनं, एवं कायस्सापी”ति, होतु, एवं इच्छितो वायमत्थो यथा हि नावातेजनानं संहतलक्खणस्सेव पुरिसस्स वसेन गमनं, न असंहतलक्खणस्स, एवं कायस्सापीति । का नो हानि, भिय्योपि धम्ममत्तताव पतिट्ठं लभति, न पुरिसवादो । तेनाह “यन्तसुत्तवसेना”तिआदि ।

तत्थ पयुत्तन्ति हेट्ठा वृत्तनयेन गमनादिकिरियावसेन पच्चयेहि पयोजितं । ठातीति तिट्ठति । एत्थाति इमस्मिं लोके । विना हेतुपच्चयेति गन्तुकामताचित्ततंसमुद्धानवायोधातुआदिहेतुपच्चयेहि विना । तिट्ठेति तिट्ठेय्य । वजेति वजेय्य गच्छेय्य को नामाति सम्बन्धो । पटिक्खेपत्थो चेत्थ किं-सद्दोति हेतुपच्चयविरहेन ठानगमनपटिक्खेपमुखेन सब्बायपि धम्मपवत्तिया

पच्चयाधीनवृत्तिताविभावेन अत्तसुज्जता विय अनिच्चदुक्खतापि विभाविताति दट्ठब्बा ।

**पणिहितो**ति यथा यथा पच्चयेहि पकारेहि निहितो ठपितो । **सब्बसङ्गाहिकवचन**न्ति सब्बेसम्पि चतुन्नं इरियापथानं एकज्झं सङ्गणहनवचनं, पुब्बे विसुं विसुं इरियापथानं वुत्तत्ता इदं नेसं एकज्झं गहेत्वा वचनन्ति अत्थो । पुरिमनयो वा इरियापथप्पधानो वुत्तोति तत्थ कायो अप्पधानो अनुनिष्फादीति इध कायं पधानं, अपधानञ्च इरियापथं अनुनिष्फादिं कत्वा दस्सेतुं दुतियनयो वुत्तोति एवम्पेत्य द्विन्नं नयानं विसेसो वेदितब्बो । **ठितो**ति पवत्तो ।

इरियापथपरिगणहनम्पि इरियापथवतो कायस्सेव परिगणहनं तस्स अवत्थाविसेसभावतोति वुत्तं **“इरियापथपरिगणहनेन काये कायानुपस्सी विहरती”**ति । तेनेवेत्थ रूपक्खन्धवसेनेव समुदयादयो उद्धटा । एस नयो सेसवारेसुपि । **आदिना**ति एत्थ **आदि-**सहेन यथा **“तण्हासमुदया कम्मसमुदया आहारसमुदया”**ति निब्बत्तिलक्खणं पस्सन्तोपि रूपक्खन्धस्स उदयं पस्सतीति इमे चत्तारो आकारा सङ्गहन्ति, एवं **“अविज्जानिरोधा”**ति आदयोपि पञ्च आकारा सङ्गहिताति दट्ठब्बा । सेसं वुत्तनयमेव ।

इरियापथपब्बवण्णना निट्ठिता ।

#### चतुसम्पज्जपब्बवण्णना

**३७६. चतुसम्पज्जवसेना**ति समन्ततो पकारेहि, पकट्टं वा सविसेसं जानातीति सम्पजानो, सम्पजानस्स भावो सम्पजज्जं, तथापवत्तं जाणं, हत्थविकारादिभेदभिन्नत्ता चत्तारि सम्पजज्जानि समाहटानि चतुसम्पजज्जं, तस्स वसेन । **“अभिवक्कन्ते”**तिआदीनि **सामज्जफले** (दी० नि० अट्ठ० १.२१४; दी० नि० टी० १.२१४ वाक्यखन्धेपि) **वण्णितानि**, न पुन वण्णेतब्बानि, तस्मा तंतंसंवण्णनाय लीनत्थप्पकासनापि तत्थ विहितनयेनेव गहेतब्बा । **“अभिवक्कन्ते पटिवक्कन्ते सम्पजानकारी होती”**तिआदि वचनतो अभिवक्कमादिगतचतुसम्पजज्जपरिगणहनेन रूपकायस्सेवेत्थ समुदयधम्मानुपस्सितादि अधिप्पेतोति आह **“रूपक्खन्धस्सेव समुदयो च वयो च नीहरितब्बो”**ति । रूपधम्मानंयेव हि पवत्तिआकारविसेसा अभिवक्कमादयोति । सेसं वुत्तनयमेव ।

चतुसम्पज्जपब्बवण्णना निट्ठिता ।

#### पटिवक्कूलमनसिकारपब्बवण्णना

**३७७. पटिवक्कूलमनसिकारवसेना**ति जिगुच्छनीयताय पटिवक्कूलमेव पटिवक्कूलं, यो पटिवक्कूलसभावो पटिवक्कूलाकारो, तस्स मनसि करणवसेन । अन्तरेनापि हि भाववाचिनं सद्दं भावत्थो विज्जायति यथा **“पटस्स सुक्क”**न्ति । यस्मा **विसुद्धिमग्गे** (विसुद्धि० १.१८२) **वुत्तं**, तस्मा तत्थ, तंसंवण्णनायञ्च (विसुद्धि० टी० १.१८२ आदयो) वुत्तनयेन **“इममेव काय”**न्ति आदीनमत्थो वेदितब्बो ।

वत्थादीहि पसिब्बकाकारेन बन्धित्वा कतं आवाटनं **पुतोळि** । नानाकारा एकस्मिं ठाने सम्मिस्साति एत्तावता नानावण्णानं केसादीनञ्च उपमेय्यता । **विभूतकालो**ति पण्णत्तिं समतिक्कमित्वा केसादीनं असुभाकारस्स उपट्ठितकालो । इति-सदस्स आकारत्थतं दस्सेन्तो **“एव”**न्ति वत्त्वा तं आकारं सरूपतो दस्सेन्तो **“केसादिपरिगणहनेना”**तिआदिमाह । केसादिसज्जितानज्झि असुचिभावानं परमदुग्गन्धजेगुच्छपटिवक्कूलाकारस्स समुदयतो अनुपस्सना इध कायानुपस्सनाति ।

सेसं वुत्तनयमेव ।

पटिक्कूलमनसिकारपब्बवण्णना निड्डिता ।

### धातुमनसिकारपब्बवण्णना

**३७८. धातुमनसिकारवसेनाति** पथवीधातुआदिका चतस्सो धातुयो आरब्भ पवत्तभावनामनसिकारवसेन, चतुधातुववत्थानवसेनाति अत्थो । धातुमनसिकारो, धातुकम्मट्ठानं, चतुधातुववत्थानन्ति हि अत्थतो एकं । **गोघातको**ति जीविकत्थाय गुन्नं घातको । **अन्तेवासिको**ति कम्मकरणवसेन तस्स समीपवासी तं निस्साय जीवनको । **विनिविज्झित्वा**ति एकस्मिं ठाने अज्जमज्जं विनिविज्झित्वा । **महापथानं वेमज्झट्ठानसङ्घाते**ति चतुन्नं महापथानं तां एव विनिविज्झनट्ठानतां वेमज्झसङ्घाते । यस्मा ते चत्तारो महापथा चतूहि दिसाहि आगन्त्वा तत्थ समोहिता विय होन्ति, तस्मा तं ठानं चतुमहापथं, तस्मिं **चतुमहापथे** । ठित-सद्वो ‘ठितो वा’ति आदीसु (दी० नि० १.२६३; अ० नि० ५.२८) ठानसङ्घातइरियापथसमङ्गिताय, ठा-सद्वस्स वा गतिनिवत्तिअत्थताय अज्जत्थ ठपेत्वा गमनं सेसइरियापथसमङ्गिताय बोधको, इध पन यथा तथा रूपकायस्स पवत्तिआकारबोधको अधिप्पेतोति आह “**चतुन्नं इरियापथानं येन केनचि आकारेण ठितत्ता यथा ठित**”न्ति । तत्थ **आकारेनाति** ठानादिना रूपकायस्स पवत्तिआकारेण । ठानादयो हि इरियापथसङ्घाताय किरियाय पथो पवत्तिमग्गोति “इरियापथो”ति वुच्चन्तीति वुत्तो वायमत्थो । **यथाठितन्ति** यथापवत्तं, यथावुत्तं ठानमेवेत्थ पणिधानन्ति अधिप्पेतन्ति आह “**यथा ठितत्ता च यथापणिहित**”न्ति । “**ठित**”न्ति वा कायस्स ठानसङ्घातइरियापथसमायोगपरिदीपनं, “**पणिहित**”न्ति तदज्जइरियापथसमायोगपरिदीपनं । “**ठित**”न्ति वा कायसङ्घातानं रूपधम्मानं तस्मिं तस्मिं खणे सकिच्चवसेन अवट्ठानपरिदीपनं, **पणिहितन्ति** पच्चयवसेन तेहि तेहि पच्चयेहि पकारतो निहितं पणिहितन्ति एवम्पेत्य अत्थो वेदितब्बो । **पच्चवेक्खतीति** पति पति अवेक्खति, जाणचक्खुना विनिब्भुज्जित्वा विसुं विसुं पस्सति ।

इदानीं वुत्तमेवत्थं भावत्थविभावनवसेन दस्सेतुं “**यथा गोघातकस्सा**”ति आदि वुत्तं । तत्थ **पोसेन्तस्साति** मंसूपचयपरिबूहनाय कुण्डकभत्तकप्पासट्ठिआदीहि संवट्ठेन्तस्स । **वधितं मतन्ति** हिंसितं हुत्वा मतं । **मतन्ति** च मतमत्तं । तेनेवाह “**तावदेवा**”ति । **गावीति सज्जा न अन्तरधायतीति** यानि अङ्गपच्चङ्गानि यथासन्निविट्ठानि उपादाय गावीसमज्जा मतमत्तायपि गाविया तेसं तंसन्निवेसस्स अविनट्ठत्ता । विलीयन्ति भिज्जन्ति विभुज्जन्तीति **बीला**, भागा व-कारस्स ब-कारं, इकारस्स च ईकारं कत्वा । **बीलसोति** बीलं बीलं कत्वा । **विभजित्वाति** अट्ठिसङ्घाततो मंसं विवेचेत्वा, ततो वा विवेचितं मंसं भागसो कत्वा । तेनेवाह “**मंससज्जा पवत्तती**”ति । **पब्बजितस्सापि** अपरिगगहितकम्मट्ठानस्स । **घनविनिब्भोगन्ति** सन्ततिसमूहकिच्चघनानं विनिब्भुज्जनं विवेचनं । **धातुसो पच्चवेक्खतोति** घनविनिब्भोगकरणेन धातुं धातुं पथवीआदिधातुं विसुं विसुं कत्वा पच्चवेक्खन्तस्स । **सत्तसज्जाति** अत्तानुदिट्ठिवसेन पवत्ता सत्तसज्जाति वदन्ति, वोहारवसेन पवत्तसत्तसज्जायपि तदा अन्तरधानं युत्तमेव याथावतो घनविनिब्भोगस्स सम्पादनतो । एवज्झि सति यथावुत्तओपम्मत्थेन उपमेय्यत्थो अज्जदत्थु संसन्दति समेति । तेनेवाह “**धातुवसेनेव चित्तं सन्तिट्ठती**”ति । **दक्खोति** छेको तंतंसमज्जाय कुसलो “यथाजाते सूनस्मिं नङ्गुट्ठखुरविसाणादिवन्ते अट्ठिमंसादिअवयवसमुदाये अविभक्ते गावीसमज्जा, न विभक्ते । विभक्ते पन अट्ठिमंसादिअवयवसमज्जा”ति जाननतो । **चतुमहापथो विय चतुइरियापथोति** गाविया ठितचतुमहापथो विय कायस्स पवत्तिमग्गभूतो चतुब्बिधो इरियापथो यस्मा **विसुद्धिमग्गे** (विसुद्धि० १.३०५) **वित्थारिता**, तस्मा तत्थ, तंसंवण्णनायज्ज (विसुद्धि० टी० १.३०६) वुत्तनयेन वेदितब्बो । सेसं वुत्तनयमेव ।

धातुमनसिकारपब्बवण्णना निट्ठिता ।

### नवसिवथिकपब्बवण्णना

३७९. सिवथिकाय अपविद्धउद्धुमातकादिपटिसंयुत्तानं ओधिसो पवत्तानं कथानं, तदभिधेय्यानञ्च उद्धुमातकादिअसुभभागानं सिवथिकपब्बानीति सङ्गीतिकारेहि गहितसमञ्जा । तेनाह “सिवथिकपब्बेहि विभजितु”न्ति । मरित्वा एकाहातिक्कन्तं एकाहमतं । उद्धं जीवितपरियादानाति जीवितक्खयतो उपरि मरणतो परं । समुग्गतेनाति समुट्ठितेन । उद्धुमातत्ताति उद्धं उद्धं धुमातत्ता सूनत्ता । सेतरत्तेहि विपरिभिन्नं विमिस्सितं नीलं विनीलं, पुरिमवण्णविपरिणामभूतं वा नीलं विनीलं । विनीलमेव विनीलकन्ति क-कारेन पदवट्ठनं अनत्थन्तरतो यथा “पीतकं लोहितक”न्ति (ध० स० ६१६) । पटिक्कूलत्ताति जिगुच्छनीयत्ता । कुच्छितं विनीलन्ति विनीलकन्ति कुच्छनत्थो वा अयं क-कारोति दस्सेतुं वुत्तं यथा “पापको कित्तिसद्दो अब्भुग्गच्छती”ति । (दी० नि० ३.३१६; अ० नि० ५.२१३; महाव० २८५) परिभिन्नट्टानेहि काककङ्कादीहि । विस्सन्दमानपुब्बन्ति विस्सवन्तपुब्बं, तहं तहं पग्घरन्तपुब्बन्ति अत्थो । तथाभावन्ति विस्सन्दमानपुब्बभावं ।

सो भिक्खूति यो “पस्सेय्य सरीरं सिवथिकाय छट्ठित”न्ति वुत्तो, सो भिक्खु । उपसंहरति सदिसत्तं । “अयम्पि खो”तिआदि उपसंहरणाकारदस्सनं । आयूति रूपजीवितन्द्रियं, अरूपजीवितन्द्रियं पनेत्थ विज्जाणगतिकमेव । उस्माति कम्मजतेजो । एवं पूतिकसभावोयेवाति एवं अतिविय दुग्गन्धजेगुच्छपटिक्कूलपूभिकसभावो एव, न आयुआदीनं अविगमे विय मत्तसोति अधिप्पायो । एदिसो भविस्सतीति एवंभावीति आह “एवं उद्धुमातादिभेदो भविस्सती”ति ।

लुञ्चित्वा लुञ्चित्वाति उप्पाटेत्वा उप्पाटेत्वा । सावसेसमंसलोहितयुत्तन्ति सब्बसो अखादितत्ता तहं तहं सेसेन अप्पावसेसेन मंसलोहितेन युत्तं । “अञ्जेन हत्थट्ठिक”न्ति अविसेसेन हत्थट्ठिकानं विप्पकिण्णता जोतिताति अनवसेसतो तेसं विप्पकिण्णतं दस्सेन्तो “चतुसट्ठिभेदम्पी”तिआदिमाह ।

तेरोवस्सिकानीति तिरोवस्सं गतानि, तानि पन संवच्छरं वीतिवत्तानि होन्तीति आह “अतिक्कन्तसंवच्छरानी”ति । पुराणताय घनभावविगमेन विचुण्णता इध पूतिभावोति सो यथा होति, तं दस्सेन्तो “अब्भोकासे”तिआदिमाह । तेरोवस्सिकानेवाति संवच्छरमत्तातिक्कन्तानि एव । खज्जमानतादिवसेन दुतियसिवथिकपब्बादीनं ववत्थापितत्ता वुत्तं “खज्जमानतादीनं वसेन योजना कातब्बा”ति ।

नवसिवथिकपब्बवण्णना निट्ठिता ।

इमानेव द्वेति अवधारणेन अप्पनाकम्मट्टानं तत्थ नियमेति अञ्जपब्बेसु तदभावतो । यतो हि एव-कारो, ततो अञ्जत्थ नियमेति, तेन पब्बद्वयस्स विपस्सनाकम्मट्टानतापि अप्पटिसिद्धा दट्ठब्बा अनिच्चतादिदस्सनतो । सङ्खारेसु आदीनवविभावनानि सिवथिकपब्बानीति आह “सिवथिकानं आदीनवानुपस्सनावसेन वुत्तत्ता”ति । इरियापथपब्बादीनं अप्पनावहता पाकटा एवाति “सेसानि द्वादसपी”ति वुत्तं । यं पनेत्थ अत्थतो अविभत्तं । तं सुविज्जेय्यमेव ।

कायानुपस्सनावण्णना निट्ठिता ।

### वेदनानुपस्सनावण्णना

**३८०. सुखं वेदनन्ति** एत्थ सुखयतीति **सुखा**। सम्पयुत्तधम्मो, कायञ्च लद्धस्सादे करोतीति अत्थो। सुदु वा खादति, खनति वा कायिकं, चेतसिकञ्चाबाधन्ति **सुखा**। “सुकरं ओकासदानं एतिस्साति **सुखा**”ति अपरे। वेदयति आरम्मणरसं अनुभवतीति **वेदना**। **वेदयमानो**ति अनुभवमानो। “**काम**”न्तिआदीसु यं वत्तब्बं, तं इरियापथपब्बे वुत्तनयमेव। सम्पजानस्स वेदियनं **सम्पजानवेदियनं**।

**वत्थुआरम्मणा**ति रूपादिआरम्मणा। रूपादिआरम्मणज्हेत्थ वेदनाय पवत्तिट्ठानताय “वत्थू”ति अधिप्पेतं। **अस्सा**ति भवेय्य। धम्मविनिमुत्तस्स कत्तु अभावतो धम्मस्सेव कत्तुभावं दस्सेन्तो “**वेदनाव वेदयती**”ति आह। “**वोहारमत्तं होती**”ति एतेन “सुखं वेदनं वेदयमानो सुखं वेदनं वेदयामी”ति इदं वोहारमत्तन्ति दस्सेति।

**नित्थुनन्तो**ति बलवतो वेदनावेगस्स निरोधने आदीनवं दिस्वा तस्स अवसरदानवसेन नित्थुनन्तो। वेगसन्धारणे हि अतिमहन्तं दुक्खं उप्पज्जतीति अज्जम्पि विकारं उप्पादेय्य, तेन थेरो **अपरापरं परिवत्तति**। **वीरियसमथं योजेत्वा**ति अधिवासनवीरियस्स अधिमत्तत्ता तस्स हापनवसेन समाधिना समरसतापादनेन वीरियसमथं योजेत्वा। **सह पटिसम्भिदाही**ति लोकुत्तरपटिसम्भिदाहि सह। अरियमग्गखणे हि पटिसम्भिदानं असम्मोहवसेन अधिगमो, अत्थपटिसम्भिदाय पन आरम्मणकरणवसेनपि। लोकियानम्पि वा सति उप्पत्तिकाले तत्थ समत्थतं सन्धायाह “**सह पटिसम्भिदाही**”ति। **समसीसी**ति वारसमसीसी हुत्वा, पच्चवेक्खणवारस्स अनन्तरवारे परिनिब्बायीति अत्थो।

**यथा च सुखं, एवं दुक्खन्ति** यथा “सुखं को वेदयती”तिआदिना सम्पजानवेदियनं सन्धाय वुत्तं, एवं दुक्खम्पि। तत्थ दुक्खयतीति **दुक्खा**, सम्पयुत्तधम्मो, कायञ्च पीळेति विबाधतीति अत्थो। दुदुं वा खादति, खनति कायिकं, चेतसिकञ्च सातन्ति **दुक्खा**। “दुक्करं ओकासदानं एतिस्साति **दुक्खा**”ति अपरे। **अरूपकम्मट्ठानन्ति** अरूपपरिगहं, अरूपधम्ममुखेन विपस्सनाभिनिवेसनन्ति अत्थो। **न पाकटं होति** फस्सस्स, चित्तस्स च अविभूताकारत्ता। तेनाह “**अन्धकारं विय खायती**”ति। “**न पाकटं होती**”ति च इदं तादिसे पुगले सन्धाय वुत्तं, तेसं आदितो वेदनाव विभूतरा हुत्वा उपट्ठाति। एवज्जि यं वुत्तं **सक्कपज्जवण्णना** दीसु “फस्सो पाकटो होति, विज्जाणं पाकटं होती”ति, (दी० नि० अट्ठ० २.३५९) तं अविरोधितं होति। वेदनावसेन कथियमानं कम्मट्ठानं पाकटं होतीति योजना। “**वेदनानं उप्पत्तिपाकटताया**”ति च इदं सुखदुक्खवेदनानं वसेन वुत्तं। तासज्जि पवत्ति ओळारिका, न इतराय। तदुभयग्गहणमुखेन वा गहेतब्बत्ता इतरायपि पवत्ति विज्जूनं पाकटा एवाति “वेदनानं”न्ति अविसेसग्गहणं दट्ठब्बं। **सक्कपज्जे वुत्तनयेनेव वेदितब्बो**, तस्मा तत्थ वत्तब्बो अत्थविसेसो तत्थ लीनत्थप्पकासनियं वुत्तनयेनेव गहेतब्बो।

पुब्बे “वत्थुं आरम्मणं कत्वा वेदनाव वेदयती”ति वेदनाय आरम्मणाधीनवुत्तिताय च अनत्तताय च पजाननं वुत्तं, इदानी तस्सा अनिच्चतादिपजाननं दस्सेन्तो “**अयं अपरोपि पजाननपरियायो**”ति आह। यथा एकस्मिं खणे चित्तद्वयस्स असम्भवो एकज्झं अनेकन्तपच्चयाभावतो, एवं वेदनाद्वयस्स विसिद्धारम्मणवुत्तितो चाति आह “**सुखवेदनाक्खणे दुक्खाय वेदनाय अभावतो**”ति। निदस्सनमत्तज्चेतं तदा उपेक्खावेदनायपि अभावतो, तेन सुखवेदनाक्खणे भूतपुब्बानं इतरवेदनानं हुत्वाअभावपजाननेन सुखवेदनायपि हुत्वा अभावो जातो एव होतीति तस्सा पाकटभावमेव दस्सेन्तो “**इमिस्सा च सुखाय वेदनाय इतो पठमं अभावतो**”ति आह, एतेनेव च तासम्पि वेदनानं पाकटभावो दस्सितोति दट्ठब्बं। तेनाह “**वेदना नाम अनिच्चा अधुवा विपरिणामधम्मा**”ति। **अनिच्चग्गहणेन** हि वेदनानं विद्धंसनभावो दस्सितो विद्धस्ते अनिच्चताय सुविज्जेय्यत्ता। **अधुवग्गहणेन** पाकटभावो तस्स असदाभावितादिभावनतो। **विपरिणामग्गहणेन** दुक्खभावो तस्स अज्जथत्तदीपनतो, तेन सुखापि वेदना दुक्खा, पगेव इतराति तिस्सन्नम्पि वेदनानं

दुःखता दस्सिता होति । इति “यदनिच्चं दुःखं, तं एकन्ततो अनत्ता”ति तीसुपि वेदनासु लक्षणत्तयपजानना जोतिताति दट्ठब्बं । तेनाह “इतिह तत्थ सम्पजानो होती”ति ।

इदानीं तमत्थं सुत्तेन (म० नि० २.२०५) साधेतुं “वुत्तम्पि चेत”न्तिआदिमाह । तत्थ नेव तस्मिं समये दुःखं वेदनं वेदेतीति तस्मिं सुखवेदनासमङ्गिसमये नेव दुःखं वेदनं वेदेति निरुद्धत्ता, अनुप्पन्नत्ता च यथाक्कमं अतीतानागतानं । पच्चुप्पन्नाय पन असम्भवो वुत्तो एव । सकिच्चक्खणमत्तावट्टानतो अनिच्चा । समेच्च सम्भुय्य पच्चयेहि कतत्ता सङ्घत्ता । वत्थारम्मणादिपच्चयं पटिच्च उप्पन्नत्ता पटिच्चसमुप्पन्ना । खयवयपलुज्जननिरुज्जनपकतिताय खयधम्मा वयधम्मा विरागधम्मा निरोधधम्माति दट्ठब्बा ।

किलेसेहि आमसितब्बतो आमिसं नाम, पञ्च कामगुणा, आरम्मणकरणवसेन सह आमिसेहीति सामिसं । तेनाह “पञ्चकामगुणामिसनिस्सिता”ति ।

इतो परन्ति “अत्थि वेदना”ति एवमादि पाळिं सन्धायाह “कायानुपस्सनायं वुत्तनयमेवा”ति ।

वेदनानुपस्सनावण्णना निट्ठिता ।

### चित्तानुपस्सनावण्णना

३८१. सम्पयोगवसेन पवत्तमानेन सह रागेनाति सरागं । तेनाह “लोभसहगत”न्ति । वीतरागान्ति एत्थ कामं सरागपदपटियोगिना वीतरागपदेन भवितब्बं, सम्मसनचारस्स पन अधिप्पेतत्ता तेभूमकस्सेव गहणन्ति “लोकियकुसलाब्बाकत”न्ति वत्त्वा “इदं पना”तिआदिना तमेव अधिप्पायं विवरति । सेसानि द्वे दोसमूलानि, द्वे मोहमूलानीति चत्तारि अकुसलचित्तानि । तेसज्जि रागेन सम्पयोगाभावतो नत्थेव सरागता, तंनिमित्तकताय पन सिया तंसहितकाले सोति नत्थेव वीतरागतापीति दुःखविनिमुत्तता एवेत्थ लब्धतीति आह “नेव पुरिमपदं न पच्छिमपदं भजन्ती”ति । यदि एवं पदेसिकं पजाननं आपज्जतीति? नापज्जति, दुकन्तरपरियापन्नत्ता तेसं । ये पन “पटिपक्खभावे अगय्हमाने सम्पयोगाभावो एवेत्थ पमाणं एकच्चअब्बाकतानं विया”ति इच्छन्ति, तेसं मतेन सेसाकुसलचित्तानम्पि दुतियपदसङ्गहो वेदितब्बो । दुतियदुकेपि वुत्तनयेन अत्थो वेदितब्बो । अकुसलमूलेसु सह मोहेनेव वत्ततीति समोहन्ति आह “विचिकिच्छासहगतज्जेव उद्धच्चसहगतज्जा”ति । यस्मा चेत्थ “सहेव मोहेनाति समोह”न्ति पुरिमपदावधारणम्पि लब्धतियेव, तस्मा वुत्तं “यस्मा पना”तिआदि । यथा पन अतिमूळहताय पाटिपुगगलिकनयेन सविसेसमोहवन्तताय “मोमूहचित्त”न्ति वत्तब्बतो विचिकिच्छाउद्धच्चसहगतद्वयं विसेसतो “समोह”न्ति वुच्चति, न तथा सेसाकुसलचित्तानीति “वट्ठन्तियेवा”ति सासङ्कं वदति । सम्पयोगवसेन थिनमिद्धेन अनुपतितं अनुगतन्ति थिनमिद्धानुपतितं, पञ्चविधंससङ्खारिकाकुसलचित्तं सङ्कुचितचित्तं, सङ्कुचितचित्तं नाम आरम्मणे सङ्कोचनवसेन पवत्तनतो । पच्चयविसेसवसेन थामजातेन उद्धच्चेन सहगतं संसट्ठन्ति उद्धच्चसहगतं, अज्जथा सब्बम्पि अकुसलचित्तं उद्धच्चसहगतमेवाति । पसट्ठचित्तं नाम आरम्मणे सविसेसं विक्खेपवसेन विसट्ठभावेन पवत्तनतो ।

किलेसविक्खम्भनसमत्थताय विपुलफलताय च दीघसन्तानताय च महन्तभावं गतं, महन्तेहि वा उळारच्छन्दादीहि गतं पटिपन्नन्ति महग्गतं, तं पन रूपारूपभूमिगतं ततो महन्तस्स लोके अभावतो । तेनाह “रूपारूपावचर”न्ति । तस्स चेत्थ पटियोगी परित्तं एवाति आह “अमहग्गतन्ति कामावचर”न्ति । अत्तानं उत्तरितुं समत्थेहि सह उत्तरेहीति सउत्तरं ।

तप्पटिपक्खेन अनुत्तरं। तदुभयं उपादायुपादाय वेदितव्वन्ति आह “सउत्तरन्ति कामावचरन्तिआदि। पटिपक्खविकखम्भनसमत्थेन समाधिना सम्मदेव आहितं समाहितं। तेनाह “यस्सा”तिआदि। यस्साति यस्स चित्तस्स। यथावुत्तेन समाधिना न समाहितन्ति असमाहितं। तेनाह “उभयसमाधिरहित”न्ति। तदङ्गविमुत्तिया विमुत्तं, कामावचरकुसलचित्तं, विकखम्भनविमुत्तिया विमुत्तं, महग्गतचित्तन्ति तदुभयं सन्धायाह “तदङ्गविकखम्भनविमुत्तीहि विमुत्त”न्ति। यत्थ तदुभयविमुत्ति नत्थि, तं उभयविमुत्तिरहितन्ति गय्हमाने लोकुत्तरचित्तेपि सियासङ्काति तं निवत्तनत्थं “समुच्छेद...पे०... ओकासोव नत्थी”ति आह। ओकासभावो च सम्मसनचारस्स अधिप्पेतत्ता वेदितव्वो। यं पनेत्थ अत्थतो अविभत्तं, तं हेट्ठा वुत्तनयत्ता उत्तानमेव।

चित्तानुपस्सनावण्णना निट्ठिता।

### धम्मनुपस्सना

#### नीवरणपब्बवण्णना

३८२. पहातव्वादिधम्मविभागदस्सनवसेन पञ्चधा धम्मनुपस्सना निट्ठिताति अयमत्थो पाळितो एव विज्जायतीति तमत्थं उल्लिङ्गेन्तो “पञ्चविधेन धम्मनुपस्सनं कथेतु”न्ति आह। यदि एवं कस्मा नीवरणादिवसेनेव निट्ठिन्ति? विनेय्यज्झासयतो। येसज्झि वेनेय्यानं पहातव्वधम्मसे पठमं नीवरणानि विभागेन वत्तव्वानि, तेसं वसेनेत्थ भगवता पठमं नीवरणेसु धम्मनुपस्सना कथिता। तथा हि कायानुपस्सनापि समथपुब्बङ्गमा देसिता, ततो परिज्जेय्येसु खन्धेसु, आयतनेसु च भावेतव्वेसु बोज्झङ्गेसु, परिज्जेय्यादिविभागेषु सच्च्वेसु च उत्तरा देसना, तस्मा चेत्थ समथभावनापि यावदेव विपस्सनत्था इच्छिता। विपस्सनापधाना, विपस्सनाबहुला च सतिपट्ठानदेसनाति तस्सा विपस्सनाभिनिवेसविभागेन देसितभावं विभावेन्तो “अपिचा”तिआदिमाह। तत्थ खन्धायतनदुक्खसच्चवसेन मिस्सकपरिग्गहकथनं दट्ठव्वं। सज्जासङ्खारक्खन्धपरिग्गहम्पीति पि-सद्धेन सकलपञ्चुपादानक्खन्धपरिग्गहं सम्पिण्डेति इतरेसं तदन्तो गधत्ता।

“कण्हसुक्कधम्मानं युगनन्धता नत्थी”ति पजाननकाले अभावा “अभिण्हसमुदाचारवसेना”ति वुत्तं। संविज्जमानन्ति अत्तनो सन्ताने उपलब्धमानं। यथाति येनाकारेन, सो पन “कामच्छन्दस्स उप्पादो होती”ति वुत्तत्ता कामच्छन्दस्स कारणाकारोव, अत्थतो कारणमेवाति आह “येन कारणेना”ति। च-सद्धो वक्खमानत्थसमुच्चयत्थो।

तत्थाति “यथा चा”तिआदिना वुत्तपदे। सुभम्पीति कामच्छन्दोपि। सो हि अत्तनो गहणाकारेन “सुभ”न्ति वुत्तो, तेनाकारेन पवत्तनकस्स अज्जस्स कामच्छन्दस्स निमित्तत्ता “निमित्त”न्ति च। इट्ठं, इट्ठाकारेन वा गय्हमानं रूपादि सुभारम्माणं। आकङ्खितस्स हितसुखस्स पत्तिया अनुपायभूतो मनसिकारो अनुपायमनसिकारो। तन्ति अयोनिमनसिकारं। तत्थाति तस्मिं सभागहेतुभूते, आरम्भणभूते च दुविधे सुभनिमित्ते। आहारोति पच्चयो अत्तनो फलं आहरतीति कत्वा।

असुभन्ति असुभज्झानं उत्तरपदलोपेन, तं पन दससु अविज्जाणकअसुभेसु च केसादीसु सविज्जाणकअसुभेसु च पवत्तं दट्ठव्वं। केसादीसु हि सज्जा “असुभसज्जा”ति गिरिमानन्दसुत्ते (अ० नि० १०.६०) वुत्ता। एत्थ च चतुब्बिधस्स अयोनिमनसिकारस्स, योनिमनसिकारस्स च गहणं निरवसेसदस्सनत्थं कतन्ति दट्ठव्वं, तेसु पन असुभेसु “सुभ”न्ति, “असुभ”न्ति च मनसिकारो इधाधिप्पेतो, तदनुकूलत्ता पन इतरे पीति।



एकादससु असुभेसु पटिक्कूलाकारस्स उग्गहणं, यथा वा तत्थ उग्गहनिमित्तं उप्पज्जति, तथा पटिपत्ति **असुभनिमित्तस्स उग्गहो**। उपचारप्पनावहाय असुभभावनाय अनुयुज्जना **असुभभावनानुयोगो**। “भोजने मत्तञ्जुनो मिताहारस्स थिनमिद्धाभिभवाभावा ओतारं अलभमानो कामच्छन्दो पहीयती”ति वदन्ति, अयमेव च अत्थो निद्देसेपि वुच्चति। यो पन भोजनस्स पटिक्कूलतं, तब्बिपरिणामस्स तदाधारस्स तस्स च उपनिस्सयभूतस्स अतिविय जेगुच्छतं, कायस्स च आहारट्टितिकत्तं सम्मदेव जानाति, सो सब्बसो भोजने पमाणस्स जाननेन **भोजनेमत्तञ्जू** नाम। तादिसस्स हि कामच्छन्दो पहीयतेव।

**असुभकम्मिकतिससत्थेरो** दन्तट्टिदस्सावी। **पहीनस्साति** विक्खम्भनवसेन पहीनस्स। इतो परेसुपि एवरूपेसु ठानेसु एसेव नयो। अभिधम्मपरियायेन (ध० स० ११५९, १५०३) सब्बोपि लोभो कामच्छन्दनीवरणान्ति आह “**अरहत्तमग्गेना**”ति।

**पटिघम्पि** पुरिमुप्पन्नं **पटिघनिमित्तं** परतो उप्पज्जनकस्स पटिघस्स कारणन्ति कत्वा।

मेज्जति सिनिह्तीति **मित्तो**, हितेसी पुग्गलो, तस्मिं मित्ते भवा, मित्तस्स वा एसाति मेत्ता, हितेसिता, तस्सा **मेत्ताय**। **अप्पनापि उपचारोपि वट्टति** साधारणवचनभावतो। “**चेतोविमुत्ती**”ति वुत्ते **अप्पनाव** वट्टति अप्पनं अप्पत्ताय पटिपक्खतो सुट्ठु मुच्चनस्स अभावतो। तन्ति योनिसोमनसिकारं। **तत्थाति** मेत्ताय। **बहुलं पवत्तयतोति** बहुलीकारवतो।

सत्तेसु मेत्तायनस्स हितूपसंहारस्स उप्पादनं पवत्तनं **मेत्तानिमित्तस्स उग्गहो**, पठमुप्पन्नो मेत्तामनसिकारो परतो उप्पज्जनकस्स कारणभावतो मेत्तामनसिकारोव **मेत्तानिमित्तं**। कम्ममेव सकं एतेसन्ति **कम्मस्सका**, सत्ता, तब्भावो **कम्मस्सकता**, कम्मदायादता। दोसमेत्तासु याथावतो आदीनवानिसंसानं पटिसङ्खानं वीमंसा इध **पटिसङ्खानं**। मेत्ताविहारिकल्याणमित्तवन्तता इध **कल्याणमित्तता**। **ओदिस्सकअनोदिस्सकदिसाफरणानन्ति** (ओधिसकअनोधिसकदिसाफरणानं म० नि० अट्ठ० १.११५) अत्तअतिपियसहायमज्झत्तवेरिवसेन ओदिस्सकता, सीमासम्भेदे कते अनोदिस्सकता। एकादिदिसाफरणवसेन दिसाफरणता मेत्ताय उग्गहणे वेदितब्बा। विहाररच्छागामादिवसेन वा ओदिस्सकदिसाफरणं। विहारादिउद्देसरहितं पुरत्थिमादिदिसावसेन अनोदिस्सकदिसाफरणन्ति एवं द्विधा उग्गहणं सन्थाय “**ओदिस्सकअनोदिस्सकदिसाफरणानं**”न्ति वुत्तं। **उग्गहोति** च याव उपचारा दट्ठब्बो। उग्गहिताय आसेवना **भावना**। तत्थ सब्बे सत्ता, पाणा, भूता, पुग्गला, अत्तभावपरियापन्नाति एतेसं वसेन पञ्चविधा, एकेकस्मिं अवेरा होन्तु, अब्बापज्झा, अनीधा, सुखी अत्तानं परिहरन्तूति चतुधा पवत्तितो वीसतिविधा अनोदिस्सकफरणा मेत्ता। सब्बा इत्थियो, पुरिसा, अरिया, अनरिया, देवा, मनुस्सा, विनिपातिकाति सत्तोधिकरणवसेन पवत्ता सत्तविधा, अट्ठवीसति विधा वा, दसहि दिसाहि दिसोधिकरणवसेन पवत्ता दसविधा, एकेकाय वा दिसाय सत्तादिइत्थादिअवेरादिभेदेन असीताधिकचतुसतप्पभेदा च ओधिसो फरणा वेदितब्बा।

येन अयोनिमनसिकारेण अरतिआदिकानि उप्पज्जन्ति, सो अरतिआदीसु अयोनिमनसिकारो। तेन निष्पादेतब्बे हि इदं भुम्मं। एस नयो इतो परेसुपि। उक्कण्ठिता पन्तसेनासनेसु, अधिकुसलधम्मसेसु च उप्पज्जनभावरिज्चना। **कायविनमनाति** करजकायस्स विरूपेनाकारेण नमना। **लीनाकारोति** सङ्कोचापत्ति।

कुसलधम्मपटिपत्तिया पट्टपनसभावताय, तप्पटिपक्खानं विसोसनसभावताय च **आरम्भधातु**आदितो पवत्तवीरियन्ति आह “**पठमारम्भवीरियं**”न्ति। यस्मा पठमारम्भमत्तस्स कोसज्जविधमनं, थामगमनज्ज नत्थि, तस्मा वुत्तं “**कोसज्जतो**

निकृन्तताय ततो बलवतर'न्ति । यस्मा पन अपरापरुषत्तिया लद्धासेवनं उपरूपरि विसेसं आवहन्तं अतिविय थामगतमेव होति, तस्मा वुत्तं “परं परं ठानं अक्कमनतो ततोपि बलवतर'न्ति ।

अतिभोजने निमित्तगाहोति अतिभोजने थिनमिद्धस्स निमित्तगाहो, एत्तके भुत्ते तं भोजनं थिनमिद्धस्स कारणं होति, एत्तके न होतीति थिनमिद्धस्स कारणाकारणगाहो होतीति अत्थो । ब्यतिरेकवसेन चेतं वुत्तं, तस्मा “एत्तके भुत्ते तं भोजनं थिनमिद्धस्स कारणं न होती”ति भोजने मत्तञ्जुता च अत्थतो दस्सिताति दट्ठब्बं । तेनाह “चतुपञ्च...पे०... न होती”ति । दिवा सूरियालोकन्ति दिवा गहितनिमित्तं सूरियालोकं रत्तियं मनसि करोन्तस्सापीति एवमेत्थ अत्थो वेदितब्बो । धुतङ्गानं वीरियनिस्सितत्ता वुत्तं “धुतङ्गनिस्सितसप्पायकथायपी”ति ।

कुक्कुच्चम्पि कताकतानुसोचनवसेन पवत्तमानं चेतसो अवूपसमावहताय उद्धच्चेन समानलक्खणमेवाति “अवूपसमो नाम अवूपसन्ताकारो, उद्धच्चकुक्कुच्चमेवेतं अत्थतो”ति वुत्तं ।

बहुस्सुतस्स गन्थतो, अत्थतो च सुत्तादीनि विचारेन्तस्स तब्बहुलविहारिनो अत्थवेदादिपटिलाभसम्भावतो विक्खेपो न होतीति, यथाविधिपटिपत्तिया, यथानुरूपपतिकारणवत्तिया च कताकतानुसोचनञ्च न होतीति “बाहुसच्चेनपि...पे०... उद्धच्चकुक्कुच्चं पहीयती”ति आह । यदग्गेन बाहुसच्चेन उद्धच्चकुक्कुच्चं पहीयति, तदग्गेन परिपुच्छकताविनयपकतञ्जुताहिपि तं पहीयतीति दट्ठब्बं । वुद्धसेविता च वुद्धसीलितं आवहतीति चेतोवूपसमकरत्ता उद्धच्चकुक्कुच्चप्पहानकारी वुत्ता । वुद्धत्तं पन अनपेक्खित्वा कुक्कुच्चविनोदका विनयधरा कल्याणमित्ता वुत्ताति दट्ठब्बा । विक्खेपो च पब्बजितानं येभ्येन कुक्कुच्चहेतुको होतीति “कप्पियाकप्पियपरिपुच्छाबहुलस्सा”ति आदिना विनयनयेनेव परिपुच्छकतादयो निहिट्ठा । पहीने उद्धच्चकुक्कुच्चेति निद्धारणे भुम्मं । कुक्कुच्चस्स दोमनस्ससहगतत्ता अनागामिमग्गेन आयति अनुप्पादो वुत्तो ।

तिट्ठति पवत्तति एत्थाति ठानीया विचिकिच्छाय ठानीया विचिकिच्छाठानीया, विचिकिच्छाय कारणभूता धम्मा, तिट्ठतीति वा ठानीया, विचिकिच्छा ठानीया एतस्साति विचिकिच्छाठानीया, अत्थतो विचिकिच्छा एव । सा हि पुरिमुप्पन्ना परतो उप्पज्जनकविचिकिच्छाय सभागहेतुताय असाधारणं कारणं ।

कुसलाकुसलाति कोसल्लसम्भूतट्ठेन कुसला, तप्पटिपक्खतो अकुसला । ये अकुसला, ते सावज्जा, असेवितब्बा, हीना च । ये कुसला, ते अनवज्जा, सेवितब्बा, पणीता च । कुसला वा हीनेहि छन्दादीहि आरब्बा हीना, पणीतेहि पणीता । कण्हाति काळका चित्तस्स अपभस्सरभावकरणा । सुक्काति ओदाता चित्तस्स पभस्सरभावकरणा । कण्हाभिजातिहेतुतो वा कण्हा । सुक्काभिजातिहेतुतो सुक्का । ते एव सप्पटिभागा । कण्हा हि उजुविपच्चनीकताय सुक्कसप्पटिभागा, तथा सुक्कापि इतरेहि । अथ वा कण्हसुक्का च सप्पटिभागा च कण्हसुक्कसप्पटिभागा । सुखा हि वेदना दुक्खाय वेदनाय सप्पटिभागा, दुक्खा च वेदना सुखाय वेदनाय सप्पटिभागाति ।

कामं बाहुसच्चपरिपुच्छकताहि सब्बापि अट्ठवत्थुका विचिकिच्छा पहीयति, तथापि रतनत्तयविचिकिच्छामूलिका सेसविचिकिच्छाति कत्वा आह “तीणि रतनानि आरब्भा”ति । रतनत्तयगुणावबोधे “सत्थरि कङ्कती”ति आदि (ध० स० १००८, ११२३, ११६७, १२४१, १२६३, १२७०; विभ० ९१५) विचिकिच्छाय असम्भवोति । विनये पकतञ्जुता “सिक्खाय कङ्कती”ति वुत्ताय विचिकिच्छाय पहानं करोतीति आह “विनये चिण्णवसीभावस्सापी”ति ।

ओक्कप्पनियसद्धासङ्घातअधिमोक्खबहुलस्साति सद्धेय्यवत्थुनो अनुपविसनसद्धासङ्घातअधिमोक्खेन

अधिमुच्चनबहुलस्स, अधिमुच्चनञ्च अधिमोक्खुप्पादनमेवाति दट्ठब्बं, सद्भाय वा निन्नपोणताअधिमुत्ति अधिमोक्खो।

समुदयवयाति समुदयवयधम्मा। सुभनिमित्तअसुभनिमित्तादीसूति “सुभनिमित्तादीसु असुभनिमित्तादीसू”ति आदि-सद्दो पच्चेकं योजेतब्बो। तत्थ पठमेन आदि-सद्देन पटिघनिमित्तादीनं सङ्गहो, दुतियेनमेत्ताचेतोविमुत्तिआदीनं। सेसमेत्थ यं वत्तब्बं, तं वुत्तनयमेव।

नीवरणपब्बवण्णना निट्ठिता।

### खन्धपब्बवण्णना

३८३. उपादानेहि आरम्मणकरणादिवसेन उपादातब्बा वा खन्धा उपादानक्खन्धा।

इति रूपन्ति एत्थ इति-सद्दो इदं-सद्देन समानत्थोति अधिप्पायेनाह “इदं रूप”न्ति। तयिदं सरूपगगहणभावतो अनवसेसपरियादानं होतीति आह “एत्तकं रूपं, न इतो परं रूपं अत्थी”ति। इतीति वा पकारत्थे निपातो, तस्मा “इति रूप”न्ति इमिना भूतुपादादिवसेन यत्तको रूपस्स पभेदो, तेन सद्धिं रूपं अनवसेसतो परियादित्वा दस्सेति। सभावतोति रूपनसभावतो, चक्खादिवण्णादिसभावतो च। वेदनादीसुपीति एत्थ “अयं वेदना, एत्तका वेदना, न इतो परं वेदना अत्थीति सभावतो वेदनं पजानाती”तिआदिना, सभावतोति च “अनुभवनसभावतो, सातादिसभावतो चा”ति एवमादिना योजेतब्बं। सेसं वुत्तनयत्ता सुविज्जेय्यमेव।

खन्धपब्बवण्णना निट्ठिता।

### आयतनपब्बवण्णना

३८४. छसु अज्झत्तिकबाहिरेसूति “छसु अज्झत्तिकेसु छसु बाहिरेसू”ति “छसू”ति पदं पच्चेकं योजेतब्बं। कस्मा पनेतानि उभयानि छळेव वुत्तानि? छविज्जाणकायुप्पत्तिद्वारारम्मणववत्थानतो। चक्खुविज्जाणवीथिया परियापन्नस्स हि विज्जाणकायस्स चक्खायतनमेव उप्पत्तिद्वारं, रूपायतनमेव च आरम्मणं, तथा इतरानि इतरेसं, छट्ठस्स पन भवङ्गमनसङ्कातो मनायतनेकदेसो उप्पत्तिद्वारं, असाधारणञ्च धम्मायतनं आरम्मणं। चक्खतीति चक्खु, रूपं अस्सादेति, विभावेति चाति अत्थो। सुणातीति सोतं। घायतीति घानं। जीवितनिमित्तताय रसो जीवितं, तं जीवितं अव्हायतीति जिह्वा। कुच्छितानं सासवधम्मानं आयो उप्पत्तिदेसोति कायो। मुनाति आरम्मणं विजानातीति मनो। रूपयति वण्णविकारं आपज्जमानं हृदयङ्गतभावं पकासेतीति रूपं। सप्पति अत्तनो पच्चयेहि हरीयति सोतविज्जेय्यभावं गमीयतीति सद्दो। गन्धयति अत्तनो वत्थुं सूचेतीति गन्धो। रसन्ति तं सत्ता अस्सादेन्तीति रसो। फुसीयतीति फोट्ठब्बं। अत्तनो सभावं धारेन्तीति धम्मा। सब्बानि पन आयानं तननादिअत्थेन आयतनानि। अयमेत्थ सङ्केपो, वित्थारो पन विसुद्धिमगगसंवण्णनायं (विसुद्धिं २.५१०, ५११, ५१२; विसुद्धिं टी० २.५१०) वुत्तनयेनेव वेदितब्बो।

चक्खुञ्च पजानातीति (दी० नि० २.३८४; म० नि० १.११७) एत्थ चक्खु नाम पसादचक्खु, न ससम्भारचक्खु, नापि दिब्बचक्खुआदिकन्ति आह चक्खुपसादन्ति। यं सन्धाय वुत्तं “यं चक्खु चतुन्नं महाभूतानं उपादाय पसादो”ति। (ध० स० ५९६) च-सद्दो वक्खमानत्थसमुच्चयत्थो। याथावसरसलक्खणवसेनाति अविपरीतस्स अत्तनो रसस्स चैव लक्खणस्स

च वसेन, रूपेसु आविच्छन्नकिच्चस्स चेव रूपाभिधातारहभूतपसादलक्खणस्स च दद्दुकामतानिदानकम्मसमुद्धानभूतपसादलक्खणस्स च वसेनाति अत्थो । अथ वा **याथावसरसलक्खणवसेनाति** याथावसरसवसेन चेव लक्खणवसेन च, **याथावसरसोति** च अविपरीतसभावो वेदितब्बो । सो हि रसीयति अविरद्धपटिवेधवसेन अस्सादीयति रमीयतीति “रसो”ति वुच्चति, तस्मा सलक्खणवसेनाति वुत्तं होति । **लक्खणवसेनाति** अनिच्चादिसामञ्जलक्खणवसेन ।

“चक्खुञ्च पटिच्च रूपे च उप्पज्जति चक्खुविज्जाण”न्ति आदीसु (म० नि० १.२०४, ४००; म० नि० ३.४२१, ४२५, ४२६; सं० नि० २.४३, ४५; २.४.६०) समुदितानियेव रूपायतनानि चक्खुविज्जाणुप्पत्तिहेतु, न विसुं विसुन्ति इमस्स अत्थस्स जोतनत्थं “रूपे चा”ति पुथुवचनगगहणं, तां एव च देसनागतिया कामं इधापि “रूपे च पजानाती”ति वुत्तं, रूपभावसामञ्जेन पन सब्बं एकज्झं गहेत्वा **बहिद्धा चतुसमुद्धानिकरूपञ्चाति** एकवचनवसेन अत्थो । **सरसलक्खण वसेनाति** चक्खुविज्जाणस्स विसयभावकिच्चस्स वसेन चेव चक्खुपटिहननलक्खणस्स वसेन चाति योजेतब्बं ।

**उभयं पटिच्चाति** चक्खुं उपनिस्सयपच्चयवसेन पच्चयभूतं, रूपे आरम्भणाधिपतिआरम्भणूपनिस्सयवसेन पच्चयभूते च पटिच्च । कामं अयं सुत्तन्तसंवण्णना, निप्परियायकथा नाम अभिधम्मसन्निस्सिता एवाति अभिधम्मनयेनेव संयोजनानि दस्सेन्तो “**कामराग...पे०... अविज्जासंयोजन**”न्ति आह । तत्थ कामेसु रागो, कामो च सो रागो चाति वा **कामरागो** । सो एव बन्धनद्वेन **संयोजनं** । अयञ्चि यस्स संविज्जति, तं पुगलं वट्ठस्मिं संयोजेति बन्धति इति दुक्खेन सत्तं, भवादिके वा भवन्तरादीहि, कम्मुना वा विपाकं संयोजेति बन्धतीति **संयोजनं** । एवं पटिघसंयोजंआदीनम्पि यथारहमत्थो वत्तब्बो । **सरसलक्खणवसेनाति** एत्थ पन सत्तस्स वट्ठतो अनिस्सज्जनसङ्घातस्स अत्तनो किच्चस्स चेव यथावुत्तबन्धनसङ्घातस्स लक्खणस्स च वसेनाति योजेतब्बं ।

भवस्सादिदिट्ठिस्सादनिवत्तनत्थं **कामस्सादग्गहणं** । **अस्सादयतोति** अभिरमन्तस्स । **अभिनन्दतोति** सप्पीतिकतण्हावसेन नन्दन्तस्स । पदद्वयेनापि बलवतो कामरागस्स पच्चयभूता कामरागुप्पत्ति वुत्ता । एस नयो सेसेसुपि । **अनिट्टारम्मणेति** एत्थ “आपाथगते”ति विभत्तिविपरिणामनवसेन “आपाथगत”न्ति पदं आनेत्वा सम्बन्धितब्बं । **एतं आरम्भणन्ति** एतं एवंसुखुमं एवंदुब्बिभागं आरम्भणं । “**निच्चं धुव**”न्ति इदं निदस्सनमत्तं । “उच्छिज्जिस्सति विनस्सिस्सतीति गणहतो”ति एवमादीनम्पि सङ्गहो इच्छितब्बो । पठमाय सक्कायदिट्ठिया अनुरोधवसेन “**सत्तो नु खो**”ति, इतराय अनुरोधवसेन “**सत्तस्स नु खो**”ति **विचिकिच्छतो** । अत्तत्तनियादिगाहानुगता हि विचिकिच्छा दिट्ठिया असति अभावतो । **भवं पत्थेन्तस्साति** “ईदिसे सम्पत्तिभवे यस्मा अम्हाकं इदं इदं रूपारम्भणं सुलभं जातं, तस्मा आयतिम्पि एदिसो, इतो वा उत्तरितरो सम्पत्तिभवो भवेय्या”ति भवं निकामेन्तस्स । **एवरूपन्ति** एवरूपं रूपं । तंसदिसे हि तब्बोहारवसेनेवं वुत्तं । भवति हि तंसदिसेसु तब्बोहारो यथा “सा एव तित्तिरी, तानि एव ओसधानी”ति । **उसूयतोति** उसूयं इस्सं उप्पादयतो । **अज्जस्स मच्छरायतोति** अज्जेन असाधारणभावकरणेन मच्छरियं करोतो । **सब्बेहेव** यथावुत्तेहि नवहि संयोजेनेहि ।

**तज्ज्य कारणन्ति** सुभनिमित्तपटिघनिमित्तादिविभागं इट्ठानिट्ठादिरूपारम्भणञ्चेव तज्जायोनिमोमनसिकारज्जाति तस्स तस्स संयोजनस्स कारणं । अविकखम्भितासमूहतभूमिलद्ध्युप्पन्नं तं सन्धाय “**अप्पहीनद्वेन उप्पन्नस्सा**”ति वुत्तं । वत्तमानुप्पन्नता समुदाचारगगहणेनेव गहिता । **येन कारणेनाति** येन विपस्सनासमथभावनासङ्घातेन कारणेन । तज्जि तस्स तदङ्गवसेन चेव विकखम्भनवसेन च पहाणकारणं । इस्सामच्छरियानं अपायगमनीयताय पठममग्गवज्झता वुत्ता । यदि एवं

“तिण्णं संयोजनानं परिक्खया सोतापन्नो होती”ति (अ० नि० ४.२४१) सुत्तपदं कथन्ति? तं सुत्तन्तपरियायेन वुत्तं । यथानुलोमसासना हि सुत्तन्तदेसना, अयं पन अभिधम्मनयेन संवण्णनाति नायं दोसोति । **ओळारिकस्साति** थूलस्स, यतो अभिण्हसमुप्पत्तिपरियुट्ठानतिब्बताव होति । **अणुसहगतस्साति** वुत्तप्पकाराभावेन अणुभावं सुखुमभावं गतस्स । उद्धच्चसंयोजनस्सपेत्थ अनुप्पादो वुत्तोयेवाति दट्ठब्बो यथावुत्तसंयोजनेहि अविनाभावतो । एकत्थताय सोतादीनं सभावसरसलक्खणवसेन पजानना, तप्पच्चयानं संयोजनानं उप्पादादिपजानना च वुत्तनयेनेव वेदितब्बाति दस्सेन्तो “**एसेव नयो**”ति अतिदिसति ।

**अत्तनो वा धम्मेसूति** अत्तनो अज्झत्तिकायतनधम्मेसु, अत्तनो उभयधम्मेसु वा । इमस्मिं पक्खे **अज्झत्तिकायतनपरिगगणहेनेनाति** अज्झत्तिकायतनपरिगगणहनमुखेनाति अत्थो । एवञ्च अनवसेसतो सपरसन्तानेसु आयतनानं परिगगहो सिद्धो होति । **परस्स वा धम्मेसूति** एत्थापि एसेव नयो । **रूपायतनस्साति** अट्ठेकादसप्पभेदस्स रूपसभावस्स आयतनस्स रूपक्खन्धे “वुत्तनयेन नीहरितब्बो”ति आनेत्वा सम्बन्धितब्बं । **सेसक्खन्धेसूति** वेदनासज्जासङ्खारक्खन्धेसु । **वुत्तनयेनाति** इमिना अतिदेसेन रूपक्खन्धे “आहारसमुदया”ति विज्जाणक्खन्धे “नामरूपसमुदया”ति सेसक्खन्धेसु “फस्ससमुदया”ति इमं विसेसं विभावेति, इतरं पन सब्बत्थ समानन्ति खन्धपब्बे विय आयतनपब्बेपि लोकुत्तरनिवत्तनं पाळियं गहितं नत्थीति वुत्तं “**लोकुत्तरधम्मा न गहेतब्बा**”ति । सेसं वुत्तनयमेव ।

आयतनपब्बवण्णना निड्ढिता ।

### बोज्झङ्गपब्बवण्णना

**३८५. बुज्जनकसत्तस्साति** किलेसनिद्वाय पटिबुज्जनकसत्तस्स, अरियसच्चानं वा पटिविज्जनकसत्तस्स । **अङ्गेसूति** कारणेसु, अवयवेसु वा । उदयवयजाणुप्पत्तितो पट्टाय सम्बोधिपटिपदायं ठितो नाम होतीति आह “**आरद्धविपस्सकतो पट्टाय योगावचरोति सम्बोधी**”ति । सुत्तन्तदेसना नाम परियायकथा, अयञ्च सतिपट्टानदेसना लोकियमगगवसेन पवत्ताति वुत्तं “योगावचरोति सम्बोधी”ति, अज्जथा “अरियसावको”ति वदेय्य ।

“**सतिसम्बोज्झङ्गद्वानीया**”ति पदस्स अत्थो “विचिकिच्छाद्वानीया”ति एत्थ वुत्तनयेन वेदितब्बो । तन्ति योनिसोमनसिकारं । तत्थाति सतियं, निप्फादेतब्बे चेत्तं भुम्मं ।

सति च सम्पजज्जञ्च **सतिसम्पजज्जं** । अथ वा सतिप्पधानं अभिक्कन्तादिसात्थकभावपरिगगणहनजाणं **सतिसम्पजज्जं** । तं सब्बत्थ सतोकारीभाववहत्ता सतिसम्बोज्झङ्गस्स उप्पादाय होति । यथा पच्चनीकधम्मप्पहानं, अनुरूपधम्मसेवना च अनुप्पन्नानं कुसलानं धम्मानं उप्पादाय होति, एवं सतिरहितपुग्गलविवज्जना, सतोकारीपुग्गलसेवना, तत्थ च युत्तप्पयुत्तता सतिसम्बोज्झङ्गस्स उप्पादाय होतीति इममत्थं दस्सेति “**सतिसम्पजज्जं**”न्तिआदिना । **तिस्सदत्तत्थेरो** नाम, यो बोधिमण्डे सुवण्णसलाकं गहेत्वा “अट्टारससु भासासु कतरभासाय धम्मं कथेमी”ति परिसं पवारेसि । **अभयत्थेरोति** दत्ताभयत्थेरमाह ।

धम्मानं, धम्मेसु वा विचयो **धम्मविचयो**, सो एव सम्बोज्झङ्गो, तस्स **धम्मविचयसम्बोज्झङ्गस्स** । “**कुसलाकुसला धम्मा**”तिआदीसु यं वत्तब्बं, तं हेट्ठा वुत्तनयमेव । तत्थ **योनिसोमनसिकारबहुलीकारोति** कुसलादीनं तंतंसभावसरसलक्खणआदिकस्स याथावतो अवबुज्जनवसेन उप्पन्नो जाणसम्पयुत्तचित्तुप्पादो । सो हि

अविपरीतमनसिकारताय “योनिमोमनसिकारो”ति वृत्तो, तदाभोगताय आवज्जनापि तग्गतिका एव, तस्स अभिण्हं पवत्तनं बहुलीकारो । **भिय्योभावायाति** पुनप्पुनं भावाय । **वेपुल्लायाति** विपुलभावाय । **पारिपूरियाति** परिबूहनाय ।

**परिपुच्छकताति** परियोगाहेत्वा पुच्छकभावो । आचरिये पयिरुपासित्वा पञ्चपि निकाये सह अट्टकथाय परियोगाहेत्वा यं यं तत्थ गण्ठिद्वानभूतं, तं तं “इदं भन्ते कथं, इमस्स को अत्थो”ति खन्धायतनादिअत्थं पुच्छन्तस्स धम्मविचयसम्बोज्झङ्गो उप्पज्जति । तेनाह “**खन्धधातु...पे... बहुलता**”ति । **वत्थूनं विसदभावकरणन्ति** एत्थ चित्तचेतसिकानं पवत्तिद्वानभावतो सरीरं, तप्पटिबद्धानि चीवरानि च “वत्थूनी”ति अधिप्पेतानि, तानि यथा चित्तस्स सुखावहानि होन्ति, तथा करणं तेसं विसदभावकरणं । तेन वृत्तं “**अज्झत्तिकबाहिरान**”न्तिआदि । **उस्सन्नदोसन्ति** वातादिउस्सन्नदोसं । **सेदमलमक्खितन्ति** सेदेन चैव जल्लिकासङ्घातेन सरीरमलेन च मक्खितं । **च-सद्देन** अज्जम्पि सरीरस्स, चित्तस्स च पीळावहं सङ्गण्हाति । **सेनासनं वाति वा-**सद्देन पत्तादीनं सङ्गहो दट्ठब्बो । **अविसदे** सति, विसयभूते वा । कथं भावनमनुयुत्तस्स तानि विसयो? अन्तरन्तरा पवत्तनकचित्तुप्पादवसेनेवं वृत्तं । ते हि चित्तुप्पादा चित्तेकगताय अपरिसुद्धभावाय संवत्तन्ति । **चित्तचेतसिकेसु** निस्सयादिपच्चयभूतेसु । **जाणम्पीति पि-**सद्दो सम्पिण्डनत्थो, तेन न केवलं तं वत्थुयेव, अथ खो तस्मिं अपरिसुद्धे जाणम्पि अपरिसुद्धं होतीति निस्सयापरिसुद्धिया तंनिस्सितापरिसुद्धि विय विसयस्स अपरिसुद्धताय विसयिनो अपरिसुद्धिं दस्सेति ।

**समभावकरणन्ति** किच्चतो अनूनाधिकभावकरणं । सद्देय्यवत्थुस्मिं पच्चयवसेन अधिमोक्खकिच्चस्स पटुतरभावेन, पञ्जाय अविसदताय, वीरियादीनञ्च सिथिलतादिना सद्दिन्द्रियं बलवं होति । तेनाह “**इतरानि मन्दानी**”ति । **ततोति** तस्मा सद्दिन्द्रियस्स बलवभावतो, इतरेसञ्च मन्दता । कोसज्जपक्खे पतितुं अदत्त्वा सम्पयुत्तधम्मानं पग्गण्हनं अनुबलप्पदानं **पग्गहो**, पग्गहोव किच्चं **पग्गहकिच्चं**, “कातुं न सक्कोती”ति आनेत्वा सम्बन्धितब्बं । आरम्भणं उपगन्त्वा ठानं, अनिस्सज्जनं वा **उपट्टानं** । विक्खेपपटिक्खेपो, येन वा सम्पयुत्ता अविक्खित्ता होन्ति, सो **अविक्खेपो** । रूपगतं विय चक्खुना येन याथावतो विसयसभावं पस्सति, तं **दस्सनकिच्चं** । **कातुं न सक्कोति** बलवता सद्दिन्द्रियेन अभिभूतत्ता । सहजातधम्मेसु हि इन्दुं कारेन्तानं सहपवत्तमानानं धम्मानं एकरसतावसेनेव अत्थसिद्धि, न अज्जथा । **तस्माति** वृत्तमेवत्थं कारणभावेन पच्चासति । **तन्ति** सद्दिन्द्रियं । **धम्मसभावपच्चवेक्खणेनाति** यस्स सद्देय्यस्स वत्थुनो उळारतादिगुणे अधिमुच्चनस्स सातिसयप्पवत्तिया सद्दिन्द्रियं बलवं जातं, तस्स पच्चयपच्चयुप्पन्नतादिविभागतो याथावतो वीमंसनेन । एवज्झि एवंधम्मतानयेन सभावसरसतो परिगग्हमाने सविप्फारो अधिमोक्खो न होति “अयं इमेसं धम्मानं सभावो”ति परिजाननवसेन पञ्जाब्यापारस्स सातिसयत्ता । धुरियधम्मेसु हि यथा सद्भाय बलवभावे पञ्जाय मन्दभावो होति, एवं पञ्जाय बलवभावे सद्भाय मन्दभावो होतीति । तेन वृत्तं “**तं धम्मसभावपच्चवेक्खणेन वा, यथा वा मनसिकरोतो बलवं जातं, तथा अमनसिकारेन हापेतब्ब**”न्ति । **तथा अमनसिकारेनाति** येनाकारेन भावनं अनुयुज्जन्तस्स सद्दिन्द्रियं बलवं जातं, तेनाकारेन भावनाय अननुयुज्जनतोति वृत्तं होति । इध दुविधेन सद्दिन्द्रियस्स बलवभावो अत्तनो वा पच्चयविसेसेन किच्चुत्तरियतो, वीरियादीनं वा मन्दकिच्चताय । तत्थ पठमविकप्पे हापनविधि दस्सितो । दुतियकप्पे पन यथा मनसि करोतो वीरियादीनं मन्दकिच्चताय सद्दिन्द्रियं बलवं जातं, तथा अमनसिकारेन, वीरियादीनं पटुकिच्चभावावहेन मनसिकारेन सद्दिन्द्रियं तेहि समरसं करोन्तेन हापेतब्बं । इमिना नयेन सेसिन्द्रियेसुपि हापनविधि वेदितब्बो ।

**वक्कलित्थेरवत्थूति** । सो हि आयस्मा सद्भाधिमुत्तताय कताधिकारो सत्थु रूपकायदस्सनप्पसुतो एव हुत्वा विहरन्तो सत्थारा “किं ते वक्कलि इमिना पूतिकायेन दिट्ठेन, यो खो वक्कलि धम्मं पस्सति, सो मं पस्सती”तिआदिना (सं० नि०

३.८७; दी० नि० अट्ट० १.पठममहासङ्गीतिकथा; अ० नि० अट्ट० १.१.२०८; ध० प० अट्ट० २.३८०; पटि० म० अट्ट० २.२.१३०; ध० स० अट्ट० १००७; थेरगा० अट्ट० २.वक्कलित्थेरगाथावण्णना) ओवदित्वा कम्मट्ठाने नियोजितोपि तं अननुयुज्जन्तो पणामितो अत्तानं विनिपातेतुं पपातट्ठानं अभिरुहि, अथ नं सत्था यथानिसिन्नोव ओभासं विस्सज्जनेन अत्तानं दस्सेत्वा —

“पामोज्जबहुलो भिक्खु, पसन्नो बुद्धसासने ।

अधिगच्छे पदं सन्तं, सङ्खारूपसमं सुखं”न्ति ॥ (ध० प० ३८१) —

गाथं वत्वा “एहि वक्कली”ति आह । सो तेन अमतेनेव अभिसित्तो हट्ठतुट्ठो हुत्वा विपस्सनं पट्टपेसि । सद्भाय बलवभावतो विपस्सनावीरिं न ओतरति, तं जत्वा भगवा तस्स इन्द्रियसमत्तपटिपादनाय कम्मट्ठानं सोधेत्वा अदासि । सो सत्थारा दिन्ननये ठत्वा विपस्सनं उस्सुक्कापेत्वा मग्गप्पटिपाटिया अरहत्तं पापुणि । तेनेतं वुत्तं “वक्कलित्थेरवत्थु चेत्य निदस्सन”न्ति । एत्थाति सद्धिन्द्रियस्स अधिमत्तभावे सेसिन्द्रियानं सकिच्चाकरणे ।

इतरकिच्चभेदन्ति उपट्ठानादिकिच्चविसेसं । पस्सद्धादीति आदि-सद्देन समाधिउपेक्खासम्बोज्झङ्गानं सङ्गहो दट्ठब्बो । हापेतब्बन्ति यथा सद्धिन्द्रियस्स बलवभावो धम्मसभावपच्चवेक्खणेन हायति, एवं वीरियिन्द्रियस्स अधिमत्तता पस्सद्धिआदिभावनाय हायति समाधिपक्खयत्ता तस्सा । तथा हि समाधिन्द्रियस्स अधिमत्ततं कोसज्जपाततो रक्खन्ती वीरियादिभावना विय वीरियिन्द्रियस्स अधिमत्ततं उद्धच्चपाततो रक्खन्ती एकंसतो हापेति । तेन वुत्तं “पस्सद्धादिभावनाय हापेतब्ब”न्ति । सोणत्थेरस्स वत्थूति सुकुमारसोणत्थेरस्स वत्थु । (महाव० २४२; अ० नि० अट्ट० १.१.२०५) सो हि आयस्मा सत्थु सन्तिके कम्मट्ठानं गहेत्वा सीतवने विहरन्तो “मम सरीरं सुखुमालं, न च सक्का सुखेनेव सुखं अधिगन्तुं, किलमेत्वापि समणधम्मो कातब्बो”ति तं ठानचङ्कममेव अधिद्वाय पधानं अनुयुज्जन्तो पादतलेसु फोटेसु उट्ठितेसुपि वेदनं अज्झुपेक्खित्वा दळ्हं वीरियं करोन्तो अच्चारद्धवीरियताय विसेसं निब्बत्तेतुं नासक्खि । सत्था तत्थ गन्त्वा वीणूपमोवादेन ओवदित्वा वीरियसमतायोजनवीरिं दस्सेन्तो कम्मट्ठानं सोधेत्वा गिज्झकूटं गतो । थेरोपि सत्थारा दिन्ननयेन वीरियसमतं योजेत्वा भावेन्तो विपस्सनं उस्सुक्कापेत्वा अरहत्ते पतिट्ठासि । तेन वुत्तं “सोणत्थेरस्स वत्थु दस्सेतब्ब”न्ति । सेसेसुपीति सतिसमाधिपञ्चिन्द्रियेसुपि ।

समतन्ति सद्भापज्ज्ञानं अज्जमज्जं अनूनाधिकभावं, तथा समाधिवीरियानं । यथा हि सद्भापज्ज्ञानं विसुं विसुं धुरियधम्मभूतानं किच्चतो अज्जमज्जं नातिवत्तनं विसेसतो इच्छितब्बं, यतो नेसं समधुरताय अप्पना सम्पज्जति, एवं समाधिवीरियानं कोसज्जुद्धच्चपक्खिकानं समरसताय सति अज्जमज्जूपत्थम्भनतो सम्पयुत्तधम्मानं अन्तद्वयपाताभावेन सम्मदेव अप्पना इज्झति । “बलवसद्धो”तिआदि ब्यतिरेकमुखेन वुत्तस्सेव अत्थस्स समत्थनं । तस्सत्थो यो बलवतिया सद्भाय समन्नागतो अविषदजाणो, सो मुधप्पसन्नो होति, न अवेच्चप्पसन्नो । तथा हि अवत्थुस्मिं पसीदति सेय्यथापि तित्थियसावका । केराटिकपक्खन्ति साठेय्यपक्खं भजति । सद्भाहीनाय पज्जाय अतिधावन्तो “देय्यवत्थुपरिच्चागेन विना चित्तुप्पादमत्तेनपि दानमयं पुज्जं होती”तिआदीनि परिकप्पेति हेतुपतिरूपकेहि वज्जितो, एवंभूतो च सुक्खतक्कविलुत्तचित्तो पण्डितानं वचनं नादियति सज्जत्तिं न गच्छति । तेनाह “भेसज्जसमुट्ठितो विय रोगो अतेकिच्छो होती”ति । यथा चेत्य सद्भापज्ज्ञानं अज्जमज्जं विसमभावो न अत्थावहो, अनत्थावहोव, एवं, समाधिवीरियानं अज्जमज्जं विसमभावो न अत्थावहो, अनत्थावहोव, तथा न अविकखेपावहो, विकखेपावहोवाति । कोसज्जं अभिभवति, तेन अप्पनं न पापुणातीति अधिप्पायो । उद्धच्चं अभिभवतीति एत्थापि एसेव नयो । तदुभयन्ति सद्भापज्जाद्वयं, समाधिवीरियद्वयञ्च ।

**समं कातब्बन्ति समरसं कातब्बं ।**

**समाधिकम्मिकस्साति** समथकम्मट्टानिकस्स । **एवन्ति** एवं सन्ते, सद्भाय थोकं बलवभावे सतीति अत्थो । **सहहन्तोति** “पथवी पथवीति मनसिकरणमत्तेन कथं झानुप्पत्ती”ति अचिन्तेत्वा “अद्भा सम्मासम्बुद्धेन वुत्तविधि इज्झिस्सती”ति सहहन्तो सद्धं जनेन्तो । **ओकप्पेन्तोति** आरम्मणं अनुपविसित्वा विय अधिमुच्चनवसेन अवकप्पेन्तो पक्खन्दन्तो । **एकग्गता बलवती वट्टति** समाधिप्पधानत्ता झानस्स । **उभिन्नन्ति** समाधिपज्जानं । समाधिकम्मिकस्स समाधिनो अधिमत्तताय पज्जाय अधिमत्ततापि इच्छितब्बाति आह “**समतायपी**”ति, समभावेनापीति अत्थो । **अप्पनाति** लोकियप्पना । तथा हि “**होतियेवा**”ति सासङ्कं वदति । लोकुत्तरप्पना पन तेसं समभावेनेव इच्छिता । यथाह “समथविपस्सनं युगनन्धं भावेती”ति (अ० नि० ४.१७०; पटि० म० २.५) ।

यदि विसेसतो सद्भापज्जानं, समाधिवीरियानञ्च समताव इच्छिता, कथं सतीति आह “**सति पन सब्बत्थ बलवती वट्टती**”ति । **सब्बत्थाति** लीनुद्धच्चपक्खिकेसु पञ्चसु इन्द्रियेसु । उद्धच्चपक्खिकेकदेसे गणहन्तो “**सद्भावीरियपज्जान**”न्ति आह । अज्जथा पीति च गहेतब्बा सिया । तथा हि “**कोसज्जपक्खिकेन समाधिना**” इच्चेव वुत्तं, न “पस्सद्भिसमाधिउपेक्खाही”ति । **साति** सति । सब्बेसु राजकम्मेसु नियुत्तो **सब्बकम्मिको** । तेनाति तेन सब्बत्थ इच्छितब्बट्टेन कारणेन । आह अट्टकथायं । सब्बत्थ नियुत्ता **सब्बत्थिका** सब्बत्थ लीने, उद्धते च चित्ते इच्छितब्बत्ता, सब्बे वा लीने, उद्धते च चित्ते भावेतब्बा बोज्झङ्गा अत्थिका एतायाति **सब्बत्थिका** । चित्तन्ति कुसलं चित्तं । तस्स हि सति पटिसरणं परायणं अप्पत्तस्स पत्तिया अनधिगतस्स अधिगमाय । तेनाह “**आरक्खपच्चुपट्टाना**”तिआदि ।

**खन्धादिभेदे अनोगाळहपज्जानन्ति** परियत्तिबाहुसच्चवसेनपि खन्धायतनादीसु अप्पतिट्ठितबुद्धीनं । बहुस्सुतसेवना हि सुतमयजाणावहा । तरुणविपस्सनासमङ्गीपि भावनामयजाणे ठितत्ता एकंसतो पज्जवा एव नाम होतीति आह “**समपज्जास लक्खणपरिग्गाहिकाय उदयब्बयपज्जाय समन्नागतपुग्गलसेवना**”ति । जेय्यधम्मस्स गम्भीरभाववसेन तप्परिच्छेदकजाणस्स गम्भीरभावग्गहणन्ति आह “**गम्भीरेसु खन्धादीसु पवत्ताय गम्भीरपज्जाया**”ति । तज्हि जेय्यं तादिसाय पज्जाय चरितब्बतो **गम्भीरजाणचरियं**, तस्सा वा पज्जाय तत्थ पभेदतो पवत्ति गम्भीरजाणचरिया, तस्सा पच्चवेक्खणाति आह “**गम्भीरपज्जाय पभेदपच्चवेक्खणा**”ति । यथा सतिवेपुल्लप्पत्तो नाम अरहा एव, एवं पज्जावेपुल्लप्पत्तोतिपि सो एवाति आह “**अरहत्तमग्गेन भावनापारिपूरी होती**”ति । वीरियादीसुपि एसेव नयो ।

“तत्तं अयोखिलं हत्थे गमेन्ती”तिआदिना (म० नि० ३.२५०, २६७; अ० नि० ३.३६) वुत्तपञ्चविधबन्धनकम्मकारणा निरये निब्बत्तसत्तस्स येभ्य्येन सब्बपठमं करोन्तीति, देवदूतसुत्तादीसु तस्स आदितो वुत्तत्ता च आह “**पञ्चविधबन्धनकम्मकारणतो पट्टाया**”ति । **सकटवहनादिकालेति आदि**-सद्देन तदज्जमनुस्सेहि, तिरच्छानेहि च विबाधियमानकालं सङ्गहन्ति । “**एकं बुद्धन्तर**”न्ति इदं अपरापरं पेटेसु एव उप्पज्जनकसत्तवसेन वुत्तं, एकच्चानं वा पेतानं एकच्चतिरच्छानानं विय तथा दीघायुकतापि सियाति तथा वुत्तं । तथा हि “**कालो नागराजा चतुन्मं बुद्धानं सम्मुखीभावं लभित्वा ठितो मेत्तेय्यस्सपि भगवतो सम्मुखीभावं लभिस्सती**”ति वदन्ति, यं तस्स कप्पायुकता वुत्ता ।

**आनिसंसदस्साविनोति** “वीरियायत्तो एव सब्बो लोकुत्तरो, लोकियो च विसेसाधिगमो”ति एवं वीरिये आनिसंसदस्सनसीलस्स । **गमनवीथिन्ति** सपुब्बभागं निब्बानगामिनिं पटिपदं, सह विपस्सनाय अरियमग्गपटिपाटि, सत्तविसुद्धिपरम्परा वा । सा हि भिक्खुनो वट्टनिय्यानाय गन्तब्बा पटिपदाति कत्वा **गमनवीथि** नाम । **कायदळ्हीबहुलोति** यथा तथा कायस्स दळ्हीकम्मप्पसुतो । **पिण्डन्ति** रट्टपिण्डं । पच्चयदायकानं अत्तनि कारस्स अत्तनो सम्मापटिपत्तिया



महफलभावस्स करणेन पिण्डस्स भिक्खाय पटिपूजना **पिण्डापचायनं**।

नीहरन्तोति पत्तथविकतो नीहरन्तो। तं **सदं सुत्वा**ति तं उपासिकाय वचनं अत्तनो वसनपण्णसालद्वारे ठितोव पञ्चाभिज्जताय दिब्बसोतेन सुत्वा। मनुस्ससम्पत्ति, दिब्बसम्पत्ति, निब्बानसम्पत्तीति इमा **तिस्सो सम्पत्तियो**। दातुं **सक्खिस्ससी**ति “तयि कतेन दानमयेन, वेय्यावच्चमयेन च पुज्जकम्मेन खेत्तविसेसभावूपगमनेन अपरापरं देवमनुस्ससम्पत्तियो, अन्ते निब्बानसम्पत्तिञ्च दातुं सक्खिस्ससी”ति थेरो अत्तानं पुच्छति। **सितं करोन्तो वाति** “अकिच्छेनेव मया वट्टदुक्खं समतिक्कन्त”न्ति पच्चवेक्खणावसाने सज्जातपामोज्जवसेन सितं करोन्तो एव।

**विप्पटिपन्नन्ति** जातिधम्मकुलधम्मदिलङ्घनेन असम्मापटिपन्नं। एवं यथा असम्मापटिपन्नो पुत्तो ताय एव असम्मापटिपत्तिया कुलसन्तानतो बाहिरो हुत्वा पितु सन्तिका दायज्जस्स न भागी, **एवं। कुसीतोपि** तेन कुसीतभावेन असम्मापटिपन्नो सत्थु सन्तिका लद्धब्बअरियधनदायज्जस्स न भागी। **आरद्धवीरियोव लभति** सम्मापटिपज्जनतो। उप्पज्जति वीरियसम्बोज्झङ्गोति योजना, एवं सब्बत्थ।

**महाति** सीलादीहि गुणेहि महन्तो विपुलो अनज्जसाधारणो। तं पनस्स गुणमहत्तं दससहस्सिलोकधातुकम्पनेन लोके पाकटन्ति दस्सेन्तो “**सत्थुनो ही**”तिआदिमाह।

यस्मा सत्थुसासने पब्बजितस्स पब्बज्जूपगमेन सक्यपुत्तस्सभावो सम्पजायति, तस्मा बुद्धपुत्तभावं दस्सेन्तो “**असम्भिन्नाया**”तिआदिमाह।

अलसानं भावनाय नाममत्तम्पि अजानन्तानं कायदळ्हीबहुलानं यावदत्थं भुज्जित्वा सेय्यसुखादिअनुयुज्जनकानं तिरच्छानकथिकानं पुगलानं दूरतो वज्जना **कुसीतपुगलपरिवज्जना**। “दिवसं चङ्कमेन निसज्जाया”तिआदिना (म० नि० १.४२३; ३.६५; सं० नि० ४.१२०; महानि० १६१) भावनारद्धवसेन आरद्धवीरियानं दळ्हपरक्कमानं कालेन कालं उपसङ्कमना **आरद्धवीरियपुगलसेवना**। तेनाह “**कुच्छिं पूरेत्वा**”तिआदि। **विसुद्धिमग्गे** (विसुद्धि० १.६४) पन जातिमहत्तपच्चवेक्खणा, सब्रह्मचारीमहत्तपच्चवेक्खणाति इदं द्वयं न गहितं, थिनमिद्धविनोदनता, सम्मप्पधानपच्चवेक्खणताति इदं द्वयं गहितं। तत्थ आनिसंसदस्साविताय एव **सम्मप्पधानपच्चवेक्खणा** गहिता होति लोकियलोकुत्तरविसेसाधिगमस्स वीरियायत्ततादस्सनभावतो। **थिनमिद्धविनोदनं** तदधिमुत्तताय एव गहितं होति, वीरियुप्पादने युत्तप्पयुत्तस्स थिनमिद्धविनोदनं अत्थसिद्धमेव। तत्थ थिनमिद्धविनोदनकुसीतपुगलपरिवज्जनआरद्धवीरियपुगलसेवन- तदधिमुत्ततापटिपक्खविधमनपच्चयूपसंहारवसेन, अपायभयपच्चवेक्खणादयो समुत्तेजनवसेन वीरियसम्बोज्झङ्गस्स उप्पादका दट्टब्बा।

पुरिमुप्पन्ना पीति परतो उप्पज्जनकपीतिया विसेसकारणसभागहेतुभावतो “**पीतियेव पीतिसम्बोज्झङ्गद्वानीया धम्मा**”ति वुत्ता, तस्सा पन बहुसो पवत्तिया पुत्तुत्तं उपादाय बहुवचननिद्देशो। यथा सा उप्पज्जति, एवं पटिपत्ति **तस्सा उप्पादकमनसिकारो**।

“बुद्धानुस्सती”तिआदीसु वत्तब्बं **विसुद्धिमग्गे** (विसुद्धि० १.१२३) वुत्तनयेनेव वेदितब्बं।

बुद्धानुस्सतिया उपचारसमाधिनिवृत्ता वुत्तं “**याव उपचारा**”ति। **सकलसरीरं फरमानोति** पीतिसमुद्धानेहि पणीतरूपेहि सकलसरीरं फरमानो। धम्मगुणे अनुस्सरन्तस्सापि याव उपचारा सकलसरीरं फरमानो पीतिसम्बोज्झङ्गो

उपपज्जतीति योजना, एवं सेसअनुस्सतीसु । पसादनीयसुत्तन्तपच्चवेक्खणायञ्च योजेतब्बं तस्सापि विमुत्तायतनभावेन तग्गतिकत्ता । सङ्खारानं सप्पदेसवूपसमेपि निप्पदेसवूपसमे विय तथा पज्जाय पवत्तितो भावनामनसिकारो किलेसविकखम्भनसमत्थो हुत्वा उपचारसमाधिं आवहन्तो तथारूपपीतिसोमनस्ससमन्नागतो पीतिसम्बोज्झङ्गस्स उप्पादाय होतीति आह “**समापत्तिया...पे०... पच्चवेक्खन्तस्सापी**”ति । तत्थ “विकखम्भिता किलेसा”ति पाठो । ते हि न समुदाचरन्तीति । **इति**-सद्वो कारणत्थो, यस्मा न समुदाचरन्ति, तस्मा तं नेसं असमुदाचारं पच्चवेक्खन्तस्साति योजना । न हि किलेसे पच्चवेक्खन्तस्स बोज्झङ्गुप्पत्ति युत्ता । पसादनीयेसु ठानेसु पसादसिनेहाभावेन थूससमहदयता लूखता, सा तत्थ आदरगारवाकरणेन विज्जायतीति आह “**असक्कच्चकिरियाय संसूचितलूखभावे**”ति ।

कायचित्तदरथवूपसमलक्खणा पस्सद्धि एव यथावुत्तबोधिअङ्गभूतो पस्सद्धिसम्बोज्झङ्गो, तस्स पस्सद्धिसम्बोज्झङ्गस्स एवं उप्पादो होतीति योजना ।

**पणीतभोजनसेवनता**ति पणीतसप्पायभोजनसेव नता । **उतुइरियापथसुख**ग्गहणेन सप्पायउतुइरियापथग्गहणं दट्ठब्बं । तज्हि तिविधम्पि सप्पायं सेवियमानं कायस्स कल्लतापादनवसेन चित्तस्स कल्लतं आवहन्तं दुविधायपि पस्सद्धिया कारणं होति । अहेतुकं सत्तेसु लब्भमानं सुखदुक्खन्ति अयमेको अन्तो, इस्सरादिविसमहेतुकन्ति पन अयं दुतियो । एते उभो अन्ते अनुपगम्म यथासकं कम्मुना होतीति अयं मज्झिमा पटिपत्ति । मज्झन्तो पयोगो यस्स सो **मज्झन्तपयोगो**, तस्स भावो **मज्झन्तपयोगता** । अयज्हि पहाय सारद्धकायतं पस्सद्धकायताय कारणं होन्ती पस्सद्धिद्वयं आवहति, एतेनेव सारद्धकायपुग्गलपरिवज्जनपस्सद्धकायपुग्गलसेवनानं तदावहनता संवण्णिताति दट्ठब्बं ।

यथासमाहिताकारसल्लक्खणवसेन गय्हमानो पुरिमुप्पन्नो समथो एव **समथनिमित्तं** । नानारम्मणे परिब्भमनेन विविधं अग्गं एतस्साति **व्यग्गो**, विकखेपो । तथा हि सो अनवद्धानरसो, भन्ततापच्चुपद्धानो च वुत्तो, एकग्गताभावतो व्यग्गपटिपक्खोति **अव्यग्गो**, समाधि । सो एव निमित्तन्ति पुब्बे विय वत्तब्बं । तेनाह “**अविकखेपट्टेन च अव्यग्गनिमित्तं**”न्ति ।

वत्थुविसदकिरिया, इन्द्रियसमत्तपटिपादना च पज्जावहा वुत्ता, समाधानावहापि ता होन्ति समाधानावहभावेनेव पज्जावहभावतोति वुत्तं “**वत्थुविसद...पे०... वेदितब्बा**”ति ।

करणभावनाकोसल्लानं अविनाभावतो, रक्खनकोसल्लस्स च तंमूलकत्ता “**निमित्तकुसलता नाम कसिणनिमित्तस्स उग्गहणकुसलता**” इच्चेव वुत्तं । **कसिणनिमित्तस्साति** च निदस्सनमत्तं दट्ठब्बं । असुभनिमित्तस्सापि हि यस्स कस्सचि ज्ञानुप्पत्तिनिमित्तस्स उग्गहणकोसल्लं निमित्तकुसलता एवाति । **अतिसिथिलवीरियतादीहीति आदि-**सद्देन पज्जापयोगमन्दतं, पमोदवेकल्लञ्च सङ्गहति । **तस्स पग्गणहनन्ति** तस्स लीनस्स चित्तस्स धम्मविचयसम्बोज्झङ्गादिसमुट्ठापनेन लयापत्तितो समुद्धरणं । वुत्तज्हेतं भगवता —

“यस्मिञ्च खो, भिक्खवे, समये लीनं चित्तं होति, कालो तस्मिं समये धम्मविचयसम्बोज्झङ्गस्स भावनाय, कालो वीरियसम्बोज्झङ्गस्स भावनाय, कालो पीतिसम्बोज्झङ्गस्स भावनाय । तं किस्स हेतु? लीनं, भिक्खवे, चित्तं तं एतेहि धम्मोहि सुसमुट्ठापयं होति । सेय्यथापि, भिक्खवे, पुरिसो परित्तं अग्गिं उज्जालितुकामो अस्स, सो तत्थ सुक्खानि चेव तिणानि पक्खिपेय्य, सुक्खानि गोमयानि पक्खिपेय्य, सुक्खानि कट्टानि पक्खिपेय्य, मुखवातञ्च

ददेय्य, न च पंसुकेन ओकिरेय्य, भब्बो नु खो सो पुरिसो परित्तं अग्गिं उज्जालितुन्ति । एवं भन्ते”ति (सं० नि० ५.२३४) ।

एत्थ च यथासकं आहारवसेन धम्मविचयसम्बोज्झङ्गादीनं भावनासमुद्घापनाति वेदितब्बा, सा अनन्तरं विभाविता एव । **आरद्धवीरियतादीहीति आदि-**सद्देन पज्जापयोगबलवतं, पमोदुब्बिलावनञ्च सङ्गण्हाति । **तस्स निग्गण्हनन्ति** तस्स उद्धतस्स चित्तस्स समाधिसम्बोज्झङ्गादिसमुद्घापनेन उद्धतापत्तितो निसेधनं । वुत्तम्पि चेतं भगवता —

“यस्मिञ्च खो, भिक्खवे, समये उद्धतं चित्तं होति, कालो तस्मिं समये पस्सद्विसम्बोज्झङ्गस्स भावनाय, कालो समाधिसम्बोज्झङ्गस्स भावनाय, कालो उपेक्खासम्बोज्झङ्गस्स भावनाय । तं किस्स हेतु? उद्धतं, भिक्खवे, चित्तं तं एतेहि धम्मेहि सुवूपसमयं होति । सेय्यथापि, भिक्खवे, पुरिसो महन्तं अग्गिक्खन्धं निब्बापेतुकामो अस्स, सो तत्थ अल्लानि चेव तिणानि...पे०... पंसुकेन च ओकिरेय्य, भब्बो नु खो सो पुरिसो महन्तं अग्गिक्खन्धं निब्बापेतुन्ति । एवं भन्ते”ति (सं० नि० ५.२३४) ।

एत्थापि यथासकं आहारवसेन पस्सद्विसम्बोज्झङ्गादीनं भावनासमुद्घापनाति वेदितब्बा, तत्थ पस्सद्विसम्बोज्झङ्गस्स भावना वुत्ता एव । समाधिसम्बोज्झङ्गस्स अनन्तरं वक्खति । **पज्जापयोगमन्दतायाति** पज्जाब्यापारस्स अप्पभावेन । यथा हि दानं अलोभपधानं, सीलं अदोसपधानं, एवं भावना अमोहपधाना । तत्थ यदा पज्जा न बलवती होति, तदा भावना पुब्बेनापरं विसेसावहा न होति, अनभिसङ्गतो विय आहारो पुरिसस्स योगिनो चित्तस्स अभिरुचिं न जनेति, तेन तं निरस्सादं होति, तथा भावनाय सम्मदेव अवीथिपटिपत्तिया उपसमसुखं न विन्दति, तेनापि चित्तं निरस्सादं होति । तेन वुत्तं “**पज्जापयोग...पे०... निरस्सादं होती**”ति । तस्स संवेगुप्पादनं, पसादुप्पादनञ्च तिकिच्छन्ति तं दस्सेन्तो “**अट्ट संवेगवत्थूनी**”ति आदिमाह । तत्थ जातिजराब्याधिमरणानि यथारहं सुगतियं, दुग्गतियञ्च होन्तीति तदञ्जमेव पञ्चविधबन्धनादिखुप्पिपासादि अञ्जमञ्जं विबाधनादिहेतुकं अपायदुक्खं दट्ठब्बं, तयिदं सब्बं तेसं तेसं सत्तानं पच्चुप्पन्नभवनिस्सितं गहितन्ति अतीते अनागते च काले वट्टमूलकदुक्खानि विसुं गहितानि । ये पन सत्ता आहारूपजीविनो, तत्थ च उट्टानफलूपजीविनो, तेसं अञ्जेहि असाधारणं जीविकादुक्खं अट्टमं संवेगवत्थु गहितन्ति दट्ठब्बं । **अयं वुच्चति समये सम्पहंसनाति** अयं भावनाचित्तस्स सम्पहंसितब्बसमये वुत्तनयेन संवेगजननवसेन चेव पसादुप्पादनवसेन च सम्मदेव पहंसना, संवेगजननपुब्बकपसादुप्पादनेन तोसनाति अत्थो ।

**सम्मापटिपत्तिं आगम्माति** लीनुद्धच्चविरहेन, समथवीथिपटिपत्तिया च सम्मा अविसमं सम्मदेव भावनापटिपत्तिं आगम्म । “**अलीन**”न्ति आदीसु कोसज्जपक्खिकानं धम्मानं अनधिमत्तताय **अलीनं**, उद्धच्चपक्खिकानं अनधिमत्तताय **अनुद्धतं**, पज्जापयोगसम्पत्तिया, उपसमसुखाधिगमेन च **अनिरस्सादं**, ततो एव **आरम्मणे समप्पवत्तं समथवीथिपटिपन्नं** । तत्थ अलीनताय पग्गहे, अनुद्धतताय निग्गहे, अनिरस्सादताय सम्पहंसने न ब्यापारं आपज्जति । अलीनानुद्धतता हि आरम्मणे समप्पवत्तं, अनिरस्सादताय समथवीथिपटिपन्नं, समप्पवत्तिया वा **अलीनं अनुद्धतं** । समथवीथिपटिपत्तिया **अनिरस्सादन्ति** दट्ठब्बं । **अयं वुच्चति समये अज्झुपेक्खनताति** अयं अज्झुपेक्खितब्बसमये भावनाचित्तस्स पग्गहनिग्गहसम्पहंसनेसु अब्बावटतासङ्गातं पटिपक्खं अभिभुय्य पेक्खना वुच्चति । पटिपक्खविक्रम्भनतो, विपस्सनाय अधिद्वानभावूपगमनतो च उपचारज्झानम्पि समाधान किच्चनिष्फत्तिया पुग्गलस्स समाहितभावसाधनं एवाति तत्थ समधुरभावेनाह “**उपचारं वा अप्पनं वा**”ति ।

**उपेक्खासम्बोज्झङ्गानीया धम्माति** एत्थ यं वत्तब्बं, तं हेट्ठा वुत्तनयानुसारेण वेदितब्बं । अनुरोधविरोधविप्पहानवसेन

मज्झत्तभावो उपेक्खासम्बोज्झङ्गस्स कारणं तस्मिं सति सिज्जनतो, असति च असिज्जनतो । सो च मज्झत्तभावो विसयवसेन दुविधोति आह “सत्तमज्झत्तता सङ्खारमज्झत्तता”ति । तदुभये च विरुज्जनं पस्सद्धिसम्बोज्झङ्गभावनाय एव दूरीकतन्ति अनुरुज्जनस्सेव पहानविधिं दस्सेतुं “सत्तमज्झत्तता”तिआदि वुत्तं । तेनाह “सत्तसङ्खारकेलायनपुग्गलपरिवज्जनता”ति । उपेक्खाय हि विसेसतो रागो पटिपक्खो । तथा चाह “उपेक्खा रागबहुलस्स विसुद्धिमग्गो”ति (विसुद्धि० १.२६७) । द्वीहाकारेहीति कम्मस्सकतापच्चवेक्खणं, अत्तसुज्जतापच्चवेक्खणन्ति इमेहि द्वीहि कारणेहि । द्वीहेवाति अवधारणं सङ्ख्यासमानतादस्सनत्थं । सङ्ख्या एवेत्थ समाना, न सङ्ख्येय्यं सब्बथा समानन्ति । अस्सामिकभावो अनत्तनियता । सति हि अत्तनि तस्स किञ्चनभावेन चीवरं, अज्जं वा किञ्चि अत्तनियं नाम सिया, सो पन कोचि नत्थेवाति अधिप्पायो । अनद्धनियन्ति न अद्धानक्खमं न चिरट्ठायि, इत्तरं अनिच्चन्ति अत्थो । तावकालिकन्ति तस्सेव वेवचनं ।

ममायतीति ममत्तं करोति “ममा”ति तण्हाय परिग्गह्हा तिट्ठति ।

ममायन्ताति मानं दब्बं करोन्ता ।

अयं सतिपट्ठानदेसना पुब्बभागमग्गवसेन देसिताति पुब्बभागियबोज्झङ्गे सन्धायाह “बोज्झङ्गपरिग्गाहिका सति दुक्खसच्च”न्ति । सेसं वुत्तनयत्ता सुविज्जेय्यमेव ।

बोज्झङ्गपब्बवण्णना निट्ठिता ।

पठमभाणवारवण्णना निट्ठिता ।

### चतुसच्चपब्बवण्णना

३८६. यथासभावतोति अविपरीतसभावतो । बाधनक्खणतो यो यो वा सभावो यथासभावो, ततो, रुप्पनादि कक्खळादिसभावतोति अत्थो । जनिकं समुट्ठापिकन्ति पवत्तलक्खणस्स दुक्खस्स जनिकं निमित्तलक्खणस्स समुट्ठापिकं । पुरिमतण्हन्ति यथापरिग्गहितस्स दुक्खस्स निब्बत्तितो पुरेतारं सिद्धं तण्हं । सिद्धे हि कारणे तस्स फलुप्पत्ति । अयं दुक्खसमुदयोति पजानातीति योजना । अयं दुक्खनिरोधोति एत्थापि एसेव नयो । उभिन्नं अप्पवत्तिन्ति दुक्खं, समुदयो चाति द्विन्नं अप्पवत्तिनिमित्तं, तदुभयं न पवत्ति एतायाति अप्पवत्ति, असङ्घता धातु । दुक्खं दुक्खसच्चं परिजानाति परिज्जाभिसमयवसेन परिच्छिन्दतीति दुक्खपरिजाननो, अरियमग्गो, तं दुक्खपरिजाननं । सेसपदद्वयेपि इमिना नयेन अत्थो वेदितब्बो ।

### दुक्खसच्चनिद्देसवण्णना

३८८. एवं वुत्ताति एवं उद्देसवसेन वुत्ता । सब्बसत्तानं परियादानवचनं ब्यापनिच्छावसेन आमेट्ठितनिद्देसभावतो । सत्तनिकायेति सत्तानं निकाये, सत्तघटे सत्तसमूहेति अत्थो । देवमनुस्सादिभेदासु हि गतीसु भुम्मदेवादिखत्तियादिहत्थिआदिखुप्पिपासिकादितंतंजातिविसिट्ठो सत्तसमूहो सत्तनिकायो । निप्परियायतो खन्धानं पठमाभिनिब्बत्ति जातीति कत्वा “जननं जाती”ति वत्वा स्वायं उप्पादविकारो अपरिनिप्फन्नो येसु खन्धेसु इच्छितब्बो, ते तेनेव सद्धिं दस्सेतुं “सविकारान”न्तिआदि वुत्तं । सविकारानन्ति उप्पादसङ्घातेन विकारेण सविकारानं । जातिआदीनि हि

तीणि लक्खणानि धम्मानं विकारविसेसाति । “उपसग्गमण्डितवेवचन”न्ति इमिना केवलं उपसग्गेन पदवट्ठनं कतन्ति दस्सेति । अनुपविट्ठाकारेणाति अण्डकोसं, वत्थिकोसञ्च ओगाहनाकारेन । निब्बत्तिसङ्घातेनाति आयतनानं पारिपूरिसंसिद्धिसङ्घातेन ।

अथ वा जननं जातीति अपरिपुण्णायतनं जातिमाह । सज्जातीति सम्पुण्णायतनं । सम्पुण्णा हि जाति सज्जाति । ओक्कमनट्टेन ओक्कन्तीति अण्डजजलाबुजवसेन जाति । ते हि अण्डकोसं, वत्थिकोसञ्च ओक्कमन्ता पविसन्ता विय पटिसन्धिं गणहन्ति । अभिनिब्बत्तनट्टेन अभिनिब्बत्तीति संसेदजओपपातिकवसेन । ते हि पाकटा एव हुत्वा निब्बत्तन्ति । अभिव्यत्ता निब्बत्ति अभिनिब्बत्ति । “जननं जाती”तिआदि आयतनवसेन, योनिवसेन च द्वीहि द्वीहि पदेहि सब्बसत्ते परियादियित्वा जातिं दस्सेतुं वुत्तं । “तेसं तेसं सत्तानं... पे०... अभिनिब्बत्ती”ति सत्तवसेन वुत्तत्ता सम्मुतिकथा । पातुभावोति एत्थ इति-सद्दो आदिअत्थो, पकारत्थो वा, तेन “आयतनानं पटिलाभो”ति इमस्स पदस्स सङ्गहो दट्ठब्बो । अयम्पि हि परमत्थकथाति । एकवोकारभवादीसूति एकचतुपञ्चवोकारभवेसु । तस्मिं खन्धानं पातुभावे सति । आयतनानं पटिलाभोति एकचतुवोकारभवेसु द्विन्नं द्विन्नं आयतनानं वसेन, सेसेसु रूपधातुयं पटिसन्धिकखणे उप्पज्जमानानं पञ्चन्नं, कामधातुयं विकलाविकलिन्द्रियानं वसेन सत्तन्नं, नवन्नं, दसन्नं, पुनदसन्नं, एकादसन्नञ्च आयतनानं वसेन सङ्गहो दट्ठब्बो । पातुभवन्तानेव, न कुतोचि आगतानि । पटिलद्धानि नाम होन्ति सत्तसन्तानस्स तस्स संविज्जमानत्ता । आयतनानं पटिलाभोति वा आयतनानं अत्तलाभो वेदितब्बो ।

३८९. सभावनिद्देशोति सरूपनिद्देशो । सरूपज्हेतं जिण्णताय, यदिदं “जरा”ति, “वयोहानीति वा । जीरणमेव जीरणता, जीरन्तस्स वा आकारो ता-सद्देन वुत्तोति आह “आकारभावनिद्देशो”ति । खण्डितदन्ता खण्डिता नाम उत्तरपदलोपेन । यस्स विकारस्स वसेन सत्तो “खण्डितो”ति वुच्चति, तं खण्डिच्चं । तथा पलितानि अस्स सन्तीति “पलितो”ति वुच्चति, तं पालिच्चं । वलित्तचताय वा वलि तचो अस्साति वलित्तचो ।

फलूपचारेनाति फलवोहारेन ।

३९०. चवनमेव चवनता, चवन्तस्स वा आकारो ता-सद्देन वुत्तो । खन्धा भिज्जन्तीति एकभवपरियापन्नस्स खन्धसन्तानस्स परियोसानभूता खन्धा भिज्जन्ति, तेनेव भेदेन निरोधनं अदस्सनं गच्छन्ति, तस्मा भेदो अन्तरधानं मरणं । मच्चुमरणन्ति मच्चुसङ्घातं एकभवपरियापन्नजीवितिन्द्रियुपच्छेदभूतं मरणं । तेनाह “न खणिकमरण”न्ति । “मच्चु मरण”न्ति समासं अकत्वा यो “मच्चू”ति वुच्चति भेदो, यञ्च मरणं पाणचागो, इदं वुच्चति मरणन्ति विसुं सम्बन्धो न न युज्जति । कालकिरियाति मरणकालो, अनतिक्कमनीयत्ता विसेसेन “कालो”ति वुत्तोति तस्स किरिया, अत्थतो चुतिखन्धानं भेदप्पत्तियेव, कालस्स वा अन्तकस्स किरियाति या लोके वुच्चति, सा चुति, मरणन्ति अत्थो । अयं सब्बापि सम्मुतिकथाव “यं तेसं तेसं सत्तानं”न्तिआदिना सत्तवसेन वुत्तत्ता । अयं परमत्थकथा परमत्थतो लब्धमानानं रूपनादिसभावानं धम्मानं विनस्सनजोतनाभावतो ।

अत्ताति भवति एत्थ चित्तन्ति अत्तभावो, खन्धसमूहो, तस्स निक्खेपो निक्खिपनं, पातनं विनासोति अत्थो । अट्ठकथायंपन “मरणं पत्तस्सा”तिआदिना निक्खेपहेतुताय पतनं “निक्खेपो”ति फलूपचारेन वुत्तन्ति दस्सेति । “खन्धानं भेदो”ति पबन्धवसेन पवत्तमानस्स धम्मसमूहस्स विनासजोतनाति एकदेसतो परमत्थकथा, “जीवितिन्द्रियस्स उपच्छेदो”ति पनेत्थ न कोचि वोहारलेसो पीति आह “जीवितिन्द्रियस्स उपच्छेदो पन सब्बाकारतो परमत्थतो मरण”न्ति । एवं सन्तेपि यस्स खन्धभेदस्स पवत्तत्ता “तिस्सो मतो, फुस्सो मतो”ति वोहारो होति, सो भेदो खन्धपबन्धस्स

अनुपच्छिन्नताय “सम्मुतिमरण”न्ति वत्तब्बतं अरहतीति आह “एतदेव सम्मुतिमरणन्तिपि वुच्चती”ति । तेनाह “जीवितिन्द्रियुपच्छेदमेव ही”तिआदि । सब्बसो पबन्धसमुच्छेदो हि समुच्छेदमरणन्ति ।

३९१. व्यसनेनाति अनत्थेन । “धम्मपटिसम्भिदा”तिआदीसु (विभ० ७२१) विय धम्म-सद्दो हेतुपरियायोति आह “दुक्खकारणेना”ति । सोचनन्ति लक्खितब्बताय सोचनलक्खणो । सोचितस्स सोचनकस्स पुगलस्स, चित्तस्स वा भावो सोचितभावो । अब्भन्तरेति अत्तभावस्स अन्तो । अत्तनो लूखसभावताय सोसेन्तो । थामगमनेन समन्ततो सोसनवसेन परिसोसेन्तो ।

३९२. “आदिस्स आदिस्स देवन्ति परिदेवन्ति एतेनाति आदेवो”ति आदेवन-सद्दं कत्वा अस्सुमोचनादिविकारं आपज्जन्तानं तब्बिकारापत्तिया सो सद्दो कारणभावेन वुत्तो । तं तं वण्णन्ति तं तं गुणं । तस्सेवाति आदेवपरिदेवस्सेव । भावनिद्देसाति “आदेवितत्तं परिदेवितत्तं”न्ति भावनिद्देसा ।

३९३. निस्सयभूतो कायो एतस्स अत्थीति कायिकं । तेनाह “कायपसादवत्थुक”न्ति । दुक्करं खमनं एतस्साति दुक्खमनं, सो एव अत्थो सभावोति दुक्खमनद्दो, तेन । सातविधुरताय असातं ।

३९४. चेतसि भवन्ति चेतसिकं, तं पन यस्मा चित्तेन समं पकारेहि युत्तं, तस्मा आह “चित्तसम्पयुत्त”न्ति ।

३९५. सब्बविसयपटिपत्तिनिवारणवसेन समन्ततो सीदनं संसीदनं । उट्ठातुम्पि असक्कुण्येय्यताकरणवसेन अतिबलवं, विरूपं वा सीदनं विसीदनं । चित्तकिलमथोति विसीदनाकारेण चित्तस्स परिखेदो । उपायासो, सयं न दुक्खो दोसत्ता, सङ्खारक्खन्धपरियापन्नधम्मन्तरत्ता वा । ये पन दोमनस्समेव “उपायासो”ति वदेय्युं, ते “उपायासो तीहि खन्धेहि एकेनायतनेन एकाय धातुया सम्पयुत्तो, एकेन खन्धेन एकेनायतनेन एकाय धातुया केहिचि सम्पयुत्तो”ति (धातु० २४९) । इमाय पाळिया पटिक्खिपितब्बा । उप-सद्दो भुसत्थोति आह “बलवतरं आयासो उपायासो”ति । धम्ममत्ततादीपनो भावनिद्देसो धम्मतो अज्जस्स कत्तुअभावजोतनो, असति च कत्तरि तेन कत्तब्बस्स, परिग्गहेतब्बस्स च अभावो एवाति आह “अत्तत्तनियाभावदीपकाभावनिद्देसा”ति ।

३९६. जातिधम्मानन्ति एत्थ धम्म-सद्दो पकतिपरियायोति आह “जातिसभावान”न्ति, जायनपकतिकानन्ति वुत्तं होति । मग्गभावनाय मग्गभावनिच्छाहेतुकता इच्छितब्बाति तादिसं इच्छं निवत्तेन्तो “विना मग्गभावन”न्ति आह । अपरो नयो न खो पनेतन्ति यमेतं “अहो वत मयं न जातिधम्मा अस्साम, न च वत नो जाति आगच्छेय्या”ति एवं पहीनसमुदयेसु अरियेसु विज्जमानं अजातिधम्मत्तं, परिनिब्बुतेसु च विज्जमानं जातिया अनागमनं इच्छितं, तं इच्छन्तस्सापि मग्गभावनाय विना अप्पत्तब्बतो, अनिच्छन्तस्सापि भावनाय पत्तब्बतो न इच्छाय पत्तब्बं नाम होतीति एवमेत्थ अत्थो दट्ठब्बो । वक्खमानत्थसम्पिण्डनत्थो पि-सद्दोति आह “उपरि सेसानि उपादाय पि-कारो”ति । यन्ति हेतुअत्थे करणे पच्चत्तवचनन्ति आह “येनपि धम्मेना”ति । हेतुअत्थो हि अयं धम्म-सद्दो, अलब्भनेय्यभावो एत्थ हेतु वेदितब्बो । तन्ति वा इच्छितस्स वत्थुनो अलब्भनं, एवमेत्थ “यम्पीति येनपी”ति विभत्तिविपल्लासेन अत्थो वुत्तो । यदा पन यं-सद्दो “इच्छ”न्ति एतं अपेक्खति, तदा अलाभविसिद्दा इच्छा वुत्ता होति । यदा पन “न लभती”ति एतं अपेक्खति, तदा इच्छाविसिद्दो अलाभो वुत्तो होति, सो पन अत्थतो अज्जो धम्मो नत्थि, तथापि अलब्भनेय्यवत्थुगता इच्छाव वुत्ता होति । सब्बत्थाति “जराधम्मान”न्तिआदिना आगतेसु सब्बवारेसु ।

### समुदयसच्चनिद्देसवण्णना

४००. पुनब्भवकरणं पुनोब्भवो उत्तरपदलोपं कत्वा मनो-सदस्स विय पुरिमपदस्स ओ-कारन्तता दट्ठब्बा । अथ वा सीलनट्ठेन इक-सद्वेन गमितत्थत्ता किरियावाचकस्स सदस्स अदस्सनं दट्ठब्बं यथा “असूपभक्खनसीलो असूपिको”ति । सम्मोहविनोदनियं पन “पुनब्भवं देति, पुनब्भवाय संवत्तति, पुनप्पुनं भवे निब्बत्तेतीति पो नोब्भविका”ति (विभ० अट्ठ० २०३) अत्थो वुत्तो सो “तद्धिता” इति बहुवचननिद्देसतो, विचित्तता वा तद्धितवुत्तिया, अभिधानलक्खणत्ता वा तद्धितानं तेसुपि अत्थेसु पो नोब्भविकसद्वसिद्धि सम्भवेय्याति कत्वा वुत्तो । तत्थ कम्मना सहजाता पुनब्भवं देति, असहजाता कम्मसहायभूता पुनब्भवाय संवत्तति, दुविधापि पुनप्पुनं भवे निब्बत्तेतीति दट्ठब्बा । नन्दनट्ठेन, रज्जनट्ठेन च नन्दीरागो, यो च नन्दीरागो, या च तण्हायनट्ठेन तण्हा, उभयमेतं एकत्थं, व्यज्जनमेव नानन्ति तण्हा “नन्दीरागेन सद्धि अत्थतो एकत्तमेव गता”ति वुत्ता । तब्भावत्थो हेत्थ सह-सद्वो “सनिदस्सना धम्मा”ति आदीसु (ध० स० दुक्कमातिका ९) विय । तस्मा नन्दीरागसहगताति नन्दीरागभावं गता सब्बासुपि अवत्थासु नन्दीरागभावस्स अपच्चक्खाय वत्तनतोति अत्थो । रागसम्बन्धेन उप्पन्नस्साति वुत्तं । रूपारूपभवरागस्स विसुं वुच्चमानत्ता कामभवे एव भवपत्थनुप्पत्ति वुत्ताति वेदितब्बा ।

तस्मिं तस्मिं पियरूपे पठमुप्पत्तिवसेन “उप्पज्जती”ति वुत्तं, पुनप्पुनं पवत्तिवसेन “निविसती”ति । परियुट्ठानानुसयवसेन वा उप्पत्तिनिवेसा योजेतब्बा । सम्पत्तियन्ति मनुस्ससोभगो, देवत्ते च । अत्तनो चक्खुन्ति सवत्थुकं चक्खुं वदति, सपसादं वा मंसपिण्डं । विप्पसन्नं पच्चपसादन्ति परिसुद्धसुप्पसन्ननीलपीतलोहितकण्हओदातवण्णवन्तं । रजतपनालिकं विय छिदं अब्भन्तरे ओदातत्ता । पामङ्गसुत्तं विय आलम्बकण्णबद्धं । तुङ्गा उच्चा दीघा नासिका तुङ्गनासा, एवं लद्धवोहारं अत्तनो घानं । “लद्धवोहारा”ति वा पाठो, तस्मिं सति तुङ्गा नासा येसं ते तुङ्गनासा, एवं लद्धवोहारा सत्ता अत्तनो घानन्ति योजना कातब्बा । जिह्वं...पे०... मज्जन्ति वण्णसण्ठानतो, किच्चतो च । कायं...पे०... मज्जन्ति आरोहपरिणाहसम्पत्तिया । मनं...पे०... मज्जन्ति अतीतादिअत्थचिन्तनसमत्थं । अत्तना पटिलद्धानि अज्झत्तज्च सरीरगन्धादीनि, बहिद्धा च विलेपनगन्धादीनि । उप्पज्जमाना उप्पज्जतीति यदा उप्पज्जमाना होति, तदा एत्थ उप्पज्जतीति सामज्जेन गहिता उप्पादकिरिया लक्खणभावेन वुत्ता, विसयविसिद्धा च लक्खितब्वभावेन । न हि सामज्जविसेसेहि नानत्तवोहारो न होतीति । उप्पज्जमानाति वा अनिच्छितो उप्पादो हेतुभावेन वुत्तो, उप्पज्जतीति निच्छितो फलभावेन यदि उप्पज्जमाना होति, एत्थ उप्पज्जतीति ।

### निरोधसच्चनिद्देसवण्णना

४०१. “सब्बानि निब्बानवेवचनानेवा”ति वत्वा तमत्थं पाकटतरं कातुं “निब्बानज्ही”ति आदि आरब्धं । तत्थ आगम्माति निमित्तं कत्वा । निब्बानहेतुको हि तण्हाय असेसविरागनिरोधो । खयगमनवसेन विरज्जति । अप्पवत्तिगमनवसेन निरुज्जति । अनपेक्खताय चजनवसेन, हानिवसेन वा चजीयति । पुन यथा नप्पवत्तति, तथा दूर खिपनवसेन पटिनिस्सज्जीयति । बन्धनभूताय मोचनवसेन मुच्चति । असंकिलेसवसेन न अल्लीयति । कस्मा पनेतं निब्बानं एकमेव समानं नानानामेहि वुच्चतीति? पटिपक्खनानतायाति दस्सेन्तो “एकमेव ही”ति आदिमाह । सङ्खतधम्मविधुरसभावत्ता निब्बानस्स नामानिपि गुणनेमित्तिकत्ता सङ्खतधम्मविधुरानेव होन्तीति वुत्तं “सब्बसङ्खतानं नामपटिपक्खवसेना”ति । असेसं विरज्जति तण्हा एत्थाति असेसविरागोति । एस नयो सेसेसुपि । अयं पन विसेसो — नत्थि एतस्स उप्पादो, न वा एतस्मिं अधिगते पुगलस्स उप्पादोति अनुप्पादो, असङ्खतधम्मो । “अप्पवत्त”न्ति आदीसुपि इमिना नयेन अत्थो वेदितब्बो । आयूहनं समुदयो, तप्पटिपक्खवसेन अनायूहनं ।

तण्हा अप्पहीने सति यत्थ उप्पज्जति, पहाने पन सति तत्थ तत्थेवस्सा अभावो सुदस्सितोति आह “तत्थेव अभावं दस्सेतु”न्ति । अपञ्जत्तिन्ति अपञ्जापनं, “तित्त अलाबु अत्थी”ति वोहाराभावं वा । तित्तअलाबुवल्लिया अप्पवत्तिं इच्छन्तो पुरिसो विय अरियमग्गो, तस्स तस्सा अप्पवत्तिन्निन्नचित्तस्स मूलच्छेदनं विय मग्गस्स निब्बानारम्मणस्स तण्हाय पहानं, तदप्पवत्ति विय तण्हाय अप्पवत्तिभूतं निब्बानं दट्ठब्बं ।

दुतियउपमायं दक्खिणद्वारं विय निब्बानं, चोरघातका विय मग्गो । दक्खिणद्वारे घातितापि चोरा पच्छा “अटवियं चोरा घातिता”ति वुच्चन्ति, एवं निब्बानं आगम्म निरुद्धापि तण्हा “चक्खादीसु निरुद्धा”ति वुच्चति तत्थ किच्चकरणाभावतोति दट्ठब्बं । पुरिमा वा उपमा मग्गेन निरुद्धाय “पियरूपसातरूपेसु निरुद्धा”ति वत्तब्बतादस्सनत्थं वुत्ता, पच्छिमा निब्बानं आगम्म निरुद्धाय “पियरूपसातरूपेसु निरुद्धा”ति वत्तब्बतादस्सनत्थं वुत्ताति अयं एतासं विसेसो ।

### मग्गसच्चनिद्देसवण्णना

४०२. अञ्जमग्गपटिक्खेपनत्थन्ति तित्थियेहि परिकप्पितस्स मग्गस्स

दुक्खनिरोधगामिनिपटिपदाभावपटिक्खेपनत्थं, अञ्जस्स वा मग्गभावपटिक्खेपो अञ्जमग्गपटिक्खेपो, तदत्थं । “अयं”न्ति पन अत्तनो, तेसु च भिक्खूसु एकच्चानं पच्चक्खभावतो आसन्नपच्चक्खवचनं । आरकत्ताति निरुत्तिनयेन अरियसद्विसिद्धिमाह । अरियभावकरत्ताति अरियकरणो अरियोति उत्तरपदलोपेन, पुग्गलस्स अरियभावकरत्ता अरियं करोतीति वा अरियो, अरियफलपटिलाभकरत्ता वा अरियं फलं लभापेति जनेतीति अरियो । पुरिमेन चेत्य अत्तनो किच्चवसेन, पच्छिमेन फलवसेन अरियनामलाभो वुत्तोति दट्ठब्बो । चतुसच्चपटिवेधावहं कम्मट्ठानं चतुसच्चकम्मट्ठानं, चतुसच्चं वा उद्दिस्स पवत्तं भावनाकम्मं योगिनो सुखविसेसानं ठानभूतन्ति चतुसच्चकम्मट्ठानं । पुरिमानि द्वे सच्चानि वट्ठं पवत्तिहेतुभावतो । पच्छिमानि विवट्ठं निवत्तितदधिगमुपायभावतो । वट्ठे कम्मट्ठानाभिनिवेसो सरूपतो परिगहसम्भावतो । विवट्ठे नत्थि अविसयत्ता, विसयत्ते च पयोजनाभावतो । पुरिमानि द्वे सच्चानि उग्गणिहत्वाति सम्बन्धो । कम्मट्ठानपाळिया हि तदत्थसल्लक्खणेन वाचुगतकरणं उग्गहो । तेनाह “वाचाय पुनप्पुनं परिवत्तेन्तो”ति । इट्ठं कन्तन्ति निरोधमग्गेसु निन्नभावं दस्सेति, न अभिनन्दनं, तन्निन्नभावोयेव च तत्थ कम्मकरणं दट्ठब्बं ।

एकपटिवेधेनेवाति एकजाणेनेव पटिविज्झनेन । पटिवेधो पटिघाताभावेन विसये निस्सङ्गचारसङ्घातं निब्बिज्झनं । अभिसमयो अविरज्झित्वा विसयस्स अधिगमसङ्घातो अवबोधो । “इदं दुक्खं, एत्तकं दुक्खं, न इतो भिय्यो”ति परिच्छिन्दित्वा जाननमेव वुत्तनयेन पटिवेधोति परिञ्जापटिवेधो, तेन । इदञ्च यथा तस्मिं जाणे पवत्ते पच्छा दुक्खस्स सरूपादिपरिच्छेदे सम्मोहो न होति, तथा पवत्तिं गहेत्वा वुत्तं, न पन मग्गजाणस्स “इदं दुक्खं”न्तिआदिना (म० नि० २.४८४; ३.१०४) पवत्तनतो । पहीनस्स पुन अप्पहातब्बताय पकट्टं हानं चजनं समुच्छिन्दनं, पहानमेव वुत्तनयेन पटिवेधोति पहानपटिवेधो, तेन । अयम्पि यस्मिं किलेसे अप्पहीयमाने मग्गभावनाय न भवितब्बं, असति च मग्गभावनाय यो उप्पज्जेय्य, तस्स किलेसस्स पटिघातं करोन्तस्स अनुप्पत्तिधम्मतं आपादेन्तस्स जाणस्स तथापवत्तियं पटिघाताभावेन निस्सङ्गचारं उपादाय एवं वुत्तो । सच्चिकिरिया पच्चक्खकरणं अनुस्सवाकारपरिवितक्कादिके मुञ्चित्वा सरूपतो आरम्मणकरणं “इदं तं”न्ति यथासभावतो गहणं, सा एव वुत्तनयेन पटिवेधोति सच्चिकिरियापटिवेधो, तेन । अयं पनस्स आवरणस्स असमुच्छिन्दनतो जाणं निरोधं आलम्बितुं न सक्कोति, तस्स समुच्छिन्दनतो तं सरूपतो विभावेन्तमेव पवत्ततीति एवं वुत्तो । भावना उप्पादना, वट्ठना च । तत्थ पठममग्गे उप्पादनट्ठेन, दुतियादीसु वट्ठनट्ठेन, उभयथापि वा उभयथापि वेदितब्बं । पठममग्गेपि हि यथारहं वुट्ठानगामिनियं पवत्तं परिजाननादिं वट्ठेन्तो पवत्तोति वट्ठनट्ठेन भावना सक्का



विज्जातुं। दुतियादीसुपि अप्पहीनकिलेसप्पहानतो, पुग्गलन्तरभावसाधनतो च उप्पादनट्ठेन भावना सक्का विज्जातुं, सा एव वुत्तनयेन पटिवेधोति **भावनापटिवेधो**, तेन। अयम्पि हि यथा जाणे पवत्ते पच्छा मग्गधम्मानं सरूपपरिच्छेदे सम्मोहो न होति, तथा पवत्तिमेव गहेत्वा वुत्तो।

तिट्ठन्तु ताव यथाधिगता मग्गधम्मा, यथापवत्तेसु फलधम्मेसुपि अयं यथाधिगतसच्चधम्मेसु विय विगतसम्मोहोव होति। तेनेवाह “दिट्ठधम्मो पत्तधम्मो विदितधम्मो परियोगाळ्हधम्मो”ति (महाव० १८; दी० नि० १.२९९; म० नि० २.६९) यतो सचस्स धम्मतासञ्चोदिता यथाधिगतसच्चधम्मालम्बनियो मग्गवीथितो परतो मग्गफलपहीनावसिद्धिकिलेसनिब्बानानं पच्चवेक्खणा पवत्तन्ति, दुक्खसच्चम्मोपि सक्कायदिट्ठिआदयो। अयञ्च अत्थवण्णना “**परिज्जाभिसमयेना**”तिआदीसुपि विभावेतब्बा। **एकाभिसमयेन अभिसमेती**ति एत्थाह वितण्डवादी “अरियमग्गजाणं चतूसु सच्चेसु नानाभिसमयवसेन किच्चकर”न्ति, सो **अभिधम्मे** (कथा० २७४) ओधिसोकथाय सज्जापेतब्बो। इदानीं तमेव एकाभिसमयं वित्थारवसेन विभावेतुं “**एवमस्सा**”तिआदि वुत्तं। “पुब्बभागे...पे... पटिवेधो होती”ति कस्मा वुत्तं, ननु पटिवेधो पुब्बभागियो न होतीति? सच्चमेतं निप्परियायतो, इध पन उग्गहादिवसेन पवत्तो अवबोधो परियायतो तथा वुत्तो। पटिवेधनिमित्तता वा उग्गहादिवसेन पवत्तं दुक्खादीसु पुब्बभागे जाणं “पटिवेधो”ति वुत्तं, न पटिविज्झनसभावं। **किच्चतो**ति पुब्बभागेहि दुक्खादिजाणेहि कातब्बकिच्चस्स इध निप्फत्तितो, इमस्सेव वा जाणस्स दुक्खादिप्पकासनकिच्चतो, परिज्जादितोति अत्थो। **आरम्भणपटिवेधो**ति सच्छिकिरियापटिवेधमाह। **साति** पच्चवेक्खणा। **इथा**ति इमस्मिं ठाने। उग्गहादीसु वुच्चमानेसु **न वुत्ता** अनवसरत्ता। अधिगमे हि सति तस्सा सिया अवसरो।

तयेव हि अनवसरं दस्सेतुं “**इमस्स चा**”तिआदि वुत्तं। **पुब्बे परिग्गहतो**ति कम्मट्ठानपरिग्गहतो पुब्बे। उग्गहादिवसेन सच्चानं परिग्गणहनज्झि परिग्गहो। तथा तानि परिग्गणहनतो मनसिकारदळ्हताय पुब्बभागिया दुक्खपरिज्जादयो होन्ति येवाति आह “**परिग्गहतो पट्टाय होती**”ति। **अपरभागे**ति मग्गक्खणे। **दुद्धसत्ता**ति अत्तनो पवत्तिक्खणवसेन पाकटानिपि पकतिजाणेन सभावरसतो दट्ठं असक्कुण्येयत्ता। गम्भीरेनेव च भावनाजाणेन, तथापि मत्थकप्पत्तेन अरियमग्गजाणेनेव याथावतो पस्सितब्बत्ता **गम्भीरानि**। तेनाह “**लक्खणपटिवेधतो पन उभयम्पि गम्भीर**”न्ति। इतरानि असंकिलिद्धासंकिलेसिकताय अच्चन्तसुखप्पत्ताय अनुप्पत्तिभवताय, अनुप्पन्नपुब्बताय च पवत्तिवसेन अपाकटत्ता च परमगम्भीरत्ता, तथा परमगम्भीरजाणेनेव पस्सितब्बताय पकतिजाणेन दट्ठं न सक्कुण्येयानीति **दुद्धसानि**। तेनाह “**इतरेसं पना**”तिआदि। **पयोगो**ति किरिया, वायामो वा। तस्स महन्ततरस्स इच्छितब्बतं, दुक्करतरतञ्च उपमाहि दस्सेति “**भवग्गग्गहणत्थ**”न्तिआदिना। **पटिवेधक्खणे**ति अरियस्स मग्गस्स चतुसच्चसम्पटिवेधक्खणे। **एकमेव तं जाणन्ति** दुक्खादीसु परिज्जादिकिच्चसाधनवसेन एकमेव तं मग्गजाणं होति।

**इमेसु तीसु ठानेसू**ति इमेसु विरमितब्बतावसेन जोतितेसु तीसु कामब्यापादविहिंसावितक्कवत्थूसु। विसुं विसुं उप्पन्नस्स तिविध**अकुसलसङ्कप्पस्स**। **पदपच्छेदतो**ति एत्थ गतमग्गो “पद”न्ति वुच्चति, येन च उपायेन कारणेन कामवितक्को उप्पज्जति, सो तस्स गतमग्गोति तस्स पच्छेदो घातो पदपच्छेदो, ततो पदपच्छेदतो। अनुप्पत्तिधम्मतापादनं **अनुप्पत्तिसाधनं**, तस्स वसेन। मग्गकिच्चसाधनेन **मग्गङ्गं** पूरयमानो एकोव तिविधकिच्चसाधनो **कुसलसङ्कप्पो उप्पज्जति**। तिविधाकुसलसङ्कप्पसमुच्छेदनमेव हेत्थ तिविधकिच्चसाधनं दट्ठब्बं। इमिना नयेन “**इमेसु चतूसु ठानेसू**”तिआदीसुपि अत्थो वेदितब्बो।

**मुसावादावेरमणिआदयो**ति एत्थ यस्मा **सिक्खापदविभङ्गे** (विभ० ७०३) विरतिचेतना, सब्बे सम्पयुत्तधम्मा च

सिक्खापदानीति आगतानीति तत्थ पधानानं विरतिचेतनानं वसेन “विरतियोपि होन्ति चेतनायोपी”ति (विभ० अट्ट० ७०३) **सम्मोहविनोदनियं** वुत्तं, तस्मा केचि “आदि-सहेन न केवलं पिसुणवाचा वेरमणिआदीनयेव सङ्गहो, अथ खो तादिसानं चेतनानम्पि सङ्गहो”ति वदन्ति, तं पुब्बभागवसेन वुच्चमानत्ता युज्जेय्य, मुसावादादीहि विरमणकाले वा विरतियो, सुभासितादिवाचाभासनादिकाले च चेतनायो योजेतब्बा, मग्गक्खणे पन विरतियोव इच्छितब्बा चेतनानं अमग्गङ्गत्ता। एकस्स जाणस्स दुक्खादिजाणता विय, एकाय विरतिया मुसावादादिविरतिभावो विय च एकाय चेतनाय सम्मावाचादिकिच्चत्तयसाधनसभावाभावा सम्मावाचादिभावसिद्धितो, तंसिद्धियं अङ्गत्तयतासिद्धितो च।

भिक्खुस्स आजीवहेतुकं कायवचीदुच्चरितं नाम अयोनिस्सो आहारपरियेसनहेतुकमेव सियाति आह “**खादनीय... पे०... दुच्चरितं**”ति। कायवचीदुच्चरितग्गहणञ्च कायवचीद्वारेयेव आजीवपकोपो, न मनोद्वारेति दस्सनत्थं। तेनाह “**इमेसुयेव सत्तसु ठानेसू**”ति।

**अनुप्पन्नानन्ति** असमुदाचारवसेन वा अननुभूतारम्मणवसेन वा अनुप्पन्नानं। अज्जथा हि अनमतग्गे संसारे अनुप्पन्ना पापका अकुसला धम्मा नाम न सन्ति। तेनाह “**एकस्मिं भवे**”तिआदि। यस्मिं भवे अयं इमं वीरियं आरभति, तस्मिं **एकस्मिं भवे। जनेतीति** उप्पादेति। तादिसं छन्दं कुरुमानो एवं छन्दं जनेति नाम। **वायामं करोतीति** पयोगं परक्कमं करोति। **वीरियं पवत्तेतीति** कायिकचेतसिकवीरियं पकारतो वत्तेति। **वीरियेन चित्तं पग्गहितं करोतीति** तेनेव सहजातवीरियेन चित्तं उक्खिपेन्तो कोसज्जपाततो निसेधनेन पग्गहितं करोति। **पदहनं पवत्तेतीति** पधानं वीरियं करोति। पटिपाटिया पनेतानि चत्तारि पदानि आसेवनाभावनाबहुलीकम्मसातच्चकिरियाहि योजेतब्बानि।

**उप्पन्नपुब्बानन्ति** सदिसवोहारेन वुत्तं। भवति हि तंसदिसेसु तब्बोहारो यथा “सा एव तित्तिरि, तानि एव ओसधानी”ति। तेनाह “**इदानी तादिसे**”ति। **उप्पन्नानन्ति** “अनुप्पन्ना”ति अवत्तब्बतं आपन्नानं। **पहानायाति** पजहनत्थाय। **अनुप्पन्नानं कुसलानन्ति** एत्थ **कुसलाति** उत्तरिमनुस्सधम्मा अधिप्पेता, तेसञ्च **उप्पादो** नाम अधिगमो पटिलाभो, तप्पटिक्खेपेन **अनुप्पादो** अप्पटिलाभोति आह “**अप्पटिलब्धानं पठमज्झानादीनं**”ति। “ठितिया वीरियं आरभती”ति वुत्ते न खण्ठिति अधिप्पेता तदत्थं वीरियारब्भेन पयोजनाभावतो, अथ खो पबन्धठिति अधिप्पेताति आह “**पुनप्पुनं उप्पत्तिपबन्धवसेन ठितत्थं**”ति। **सम्मुस्सनं** पटिपक्खधम्मवसेन अदस्सनमुपगमनन्ति तप्पटिक्खेपेन असम्मुस्सनं **असम्मोसोति** आह “**असम्मोसायाति अविनासनत्थं**”ति। **भिय्योभावो** पुनप्पुनं भवनं, सो पन उपरूपरि उप्पत्तीति आह “**उपरिभावाया**”ति। **वेपुल्लं** अभिण्हप्पवत्तिया पगुणबलवभावापत्तीति वुत्तं “**वेपुल्लायाति विपुलभावाया**”ति, महन्तभावायाति अत्थो। **भावनाय परिपूरणत्थन्ति** ज्ञानादिभावनापरिब्रूहनत्थं।

**चतूसु ठानेसूति** अनुप्पन्नाकुसलानुप्पादनादीसु चतूसु ठानेसु। **किच्चसाधनवसेनाति** चतुब्बिधस्सपि किच्चस्स एकज्झं निष्फादनवसेन।

**ज्ञानानि पुब्बभागेपि मग्गक्खणेपि नानाति** यदिपि समाधिउपकारकेहि अभिनिरोपनानुमज्जनसम्पियायनब्रूहनसन्तसुखसभावेहि वितक्कादीहि सम्पयोगभेदतो भावनातिसयप्पवत्तानं चतुन्नं ज्ञानानं वसेन सम्मासमाधि विभत्तो, तथापि वायामो विय अनुप्पन्नाकुसलानुप्पादनादिचतुवायामकिच्चं, सति विय च असुभासुखानिच्चानत्तेसु कायादीसु सुभादिसज्जाप्पहानचतुसतिकिच्चं, एको समाधि चतुज्ञानसमाधिकिच्चं न साधेतीति पुब्बभागेपि पठमज्झानसमाधि एव मग्गक्खणेपि, तथा पुब्बभागेपि चतुत्थज्झानसमाधि एव मग्गक्खणे पीति अत्थो। **नानामग्गवसेनाति** पठममग्गादिनानामग्गवसेन ज्ञानानि नाना। **दुतियादयोपि** मग्गा **दुतियादीनं** ज्ञानानं। **अयं पनस्साति**

एत्थ मग्गभावेन चतुब्बिधम्मि एकत्तेन गहेत्वा “अस्सा”ति वुत्तं, अस्स मग्गस्साति अत्थो। अयन्ति पन अयं ज्ञानवसेन सब्बसदिससब्बासदिसेकच्चसदिसता विसेसो।

**पादकज्ज्ञाननियमेन** होतीति इध पादकज्ज्ञाननियमं धुरं कत्वा वुत्तं, यथा चेत्थ, एवं **सम्मोहविनोदनियमि** (विभ० अट्ठ० २०५)। **अट्ठसालिनियं** (ध० स० अट्ठ० ३५०) पन विपस्सनानियमो वुत्तो सब्बवादाविरोधतो, इध पन सम्मसितज्ज्ञानपुग्गलज्ज्ञासयवादनित्तनतो पादकज्ज्ञाननियमो वुत्तो। विपस्सनानियमो पन साधारणत्ता इधापि न पटिक्खित्तोति दट्ठब्बो। अज्जे च आचरियवादा परतो वक्खमाना विभजितब्बाति यथावुत्तमेव ताव पादकज्ज्ञाननियमं विभजन्तो आह “**पादकज्ज्ञाननियमेन तावा**”ति। **पठमज्ज्ञानिको** होति, यस्मा आसन्नपदेसे वुट्ठितसमापत्ति मग्गस्स अत्तनो सदिसभावं करोति भूमिवण्णो विय गोधावण्णस्स। **परिपुण्णानेव** होन्तीति अट्ठ सत्त च होन्तीति अत्थो। **सत्त होन्ति** सम्मासङ्कप्पस्स अभावतो। **छ होन्ति** पीतिसम्बोज्झङ्गस्स अभावतो। मग्गङ्गबोज्झङ्गानं सत्तछभावं अतिदिसति “**एस नयो**”ति। **अरूपे चतुक्कपञ्चकज्ज्ञानं...पे०... वुत्तं** अट्ठसालिनियन्ति अधिप्पायो। ननु तत्थ “अरूपे तिकचतुक्कज्ज्ञानं उप्पज्जती”ति (ध० स० अट्ठ० ३५०) वुत्तं, न “चतुक्कपञ्चकज्ज्ञानं”न्ति? सच्चमेतं, येसु पन संसयो अत्थि, तेसं उप्पत्तिदस्सनेन, तेन अत्थतो “चतुक्कपञ्चकज्ज्ञानं उप्पज्जती”ति वुत्तमेव होतीति एवमाहाति वेदितब्बं। समुदायज्ज अपेक्खित्वा “**तज्ज लोक्कत्तरं, न लोक्किय**”न्ति आह “अवयवेकत्तं लिङ्गसमुदायस्स विसेसकं होती”ति। चतुत्थज्ज्ञानमेव हि तत्थ लोक्कियं उप्पज्जति, न चतुक्कं, पञ्चकं वाति। **एत्थ कथन्ति** पादकज्ज्ञानस्स अभावा कथं दट्ठब्बन्ति अत्थो। **तंज्ञानिकावस्स तत्थ तयो मग्गा उप्पज्जन्ति**, तज्ज्ञानिकं पठमफलादिं पादकं कत्वा उपरिमग्गभावनायाति अधिप्पायो। तिकचतुक्कज्ज्ञानिकं पन मग्गं भावेत्वा तत्थ उप्पन्नस्स अरूपचतुत्थज्ज्ञानं, तज्ज्ञानिकं फलज्ज पादकं कत्वा उपरिमग्गभावनाय अज्जज्ञानिकापि उप्पज्जन्तीति, ज्ञानङ्गादिनियामिका पुब्बाभिसङ्खारसमापत्तिपादकं, न सम्मसितब्बाति फलस्सापि पादकता दट्ठब्बा।

**केचि पनाति** मोरवापीमहादत्तत्थेरं सन्धायाह। पुन **केचीति** तिपिटकचूळाभयत्थेरं। ततियवारे **केचीति** “पादकज्ज्ञानमेव नियमेती”ति एवं वादिनं तिपिटकचूळनागत्येव अनन्तरं वुत्ते द्वे च थेरे ठपेत्वा इतरे थेरे सन्धाया वदति।

**४०३.** ससन्ततिपरियापन्नानं दुक्खसमुदयानं अप्पवत्तिभावेन परिग्गहमानो निरोधोपि ससन्ततिपरियापन्नो विय होतीति कत्वा वुत्तं “**अत्तनो वा चत्तारि सच्चानी**”ति। **परस्स वाति** एत्थापि एसेव नयो। तेनाह भगवा “इमस्मियेव ब्याममत्ते कळेवरे ससज्जिम्हि समनके लोकज्ज पज्जापेमि, लोकसमुदयज्ज पज्जापेमि, लोकनिरोधज्ज पज्जापेमि, लोकनिरोधगामिनिपटिपदज्ज पज्जापेमी”ति (सं० नि० १.१०७; अ० नि० ४.४५) कथं पन आदिकम्मिको निरोधमग्गसच्चानि परिग्गणहातीति? अनुस्सवादिसिद्धमाकारं परिग्गणहाति। एवज्ज कत्वा लोक्कत्तरबोज्झङ्गे उट्ठिस्सापि परिग्गहो न विरुज्जति। **यथासम्भवतोति** सम्भवानुरूपं, ठपेत्वा निरोधसच्चं सेससच्चवसेन समुदयवयाति वेदितब्बाति अत्थो।

चतुसच्चपब्बवण्णना निट्ठिता।

धम्मनुपस्सनावण्णना निट्ठिता।

**४०४.** “अट्ठिकसङ्कलिकं समंसं”न्ति आदिका सत्त सिवथिका अट्ठिककम्मट्ठानताय इतरासं उट्ठुमातकादीनं

सभावेनेवाति नवन्नं सिवथिकानं अप्पनाकम्मट्टानता वुत्ता । द्वेयेवाति आनापानं, द्वत्तिसाकारोति इमानि द्वेयेव । अभिनिवेसोति विपस्सनाभिनिवेसो, सो पन सम्मसनियधम्मपरिग्गहो । इरियापथा, आलोकितादयो च रूपधम्मानं अवत्थाविसेसमत्तताय न सम्मसनुपगा विज्जत्तिआदयो विय । नीवरणबोज्झङ्गा आदितो न परिग्गहेतब्बाति वुत्तं “इरियापथ...पे०... न जायती”ति । केसादिअपदेसेन तदुपादानधम्मा विय इरियापथादिअपदेसेन तदवत्था रूपधम्मा परिग्गहन्ति, नीवरणादिमुखेन च तंसम्पयुत्ता, तंनिस्सयधम्माति अधिप्पायेन महासिवत्थेरो च इरियापथादीसुपि “अभिनिवेसो जायती”ति अवोच । “अत्थि नु खो मे”तिआदि पन सभावतो इरियापथादीनं आदिकम्मिकस्स अनिच्छितभावदस्सनं । अपरिज्जापुब्बिका हि परिज्जाति ।

कामं “इध भिक्खवे भिक्खू”तिआदिना उद्देसनिद्देसेसु तत्थ तत्थ भिक्खुग्गहणं कतं तंपटिपत्तिया भिक्खुभावदस्सनत्थं, देसना पन सब्बसाधारणाति दस्सेतुं “यो हि कोचि भिक्खवे” इच्चेव वुत्तं, न भिक्खु येवाति दस्सेन्तो “यो हि कोचि भिक्खु वा”तिआदिमाह । दस्सनमग्गेन जातमरियादं अनतिक्कमित्वा जानन्ती सिखाप्पत्ता अगमग्गपज्जा अज्जा नाम, तस्स फलभावतो अगगफलं पीति आह “अज्जाति अरहत्त”न्ति ।

अप्पतरेपि काले सासनस्स निय्यानिकभावं दस्सेन्तोति योजना । नित्यातेन्तोति निगमेन्तो ।

महासतिपट्टानसुत्तवण्णनाय लीनत्थप्पकासना ।

## १०. पायासिराजज्जसुत्तवण्णना

४०६. भगवता एवं गहितनामत्ताति योजना । यस्मा राजपुत्ता लोके “कुमारो”ति वोहरीयन्ति । अयज्च रज्जो किन्तिमपुत्तो, तस्मा आह “रज्जो...पे०... सज्जानिसू”ति ।

अस्साति थेरस्स । पुज्जानि करोन्तो कप्पसतसहस्सं देवेषु चेव मनुस्सेसु च उप्पज्जित्वा विसेसं निब्बत्तेतुं नासक्खि इन्द्रियानं अपरिपक्वत्ता । ततियदिवसेति पब्बतं आरुळ्हदिवसतो ततिये दिवसे ।

तेसं सावकबोधिया नियतताय, पुज्जसम्भारस्स च सातिसयत्ता विनिपातं अगन्त्वा एकं बुद्धन्तरं...पे०... अनुभवन्तानं । देवतायाति पुब्बे सहधम्मचारिनिया सुद्धावासदेवताय ।

“कुलदारिकाय कुच्छिम्हि उप्पन्नो”ति वत्ता तं एवस्स उप्पन्नभावं मूलतो पट्टाय दस्सेतुं “सा चा”तिआदि वुत्तं । तत्थ साति कुलदारिका । च-सद्दो ब्यतिरेकत्थो, तेन वुच्चमानं विसेसं जोतेति । कुलघरन्ति पतिकुलगेहं । गब्भनिमित्तन्ति गब्भस्स सण्ठितभावनिमित्तं । सतिपि विसाखाय च सावत्थिवासिकुलपरियापन्नत्ते तस्सा तत्थ पधानभावदस्सनत्थं “विसाखज्जा”ति वुत्तं यथा “ब्राह्मणा आगता वासिद्धोपि आगतो”ति । देवताति इधपि सा एव सुद्धावासदेवता । पज्हेति “भिक्खु भिक्खु अयं वम्मिको”तिआदिना (म० नि० १.२४९) आगते पन्नरसपज्हे ।

सेतव्याति इत्थिलिङ्गवसेन तस्स नगरस्स नामं । उत्तरेनाति एन-सद्दयोगेन “सेतव्य”न्ति उपयोगवचनं पाळियं वुत्तं । अत्थवचनेन पन उत्तरसद्दं अपेक्खित्वा सेतव्यतोति निस्सक्कप्पयोगो कतो । अनभिसित्तकराजाति खत्तियजातिको अभिसेकं अप्पत्तो ।

### पायासिराजञ्जवत्थुवण्णना

४०७. दिट्ठियेव दिट्ठिगतन्ति गत-सद्देन पदवट्ठनमाह, दिट्ठिया वा गतमत्तं दिट्ठिगतं, अयाथावगाहिताय गन्तब्बाभावतो दिट्ठिया गहणमत्तं, केवलो मिच्छाभिनिवेसोति अत्थो, तं पन दिट्ठिगतं तस्स अयोनिमोमनसिकारादिवसेन उप्पज्जित्वा पटिपक्खसम्ममुखीभावाभावतो, अनुरूपाहारलाभतो च समुदाचारप्पत्तं जातन्ति पाळियं “उप्पन्नं होती”ति वुत्तं। तं तं कारणं अपदिसित्वाति ततो इधागच्छनकस्स, इतो तत्थ गच्छनकस्स च अपदिसनतो “तत्थ तत्थेव सत्तानं उच्छिज्जनतो”ति एवमादि तं तं कारणं पटिरूपकं अपदिसित्वा।

४०८. आपन्नानधिप्पेतत्थविसये अयं पुरा-सद्वपयोगोति आह “पुरा...पे०... सज्जापेतीति याव न सज्जापेती”ति।

### चन्दिमसूरियउपमावण्णना

४११. यथा चन्दिमसूरिया उल्लारविपुलोभासताय अज्जेन ओभासेन अनभिभवनीया, एवमयम्पि पज्जाओभासेनाति दस्सेन्तो “चन्दिम...पे०... अज्जेना”तिआदिमाह। आदीहीति आदि-सद्देन “कित्तके ठाने एते पवत्तेन्ति, कित्तकञ्च ठानं नेसं आभा फरती”ति एवमादिम्पि चोदनं सङ्गण्हाति। पलिवेठेस्सतीति आबन्धिस्सति, अनुयुज्जिस्सतीति अत्थो। निब्बेठेतुं तं विस्सज्जेतुं। तस्माति यस्मा यथावुत्तं चोदनं निब्बेठेतुं न सक्कोति, तस्मा। अत्तनो अनिच्छितं सङ्घातनं पक्खं पटिजानन्तो “परस्मिं लोके, न इमस्मि”न्तिआदिमाह।

कथं पनायं नत्थिकदिट्ठि “देवो”ति पटिजानातीति तत्थ कारणं दस्सेतुं “भगवा पना”तिआदि वुत्तं। “देवापि देवत्तभावेनेव उच्छिज्जन्ति, मनुस्सापि मनुस्सत्तभावेनेव उच्छिज्जन्ती”ति एवं वा अस्स दिट्ठि, एवञ्च कत्वा “देवा ते, न मनुस्सा”ति वचनञ्च न विरुज्झति। एवं चन्देति चन्दविमाने, न च चन्दे वा कथियन्ते।

४१२. आबाधो एतेसं अत्थीति आबाधिका। दुक्खं सज्जातं एतेसन्ति दुक्खिता। सद्भाय अयितब्बा सद्भावयिका, सद्भाय पवत्तिट्ठानभूता। तेनाह “अहं तुम्हे”तिआदि। पच्चयो पत्तियायनं एतेसु अत्थीति पच्चयिका।

### चोरउपमावण्णना

४१३. उद्दिसित्वाति उपेच्च दस्सेत्वा। कम्मकारणिकसत्तेसूति नेरयिकानं सङ्घातनकसत्तेसु। कम्ममेवाति तेहि तेहि नेरयिकेहि कतकम्ममेव। कम्मकारणं करोतीति आयूहनानुरूपं तं तं कारणं करोति, तथा दुक्खं उप्पादेतीति अत्थो। निरयपालाति एत्थ इति-सद्दो आदिअत्थो, तेन तत्थ सब्बं निरयकण्डपाळिं (म० नि० ३.२५९) सङ्गण्हाति। एवं सुत्ततो (म० नि० ३.२५९) निरयपालानं अत्थिभावं दस्सेत्वा इदानी युत्तितोपि दस्सेतुं “मनुस्सलोके”तिआदि वुत्तं। तत्थ नेरयिके निरये पालेन्ति ततो निग्गन्तुं अप्पदानवसेन रक्खन्तीति निरयपाला। यं पनेत्थ वत्तब्बं, तं पपञ्चसूदनीटीकायं गहेतब्बं।

### गूथकूपपुरिसउपमावण्णना

४१५. निम्मज्जथाति निरवसेसतो मज्जथ सोधेथ। तं पन तस्स तस्स गूथस्स तथा सोधनं अपनयनं होतीति आह “अपनेथा”ति।

असुचीति असुद्धो, सो पन यस्मा मनवड्डनको मनोहरो न होति, तस्मा आह “अमनापो”ति । असुचिसङ्घातं असुचिभागतं अत्तनो सभावतं गतो पत्तोति असुचिसङ्घातोति आह “असुचिकोद्वासभूतो”ति । दुग्गन्धोति दुद्दुग्गन्धो अनिद्दुग्गन्धो, सो पन न यो कोचि, अथ खो पूतिगन्धोति आह “कुणपगन्धो”ति । जिगुच्छितब्बयुत्तोति हीळितब्बयुत्तो । पटिकूलो घानिन्द्रियस्स पटिकूलरूपो । उब्बाधतीति उपरूपरि बाधति । मनुस्सानं गन्धो... पे०... बाधति अतिविय असुचिसभावत्ता, असुचिम्हियेव जातसंवद्धनभावतो, देवानञ्च घानपसादस्स तिक्खविसदभावतो ।

४१६. दूरे निब्बत्ता परनिम्मितवसवत्तिआदयो ।

४१९. सुन्दरधम्मेति सोभनगुणे । सुगतिसुखन्ति सुगति चेव तप्परियापन्नं सुखञ्च ।

### गब्धिनीउपमावण्णना

४२०. पुञ्जकम्मतो एति उप्पज्जतीति अयो, सुखं । तप्पटिपक्खतो अनयो, दुक्खं । अपक्कन्ति न सिद्धं न निद्वानप्पत्तं । न परिपाचेन्ति न निद्वानं पापेन्ति । न उपच्छिन्दन्ति अत्तविनिपातस्स सावज्जभावतो । आगमेन्तीति उदिक्खन्ति । निब्बिसन्ति यस्स पन तं कम्मफलं निब्बिसन्तो नियुज्जन्तो, निब्बिसन्ति वा निब्बेसं वेतनं पटिकङ्खन्तो भतपुरिसो यथा ।

४२१. उब्धिन्दित्वाति उपसगगेन पदवड्डनमत्तन्ति आह “भिन्दित्वा”ति ।

### सुपिनकउपमावण्णना

४२२. “निक्खमन्तं वा पविसन्तं वा जीव”न्ति इदं तस्स अज्झासयवसेन वुत्तं । सो हि “सत्तानं सुपिनदस्सनकाले अत्तभावतो जीवो बहि निक्खमित्वा तंतंआरामरामण्येयकदस्सनादिवसेन इतो चितो च परिब्भमित्वा पुनदेव अत्तभावं अनुपविसती”ति एवं पवत्तमिच्छागाहविपल्लत्तचित्तो । अथस्स थेरो खुद्दकाय आणिया विपुलं आणिं नीहरन्तो विय जीवसमज्जामुखेन उच्छेददिट्ठिं नीहरितुकामो “अपि नु ता तुहं जीवं पस्सन्ति पविसन्तं वा निक्खमन्तं वा”ति आह । यत्थ पन तथारूपा जीवसमज्जा, तं दस्सेन्तो “चित्ताचारं जीवन्ति गहेत्वा आहा”ति वुत्तं ।

४२३. वेठेत्वाति वेखदानसङ्खेपेन वेठेत्वा । चवनकालेति चवनस्स चुतिया पत्तकाले, न चवमानकाले । रूपक्खन्धमत्तमेवाति कतिपयरूपधम्मसङ्घातमत्तमेव । उतुसमुद्धानरूपधम्मसमूहमत्तमेव हि तदा लब्धति, मत्त-सद्दो वा विसेसनिवत्तिअत्थो, तेन कम्मजादितिसन्ततिरूपविसेसं निवत्तेति । अप्पवत्ता होन्तीति अप्पवत्तिका होन्ति, न उपलब्धतीति अत्थो । विज्जाणे पन जीवसज्जी, तस्मा “विज्जाणक्खन्धो गच्छती”ति आह, तत्थ अनुपलब्धनतोति अधिप्पायो ।

### सन्तत्तअयोगुळउपमावण्णना

४२४. वूपसन्ततेजन्ति विगतुस्मं ।

४२५. आमतोति एत्थ आ-सद्दो आमिस-सद्दो विय उपड्डपरियायोति आह “अद्धमतो”ति, आमतोति वा ईसं दरथेन

उस्मना युत्तमरणो मरन्तोति अत्थो । मीयमानो हि अविगतुस्मो होति, न मतो विय विगतुस्मो । तेनाह “**मरितुं आरद्धो होती**”ति । तथा रूपस्स ओधुननं नामस्स ओरतो परिवत्तनमेवाति आह “**ओरतो करोथा**”ति । ओरतो कातुकामस्स पन संपरिवत्तनं सन्धुननं, तं पन परतो करणन्ति आह “**परतो करोथा**”ति । परमुखं कतस्स इतो चितो परिवत्तनं निब्धुननन्ति आह “**अपरापरं करोथा**”ति । इन्द्रियाणि अपरिभिन्नानीति अधिष्ठायेन “**तज्जायतनं न पटिसंवेदेती**”ति वुत्तं ।

### सङ्खधमउपमावण्णना

४२६. सङ्खं धमति, धमापेतीति वा सङ्खधमो । उपलापेत्वाति उपरूपरि सद्वयोगवसेन सल्लापेत्वा, सद्वयुत्तं कत्वाति अत्थो । तं पन अत्थतो धमनमेवाति आह “**धमित्वा**”ति ।

### अगिकजटिलउपमावण्णना

४२८. आहितो अग्गि एतस्स अत्थीति अगिको, स्वास्स अगिकभावो यस्मा अग्गिहुतमालावेदिसम्पादनेहि चेव इन्धनधूमबरिहिससप्पितेलूपहरणेहि बलिपुष्फधूमगन्धादिउपहारेहि च तस्स पयिरुपासनाय इच्छितो, तस्मा वुत्तं “**अग्गिपरिचारको**”ति । आयुं पापुणापेय्यन्ति यथा चिरजीवी होति, एवं आयुं पच्छिमवयं पापेय्यं । वड्ढिं गमेय्यन्ति सरीरावयवे, गुणावयवे च फातिं पापेय्यं । अरणी युगळन्ति उत्तरारणी, अधरारणीति अरणीद्वयं ।

४२९. एवन्ति “बालो पायासिराजज्जो”तिआदिप्पकारेण । तयाति थेरं सन्धाय वदति । वुत्तयुत्तकारणमक्खलक्खणेनाति वुत्तयुत्तकारणस्स मक्खनसभावेन । युगगाहलक्खणेनाति समधुरग्गहणलक्खणेन । पलासेनाति पलासेतीति पलासो, परस्स गुणे उत्तरितरे डंसित्वा विय छुड्ढेन्तो अत्तनो गुणेहि समे करोतीति अत्थो । समकरणरसो हि पलासो, तेन पलासेन ।

### द्वेसत्थवाहउपमावण्णना

४३०. हरितकपत्तन्ति हरितब्बपत्तं, अप्पपत्तन्ति अत्थो । तेनाह “**अन्तमसो**”तिआदि । सन्नद्धधनुकलापन्ति एत्थ कलापन्ति तूणीरमाह, तज्ज सन्नद्धतो धनुना विना न सन्नद्धतीति आह “**सन्नद्धधनुकलाप**”न्ति । आसित्तोदकानि वटुमानीति गमनमग्गा चेव तंतंउदकमग्गा च सम्मदेव देवेन फुट्टत्ता तहं तहं पग्घरितउदक सन्दमानउदका । तेनाह “**परिपुण्णसलिला मग्गा च कन्दरा चा**”ति ।

यथाभतेनाति सकटेसु यथाठपितेन, यथा “अम्म इतो करोही”ति वुत्ते ठपेसीति अत्थो करणकिरियाय किरियासामज्जवाचीभावतो । तस्मा यथारोपितेन, यथागहितेनाति अत्थो वुत्तो ।

### अक्खधुत्तकउपमावण्णना

४३४. पराजयगुळन्ति येन गुळेन, याय सलाकाय ठिताय च पराजयो होति, तं अदस्सनं गमेन्तो गिलति । पज्जोहनन्ति पकारेहि जुहनकम्मं । तं पन बलिदानवसेन करीयतीति आह “**बलिकम्म**”न्ति ।

### साणभारिकउपमावण्णना

४३६. गामपत्तन्ति गामो एव हुत्वा आपज्जितब्बं, सुज्जभावेन अनावसितब्बं । तेनाह “वुट्ठितगामपदेसो”ति । गामपदन्ति यथा पुरिसस्स पादनिक्खित्तद्धानं अधिगतपरिच्छेदं “पद”न्ति वुच्चति, एवं गामवासीहि आवसितद्धानं अधिगतनिवुत्थागारं “गामपद”न्ति वुत्तं । तेनाह “अयमेवत्थो”ति । सुसन्नद्धोति सुखेन गहेत्वा गमनयोग्यतावसेन सुदु सज्जितो । तं पन सुसज्जनं सुदु बन्धनवसेनेवाति आह “सुबद्धो”ति ।

अयादीनम्पि लोहभावे सतिपि लोह-सद्धो सासने तम्बलोहे निरुळ्होति आह “लोहन्ति तम्बलोह”न्ति ।

### सरणगमनवण्णना

४३७. अभिरद्धोति आराधितचित्तो, सासनस्स आराधितचित्तता पसीदनवसेनाति आह “अभिप्पसन्नो”ति । पङ्हुपट्टानानीति पङ्हेसु उपट्टानानि मया पुच्छितत्थेसु तुम्हाकं विस्सज्जनवसेन जाणुपट्टानानि ।

### यज्जकथावण्णना

४३८. सङ्घातन्ति सं-सद्धो पदवट्ठनमत्तन्ति आह “घात”न्ति । विपाकफलेनाति सदिसफलेन । महप्फलो न होति गवादिपाणघातेन उपक्विकलिट्टभावतो । गुणानिसंसेनाति उदयफलेन । आनुभावजुतियाति पटिपक्खविगमनजनितेन सभावसङ्घातेन तेजेन । न महाजुतिको होति अपरिसुद्धभावतो । विपाकविप्फारतायाति विपाकफलस्स विपुलताय, पारिपूरियाति अत्थो । दुदुखेत्तेति उसभादिदोसेहि दूसितखेत्ते, तं पन वप्पाभावतो असारं होतीति आह “निस्सारखेत्ते”ति । दुब्भूमेति कुच्छितभूमिभागे, स्वास्स कुच्छितभावो असारताय वा सिया निन्नतादिदोसवसेन वा । तत्थ पठमो पक्खो पठमपदेन दस्सितोति इतरं दस्सेन्तो “विसमभूमिभागे”ति आह । दण्डाभिघातादिना छिन्नभिन्नानि । पूतीनीति गोमयलेपदानादिसुखेन असुक्खापितत्ता पूतिभावं गतानि । तानि पन यस्मा सारवन्तानि न होन्ति, तस्मा वुत्तं “निस्सारानी”ति । वातातपहतानीति वातेन च आतपेन च विनट्टबीजसामत्थियानि । तेनाह “परियादिन्नतेजानी”ति । यं यथाजातवीहिआदिगतेन तण्डुलेन अङ्कुरुप्पादनयोग्यबीजसामत्थियं, तं तण्डुलसारो, तस्स आदानं गहणं तथाउप्पज्जनमेव । एतानि पन बीजानि न तादिसानि खण्डादिदोसवन्तताय । धाराय खेत्ते अनुप्पवेसनं नाम वस्सनमेव, तं पटिक्खेपवसेन दस्सेन्तो आह “न सम्मा वस्सेय्या”ति । अङ्कुरमूलपत्तादीहीति चेत्थ अङ्कुरकन्दादीहि उद्धं वुद्धिं, मूलजटादीहि हेट्टा विरुळ्हि, पत्तपुप्फादीहि समन्ततो च वेपुल्लन्ति योजना ।

अपरूपघातेनाति परेसं विबाधनेन । उप्पन्नपच्चयतोति निब्बत्तितघासच्छादनादिदेय्यधम्मतो । गवादिघातेनपि हि तत्थ पटिग्गाहकानं घासो सङ्कीयति । “अपरूपघातिताया”ति इदं सीलवन्तताय कारणवचनं । गुणातिरेकन्ति गुणातिरित्तं, सीलादिलोकुत्तरगुणेहि विसिद्धन्ति अत्थो । विपुलाति सद्भासम्पदादिवसेन उळारा ।

### उत्तरमाणववत्थुवण्णना

४३९. अथ खो तेहि सकुण्डकेहि तण्डुलेहि सिद्धंभत्तं उत्तण्डुलमेव होतीति आह “उत्तण्डुलभत्त”न्ति । बिलङ्गं वुच्चति आरनालं बिलङ्गतो निब्बत्तनतो, तदेव कज्जियतो जातन्ति कज्जियं, तं दुतियं एतस्साति बिलङ्गदुतियं, तं “कज्जिकदुतिय”न्ति च वुत्तं । धोरकानीति धोवियानि । यस्मा थूलतरानिपि “थूलानी”ति वत्तब्बतं अरहन्ति, तस्मा “थूलानि चा”ति वुत्तं । गुळदसानीति सुत्तानं थूलताय, कज्जिकस्स बहलताय च पिण्डितदसानि । तेनाह “पुज्जपुज्ज... पे०... दसानी”ति । अनुदिसतीति अनु अनु कथेति ।



४४०. असक्कच्चन्ति न सक्कच्चं अनादरकारं, तं पन कम्मफलसद्भाय अभावेन होतीति आह “सद्भाविरहितं”न्ति। अचिक्कीकतन्ति चिक्कीकारपच्चुपट्ठापनवसेन न चिक्कीकतं। तेनाह “चिक्कीकारविरहितं”न्ति आदि। चिक्कीकाररहितं वा अचिक्कीकतं, यथा कतं परेसं विमहयावहं होति, तथा अकतं। चित्तस्स उट्ठारपणीतभावो पन असक्कच्चदानेनेव बाधितो। अपविद्धन्ति छड्ढनीयधम्मं विय अपविद्धं कत्वा, एतेन तस्मिं दाने गारवाकरणं वदति। सेरीसकं नामाति “सेरीसक”न्ति एवं नामकं। तुच्छन्ति परिजनपरिच्छेदविरहतो रित्तं।

### पायासिदेवपुत्तवण्णना

४४१. तस्सानुभावेनाति तस्स दानस्स आनुभावेन। सिरीसरुक्खोति पभस्सरखन्धविटपसाखापलाससम्पन्नो मनुज्जदस्सनो दिब्बो सिरीसरुक्खो। अट्ठासीति फलस्स कम्मसरिक्खतं दस्सेन्तो विमानद्वारे निब्बत्तित्वा अट्ठासि। पुब्बाचिण्णवसेनाति पुरिमजातियं तत्थ निवासपरिचयनवसेन। न केवलं पुब्बाचिण्णवसेनेव, अथ खो उतुसुखुमवसेन पीति दस्सेन्तो “तत्थ किरस्स उतुसुखं होती”ति आह।

सोति उत्तरो माणवो। यदि असक्कच्चं दानं दत्त्वा पायासि तत्थ निब्बत्तो, पायासिस्स परिचारिका सक्कच्चं दानं दत्त्वा कथं तत्थ निब्बत्ताति आह “पायासिस्स पना”ति। निकन्तिवसेनाति पायासिम्हि सापेक्खावसेन, पुब्बेपि वा तत्थ निवुत्थपुब्बताय। दिसाचारिकविमानन्ति आकासद्वं हुत्वा दिसासु विचरणकविमानं, न रुक्खपब्बतसिखरादिसम्बन्धं। वट्टनिअटवियन्ति विमानवीथियन्ति।

पायासिराजज्जसुत्तवण्णनाय लीनत्थप्पकासना।

निट्ठिता च महावग्गट्ठकथाय लीनत्थप्पकासना।

महावग्गटीका निट्ठिता।